

258 8. 42. H. 34

II



L3.21.



8.42. A. 34



DOCTRINÆ  
D. THOMÆ

*et* SECVNDVM *libris*

PRINCIPIVM.

*R. P.* *Ante* *Alar*  
Authore R. P. ANTONINO REGINALDO  
Ord. Prædicatorum in Academia To-  
losana olim Professore, ac Doctore.

*Collegij*

*Romani*

*in*



*Montiællis*

TOLOSÆ,  
Apud RAYMVNDVM BOSC,  
Typographum Regium.

---

M.DC. LXX.




## *Errata primi Tomi Secundi Principij*

**P**agina 18. *lin.* 29. ab, lege ob, P. 44. *lin.* 22. certa, lege certò. P. 53. *lin.* 16. virtus in, lege, virtus activa proxima in. P. 65. *lin.* 21. significato, leg. significata. *ibid.* *lin.* 30. De Deo quàm de creaturis, leg. de creaturis quàm de Deo. Pag. 82. ante sequelam 136. constituendæ sunt sequelæ omnes à seq. 233. vsque ad sequelam 264. inclusivè, quæ habentur à Pag. 127. post *lin.* 17. vsque ad Pag. 170. inclusivè. Pag. 138. *lin.* 9. illas, lege illos. Pag. 173. *lin.* 7. qui, leg. quod. & *lin.* 24. vt determinata leg. determinata vt. Pag. 227. *lin.* 2. tempora, leg. tempore. Pag. 240. *lin.* 16. factâ, leg. factâ, Pag. 250. *lin.* 4. ipse leg. ipsa. Pag. 265. *lin.* 1. natura, leg. naturæ, sed ad amorem, qui non est natura. P. 268. *lin.* 23. dicere est esse, leg. dicere esse. P. 271. *lin.* 19. is, leg. id. P. 274. *lin.* 14. præscindit, leg. præscindi. P. 282. *lin.* 24. rationes, leg. relationes. P. 287. *lin.* 17. num, leg. nam. P. 311. *lin.* 24. illam, leg. illam per. P. 342. *lin.* 30. ipsa, leg. ipso P. 372. *lin.* 10. vne, leg. vnde. P. 383. *lin.* 17. puræ, leg. purè. P. 388. *lin.* 6. Senesi, leg. Genesi. P. 390. *lin.* 1. productionem Angeli mundi leg. productionem mundi & *lin.* 28. creaturam leg. creaturarum. P. 392. *lin.* quas leg. quæ. P. 401. *lin.* 26. voluntatis dat, leg. voluntatis & dat. P. 408. *lin.* 11. minoris quia, leg. minoris, probatur quia. P. 417. *lin.* 12 à eo, leg. à Deo. P. 438. *lin.* 21. eminentissimam, leg. eminentissimam. P. 447. *lin.* 20. nocivum, leg. nocivum. P. 461. *lin.* 10. solis & , leg. Solis ex.







SECUNDVM DOCTRINÆ

# D. THOMÆ PRINCIPIVM.

*Deus solus est actus purus.*

**D** O C E N T Dialectici propositionem exclusiuam esse sub-obscuram & exponendam duabus alijs propositionibus, in quarum prima prædicatum exclusiue enuncietur de subiecto eiusdem absque particula exclusiua; in secunda verò idem prædicatum negetur de omnibus alijs subiectis: Vocant particulam exclusiuam, quæ excludit: cuiusmodi particulae sunt *tantum, solum* & aliae huiusmodi significationis: Atqui hoc secundum D. Thomæ principium constat hanc particulam, *Solus*: Est ergo propositio exclusiua: atque adeò exponenda per duas alias, videlicet, *Deus*

Tom. II.

A

*est actus purus: & Nullum ens creatum, est actus purus:* Nomine enim illo, *Deus*, intelligimus ens increatum & impro ductum: Nomine verò *Actus puri*, intelligimus id, quod tantam habet actualitatem, ut nihil omnino habeat potentialitatis admixtum. Quid autem sit potentialitas, patet ex primo principio; nihil siquidem aliud denotat, quàm potentiam aliquam passivam & capacitatem recipiendi: Vnde cum prima potentia passiva sit materia prima, ut diximus in primo principio, idem prorsus est, non habere potentiam passivam, ac esse omninò immateriale.

Addunt iidem Dialectici, ad veritatem exclusivæ necessarium esse, ut utraque propositio, per quam exponitur, sit vera: si enim altera esset falsa, tota quoque propositio exclusiva falsa foret: Ut ergo ista, *Deus solus est actus purus*, sit vera, oportet, ut veræ sint istæ duæ: *Deus est actus purus: & Nullum ens creatum est actus purus:* Cum enim hoc nomine, *Deus*, intelligatur ab omnibus ens increatum & impro ductum, omne illud ens, quod est creatum siue productum, est aliud à Deo; atque adeo, sicut idem significant hæ duæ propositiones: *Deus est actus purus; & Ens increatum est actus purus:* ita idem significant istæ duæ, *Nullum ens*

*D. Thomæ Principium. 3*

*aliud à Deo est actus purus, & , Nullum ens creatum est actus purus. Verum quia, ut demonstrabimus, hæc secunda propositio, Nullum ens creatum est actus purus, manifestè sequitur ex priori, scilicet, Deus, siue ens increatum est actus purus, idcirco in præsentia hæc dumtaxat, Deus est actus purus, explicanda est & probanda saltem à posteriori.*

Sed antequam id fiat, probandum est, dari ens aliquod increatum siue impro-  
uctum: Probatur ergo: Vel omnia en-  
ia sunt improducta, vel omnia sunt  
roducta, vel dantur aliqua improducta,  
aliqua producta: Sed dici non potest,  
quòd omnia sint improducta, nec etiam  
quòd omnia sint producta: Ergo dicen-  
um est, dari saltem vnum aliquod ens  
productum, & alia producta. Maior  
evidens: cum enim improductum  
sit ac non productum, diuisio hæc  
is in productum & improductum, est  
membra contradictoria: atque adeo  
et alterum ex illis cuilibet enti com-  
ere, iuxta illud principium lumine  
rali notum, *Quodlibet est vel non*  
igitur omne ens vel est productum,  
improductum, vel datur aliquod  
ntibus productum, & aliquod im-  
uctum. Minor verò habet duas par-  
prima est, dici non posse, quòd om-  
ntia sint improducta; secunda est,

*D. Thom.*

*1. p. qm. 2.*

*ar. 3.*

#### 4 *Secundum Doctrinam*

dici non posse, quòd omnia entia sint producta: Et quidem prima pars euidens est ipsâ experientiâ: videmus enim & experimur aliqua entia interire, & alia produci: Ergo non omnia sunt improducta: Secunda verò pars minoris probatur. Omnis causa efficiens & producens, quando efficit, influit & producit, supponitur habere existentiam: quia actus secundus, videlicet, efficere, supponit primum, id est, esse: Sed omne productum, quando producitur, ab aliqua causa efficiente producitur: Ergo omne productum supponit aliquam causam, quæ habeat existentiam. Illa ergo causa vel non habet existentiam ab alia, & sic est ens improductum: atque adeò non omnia sunt producta, sed datur aliquod ens improductum; vel habet suam existentiam ab alia causa priori: & de illa iterum quæro, vtrum sit producta ab alia vel non? Si non: Ergo datur ens improductum; si sit producta, habet causam priorem, de qua iterum quæro, An sit vel non sit producta? Ergo deueniendum erit ad aliquod ens improductum, quod nullam habeat suæ existentiae causam.

Neque dici potest, dari circulum, ita ut omnia entia sint producta se se producentia: nam in illo circulo se se producentium & productorum potest designa-

*D. Thoma Principium.* 5

si vnū ens determinatū atque adeo productū & produciens: quod qui negaret, negaret se esse aliquid certum & determinatum: vnde vrgendus esset sensu & experienciā potius quā ratione: Hoc igitur ens determinatum in circulo illo producentium productorum, esset ens produciens mediātē vel immediātē omnia, quæ in illo circulo consequuntur; & esset ens productum ab omnibus, quæ in huiusmodi circulo ipsum antecedunt: Sed omnia illa quæ sequuntur sunt eadem ac illa, quæ præcedunt: Ergo illud ens determinatum esset causa efficiens, & effectus eorundem. Hoc verò implicare patet ex dictis: quia causa efficiens, quando efficit, habet existentiam, imò priusquam efficiat supponitur esse; res verò, quæ est effectus & producta, supponitur non habere existentiam antequam producta sit: frustrā enim produceretur, imò non produceretur, si iam supponeretur esse: Atqui illud ens determinatum in circulo est causa omnium subsequentiū, & effectus omnium præcedentiū: quæ sunt eadem: Ergo supponitur esse ante omnia subsequentiā, & supponitur non esse ante omnia præcedentiā: cum ergo subsequentiā & præcedentiā sint omnino eadem, supponitur esse & non esse respectu eorundem, quod manifestè implicat: nam quate-

## 6 *Secundum Doctrinæ*

nus est causa efficiens subsequentiū supponitur esse, & quatenus est effectus eorundem, ut præcedunt, supponitur non esse. Hæc demonstratio ad sensum est euidens.

Nec secundo dici potest dari processum in infinitum in, producentibus & productis. Ratio est eadem ex dictis: nam vel tota collectio infinitorum producentium est omnino eadem cum tota collectione infinita productorum; ita ut nullum sit ens in collectione producentium, quod non sit etiam in collectione productorum; vel non est eadem, sed in collectione producentium datur aliquod ens, quod non est in collectione productorum; primum dici non potest, aliis daretur circulus, quod implicare iam probatum est: Ergo dicendum est secundum, quod videlicet datur aliquod ens in collectione producentium, quod non sit in collectione productorum: Est igitur illud ens producens & non productum: Datur ergo ens non productum, quod tamen producit alia vel mediata vel immediata.

Istud igitur ens non productum siue improductum dicimus Deum: & illud esse actum purum, sic ostenditur: Quod non est in potentia ad esse, est actus purus essentialiter: Sed ens improductum, siue Deus, non est in potentia ad



*D. Thoma Principium.* 7

esse : Ergo Deus est actus purus. Maior est euidens ex ipsa explicatione terminorum : vocamus enim actum purum illud , quod non est in potentia ad esse : hoc enim ipso , quod non est in potentia ad esse , caret omni potentiâ passivâ & receptivâ : cum omnis potentia passiva & receptiva sit ad aliquod esse. Minor verò probatur. Quod est in potentia ad esse , si re ipsa sit , est reductum de potentia ad actum , ut patet ex terminis : Sed ens improductum non est reductum de potentia ad actum saltem substantialem : Ergo ens improductum non est in potentia ad esse : iam enim ostendimus ens improductum esse. Minor probatur : Esse reductum de potentia ad actum substantialem est , esse productum : Sed ens improductum non est productum , ut constat : Ergo ens improductum non est reductum de potentia ad actum substantialem. Maior constat : quia produci nihil aliud est , quàm reduci de potentia ad actum : atque adeo esse productum est esse reductum de potentia ad actum saltem substantialem.

Quod si semel concessum fuerit , dari aliquod ens , quod non sit productum , nec reductum de potentia ad actum substantialem , manifestè demonstrabitur illud idem ens nullam omninò habere potentiam passivam & receptivam ad

## 8 *Secundum Doctrinam*

aliquod aliud esse veluti accidentale :  
atque adeò illud carere omni huiusmodi  
potentialitate , & consequenter esse ac-  
tum purum omninò & expertem omnis  
potentialitatis : & hoc fiet in consequen-  
tibus. Ex his ergo.

1. p. q. 3.  
ar. 4.

Sequitur 1. Dei essentiam esse suam  
esse siue existentiam, & è contra existen-  
tiam Dei esse ipsius essentiam.

Probatur sequela : Essentia actus puri  
est eius existentia , & è contra : Sed  
*Deus est actus purus* , ex dictis : Ergo es-  
sentia Dei est eius existentia , & è con-  
tra. Maior probatur : Quia aliàs actus  
purus non esset actus purus : sed esset  
potentia receptiua existentiae tamquam  
actus sui.

*Ibidem.*

Sequitur 2. Existentiam esse essen-  
tialem actui puro.

Probat. sequela. Vltima actualitas est  
essentialis actui puro : Sed existentia est  
vltima rei actualitas : Ergo existentia  
est essentialis actui puro. Maior est eui-  
dens : Quia actus purus essentialiter  
excludit omnem potentialitatem, atque  
adeò est essentialiter vltima actualitas.  
Minor est deffinitio existentiae.

1. p. q. 2.  
ar. 1.

Sequitur 3. Istam propositionem ,  
*Deus est*, esse per se notam & immedia-  
tam secundum se.

Prob. sequ. Propositio, cuius prædi-  
catum est de essentia subiecti , est per se

*D. Thoma Principium.* 9

nota & immediata secundum se: Atqui prædicatum huius propositionis, *Deus est*, est existentia, quæ, ut diximus, est essentialis Deo ut actui puro: Ergo hæc propositio, *Deus est*, est per se nota & immediata.

Sequitur 4. Eandem propositionem, *Deus est*, non esse per se notam & immediatam quoad nos. *Ibidem, a. 2. 6 33*

Probat. sequ. Propositio, quæ potest probari per aliquod medium, non est immediata, nec per se nota quoad nos: Sed illa propositio, *Deus est*, potest probari per aliquod medium quoad nos, qui non cognoscimus immediatè, prædicatum eius esse de essentia subiecti: vnde & nos illam probauimus, ut patet ex dictis: Ergo illa propositio non est immediata & per se nota quoad nos.

Sequitur 5. Deum non esse compositum ex materia & forma. *Ibidem, qu. 3. a. 23*

Probat. sequ. Actus purus non est compositus ex materia & forma: Sed Deus est actus purus, ex dictis: Ergo, &c. Maior patet: Quia in actu puro nulla est potentia, sed in composito ex materia & forma est potentia: nam materia est potentia, ut ostendimus in primo principio: Ergo, &c.

Sequitur 6. Deum non esse corpus. *Ibidem*

Prob. sequ. Corpus est compositum ex materia & forma: Sed Deus non est

10 *Secundum Doctrinæ*

compositum ex materia & forma : Ergo, &c.

*Ibidem.*  
a. 3.

Sequitur 7. In Deo non esse compositionem ex natura & subsistentia.

Probat. sequ. In omni composito ex natura & subsistentia, natura est potentia respectu subsistentiæ, quæ est actus : Sed in Deo utpote actu puro nulla est potentia : Ergo in Deo non est compositio ex natura & subsistentia.

*Ibidem.*

Sequitur 8. Deum esse omnino idem quod Deitas siue natura & essentia Divina, quantum ad rem.

Probat. sequ. In eo, in quo est idem subsistentia & natura, idem est concretum & abstractum : Sed, ex dictis, in Deo idem est subsistentia & natura : Ergo in Deo idem est concretum, id est, Deus, & abstractum, id est, Deitas siue natura & essentia. Dixi autem quantum ad rem ; nam quantum ad modum significandi aliquo modo differunt, ut postea dicemus ex D. Tho. 1. 2. q. 39. a. 5.

*Ibidem.*  
a. 4.

Sequitur 9. In Deo non esse compositionem ex esse & essentia.

Prob. sequ. Vbi esse est idem, quod essentia, non reperitur compositio ex esse & essentia ; quia compositio exigit distinctionem : Sed, ex dictis, esse in Deo est idem, quod essentia : Ergo in Deo non est compositio ex esse & essentia.

*D. Thoma Principium.* II

Sequitur 10. Deum non esse compositum, sed simplicem. *Ibidem; 4. 7.*

Probat. sequ. Illud, in quo nulla est compositio, est omninò simplex : Sed in Deo nulla est compositio, ex dictis, nec etiam compositio rationis, vt mox ostendemus : Ergo Deus non est compositus, sed omninò simplex.

Sequitur 11. Deum esse infinitum. *1. p. qu. 7. 4. 1.*

Probat. sequ. Quod nullo modo est limitatum & finitum, est infinitum, vt ex terminis patet : Sed Deus nullo modo est limitatus & finitus : Ergo est infinitus. Minor probatur ex dictis : Quod nullum habet limitatiuum siue finem, non est limitatum & finitum : Sed Deus nullum habet limitatiuum : Ergo, &c. Minor probatur : Diximus in primo principio, omne limitatiuum, vel esse limitatiuum formale vel materiale; formale est, quod vt forma limitat & determinat ad certam speciem; materiale est, quod vt materia limitat & determinat ad indiuiduum : Atqui in Deo non est limitatiuum materiale siue per modum materiæ; quia, cum sit actus purus, nulla est in eo potentia; nullum etiam est limitatiuum formale : Ergo, &c. Secunda pars minoris probatur : In esse per se subsistente nullum est limitatiuum formale : Sed, ex dictis, Deus est ens per se subsistens : Ergo in Deo nullum est li-

## 12 *Secundum Doctrinam*

limitatiuum formale. Maior probatur : Omne limitatiuum formale se habet vt forma & differentia superueniens illi , quod determinat : Atqui in esse per se subsistente non potest esse forma vel differentia : Ergo nec limitatiuum formale. Minor probatur : Omnis forma & differentia est actualitas eius, cui superuenit : Sed in esse per se subsistente non potest esse aliqua actualitas, quæ illi superueniat ; cum ipsum esse sit vltima actualitas , post quam non potest esse vltior : Ergo in esse per se subsistente non potest esse forma vel differentia , quæ superueniens limitet , actuet & determinet.

Explicatur : Esse per se subsistens duo habet , videlicet , quòd sit existentia & vltima actualitas, & quòd sit subsistens , hoc est , quòd sit irreceptum in essentia vel natura : Ex eo , quòd sit ipsa vltima actualitas non potest habere vltiorem actualitatem , per quam determinetur veluti ad certam speciem, sed debet habere omnem rationem, quæ pertinet ad ipsum esse secundum totam latitudinem essendi seclusis imperfectionibus , quæ non sunt de ratione ipsius esse , sed potius pertinent ad non esse : Ex eo verò, quòd esse est per se subsistens , non potest recipi in aliquo tamquam subiecto ; id enim, quòd per se subsistit, non potest



*D. Thoma Principium.* 13

recipi in alio ; atque adeò non potest limitari ex hoc , quòd recipiatur in alio : vndè fit , quòd careat omni limitatiuo tam formali siue differentiali , quàm materiali & veluti indiuiduante.

Sequitur 12. In omni alio ente creato essentiam differre realiter ab existentia. 1. p. 94. 3.  
art. 41

Probat. sequ. Quod conuenit Deo , quatenùs est actus purus , non potest conuenire alicui enti creato : Sed esse ipsum esse per se subsistens, siue existentiam Dei non distinguì ab eius essentia, conuenit Deo ex eo, quòd sit actus purus : Ergo non potest conuenire ulli rei creatæ.

Sequitur 13. Nullam rem creatam esse infinitam per essentiam. 1. p. 94. 7.  
a. 2.

Probat. sequ. Omne illud, cuius esse non est ipsa ipsius essentia , est finitum per essentiam : Sed , ex dictis , omne ens creatum est huiusmodi , vt eius esse non sit ipsius essentia : Ergo omne creatum est finitum per essentiam. Maior patet : Quia omne illud , cuius esse non est essentia, habet esse receptum ; atque adeò finitum & limitatum per essentiam : vndè nec essentia limitans potest esse infinita.

Sequitur 14. Deum esse summè perfectum. 1. p. 94. 4.  
a. 1.

Prob. sequ. Actus purus & infinitus

14 *Secundum Doctrina*

debet esse summè perfectus , Sed Deus est actus purus , & infinitus : Ergo est summè perfectus. Minor patet , ex dictis. Maior probatur : Quia, quod maximè est in actu & in actu infinito, est summè perfectum : perfectum enim dicitur, quasi penitùs factum , id est , cui nihil deest ; quamvis autem Deus non possit dici penitùs factus , quia, vt diximus, est ens improductum, est tamen id, cui nihil omninò deest.

*Ibidem.*  
a. 2.

Sequitur 15. In Deo esse perfectiones omnes omnium rerum.

Probat. sequela. Ens per se subsistens continet perfectiones omnes omnium rerum : Atqui Deus est ens per se subsistens, ex dictis : Ergo , &c. Maior patet : Quia , vt ostendimus , esse per se subsistens importat totam plenitudinem essendi nullo modo limitatam : Atqui plenitudo essendi continet omnes perfectiones : Ergo , &c.

*Ibidem.* &  
1. *Contrà*  
*gen. c. 28.*  
& 31.

Sequitur 16. Deum continere eminenter formaliter omnes omnino perfectiones simpliciter.

Explicatur : Perfectio simpliciter simplex dicitur illa, quæ nullam in suo conceptu formali includit imperfectionem : Dixi in suo conceptu formali, hoc est, in ratione formali , per quam in suo esse constituitur. V. G. Sapientia formaliter sumpta dicit cognitionem per altissimas

*D. Thomæ Principium.* 15

causas; quòd verò sit substantia vel accidens, qualitas, habitus hæc non dicit in suo conceptu formali. Quando ergo dicitur, quòd Deus continet eminenter formaliter omnes perfectiones simpliciter simplices, nihil aliud intendimus, nisi quòd Deus continet rationes formales, quas important huiusmodi perfectiones, & ideo dicimus Deum continere formaliter has perfectiones; quia continet illas secundum illarum conceptus & rationes formales: Sed, quia hæ perfectiones in rebus creatis important saltem de materiali aliquas imperfectiones, puta, sapientia importat rationem accidentis, qualitaris, habitus, &c. idcirco dicimus, quòd continet illas eminenter, hoc est, in eminenti & elevata quadam perfectione, quæ excludit omnem omnino imperfectionem de materiali importatam.

Probatur ergo sequela: Plenitudo essendi per modum actus puri importat omnes omnino perfectiones seclusis omnibus imperfectionibus: Sed, ex dictis, Deus est ipsa plenitudo essendi; quia est ens per se subsistens per modum actus puri: Ergo Deus importat omnes omnino perfectiones seclusis imperfectionibus, quod est illas continere formaliter eminenter, ut patet ex explanatione.

## 16 *Secundum Doctrina*

*Ibid.*

Sequitur 17. Deum continere perfectiones secundum quid dumtaxat eminenter.

Explicatur : Perfectio secundum quid est illa , quæ in suo conceptu formali importat imperfectionem , ita ut eius conceptus formalis non possit præscindi ab imperfectione : sicut ratiocinari est perfectio secundum quid ; quia importat quidem perfectionem intelligendi , sed ipsa intellectio non est totus & adæquatus conceptus , quem importat ; dicit enim præterea transitum ab una cognitione ad aliam , qui transitus est imperfectio , quia dicit mutabilitatem & potentialitatem.

Probatur ergo sequela : Quod continet omnem perfectionem seclusis imperfectionibus continet perfectionem secundum quid tantum eminenter : Sed Deus utpote infinite perfectus continet omnem omnino perfectionem seclusis imperfectionibus : Ergo Deus continet perfectionem omnem secundum quid tantum eminenter , & non formaliter , id est , secundum propriam formalem illius rationem , eò quod dicat imperfectionem.

*Ibid.*

Sequitur 18. Deum continere omnes perfectiones omnium rerum genericas , específicas , numericas , essentielles , accidentales , &c. saltem eminenter.

*D. Thoma Principium.* 17

Prob. sequela. Quod est infinitè perfectum continet omnes omninò perfectiones genericas, específicas, &c. saltem eminenter, ex dictis: Sed Deus est infinitè perfectus, ut demonstratum est: Ergo, &c.

Sequitur 19. Deum cum vniuerso, *Ibidem. & In 1. diff. 2. a. 2. & 3.* id est, cum omnibus creaturis, non esse aliquid perfectius intensiue vel extensiue, quàm Deum solum.

Probatur sequ. Nihil est perfectius intensiue vel extensiue ex hoc, quòd adiungantur illi imperfectiones, si aliundè continet omnes omninò perfectiones etiam numericas: Sed, ex dictis, Deus continet omnes omninò perfectiones etiam numericas, & per hoc, quòd ei adiungantur res creatæ non adiunguntur, nisi imperfectiones, quandoquidem continet in se omnes perfectiones etiam numericas: Ergo per hoc non fit quid perfectius siue intensiue vel extensiue.

Sequitur 20. Nullam omninò imperfectionem esse in Deo. *Ibidem.*

Probatur sequ. In eo, quod est omnino & infinitè perfectum, nulla est imperfectio; quia imperfectio est defectus perfectionis: Sed Deus est omnino & infinitè perfectus: Ergo, &c.

Sequitur 21. Nullum omninò fundamentum distinctionis etiam rationis, *Opusc. 3. cap. 24.*

*Opusc. 72.* quæ oritur ex potentialitate rei conceptæ posse reperiri in Deo.  
*q. 5.*

*1. p. q. 11.* Prob. sequela. Fundamentum distinctionis etiam rationis, quæ oritur ex potentialitate rei conceptæ, importat imperfectionem ex parte rei conceptæ: Sed in Deo nulla est omnino imperfectio: Ergo in Deo nullum est fundamentum distinctionis etiam per rationem ortæ ex potentialitate. Maior patet: Quia potentialitas ex parte rei conceptæ est imperfectio; atque adeo fundamentum distinctionis etiam per rationem ortæ ex potentialitate ex parte rei conceptæ importat imperfectionem.  
*a. 4. & 12.*  
*1. Contra gent. c. 3. 5.*

*De verit.* Sequitur 22. Ea, quæ distinguuntur in rebus creatis ob potentialitatem ipsarum, nullo modo distingui in Deo etiā virtualiter, hoc est, per rationem cum fundamento ex parte Dei.  
*qu. 2. a. 1.*  
*& qu. 21.*  
*a. 4.*  
*De poten.*  
*q. 1. a. 1. &*  
*qu. 7. a. 6.*  
*& q. 9. a. 6.*

Probatur sequela. Quæ distinguuntur ob imperfectionem rei conceptæ, non possunt distingui vllō modo in Deo; aliās in Deo reperiretur illa imperfectio, quæ esset fundamentum illius distinctionis: Sed, quæ distinguuntur virtualiter, id est, cum fundamento: ita ut fundamentum sit potentialitas ex parte rei conceptæ, distinguuntur ab imperfectionem: Ergo quæ sic distinguuntur in creatis, nullo modo possunt distingui in Deo.



Aduerte igitur ex duplici capite posse aliqua distingui vel realiter vel per rationem in rebus creatis ; primò ex ratione formali seclusâ omni potentialitate & imperfectione : & sic intellectus & voluntas distinguuntur in rebus creatis ; quia alia est ratio formalis intellectus , alia voluntaris ; secundò possunt aliqua distingui in rebus creatis propter potentialitatem, sicut intellectus & intelligere : intellectus enim non distinguitur ab intelligere , nisi quia intellectus est potentia ad intelligendum.

Aduerte præterea, quòd ad distinctionem virtuales siue rationis cum fundamento in re , non sufficit , quòd distinctio fiat ex modo nostro concipiendi præcisè, sed debet esse in re aliquod fundamentum vel proximum vel remotum, propter quod fiat huiusmodi distinctio : & sic quando distinguimus in Angelis naturam specificam ab individuali, v. g. naturam specificam Gabriëlis , ab individuali, vt reddamus illam vniuersalem, non verè distinguemus distinctione rationis cum fundamento in re, si habemus tantùm fundamentum ex parte modi nostri concipiendi : Sed , quia habemus fundamentum saltem remotum ex parte rei conceptæ, idcirco distinguimus : fundamentum autem ex parte rei conceptæ est , quòd natura Gabriëlis

20      *Secundum Doctrinæ*

non sit sua existentia, vel sua subsistentia, quæ reddit naturam omninò incommunicabilem.

Igitur in Deo, cum nulla sit potentialitas, non possumus ponere distinctionem rationis fundatam in sola potentialitate.

*Ibidem.*

Sequitur 23. Distinctionem omnem rationis, quæ reperitur in Deo, esse ex ratione formali eorû, quæ distinguuntur.

Prob. sequ. Omnis distinctio rationis cum fundamento vel est ex ratione formali, vel ex potentialitate: Sed distinctio rationis ex potentialitate non est in Deo, ut dictum est: Ergo distinctio omnis per rationem cum fundamento debet esse in Deo ex ratione formali.

*Ibidem.*

Sequitur 24. Quæ distinguuntur in Deo tantum penès obiectum materiale vel connotatum, non distinguuntur virtualiter.

Prob. sequ. Quæ non distinguuntur ex ratione formali, non distinguuntur virtualiter in Deo: Sed quæ distinguuntur in Deo penès obiectum materiale tantum vel connotatum non distinguuntur ex ratione formali: nam obiectum materiale & connotatum non faciunt diuersam rationem formalem, sed sub eadem ratione formali sunt cum obiecto aut termino primario, ut patet etiam in rebus creatis, & dicemus in tertio

*D. Thoma Principium.* 21

capio : Ergo quæ distinguuntur so-  
ex obiecto materiali vel connotato,  
distinguntur virtualiter.

Sequitur 25. Omnem distinctionem  
onis repertam in Deo fundari in  
inentissima illius perfectione.

*De verit.*

*q. 21. a. 4.*

*ad 8. & 9.*

*Opusc. 3.*

*cap. 24.*

Explicatur : Eminentissima Dei per-  
fectio est huiusmodi , vt cum sit vna &  
plicissima contineat omnes omnino  
fectiones, ex dictis ; & quia nos pro-  
pter imbecillitatem & limitationem in-  
lectus nostri non possumus illam vni-  
n, & simplicissimam perfectionem  
ico conceptu concipere , illam veluti  
vidimus in plures secundum diuersas  
rfectiones, quas videmus distinctas in  
bus creatis ex vi rationum formalium,  
non ex sola potentialitate rerum  
eatarum : & sic distinguimus v. g. in-  
lectum in Deo ab ipsius voluntate.

Probatur ergo sequela. Quicquid est  
Deo realiter , debet esse perfectio  
mpliciter simplex, ex dictis ; & hæc per-  
fectio ita est vna , vt omnes contineat, vt  
stensum est : Atqui fundamentum di-  
inctionis virtualis est realiter in Deo ;  
liàs absque fundamento distinguere-  
nus in Deo attributa : & sic non esset  
listinctio virtualis siue rationis cum fun-  
damento : Ergo huiusmodi fundamen-  
tum debet esse ipsa Diuina perfectio,  
quatenus ita est vna , vt nihilominus  
omnes contineat.

*Opusc. 9.* Sequitur 26. Quæcumque pertinent  
*qu. 1. In 1.* ad eandem rationem formalem, etiamsi  
*dist. 2. a 3.* realiter distinguantur in rebus creatis,  
*et dist. 22.* non distingui etiam virtualiter in Deo.

Probatur sequela. Quæ distinguuntur ob solam potentialitatem in rebus creatis, nullo modo etiam virtualiter distinguuntur in Deo: Sed quæ pertinent ad eandem rationem formalem, non distinguuntur nisi ob potentialitatem in rebus creatis: Ergo quæ pertinent ad eandem rationem formalem non distinguuntur etiam virtualiter in Deo.

*1. p. 93 a.* Sequitur 27. Omnem perfectionem,  
*a.* quæ continetur in Deo, contineri in ipso essentialiter.

Probatur sequela. Quod continetur in re essentialiter infinita, quia est infinita, continetur essentialiter: Sed omnis perfectio continetur in Deo, quia est res essentialiter infinita: Ergo continetur essentialiter. Maior patet, quia eo modo continetur aliquid in re, quo illa res est infinita, si tota ratio contrinendi sit infinitas. Minor verò ex dictis est evidens.

*Ibidem.* Sequitur 28. Nullam perfectionem esse Deo accidentalem.

Probatur sequela. Perfectio, quæ continetur in aliqua re essentialiter, non est illi accidentalis: Sed omnis perfectio continetur in Deo essentialiter, ex di-

Etis : Ergo nulla perfectio est in Deo accidentalis.

Sequitur 29. In Deo non esse compositionem ex subiecto & accidente. *Ibid.*

Probatur sequela. In eo, in quo omnis perfectio continetur essentialiter, non potest esse compositio ex accidente & subiecto, ut est evidens : Sed in Deo omnis perfectio continetur essentialiter : Ergo in Deo non potest esse compositio ex accidente & subiecto.

Sequitur 30. In Deo non esse compositionem rationis siue Metaphysicam ex genere & differentia. *Ibid. ag 5.*

Probatur sequela. Nulla compositio, quæ supponit distinctionem etiam rationis fundatam in potentialitate, potest esse in Deo, ut patet ex dictis : Sed compositio ex genere & differentia supponit distinctionem rationis fundatam in sola potentialitate : Ergo compositio ex genere & differentia non potest esse in Deo. Maior est evidens ex dictis : quia in Deo nulla est distinctio etiam rationis fundata in sola potentialitate. Minor etiam patet ex ijs, quæ diximus in primo principio : quia genus est quid potentiale ; & præterea quia genus & differentia in rebus creatis ponuntur ex eo, quod essentia siue natura est quid potentiale in ordine ad esse siue ad existentiam & subsistentiam : ex eo enim

## 24 *Secundum Doctrinæ*

quòd natura concipitur potentialis ad existentiam & subsistentiam, concipitur ut communicabilis pluribus.

*Ibidem.*

Sequitur 31. Deum non esse in vlllo genere vel prædicamento.

Probatur sequela : Primò , quia si Deus foret in aliquo genere vel prædicamento , maximè in genere & prædicamento entis : Atqui hoc dici non potest ; quia ex primo principio ens non est genus:Ergo,&c.Secundò nullum potentiale potest concipi in Deo , ex dictis: Sed omne genus est quid potentiale , ut ostendimus in primo principio : Ergo nullum genus potest concipi in Deo. Tertiò si aliqua foret differentia Dei , per quam differret à cæteris rebus , maximè ipsa infinitas : Sed infinitas non potest esse differentia Dei:Ergo &c. Minor probat. Nulla differentia includit genus , ex primo principio : Sed infinitas includit omnia : ex eo enim : quòd aliquid sit simpliciter infinitum , debet includere omnem omninò perfectionem , ut ostendimus : Ergo infinitas non potest esse differentia.

*Opusc. 9.*

Sequitur 32. Omnem perfectionem  
9. 2. & 3. Diuinam includere quamlibet aliam.

Probatur sequela: Omnis perfectio simpliciter infinita includit quamlibet aliam , alioquin non esse infinita simpliciter : Sed omnis perfectio Diuina  
ex

ex eo, quòd est Diuina, est infinita simpliciter: Ergo omnis perfectio Diuina, ex eo, quòd est Diuina, includit omnem aliam.

Sequitur 33. Inter perfectiones Diuinas non dari distinctionem etiam virtualem per modum excludentis & exclusi. *Op. sc. 9. q. 2. & 3.*

Probatur sequela: Inter ea, quæ se mutuò essentialiter includunt vt sic, non potest dari distinctio virtualis per modum excludentis & exclusi, vt patet ex terminis: Sed omnes perfectiones Diuinæ sese mutuò essentialiter includunt; quælibet enim ex eo, quòd est Diuina, essentialiter est infinita, atque adedò includit omnem aliam: Ergo inter perfectiones Diuinas non datur distinctio virtualis per modum excludentis & exclusi.

Sequitur 34. Vnum attributum Diuinum non posse perfectè præscindi ab alio, vel ab essentia, sicut nec essentiam ab attributis. *Ibidem.*

Probatur sequela: Quæ se mutuò essentialiter includunt, ita se habent, vt vnum non possit perfectè præscindi ab alio, vt patet ex his, quæ in primo principio diximus de ente & modis differentibus entis: Sed Diuinæ perfectiones (quas vocamus attributa, quia illas attribuimus Deo) ita se habent, vt sese

26 *Secundum Doctrinam*

mutuò essentialiter includant, & essentia includat attributa, vt ostendimus: Ergo non possunt perfectè per intellectum præscindi.

Sequitur 35. Inter essentiam Diuinam & attributa, & inter ipsa attributa non dari distinctionem ex natura rei, siue mediam inter realem & rationis.

Probatur sequela: Primò, quia, vt diximus in primo principio, non datur huiusmodi distinctio media siue ex natura rei. Secundò, Inter ea, quæ se mutuò essentialiter includunt non potest dari distinctio ex natura rei; quia hæc distinctio est per modum excludentis & exclusi: Sed essentia Diuina & attributa se mutuò essentialiter includunt, ex dictis: Ergo inter illa non potest dari distinctio ex natura rei.

*ibidem.*

Sequitur 36. Quòd, si essentia Diuina vel eius attributa cognoscerentur à nobis, vt sunt in se, non posset cognosci essentia sine attributis, nec attributa sine essentia, nec vnum attributum sine alijs.

Probatur sequela: Quæ vt sunt in se mutuò essentialiter se includunt, non possunt cognosci vt sunt in se, nisi cognoscantur vt se mutuò essentialiter includentia, vt ex terminis patet: Sed essentia Diuina & attributa vt sunt in se mutuò essentialiter se includunt: Er-



go si cognoscantur ut sunt in se, vnum non potest cognosci sine alio.

Sequitur 37. Deum esse perfectissimè simplicem.

1. p. qu. 3.  
a. 7.

Probatur sequela: Illud, in quo nulla est distinctio nequidem virtualis per modum excludentis & exclusi, est perfectissimè simplex: Sed in Deo nulla est distinctio nequidem virtualis per modum excludentis & exclusi, ex dictis: Ergo, &c. Maior patet, quia, quod excludit omnem omnino compositionem est perfectissimè simplex: Sed quod excludit omnem omnino distinctionem etiam virtualem per modum excludentis & exclusi, excludit etiam omnem omnino compositionem: nam ad compositionem requiritur distinctio partium componentium per modum excludentis & exclusi, ut patet: Ergo, &c.

Sequitur 38. Deum non posse in compositionem aliorum venire, hoc est, Deum non posse esse partem, ex qua cum alia parte resultet aliquod totum.

ibid. a. 8.

Probatur sequela: Quod nullam includit imperfectionem, non potest esse pars, ex qua aliud componatur: quia omnis pars, ex qua totum componitur est imperfectior toto, & aliquo modo est potentialis respectu alterius partis: Sed Deus nullam omnino potest includere imperfectionem: Ergo, &c. Hinc

28 *Secundum Doctrinam*

habes, multò magis repugnare, quòd Deus materiæ vel formæ physicæ rationem habeat: quia materia est quid potentiale, & forma, vt diximus, limitatur per materiam, quando in ea verè ac physicè recipitur.

I. T. 94. li.  
art. 3.

Sequitur 39. Deum non posse esse nisi vnum essentialiter.

Probatur sequela: Infinitè perfectum nullam habens imperfectionem non potest esse nisi vnum: Sed Deus est ens infinitè perfectum nullam habens imperfectionem: Ergo non potest esse nisi vnū. Min. patet ex dictis. Maior probatur. Ea, inter quæ nullum potest esse principium distinctionis, non possunt esse nisi vnum & idem: Sed infinitè perfecta nullam habentia imperfectionem ita se haberent, vt inter illa nullum posset esse principium distinctionis: Ergo illa non possent esse nisi vnum & idem. Maior est euidens ex terminis. Min. prob. Principium distinctionis in illis, vel esset perfectio quædã, vel imperfectio: Neutrum dici potest: Ergo, &c. Minor prob. quia si principium distinctionis esset aliqua perfectio, deberet esse aliqua perfectio in vno, quæ non esset in alio, atque adeo neutrum esset infinitè perfectum: quia non haberet perfectionem, quam haberet alterum, & per quam alterum distingueretur ab

altero : si verò principium distinctionis  
esset imperfectio , aliqua imperfectio  
esset in vno saltem , & sic non esset in-  
finitè perfectum nullam habens imper-  
fectionem. Nec dicas hanc ratiocinatio-  
nem destruere mysterium Trinitatis :  
quia alia est ratio distinctionis essentia-  
lis ; alia distinctionis personarum : di-  
stinctio enim essentialis debet fieri per  
differentias, quæ necessariò debent esse  
perfectiones rerum, quarum sunt différen-  
tiæ : distinctio verò personarum potest  
fieri per relationes , quæ secundum se  
non dicunt perfectionem vel imperfe-  
ctionem , vt postea dicemus.

Sequitur 40. Deum esse bonum.

*1. p. q. 6. a.*

Probatur sequela : Perfectum & bo-  
num idem sunt , vt diximus in primo  
principio : Sed, ex iam dictis, Deus est  
perfectus. Ergo & bonus.

Sequitur 41. Deum esse summum bo-  
num.

*Ibidem.*

Probatur sequela : Infinitè perfectum  
est summum bonum ; quia eo modo est  
bonum , quo perfectum : Sed Deus est  
infinitè perfectus : Ergo est etiam sum-  
mum bonum.

Sequitur 41. Deum esse vltimum om-  
nium rerum finem.

*Ibid. 6. 2.  
2. q. 3. a. 8.*

Probatur sequela : Summum bonum  
est vltimus finis : quia bonum & finis  
idem sunt , ex primo principio : Sed

30 *Secundum Doctrina*

Deus est summum bonum : Ergo est ultimus finis.

*1 p. qu. 6.  
ar. 3.* Sequitur 42. Deum esse bonum per essentiam.

Explicatur : Dupliciter potest aliquid dici bonum per essentiam ; primò, quia ipsa essentia rei est ex se actualis & perfecta ; secundò, quia essentia rei est ipsa bonitas : Hinc ergo,

Probatur sequela: Essentia Dei est ex se actualis & perfecta , quia est suum esse continens omnem perfectionem, imò est ipsa perfectio , ut ostendimus : Sed hoc est esse bonum per essentiam utroque modo explicato : Ergo Deus est bonum per essentiam.

*1 p. qu. 6.  
ar. 4.* Sequitur 44. Omnia alia entia à Deo posse dici bona bonitate Divina.

Explicatur : Aliquid potest dici bonum dupliciter ; primò, quia habet entitatem & perfectionem in se ; secundò, quia est medium ordinatum & condu- cens ad aliquem finem ; primo modo quælibet res est bona intrinsecè per suam entitatem actualem ; secundo modo res ordinata ad finem dicitur bona à bonitate finis.

Probatur ergo sequela. Res ordinatæ ad finem sunt bonæ à bonitate finis: Sed res omnes sunt ordinatæ ad Deum tamquam ad finem : cum , ex dictis , Deus sit ultimus omnium rerum finis : Ergo,

res omnes possunt dici bonæ à bonitate Dei.

Sequitur 45. Res creatas non esse bonas per essentiam. *1. p. q. 6. a. 7. 1.*

Probatur seq. Nulla res creata est perfecta per suam essentiam, nec vlla res creata est essentialiter sua perfectio; quia, vt diximus, in omni re creata esse distinguitur ab essentia; & existentia est actualitas & perfectio cuiuslibet rei: Sed idem est esse bonum ac perfectum: Ergo nulla res creata est bona per essentiam.

Sequitur 46. Deum esse omninò immutabilem. *1. p. q. 9. a. 1.*

Probatur sequela: Quod nullo modo est in potentia, est omninò immutabile; quia mutabilitas dicit potentialitatem: Sed Deus non est in potentia, cum sit actus purus ex dictis: Ergo Deus est omninò immutabilis.

Sequitur 47. Omne aliud ens à Deo esse mutabile. *Ibid. a. 2.*

Probatur sequela: Omne, quod dicit potentiam, est mutabile: Sed omne ens creatum dicit potentiam, cum non sit actus purus: Ergo omne creatum est mutabile.

Sequitur 48. Deum esse æternum. *1. p. q. 10. a. 2.*

Probatur sequela: Quod est omninò immutabile, est æternum: Sed Deus est omninò immutabilis: Ergo est æternus.

Maior probatur : Infinitum semper  
 vniforme in esse & operari est æternum.  
 Sed quod est omninò immutabile, est  
 infinitum, & semper vniforme in esse &  
 operari : Ergo quod est omninò immu-  
 tabile est æternum. Maior patet : quia  
 sicut tempus est numerus siue mensura  
 motus secundum prius & posterius : ita  
 æternitas est mensura infiniti semper  
 vniformis : & hoc ; quia, quod mensura-  
 tur tempore, habet prius & posterius, at-  
 que adeo partem priorem & postero-  
 rem, & consequenter principium & fi-  
 nem : æternitas verò vtpotè opposita  
 tempori non habet partes, sed est tota  
 simul, nec habet principium & finem.

*Ibid.* a 3.

Sequitur 49. Nullam rem à Deo esse  
 æternam.

Probatur sequela : Quod non est  
 omnino immutabile, non est æternū, vt  
 patet ex dictis : Sed nulla res à Deo est  
 omnino immutabilis : Ergo nec æterna.

Sequitur 50. Æternitatem differre  
 ab æuo & tempore.

*Ibid.* ar. 4.

Probatur sequela. Mensura infinita  
 & tota simul rei infinitæ & vniformis  
 differt ab omni finita & non omnino  
 vniformi : Sed æternitas est mensura in-  
 finita & omnino vniformis, tempus verò  
 est mensura finita & non vniformis sicut  
 & æuum ; cum hac tamen differentia,  
 quòd tempus propriè est mensura rei

*D. Thoma Principium.* 33

mutabilis quoad esse & operari; ævum  
verò est mensura rei mutabilis, quoad  
operari & immutabilis quoad esse ex  
principijs intrinsicis: Ergo æternitas  
differt ab ævo & tempore.

Sequitur 51. Æternitatem includere  
omnes omnino durationes inferiores,  
hoc est, ævum & tempus.

1. p. qu. 13.  
4. 13.

Probatur sequi. Mensura superior &  
infinita includit omnes inferiores ab ea  
essentialiter dependentes: Sed æterni-  
tas est mensura superior & infinita, ex  
dictis: Ergo includit omnes omnino du-  
rationes inferiores ævum & tempus,  
quæ ab illa essentialiter pendent, sicut  
res creatæ à Deo.

*Ibidem.*

Sequitur 52. Æternitatē includere om-  
nia, quæ in ævo & tēpore continentur.

Probatur sequi. Quod includit con-  
tinens, includit etiam contentum, ut  
experientiā constat: Sed æternitas in-  
cludit ævum & tempus, quæ continent  
omnia, quæ aliquando existunt: Ergo  
æternitas includit etiam illa.

Sequitur 53. Omnia simul esse præ-  
sentia in æternitate.

*Ibidem.*

Probatur sequela. Quæ continentur  
in aliqua duratione tota simul & non  
successiva, sunt illi præsentia simul; con-  
tinentia enim illa in duratione non est,  
nisi præsentia: Sed, ex dictis, omnia con-  
tinentur in æternitate, quæ est duratio

### 34 *Secundum Doctrinam*

totā simul & non successiua : Ergo omnia sunt illi simul præsentiā.

*Ibid.*

Sequitur 54. Hanc præsentiā rerum omnium non esse tantū obiectiuā, sed realem.

Probat. sequ. Et primò quidem, quia talis debet esse præsentiā rerum in æternitate, qualis est continentia, quā æternitas continet tempus & æuum; atque adeo, quæ sunt in tempore & æuo: Sed hæc continentia, quā æternitas continet æuum & tempus non est tantū obiectiua, sed realis: Ergo & præsentiā rerum in æternitate debet esse nedum obiectiua, sed etiam realis. Maior est euident ex dictis; Quia præsentiā rerum oritur tamquam ex causa siue ratione à priori ex continentia. Minor non est minùs certa: Quia æternitas non continet tantū obiectiuè æuum & tempus, sed verè ac realiter tamquam mensura realis superior & infinita. Vnde probatur secundò sequela: Continentia in ratione mensuræ & durationis non est continentia tantū obiectiua & in esse intelligibili ac repræsentatiuo, sed est continentia in ratione mensuræ realis: Atqui præsentiā, quæ est tantū obiectiua, non conuenit æternitati in ratione mensuræ & durationis; bene autem præsentiā realis: Ergo præsentiā non tantū obiectiua, sed realis.



est illa, quæ conuenit æternitati.

Confirmatur: Infinitas æternitatis in ratione mensuræ distinguitur virtualiter in Deo ab infinitate, quæ conuenit cognitioni in ratione cognitionis eodem modo, quo æternitas & cognitio in Deo distinguuntur: Sed ex infinitate cognitionis Diuinæ in ratione cognitionis oritur continentia & præsentia obiectiua, & ex infinitate æternitatis in ratione durationis oritur continentia & præsentia alterius rationis: Ergo ex continentia & præsentia orta ex infinitate æternitatis in ratione durationis non oritur præsentia obiectiua, quæ non competit durationi vt sic, sed tantum cognitioni; atque adeo continentia & præsentia orta ex æternitate est realis.

Denique probatur sequela: Præsentia conueniens æternitati debet esse huiusmodi respectu Dei, vt excludat, quod aliquid habeat rationem præteriti vel futuri respectu ipsius; quia in æternitate vtpotè duratione indiuisibili nihil potest habere rationem præteriti vel futuri: Sed præsentia obiectiua non excludit rationem præteriti vel futuri; nam, quæ cognoscimus vt præterita vel futura, habent præsentiam obiectiuam, & in esse repræsentato & cognito: Ergo præsentia obiectiua non est illa, quæ conuenit æternitati, sed solum realis.

Vt autem soluas omnia argumenta in oppositum, Aduerte, quod quando nos formamus propositiones etiam de rebus in æternitate existentibus, vt plurimum ac ferè semper admiscemus tempus nostrum; quia verbum, quo copulamus prædicatum cum subiecto, con- significat tempus nostrum, & idcirco committitur æquiuocatio dum à tempore nostro arguimus ad æternitatem, vel ex nunc æternitatis ad nostrum tēpus.

Aduerte secundò, quòd licet æternitas in se absolutè ac simpliciter sit indiuisibilis, atque adeo secundum se nullas omnino habeat partes: nihilominus nos ex defectu nostri intellectus distinguimus secundum nostrum modum concipiendi veluti quasdam partes virtuales, quando illam concipimus per correspondentiam, & comparationem ad nostrum tēpus, & idcirco in æternitate per correspondentiam ad nostrum tempus plura concipimus, quæ illi non competunt secundum se.

Aduerte denique, res ex se non esse præsentem in æternitate, sed tota ratio istius præsentiae est ipsa æternitas, quatenus continet mensuras proprias & proprias rerum durationes: vnde res non sunt præsentem realiter æternitati, nisi quia sunt præsentem in proprijs durationibus contentis intra æternitatem. In quo est magna differentia inter

*D. Thoma Principium.* 37

**D**eum, & res creatas ; quia Deus est in æternitate tamquam in propria mensura , vt patet ex dictis ; res verò creatæ sunt præsentēs æternitati, non vt in propria mensura , sed vt in mensura superiori , infinita & indiuisibili, continente durationes proprias rerum.

1. p. 94. 14.

Sequitur 55. Deum esse omnino immaterialem.

a. 1.

Probat. sequ. Actus purus debet esse omnino immaterialis, vt patet ex dictis: Sed Deus est actus purus: Ergo , &c.

Sequitur 56. Deum esse summè intelligibilem.

Prob. sequ. Quod est sumè immateriale, est sumè intelligibile, ex dictis in primo principio: Sed Deus est summè immaterialis: Ergo est etiã summè intelligibilis.

Sequitur 57. Intelligibilitatem Dei superare in infinitum omnem intellectualitatem siue vim intelligendi cuiuscumque intellectus creati vel creabilis.

1. p. 94. 12.

a. 4 & 7.

Prob. sequ. Eo modo superat intelligibilitas intellectualitatem siue vim intelligendi , quomodo immaterialitas obiecti superat immaterialitatem virtutis intellectiuæ: Sed immaterialitas Dei superat in infinitum immaterialitatem cuiuscumque intellectus creati vel creabilis : Ergo intelligibilitas Dei superat in infinitum intellectualitatem siue vim intelligendi cuiuscumque intellectus

### 38 *Secundum Doctrina*

creati vel creabilis. Maior patet, ex dictis, in primo principio, ubi ostendimus immaterialitatem esse causam intelligibilitatis, & vnumquodque in tantum esse intelligibile & intellectuale, in quantum est immateriale. Minor verò constat ex dictis: quia immaterialitas actus puri & infiniti superat in infinitum immaterialitatem, quæ admittit potentialitatem.

*Ibid* 4. 4.

Sequitur 58. Nullum intellectum creatum vel creabilem posse viribus naturalibus clarè ac quidditatiuè & intuitiue cognoscere Deum.

(Prob. sequ. Nullus intellectus potest proprijs viribus clarè, quidditatiuè, & intuitiue attingere obiectum, quod superat in infinitum vim suam intellectiuam: Sed Deus vt obiectum intelligibile superat in infinitum vim omnem intellectiuam creatam vel creabilem, ex dictis: Ergo nullus intellectus potest viribus naturalibus clarè, quidditatiuè & intuitiue cognoscere Deum.

1. 2. 5. 110.

a. 2.

*In 2. dist.*

26. 4 2.

Sequitur 59. Nullam posse dari substantiam creatam supernaturalem.

Probat. sequ. Substantia creata supernaturalis posset proprijs viribus videre clarè, & quidditatiuè Deum: Atqui hoc est impossibile, ex dictis: Ergo est impossibilis substantia creata supernaturalis. Alias ad hoc rationes adducemus in tertio principio.

*D. Thomæ Principium:* 39

Sequitur 60. Nullam posse dari substantiam creatam, cui gratia, lumen gloriæ & alia accidentia supernaturalia sint connaturalia.

1. p. q. 11. 12.

a. 5. ad 3.

3. p. q. 11. 2.

a. 12.

In 1. dist.

17. qua 1.

a. 1. ad 8.

In 2. dist.

25. q. 1. a.

1. ad 5.

Probat. sequ. Substantia, cui gratia, & lumen gloriæ, alia uè accidentia supernaturalia essent connaturalia, deberet esse supernaturalis : Atqui non potest dari substantia creata supernaturalis : Ergo non potest dari substantia, cui connaturalia sint gratia, &c. Maior patet : Quia, quod est alicui connaturale, est eiusdem ordinis, cum eo, cui est connaturale, & è contrà : Atqui gratia, lumen gloriæ, &c. sunt ordinis supernaturalis, ut est omnino certum, & nos probabimus : Ergo substantia, cui hæc accidentia essent connaturalia, esset ordinis supernaturalis : Vnde huiusmodi substantia esset natura creata & nihilominus esset supernaturalis, hoc est, superans totam naturam creatam & creabilem, quod manifestè implicat.

Sequitur 61. Solum Deum posse esse substantiam supernaturalem.

*Ex iisdem locis.*

Probat. sequ. Nulla substantia creata est supernaturalis : Ergo solus Deus potest esse substantia supernaturalis.

Sequitur 62. Accidentia supernaturalia debere dicere aliquem specialem ordinem ad Deum, ut verè sint supernaturalia.

1. 2. q. 11. 10.

a. 2. ad 2.

## 40 *Secundum Doctrina*

Probat. sequ. Omne illud accidens , quod est huiusmodi , vt nulli creatæ vel creabili substantiæ sit connaturale , sed potius est supernaturale, debet dicere aliquem specialem ordinem ad Deum , vt substantiam supernaturalem: accidens enim, cum sit entis ens, debet specificari per respectum ad aliquam substantiã , vt diximus in primo principio : Sed accidentia supernaturalia nulli substantiæ creatæ vel creabili sunt connaturalia ; atque adeo non possunt ab vlla specificari : Ergo accidentia supernaturalia debent specificari per ordinem specialem ad Deum , vt est substantia supernaturalis.

*Id.* Sequitur 63. Hunc ordinem accidentium supernaturalium non posse esse  
 1.2. q. 62. ordinem formæ ad subiectum.  
 4.1. & 2.

Proba. sequ. Nullum accidens potest dicere ordinem ad substantiam incapacem recipiendi accidentia tamquam ad proprium subiectum : Sed Deus , cum sit actus purus , est incapax recipiendi vlla accidentia , vt diximus : Ergo nullum accidens potest dicere ordinem ad Deum tamquam ad subiectum ; atque adeo hæc accidentia supernaturalia non possunt dicere ordinem ad Deum tamquam ad subiectum.

Sequitur 64. Hunc ordinem accidentium supernaturalium ad Deum debere

esse ordinem ad ipsum tamquam ad proprium specificatiuum. 1. 2. q. 63. a. 1.

Probatur sequela : Ordo accidentium ad Deum non potest esse, nisi vel ordo transcendentalis rei creatæ ad Deum, vel ordo formæ ad subiectum, vel ordo ad Deum tamquam ad proprium specificatiuum : Sed ordo, qui constituit accidentia & facit ea supernaturalia, non est ille primus, qui est communis omnibus rebus creatis ; aliàs omnes res creatæ essent supernaturales, quod patet esse falsum ; Secundus verò ordo est impossibilis, ut diximus : Ergo tertius debet constituere accidens in ratione supernaturalis. 2. 2. q. 17. a. 5. & 6.

Sequitur 65. Hunc ordinem accidentium supernaturalium ad Deum, tamquam ad proprium specificatiuum debere terminari ad ipsam substantiam Diuinam secundum aliquam perfectionem ipsi naturæ Diuinæ propriam. *Ibi lem. & De verit. q. 1. a. 12.*

Probatur sequ. Ordo determinatus & specificatiuus debet terminari ad aliquam rationem determinatam & specialem, quæ conueniat ipsi termino siue rei, quæ terminat, ut patebit ex tertio principio : Sed Deo terminanti prædictum ordinem non potest competere ulla ratio, quæ non sit perfectio, ex dictis : Ergo ordo ille debet terminari ad aliquam perfectionem in Deo existentem.

*Ex iisdem  
locis.*

Sequitur 66. Hunc ordinem debere terminari ad aliquam perfectionem formaliter in Deo existentem.

Probat. sequ. Ordo ad perfectionem in Deo virtualiter existentem potest conuenire rebus ordinis naturalis, vt patet; nam v. g. ratiocinatio est participatio intellectus Diuini secundum illud, quod est eminenter in Deo, & sic de alijs: Sed ordo specialis accidentium supernaturalium ad Deum non potest conuenire rebus ordinis naturalis, ex dictis: Ergo ordo ille specialis debet esse ad perfectionem in Deo non tantum virtualiter, sed etiam formaliter existentem.

*Ibidem.*

*1. ad Co-  
rinth. 13.  
lect 3. &  
4*

Sequitur 67. Hunc ordinem ad illam perfectionem tamquam ad proprium specificatiuum constituere accidens supernaturale, vt participationem formalem illius perfectionis in Deo formaliter existentis, & ipsi propriae.

Probat. sequela. Ordo ad aliquid tamquam ad proprium specificatiuum constituit rem, quæ habet huiusmodi ordinem, vt participantem aliquo modo rationem specificantem: hoc enim ipso, quod quid sumit specificationem ab alio, participat differentiam, actum, & perfectionem ab illo, vt patet: Sed ordo ille accidentium supernaturalium est ad perfectionem Diuinam tamquam ad pro-



prium ipsius specificatiuum, ex dictis: Ergo ordo ille debet efficere, vt huiusmodi accidentia participant perfectionē illam Dei, vt in eo est formaliter: nam sola participatio perfectionis virtualiter siue eminenter tantum in Deo existentis non efficit ens supernaturale, vt ostensum est.

Sequitur 68. Accidens supernaturale esse participationem formalem alicuius perfectionis formaliter in Deo existentis, vt est propria Deo.

Probatur sequela. Ordo ille accidentium reddit illa formaliter participationes formales perfectionis alicuius in Deo existentis, vt est ipsi propria, ex dictis: Sed accidentia supernaturalia dicunt hunc ordinem formaliter: Ergo sunt formales participationes alicuius perfectionis in Deo existentis, vt est ipsi propria. Et sic gratia est participatio formalis naturæ Diuinæ, vt est radix attributorum; fides est participatio formalis certitudinis Diuini intellectus; Spes est participatio formalis voluntatis Diuinæ vt infallibiliter ex proprijs Dei viribus consequentis suam beatitudinem: Charitas est participatio formalis dilectionis, quā Deus seipsum propter se, alia propter seipsum diligit; Lumen gloriæ est participatio formalis illius euidentiæ, quā Deus seipsum quidditatiue

*Ibidem &  
2.2. q. 23.  
4.2. ad 1.  
& 4.3. ad  
3. & q. 24.  
4.2. & 7.*

#### 44 *Secundum Doctrinā*

cognoscit, & sic de alijs supernaturalib.

1.2. q 62.

a.1.2 p.

Quest. 1.

De verit.

a.5 & 12.

Sequitur 69. Hæc accidentia supernaturalia esse media necessaria ad Deum vt finem supernaturalem attingendum.

Probat. sequ. Ordinata per se primò ad aliquem finem sunt media necessaria ad illum : Sed hæc accidentia per se primò ordinantur ad Deum vt supernaturalem : Ergo sunt media necessaria ad illum.

*Ibidem.*

Sequitur 70. Non posse attingi Deum vt finem supernaturalem sine his accidentibus proportionaliter.

Prob. sequela. Sine medijs omnino necessarijs non potest attingi finis, vt patet ex terminis: Sed hæc accidentia sunt media omnino necessaria, ad attingendum Deum vt finem supernaturalem, ex dictis : Ergo sine illis non potest attingi Deus vt finis supernaturalis. Dixi proportionaliter; quia v. g. sine fide non potest certa cognosci Deus vt finis supernaturalis, seclufa euidentiâ: sine charitate non potest attingi Deus vt summum bonum supernaturale, &c.

1.p. qm. 12.

a.5.

Sequitur 71. Non posse videri Deum clarè, quidditatiuè & intuitiuè, sine lumine gloriæ.

Probat. sequela ex dictis : Quia lumen gloriæ est medium omnino necessarium ad cognoscendum euidenter Deum vt finem supernaturalem : præ-

*D. Thoma Principium.* 45

tertium cum nulla natura creata possit illum clarè videre, ut supra diximus: Ergo, &c.

Sequitur 72. Visionem claram Dei esse possibilem absolutè.

*1. p. q. 12.  
ar. 1.*

Probatur sequela: Lumen gloriæ est possibile, ut est de fide: Ergo & visio clara Dei. Pater consequentia: quia quando medium per se primò ordinatum ad finem est possibile; etiam finis est possibilis.

Sequitur 73. Lumen gloriæ dare vim ac virtutem realem & physicam intellectui creato ex parte potentiæ ad videndum Deum.

*1. p. q. 12.  
ar. 5.*

Probatur sequela: Accidens subiecto alicui inhærens dat illi vim & virtutem realem & physicam ad attingendum proprium obiectum & finem; ut pater experientiâ, & constabit ex tertio principio: Sed, ex dictis, lumen gloriæ est accidens: Ergo, si subiecto inhæreat, dabit illi virtutem realem & physicam ad videndum Deum ut proprium obiectum.

Sequitur 74. Lumen gloriæ debere necessariò inhærere ipsi intellectui videnti Deum.

*Ibidem.*

Probatur sequela: Accidens debet necessariò inhærere subiecto, cui communicat virtutem, & quod de non potente elicere aliquem actum constituit

potens : Sed lumen gloriæ est accidens communicans intellectui virtutem , & reddens illum de non potente videre Deum , potentem , ex dictis : Ergo lumen gloriæ debet necessariò inhærere intellectui videntis Deum.

Sequitur 75. Deum per se ipsum & per propriam essentiam non posse supplere vices luminis gloriæ.

Probatur sequela : Deus per seipsum & per propriam essentiam non potest supplere vices formæ , quæ debet necessariò inhærere , aut informare , ut ostendimus suprâ in hoc eodem principio : Sed lumen gloriæ debet necessariò inhærere intellectui , ut videat Deum , ex dictis : Ergo lumen gloriæ non potest suppleri à Deo per seipsum vel per propriam essentiam. Confirmatur quia si Deus solus per seipsum influeret effectivè in visionem Dei , ut est supernaturalis , illa visio ut supernaturalis , non eliceretur ab intellectu : Sed visio illa Dei ut visio clara ipsius est essentialiter & intrinsecè supernaturalis , ut patet ex dictis : Ergo visio Dei , ut visio Dei est , non eliceretur ab intellectu , quod implicat : quia actiones vitales , cuiusmodi est visio ut visio , debent elici à principio vitali coniuncto , ut diximus in primo principio.

Sequitur 76. Ad visionem claram

*D. Thomæ Principium.* 47

Dei requiri speciem vel aliquid, quod habeat rationem speciei. 1. p. qu. 12.  
ar. 2.

Probatur ex dictis in primo principio: Ad omnem cognitionem requiritur species vel aliquid determinans potentiam cognoscitivam, & reddens obiectum illius determinatè præsens: Sed visio Dei est quædam cognitio, ut per se patet: Ergo ad visionem Dei requiritur species vel aliquid determinans intellectum & reddens illi obiectum præsens.

Sequitur 77. Illam speciem necessariam ad visionem Dei non posse esse quid creatum, sed necessario debere esse ipsam essentiam Diuinam. *Ibidem.*

Probatur sequela: Quod est per se primò intelligibile in actu secundo, non potest fieri intelligibile per aliud, si cognoscatur ut est in se: Sed, ex dictis, Deus est per se primò intelligibilis in actu secundo, quia est summè immaterialis & actus purus: Ergo non potest fieri intelligibilis per aliquid aliud à se, atque adeò non potest fieri intelligibilis per speciem creatam, quæ ipsum reddat intelligibilē: Aduerte autem quod species supplet vices non ipsius potentiae cognoscitivæ, sed obiecti, quod vel non est intelligibile, si sit quid materiale, vel non est præsens realiter in ipso intellectu: si enim esset intelligibile & præsens, non esset necessaria species:

Atqui Deus est summè intelligibilis, & est præsens intellectui, qui perfusus est lumine gloriæ, cum sit immensus & præsens speciali modo in anima habente lumen gloriæ, ut aliàs dicemus: Ergo Deus non potest fieri intelligibilis per aliquam speciem creatam.

Hæc si perceperis de facili te expedies ab omnibus argumentis in oppositum, & de facili impugnabis solutiones, quas nostræ rationi nonnulli afferunt.

Sequitur 78. Non esse possibilem speciem creatam impressam vel expressam, quâ Deus videatur, ut est in se.

Probatur sequela: Quia ratio allata in præcedenti sequela probat implicare, quòd Deus fiat intelligibilis cognitione clara, & quæ attingat ipsum ut est in se, per aliquam speciem creatam: quod sic ostenditur: Per speciem impressam obiectum fit intelligibile in actu primo; per expressam fit intelligibile, siue cognitum & intellectum in actu secundo: Atqui implicat quòd obiectum per se primò intelligibile in actu secundo, fiat per aliud intelligibile siue in actu primo siue in actu secundo: Ergo cum Deus fit per se primò intelligibilis in actu primo & in actu secundo, implicat, quòd fiat intelligibilis per aliquam speciem impressam vel expressam. Maior pater ex dictis in primo principio: Minor est evidens

euidens ex terminis : illud enim, quod conuenit alicui per se primò , conuenit ei per seipsum , & ex propria ratione intrinseca , non autem per aliud.

Quod verò dicunt, verum esse , quòd Deus sit intelligibilis per se primò respectu proprii intellectus, non respectu alieni, nihil obstat : quia species facit obiectum intelligibile tam proprio quàm alieno intellectui, nec supplet aliquid se tenens ex defectu ipsius intellectus , sed tantum ex defectu obiecti : vnde si Deus non esset per se primò intelligibilis respectu cuiuscumque intellectus, haberet aliquem defectum ex parte sua, nimirum defectum intelligibilitatis vel presentiae : neuter autem defectus potest conuenire Deo propter ipsius immensitatem, ratione cuius est vbique præsens ; & propter ipsius summam & actualissimam immaterialitatem, ratione cuius est intelligibilis in actu secundo, quando cognoscitur vt est in se : quando verò non cognoscitur vt est in se , siue quando potentia cognoscitiua non habet virtutem cognoscendi ipsum, vt est in se , tunc intelligitur per species creaturarum tamquam effectuum , non defectu presentiae vel intelligibilitatis ex parte ipsius, sed defectu virtutis intellectiuae ex parte ipsius cognoscentis.

Sequitur 79. Essentiam Diuinam vni. *Ibid.*

ri intellectui illius, qui videt Deum in esse intelligibili & repræsentatiuo.

Probatur sequela : Species, vel quod habet rationem speciei, vnitur intellectui cognoscentis in esse intelligibili & repræsentatiuo : Sed essentia Diuina, ex dictis, habet rationem speciei in videntibus Deum vt est in se : Ergo essentia Diuina vnitur intellectui videntis Deum in esse intelligibili & repræsentatiuo. Quomodo autem possit essentia Diuina vniri intellectui in esse intelligibili, & non vniri in esse reali & entitatiuo ; quandoquidem esse intelligibile & esse entitatiuum sunt in Deo indistincta virtualiter, alia difficultas est, ad quam dicendum non esse inconueniens, quòd vnum virtualiter indistinctum ab alio, præstet aliquod munus in aliquo non præstando aliud in eodem : cuius ratio est, quia potest esse specialis ratio repugnantia, quòd vniatur secundum vnum munus, & non secundum aliud : & sic est in proposito : repugnat enim, quòd Diuina essentia vniatur alicui in esse entitatiuo, quia ad hoc deberet recipi physicè, atque adeo limitari : hæc autem repugnantia non reperitur in vnione in esse intelligibili, eò quòd ad istam non requiritur realis & physica informatio & receptio, sed sufficit vnio siue intima præsentia in esse intelligibili.



**D. Thomas Principium. 51**

Sequitur 80. Intellectum videntis *Ibidem.*  
Deum fieri Deum in esse intelligibili.

Prob. sequ. Intellectus fit res per se  
intellecta in esse intelligibili, ut patet  
ex primo principio : Sed in vidente  
Deum, Deus est res intellecta per se, ex  
iam dictis : Ergo intellectus videntis  
Deum fit Deus in esse intelligibili.

Sequitur 81. Intellectum videntis *1 p. qu. 10.*  
Deum videre omnia, quæ sunt formaliter in Deo. *a 7. ad 2.*

Prob. sequ. Intellectus habens lumen  
& speciem obiecti videt omnia, quæ ne-  
cessariò repræsentantur per speciem :  
Sed intellectus videntis Deum habet  
lumen, & ipsam essentiam Diuinam ut  
speciè necessariò repræsentantè omnia,  
quæ sunt formaliter in Deo : Ergo, &c.

Sequitur 82. Non posse videri essen- *Ibidem.*  
tiam Diuinam sine attributis, vel vnum  
attributum sine alio.

Probat. sequ. Quæ ita se habent, ut  
vnum non possit perfectè præscindi ab  
alio, vnum non potest videri ut est  
in se, nisi videatur & aliud : Sed, ex di-  
ctis supra, essentia Diuina non potest  
perfectè præscindi ab attributis, nec at-  
tributa ab essentia, nec vnum attribu-  
tum ab alio : Ergo non possunt videri  
vnum sine alio. Præterea cognitio clara,  
quidditativa & intuitiva debet attinge-  
re totam quidditatem & quicquid est.

essentiale, imò & quicquid necessario conuenit obiecto formaliter : Sed visio Dei est clara, quidditatiua & intuitiua : Ergo debet attingere totam Dei essentiam, & omnia essentialia, & quæ necessario conueniunt Deo formaliter : Dictum est autem suprâ omnia attributa & perfectiones conuenire Deo essentialiter : Ergo, &c. Maior patet : Quia hæc est differentia inter cognitionem quidditatiuam, & non quidditatiuam ; quòd quidditatiua attingit omnia essentialia ; illa autem quæ non est quidditatiua, non attingit omnia essentialia : Similiter cognitio abstractiua non attingit rem præsentem & existentem vt est in se ; intuitiua verò attingit rem præsentem & existentem vt est in se. Quod autem diximus de attributis, dicendum etiam est de personis Diuinis, quòd videlicet non possit videri vna persona sine alia : quia non potest videri vna persona, nisi videatur ipsa essentia Diuina : & non potest videri essentia Diuina, nisi videantur tres personæ Diuinæ : quia, vt dicemus infra, essentia includitur in personis, & tres personæ in ipsa essentia.

1. p. 9. 12.  
ar. 6.

Sequitur 83. Posse Deum videri clariùs ab vno, quàm ab alio.

Conclusio est de fide & probatur ; ex dictis : Quod videtur ratione alicuius

qualitatis accidentalis, videlicet luminis, potest clariùs videri ab vno, quàm ab alio : Sed, ex dictis, Deus videtur à beatis ratione alicuius accidentalis qualitatis, videlicet luminis : Ergo clariùs potest videri ab vno, quàm ab alio. Maior patet : quia qualitas, quæ non est potentia vel figura, potest intendi & remitti, vt omnes fatentur.

Sequitur 84. Lumen gloriæ esse totam rationem agendi in visione Dei. *Ibidem.*

Probat. sequ. Qualitas, sine qua nulla est virtus actiua proxima ad aliquem actum, est tota ratio proxima agendi seu eliciendi talem actum : Sed lumen gloriæ est qualitas, sine qua nulla est virtus in homine ad videndum Deum : Ergo est tota ratio proxima. Maior est euidentis : Quia vbi nulla est alia virtus proxima ad eliciendum actum, illa, quæ est, debet esse tota, vt exterminis constat. Minor verò patet ex dictis ; quia nulla creatura habet virtutem proximam ad videndum Deum, nisi per lumen gloriæ.

Sequitur 85. Intellectum perspicacior non videre clariùs Deum, quàm minus perspicacem, si vterque habeat æquale lumen gloriæ. *Ibidem.*

Probat. sequ. Vbi tota ratio proxima agendi est æqualis, actus est etiam æqualis : aliàs non esset tota ratio agendi : Sed,

## 54 *Secundum Doctrinam*

ex dictis, lumen gloriæ est tota ratio agendi siue videndi Deum: Ergo ubi est æquale lumen gloriæ, est etiam æqualis visio: atque adeo intellectus perspicacior non videbit clariùs Deum, quàm minùs perspicax, si vterque habeat æquale lumen gloriæ.

*1. p. qu. 12.*

*n. 7.*

Sequitur 86. Nullum intellectum posse comprehendere Deum.

Probat. sequ. Ad comprehensionem requiritur, vt tanta sit intellectualitas principij intelligentis, quanta est intelligibilitas obiecti intellecti: Sed nullus intellectus quantocumque perfusus lumine gloriæ habet tantam intellectualitatem, quantam habet Deus intelligibilitatem; quia semper lumen est finitum, & Dei intelligibilitas est simpliciter infinita, vt diximus: Ergo nullus intellectus potest comprehendere Deum. Maior probatur: quia sicut ad comprehensionem materialem & quantitativam, à qua deductum est nomen comprehensionis ad spiritualia, requiritur, vt tanta sit superficies continens, quanta est contenta: ita ad comprehensionem intellectuam requiritur, vt tanta sit intellectualitas intelligentis, quanta est intelligibilitas obiecti intellecti.

*Ibidem.*

*n. 8.*

Sequitur 87. Nullum intellectum creatum posse cognoscere omnes omni-

no creaturas possibiles.

Probatur sequela. Qui cognosceret omnes creaturas possibiles comprehenderet omnipotentiam Diuinam, atque adeo ipsum Deum: Sed nullus intellectus creatus hoc potest, ex dictis: Ergo nullus intellectus creatus potest cognoscere omnes creaturas possibiles. Maior patet: Qui cognoscit terminum adæquatum alicuius virtutis, comprehendit huiusmodi virtutem; quia cognoscit illam, quantum cognoscibilis est: Sed qui cognosceret omnes creaturas possibiles, cognosceret terminum adæquatum omnipotentiae Diuinæ, ut patet: Ergo qui cognosceret omnes creaturas possibiles, comprehenderet omnipotentiam Diuinam.

Sequitur 88. Ex videntibus Deum posse vnum videre aliquas creaturas plures vel pauciores.

Probatur sequela. Qui clarius vel minus clarè videt causam, plures vel pauciores videt in ea effectus secundum quod magis vel minus penetrat vim ipsius causæ: Sed ex videntibus Deum aliqui clarius, aliqui minus clarè vident ipsum, iuxta maius vel minus lumen gloriæ, ex dictis: Ergo cum Deus sit causa omnium, ut postea ostendemus, ex videntibus Deum, aliqui vident in Deo plures creaturas, alij pauciores. Hoc verò

intelligitur de creaturis tamquam effectibus, qui plūs vel minūs latent in Deo tamquam in causa, atque adeo intelligitur de creaturis possibilibus: nam quoad creaturas existentes, quilibet videt in Deo eas, quæ ad suum statum spectant: quia, ut dicemus infra, beatitudo in ipsa Dei visione consistens, debet perfectè satiare appetitum beati, & consequenter debet dare cognitionem omnium, quæ pertinent ad statum cuiuslibet. Breuiter accipe. Quilibet beatus videbit in Deo omnia genera, & species rerum, quæ sunt in vniuerso; ex indiuiduis verò, factis, dictis, &c. videbit, quæ ad proprium statum pertinent, ut habes in D. Thom. 1. p. q. 12. a. 8. ad 4.

3. p. q. 12.  
a. 8.

Sequitur 89. Ea, quæ videntur in Deo, videri per ipsam Dei essentiam tamquam per speciem, non autem per aliquas similitudines vel species creatas.

Probatur sequela. Effectus, qui videntur in causa, non videntur, nisi per speciem causæ, non autem per alias species: Sed, quæ videntur in Deo, videntur in ipso, ut in causa: & ipse Deus videtur per ipsam Dei essentiam tamquam speciem, non autem per aliquam speciem creatam, ut supra diximus. Ergo quæ videntur in Deo, videntur per ipsam Dei essentiam, non autem per aliquam speciem creatam.

Sequitur 90. Omnia, quæ videntur *ibid. a. 10.*  
in Deo, simul & sine vlla prorsus suc-  
cessionem videri.

Proba. sequ. Omnia, quæ per vnā  
speciem videntur, simul & sine vlla suc-  
cessionem videri possunt, imò & necessa-  
riò videntur, si illa species non subdatur  
libertati videntis quoad vsum: Sed, ex  
dictis, omnia, quæ videntur in Deo, vi-  
dentur per vnā speciem, nimirum es-  
sentiam Diuinā, quæ non subditur li-  
bertati videntium, vt satis patet: Ergo  
omnia, quæ videntur in Deo simul &  
sine vlla successione videntur.

Sequitur 91. Visionem Dei, mensu-  
rari duratione aliqua supernaturali, quæ  
sit indiuisibilis & tota simul. *1. p. q. 10.  
47 2.  
In 2. dist.  
2. q. 1. a. 1.*

Prob. sequ. Actus supernaturalis, in-  
diuisibilis, & totus simul debet mensu-  
rari duratione supernaturali, indiuisibi-  
li, & tota simul; quia mensura debet  
esse proportionata mensurato, vt patet:  
Atqui, ex dictis, visio Dei est actus su-  
pernaturalis, indiuisibilis, & totus si-  
mul; cum sit absque vlla successione:  
Ergo visio Dei debet mensurari dura-  
tione supernaturali, indiuisibili, & tota  
simul.

Sequitur 92. Hanc durationem rectè *ibid.*  
vocari æternitatem participatam.

Probat. sequ. Duratio supernatu-  
ralis, indiuisibilis & tota simul, præfex-

## 58 *Secundum Doctrinam*

tim quæ non habet finem, rectè vocatur æternitas participata: Sed duratio, quâ mensuratur visio Dei, est supernaturalis, indiuisibilis, tota simul, ex dictis, & aliunde non habet finem, quia, vt dicemus aliàs, hæc visio est æterna à parte post: Ergo hæc duratio rectè vocatur æternitas participata.

*Ibidem.*

Sequitur 93. Lumen gloriæ etiam mensurari æternitate participata.

Probat. sequ. Principium proximum actus, quod est proinde eiusdem ordinis cum ipso actu, debet mensurari eadem mensura, quâ ipse actus, quando tamdiu permanet actus, quamdiu permanet principium, vt patet: Sed lumen gloriæ est principium visionis Dei, & est eiusdem ordinis supernaturalis, & tandiu manet, quamdiu manet & ipsa visio, vt patet, ex dictis: Ergo lumen gloriæ mensuratur æternitate participata, sicut & ipsa visio. Et idem dicendum de gratia, charitate, & alijs habitibus supernaturalibus, quatenus stant & permanent cum ipsa visione Dei.

*1. p. q. 12.*

*n. 11.*

Sequitur 94. Visionem Dei elici non posse per conuersionem ad phantasmata.

Probatur sequela. Cognitio obiecti omnino immaterialis, prout est in se, non potest elici per conuersionem ad phantasmata: Sed visio Dei est cognitio



obiecti omnino immaterialis vt est in se,  
ex dictis: Ergo, &c.

Sequitur 95. Visionem Dei elici non  
posse ab homine, quamdiu est in hac vi- *Ibidem.*  
ta mortali, nisi rapiatur à sensibus &  
phantasmatibus.

Probat. sequ. Cognitio, quæ non po-  
test haberi per conuersionem ad phan-  
tasmata, haberi non potest ab eo, qui om-  
nia intelligit per talem conuersionem,  
nisi rapiatur à sensibus & extrahatur à  
modo illo cognoscendi, vt est perspi-  
cuum: Sed, ex dictis, visio Dei est cog-  
nitio, quæ haberi non potest per con-  
uersionem ad phantasmata: Ergo visio  
Dei elici non potest ab homine, qui in  
hac vita omnia intelligit per huiusmodi  
conuersionem, nisi extrahatur à modo  
illo intelligendi.

Sequitur 96. Multò minùs posse Deum *l. p. q. 12*  
videri à potentia visiva & oculo cor- *a. 3.*  
poreo.

Patet sequela: Quia maior est im-  
proportio: & quia potentia vitalis non  
potest eleuari, ad hoc, vt tamquam in-  
strumentum eliciat actum vitalem:  
aliundè verò potentia visiva corporalis  
non potest eleuari ad hoc, vt tamquam  
causa principalis eliciat visionem Dei;  
quia Deus, vtpote omnino immateria-  
lis, est omnino extra totam latitudinem  
obicri specificatiui potentia visiva  
corporeæ.

*D. Thom.* Sequitur 97. Moysen, & D. Paulum,  
*1. p. q. 12.* qui secundum Augustinum, dum adhuc  
*arti. 11. &* essent in vita mortali, viderunt essen-  
*2. 2. q. 175* tiam Diuinam transeunter, fuisse abstra-  
*a. 3.* ctos à sensibus, & phantasmatibus.

*D. Aug.* Probatur sequela: Nullus potest vi-  
*12. de gen.* dere Deum in hac vita mortali, nisi alie-  
*ad liss. c.* neretur à sensibus, vt ostensum est: Sed  
*27. & 28* secundum August. Moyses, & Paulus  
*& Epist.* viderunt Deum: Ergo, &c.  
*112.*

*1. p. q. 12.* Sequitur 98. Deum posse cognosci  
*a. 12.* à nobis in hac vita aliquo modo.

Probat. sequ. Obiectum intelligibile;  
 licet clarè videri non possit, potest ta-  
 men aliquo modo cognosci ab habente  
 intellectum & species, quibus aliquo  
 modo obiectum illud repræsentetur: sed  
 Deus est obiectum intelligibile, cum sit  
 immaterialis, ex dictis; homines verò  
 sunt præditi intellectu; & species rerum  
 creatarum aliquo modo repræsentant,  
 siue deducunt in cognitionem Dei eo  
 modo, quo effectus repræsentant cau-  
 sam, vt constat ex primo principio: Ergo  
 licet Deus à nobis clarè & quidditatiuè  
 cognosci non possit in hac vita, potest  
 tamen aliquo modo cognosci à nobis.

*2. p. q. 12.* Sequitur 99. Multo magis posse nos  
*a. 13.* cognoscere Deum per gratiam.

Probat. sequela. Quò perfectior est  
 effectus, perfectiùs deducit in causæ  
 cognitionem, maximè si cum hoc etiam

*D. Thoma Principium.* 61

roboret & confortet ipsum intellectum: Atqui gratia, cum, vt diximus, sit quid supernaturale, est perfectior effectus Dei, & lumen gratiæ, hoc est fidei & donorum Spiritus Sancti, de quibus aliàs, roborat & confortat intellectum nostrum: Ergo, &c.

Sequitur 100. Intellectum nostrum, quando eleuatur ad visionem beatificam, non eleuari vt instrumentum propriè, sed esse causam principalem ipsius visionis.

Prob. sequela. Causa, quæ eleuatur ad attingendum aliquid, quod est intra suum obiectum specificatiuum, non eleuatur vt instrumentum propriè dictum, sed vt causa principalis, vt ostendemus in tertio principio: Sed, vt patet ex dictis, intellectus noster, quando eleuatur ad videndum Deum eleuatur ad attingendum aliquid, quod est intra obiectum specificatiuum ipsius, quandoquidem potest naturaliter cognoscere Deum, licet non clarè & quidditatiuè: Ergo non eleuatur vt causa propriè instrumentalis, sed vt causa principalis.

Sequitur 101. Posse nos aliquod nomen Deo imponere. 1. p. q. 13.  
a. 1.

Probatur sequela. Quicumque cognoscit obiectum, potest ei aliquod nomen imponere; quia nomina significant res, prout cognoscuntur: Sed nos aliquo

modo Deum cognoscimus, ex dictis :  
Ergo possumus ei aliquod nomen imponere.

*Ibidem*  
4.2.

Sequitur 102. Illud nomen, quod nos imponimus Deo, non exprimere ipsam Dei essentiam.

Probatur sequela. Qui non cognoscit rem per suam essentiam, non potest ei nomen imponere, quod exprimat essentiam; quia nomen imponitur iuxta cognitionem, ex dictis: Sed nos in hac vita non possumus cognoscere Deum per essentiam, ut iam ostensum est: Ergo non possumus etiam ei nomen imponere, quod exprimat ipsam Dei essentiam.

*Ibidem.*

Sequitur 103. Nomina dicta de Deo significare aliquo modo eius substantiam, sed imperfectè.

Prob. sequ. Perfectiones, quæ sunt in Deo, sunt eius substantia, ex dictis supra: Sed nomina dicta de Deo & à nobis ipsi imposita iuxta perfectiones, quas videmus ab ipso emanasse in creaturas, significant similes in Deo perfectiones: Ergo hæc nomina significant Dei substantiam: imperfectè tamen; quia & perfectiones creaturarum imperfectè repræsentant perfectiones Diuinas, & per perfectiones creaturarum nos tantum imperfectè cognoscimus perfectiones Diuinas.

*Ibid. ar. 3.*

Sequitur 104. Nomina dicta de Deo,

*D. Thoma Principium.* 63

quantum ad rem significatam posse dici propriè, non quoad modum significandi.

Prob. sequ. Perfectiones conueniunt Deo propriè, quia illas propriè continet seclusis imperfectionibus, ut diximus supra: Sed nomina dicta de Deo significant perfectiones, quæ illi conueniunt: Ergo nomina illa propriè dicuntur de Deo quantum ad rem significatam: quia tamen nos non cognoscimus perfectiones Dei, nisi secundum modum, quo relucet in creaturis, & eodem modo illas exprimimus per nomina, idcirco modus significandi, cum sit imperfectus, non conuenit Deo, siue potius modus, quo illæ perfectiones significantur à nobis, non conuenit propriè perfectionibus Diuinis.

Sequitur 105. Nomina dicta de Deo non esse synonyma. *Ibidem.*  
4.4.

Probatur sequ. Nomina, quæ significant vnā rem sub diuersis rationibus, non sunt synonyma, ut est euidens: Sed nomina dicta de Deo significant vnā rem sub diuersis rationibus: significant enim vnā & eandem essentiam Dei, prout à nobis cognoscitur secundum diuersas perfectiones à nobis de Deo ex creaturis cognitās: Ergo illa nomina non sunt synonyma.

Sequitur 106. Nomina dicta de Deo *Ibid. 47 5.*

& creaturis non esse ipsis uniuoca.

Prob. sequela. Nomina uniuoca significant unam & eandem rationem : Sed nomina dicta de Deo & creaturis non significant unam & eandem rationem : Ergo nomina dicta de Deo & creaturis non sunt uniuoca. Minor probatur ; tum quia non potest abstrahi una ratio, quæ sit communis Deo & creaturis ; tum quia nomina dicta de creaturis significant perfectiones eo modo , quo reperiuntur in creaturis, hoc est, distinctas inter se, quod non competit Deo.

*Ibidem.*

Sequitur 107. Nomina dicta de Deo & creaturis non dici purè æquiuocè.

Probatur sequela : Quia nomina, quæ significant similem quidem rationem non perfectè eandem, non dicuntur purè æquiuocè , ut patet : Sed nomina dicta de Deo & creaturis significant rationem aliquam similem, licet non perfectè eandem : quia perfectio creaturarum est aliquo modo similis Diuinæ : Ergo, &c.

*Ibidem.*

Sequitur 108. Nomina dicta de Deo & creaturis dici analogicè.

Probatur sequela. Nomina, quæ dicuntur de Deo & creaturis non dicuntur uniuocè , nec purè æquiuocè , sed dicuntur de creaturis inquantum habent quemdam ordinem & quamdam proportionem ad Deum : hoc enim mo-

*D. Thomæ Principium.* 65

do Deum ex ordine creaturarum ad ipsum cognoscimus & nominamus: Sed hoc est nomina illa dici analogicè, vt patet ex dictis in primo principio: Ergo, &c.

Sequitur 109. Nomina, quæ dicuntur de Deo & creaturis propriè & non metaphoricè, per prius dici de Deo, quàm de creaturis, quantum ad rem significatam, quamvis quoad modum significandi per prius dicantur de creaturis. *Ibid. ar 6.*

Probatur sequel. Nomina de pluribus analogicè dicta, per prius dicuntur de principali analogato, quod prius participat rationem significatam per nomen, & à quo cetera pendent in participatione illius rationis significatæ: Sed nomina, quorum significatum conuenit Deo & creaturis, dicuntur de illis & de Deo analogicè, & ratio significato prius est in Deo, quàm in creaturis, & à Deo creaturæ pendent in participatione illius rationis significatæ, vt satis patet, ex dictis: Ergo illa dicuntur analogicè: Quia tamen modus significandi prius sumitur ex creaturis, quas primò cognoscimus, & per posterius attribuitur Deo, idcirco quoad modum significandi prius dicuntur de Deo, quàm de creaturis.

Sequitur 110. Nomina, quæ Metaphoricè dicuntur de Deo, per prius dici *Ibidem.*

## 66 *Secundum Doctrinæ*

de illis creaturis , de quibus nomen sic dicitur, quàm de deo , cui ex creaturis metaphora applicatur.

Prob. seq. Quæ dicuntur metaphoricè de deo, non conueniunt illi propriè, sed potiùs conueniunt creaturis: Atqui nomina dicuntur priùs de illis , de quibus dicuntur propriè , quàm de illis , quibus non propriè conueniunt : Ergo nomina metaphoricè dicta de deo, priùs dicuntur de creaturis.

*Ibid. ar. 8.*

Sequitur III. Hoc nomen , *Deus* , significare substantiam dei, quantum ad id, cui nomen impositum est ; licet non quantum ad id, à quo imponitur.

Prob. sequ. Nomina , quæ significant perfectionem propriè in deo existentem, significant eius substantiam , licet id , à quo imponuntur sit aliqua eius operatio, vt patet ex dictis: Sed hoc nomen *Deus* impositum est ad significandum id , quod habet perfectionem , scilicet prouidentiam vniuersalem , quæ verè ac propriè in deo est, vt infra ostendemus: Ergo hoc nomen *Deus* significat substantiam dei, quamuis impositum sit ab operatione, scilicet, à prouidentia.

*Ibid ar 9.*

Sequitur II2. Hoc nomen *Deus* secundum rem significatam propriè esse reipsâ incommunicabile , quamuis secundum opinionem sit communicabile ob aliquam similitudinem , quam cum



*D. Thoma Principium. 67*

Deo habent res, quibus communicatur.

Prob. sequ. Nomen significans naturam essentialiter vnam & incommunicabilem est incommunicabile secundum rem, quamuis sit communicabile secundum rationem ex aliqua similitudine: Sed hoc nomen *Deus* significat naturam omnino vnam, scilicet deitatem, quam supra ostendimus esse non posse nisi vnam, atque adeo alijs rebus incommunicabilem: Ergo hoc nomen *Deus* propriè sumptum non est communicabile, licet impropriè & metaphoricè possit communicari.

Sequitur 113. Hoc nomen, *Deus*, dicitur non vniuocè, nec purè æquiucè, sed analogicè de Deo vero, & de Deo per participationem, vel secundum opinionem. *Ibid. d. 10*

Probat sequela: Nomen non significans, vnam rationem, sed similem realiter; aut saltem secundum opinionem, non dicitur vniuocè, nec æquiucè, sed analogicè: quia dicitur per analogiā ad illam rem, quæ verè habet illam rationem: Sed hoc nomen, *Deus*, est huiusmodi, vt patet ex dictis: Ergo, &c. Minor probatur: quia hoc nomen, *Deus*, primò & principaliter significat rem, quæ habet naturam Diuinam; secundariò verò & minùs principaliter, quod participat aliquid Diuinum; & tandem

significat id , cui falsò opinantes attribuant naturam Diuinam: vnde omnes sic nominantes , nominant per ordinem ad rem , quæ verè habet naturam Diuinam.

*Ibid. ar. 11.* Sequitur 114. Hoc nomen , *Qui est* , esse maximè proprium Deo.

Probaturs sequela : Quod significat ipsum esse per se subsistens secundum totam plenitudinem & vniuersalitatem essendi, & durationem , in qua nihil est præteritum aut futurum , est nomen maximè proprium Deo: quia hæc tria sunt maximè proprio Deo , ex dictis supra : Sed hoc nomen , *Qui est* , hæc tria significat: Ergo est maximè proprium Deo. Minor prob. Nam hoc nomen, *Qui est* , significat esse per se subsistens, non limitatum sed vniuersale, & durationem semper præsentem.

*Ibid. a. 12.* Sequitur 115. Posse verè formari propositiones affirmatiuas de Deo.

Probaturs sequela: Propositiones affirmatiuæ veræ de aliquo subiecto prædicant significatum prædicati esse idem cum subiecto secundum rem, licet importent aliquã distinctionem secundum rationem inter illud idem prædicatum & subiectum: Sed huiusmodi omnia conueniunt Deo: Ergo, &c. Maior patet quia in omni propositione affirmatiua prædicatum dicitur idem cum sub-

iecto , & nihilominus prædicatum apprehenditur aliquo modo distinctum à subiecto, quod constat tum in prædicatione essentiali, vt *homo est animal*, tum in accidentali, vt *homo est albus* : in ijs enim verum est , quod animal ratione distinctum ab homine, est nihilominus idem cum homine ; & habens albedinem distinctum per rationem ab homine , est idem realiter : imò & quando idem prædicatur de seipso intellectus aliquo modo apprehendit idem secundum rationem distinctum à seipso. Minor est evidens ex dictis supra : quia quæcumque sunt in deo , sunt omnino idem secundum rem , & differunt tantum secundum rationem.

Sequitur 116. deum esse intelligentem. 1. p. q. 14.  
art. 1.

Probatur sequela : Omnis substantia omnino immaterialis est intelligens , vt probatum est : Sed deus est substantia omnino immaterialis , ex dictis : Ergo est intelligens.

Sequitur 117. Intelligere actuale esse formale constitutivum naturæ divinæ. Ibid. ar. 4.

Explicatur. Constitutivum dicitur in qualibet re illud , quod est differentia vel quasi differentia propria ; sicut enim species constituitur ex genere & differentia : ita quælibet res concipitur habere aliquid commune , in quo conue-

niat cum alijs , & aliquid particulare & proprium , per quod concipitur distinguī ab illis. Hoc ergo sensu dicimus intelligere esse cōstitutiuū naturæ diuinæ.

Probatur ergo sequela : Constitutiuum actus purissimi non debet saltem explicitè dicere totum , quod est in re, nec debet dicere quid potètiāle ex parte rei conceptæ , imò debet dicere quid omnino actualissimū, vt constar: Sed hæc tria conueniunt soli intelligere diuino in ordine ad naturam diuinam : Ergo solum intelligere est constitutiuum naturæ diuinæ. Minor quoad primam partem probatur ; quia intelligere secundū conceptum explicitum non importat totum , quod est in deo : nam in deo est esse æternum , infinitum , immutabilem , perfectum , bonum , esse substantiam, quæ omnia non importantur explicitè per ipsū intelligere. Quòd verò intelligere vt sic non importet vllam potentialitatem ex parte rei conceptæ, patet & simul quòd sit actualissimum; quia perfectissimus gradus essendi in actu secundo est quid actualissimum excludens omnem imperfectionem & potentialitatem : Sed intelligere est perfectissimus gradus essendi in actu secundo : Ergo intelligere est quid actualissimum excludens omnem omnino imperfectionem & potentialitatem. Minor probatur : Tres iunt gradus, esse , viuere

re, & intelligere : Esse vt distinguitur à viuere, non est quid ita perfectum ac viuere, vt patet ex dictis, in primo principio : viuere etiam vt distinguitur ab intelligere non est quid ita perfectum ac intelligere : vnde gradus intellectiuus est omnium perfectissimus : gradus autem intellectiuus in actu secundo nihil aliud est, quàm intelligere : Ergo intelligere est perfectissimus gradus in actu secundo, atque adeo constitutiuum naturæ Diuinæ.

Sequitur 118. Esse etiam per se subsistens non esse constitutiuum essentias vel naturæ Diuinæ. *Ibid.*

Probatur sequela : Esse dupliciter sumi potest, vel vt distinguitur ab ipso viuere & intelligere, vel vt includit totam plenitudinem essendi : Sed neutro modo esse potest constituere naturam diuinam : Ergo, &c. Minor probatur, constitutiuum naturæ Diuinæ, & actus purissimi debet non importare totum, quod est in ipso, & debet importare summam perfectionem & actualitatem : Sed esse vt distinguitur à viuere & intelligere non importat summam perfectionem etiam substantialem, & summam actualitatem cum gradus viuendi, & intelligendi sit etiam substantialiter perfectior & actualior : esse autem, vt dicit totam plenitudinem essendi, includit totum, quod est & esse potest in natura

actus purissimi : Ergo esse neutro modo potest esse constitutum naturæ actus purissimi.

*Ibid.*

Sequitur 119. Gradum intellectui, ut distinguitur ab intelligere tamquam radix illius, non posse esse constitutum naturæ diuinæ.

Proba. sequ. Nullum potentiale ex parte rei vel rationis conceptæ, potest esse constitutum actus purissimi, ut ex terminis constat : Sed gradus intellectui, ut distinguitur ab intelligere tamquam radix illius, est quid potentiale ex parte rei vel rationis conceptæ : Ergo gradus intellectui, ut distinguitur ab ipso intelligere, non potest esse constitutum naturæ diuinæ, quæ est actus purissimus. Minor est evidens : nam intellectuum, ut est radix ipsius intelligere, importat ordinem ad intelligere, eodem modo, quo potentia importat ordinem ad actum : Quod autem importat huiusmodi ordinem euidenter importat potentialitatem ex parte rei vel rationis conceptæ : Ergo, &c.

*Ibid.*

Sequitur 120. Gradum substantialem intellectui, ipsum intellectum, siue virtutem proximam intelligendi, speciem intelligibilem, & intelligere, esse omnino idem in deo absque vlla etiam virtuali distinctione.

Probat. seque. Quæ in rebus creatis distinguuntur

distinguuntur ob solam potentialitatem & pertinent ad eandem rationem formalem, nullo modo distinguuntur in Deo etiam virtualiter, vt supra ostendimus: Atqui gradus substantialis intellectiui, ipse intellectus siue vis proxima intelligendi, species intelligibilis, & intelligere distinguuntur in rebus creatis ob solam potentialitatem, & pertinent ad eandem rationem formalem intelligendi, vt patet ex dictis: Ergo hæc nullo modo distinguuntur in Deo etiam virtualiter.

Sequitur 121 In omni alia re creata hæc debere distingui vniuersaliter loquendo.

Probatur sequi. Quod conuenit Deo præcisè ex hoc, quòd est actus purus, non potest alijs conuenire: Atqui identificare sibi omnino gradum substantialem intellectiui, intellectum, & ipsum intelligere conuenit Deo præcisè ex eo, quòd sit actus purus, vt patet ex dictis: Ergo in rebus creatis ista non poterunt identificari. Non posui in conclusione speciem intelligibilem, quia illa saltem impressa in rebus omnino immaterialibus potest esse ipsa essentia, vt ostensum est in primo principio, nec tamen sequitur, quòd sint actus purus, quia ad hoc sufficit, quòd species expressa distinguatur ab ipsa essentia.

Tom. II.

D

1. p. 9. 54.  
ar. 1.  
et qu. 77.  
a. 1. et 9.  
79. art. 1.  
et qu. 87.  
a. 1.

## 74 *Secundum Doctrinam*

*Ibidem.*

Sequitur 122. In omni alia re creata hæc debere distinguere realiter.

Probat. seq. Quæ distinguuntur per modum potentia physica & actus physici debent distinguere realiter in compositis ex actu & potentia; quia actus physicus debet realiter informare & respicere potentiam: & potentia debet realiter recipere vel elicere actum: Sed in omni re creata, utpote, composita realiter ex actu & potentia, gradus intellectui est potentia radicalis ad ipsum intelligere, & intellectus est potentia proxima ad illud ipsum intelligere, quod est actus: Ergo hæc inter se realiter distinguuntur.

*Ibidem.*

Sequitur 123. Vniuersaliter in omni re creata potentiam proximam agendi distinguere à gradu substantiali, sicut & actum secundum siue operationem ab ipsa potentia, ab ipsa substantia, & ab ipso esse siue ab existentia.

Probat. sequ. In omni re composita ex actu & potentia ista omnia debent realiter distinguere: Sed omnis alia res à Deo est composita ex actu & potentia; alias esset actus purus: Ergo in omni alia re à Deo substantia, potentia, esse & operari debent realiter distinguere. Maior probatur: In omni re tot debent esse potentia realiter distincta, quot sunt actus realiter ex sua ratione formali distincti:



Sed in omni re composita ex actu & potentia debent esse duo actus realiter ex ratione sua formali distincti, videlicet esse siue existentia, & operatio: Ergo debent etiam esse duæ potentia, scilicet, potentia ad esse, & potentia ad operationem. Maior probabitur in tertio principio. Minor probatur: Quia in omni re, cuius operatio est ipsum esse, illud esse est actus purus & infinitus, ut patet ex dictis. Explicatur magis. Omnis operatio vel est transiens vel immanens: Sed neutra potest esse ipsum esse in re creata: Ergo, &c. Minor quoad primam partem est euidens; quia esse alicuius debet esse in ipso, aliàs per illud non existeret: Sed operatio transiens non est in operante. Ergo operatio transiens non est ipsum esse operantis: Secunda verò pars minoris probatur. Omnis operatio immanens est aliquo modo infinita: Sed esse nullius rei creatæ potest esse aliquo modo infinitum: Ergo nullius rei creatæ esse potest esse ipsa operatio, vel è contra. Maior est euidens: quia omnis operatio immanens est vel sentire, vel intelligere, vel appetere: Sed sentire est aliquo modo infinitum, quia non determinatur ad certam quamdam speciem sui obiecti, sicut nec intelligere nec appetere: Ergo operatio immanens est aliquo modo infinita qua-

tenuis dicit ordinem penè ad infinita obiecta : At verò esse siue existentia non dicit ordinem ad infinita, aliàs non esset quid absolutum & substantiale : Ergo , &c. Denique operatio est ab ipso operante tamquam à causa efficiente, vt est euidens : Sed esse siue ipsa existentia non potest esse ab ipso existente tamquam à causa efficiente ; nam causa efficiens supponitur esse, quando operatur, vt superiùs diximus : Ergo esse non potest in re creata esse operatio. Atque hinc intelliges , quare, si operatio & esse essent idem in re creata, res creata esset actus purus , quia sicut habet operationem à seipsa, ita haberet suum esse à se : hoc autem est esse actum purum , vt supra ostendimus.

*Ibidem.*

Sequitur 124. Nullam substantiam creatam esse immediatè operatiuam.

Probaturs sequ. Substantia, quæ non respicit per se primò operationem tamquam proprium actum , non est immediatè operatiua : Sed nulla substantia creata respicit per se primò operationem tamquam proprium actum : Ergo nulla substantia creata est immediatè operatiua. Minor patet ex dictis : quia substantia per se primò respicit esse substantiale tamquam proprium actum, qui ab ipsa efficienter non procedit, sed in ipsa recipitur ; operationem verò non

*D. Thoma Principium.* 77.

potest respicere ut proprium & per se  
primò actum, qui non procedat efficien-  
ter, sed solùm recipiatur.

Sequitur 125. In Deo vim intelle-  
ctiuam siue intelligere, & obiectum in-  
telligibile esse omnino idem etiam abs-  
que virtuali distinctione.

: P. qm. 14.  
47. 4.

Probat. sequ. Vbi nihil est, potentia-  
litatis, vis intellectiua, & ipsum intelli-  
gibile sunt omnino idem absque virtua-  
li etiam distinctione: Sed in Deo nihil  
est potentialitatis; cum sit actus purus:  
Ergo oportet, quòd vis intellectiua &  
obiectum intelligibile sint omnino idè.  
Maior patet: Quia vis intellectiua, quæ  
non est idem cum obiecto intelligibili  
est in potentia ad ipsum: & obiectum  
intelligibile, quod non est idem cum  
ipso intelligere, est in potentia ad ipsum  
intelligere. Explicatur: Intelligere &  
intelligi sunt omnino idem absque vir-  
tuali distinctione: nam in actionibus  
immanentibus non distinguitur actio à  
passione, quamuis denominatio extrin-  
seca, quæ oritur ab ipsa actione imma-  
nente possit competere alijs quibusdam  
distinctis: Sed actualitas principij intel-  
lectiui ut sic est intelligere, & actualitas  
intelligibilis ut sic est intelligi: Ergo  
actualitas intellectiui & intelligibilis ut  
sic sunt omnino idem absque vlla distin-  
ctione etiam virtuali: Ergo ubi nulla

q. 1. 1. 1. 1. 1.  
+ 1. 1.

## 78 *Secundum Doctrinam*

est potentia, sed summa actualitas neque principium intellectuum distinguitur ab intelligere, neque intelligibile distinguitur ab intelligi, neque intelligi ab intelligere, nec consequenter intelligibile ab intellectu.

*Ibid. ar. 5.* Sequitur 126. Obiectum primum intellectus Divini esse ipsam naturam Divinam, hoc est, ipsum proprium intelligere Dei.

Probatur sequi. Primum intelligibile est obiectum primum intellectus Divini, utpote, qui est primum intelligere. Sed ipsa natura Divina siue ipsum intelligere Divinum, per quod natura Divina constituitur, ut diximus, est primum intelligibile, ut patet: cum omnino identificetur cum ipso intelligi. Ergo natura Divina est obiectum primum intelligere Divini.

*1. p. qn. 14. a. 4.* Sequitur 127. Intelligere Divinum non debere concipi per modum operationis dimanantis & veluti procedentis ab ipso intellectu, sed tantum per modum actus actualissimi.

Probatur sequela. Intelligere, quod est ipsum obiectum intelligibile, non debet concipi per modum procedentis a principio intellectivo & veluti tendentis in obiectum, quia ipsum intelligere est suum obiectum: Sed intelligere Divinum, ex dictis, est ipsum obiectum intelligibile: Ergo, &c.

Sequitur 128. Intelligere Diuinum esse eminentissimo & particulari quodam modo directum & reflexum. *Ex eodem loco.*

Prob. sequ. Intelligere terminatum ad seipsum tamquam ad obiectum primum, est eminentissimo & particulari quodam modo directum & reflexum : Sed intelligere Diuinum terminatur ad seipsum tamquam ad suum obiectum primum, ex dictis : Ergo intelligere Diuinum est eminentissimo quodam modo directum & reflexum. Explicatur maior. Omne intelligere aliquo modo est reflexum virtualiter, quatenus intellectus intelligendo obiectum, ad quod primario terminatur, aduertit se intelligere : sed illud intelligere, quod primario terminatur ad seipsum tamquam ad primum obiectum, reflectit se supra se eminentissimo quodam modo ; quia ipsummet est obiectum sui ipsius.

Sequitur 129. Obiectum primum cognitionis Diuinæ esse ipsam essentiam Diuinam. *Ibidem.*

Probat. sequ. Primum intelligibile est obiectum primum cognitionis Diuinæ : Sed essentia Diuina est primum intelligibile, cum sit primum immateriale, & radix intelligibilitatis omnium aliorum : Ergo, &c.

Sequitur 130. Attributa esse obiectum siue potius prædicata obiecti primi. *Ibidem.*

80 *Secundum Doctrinæ*

Probatur seque. Attributa non sunt obiectum secundarium, cum sint ex se intelligibilia & Diuina; nec sunt etiam obiectum formalissimè primarium: Ergo sunt prædicata obiecti primarij.

Sequitur 131. Creaturas esse obiectum secundarium.

Probat. sequ. Quia non sunt eiusdem immaterialitatis & intelligibilitatis, vt patet ex dictis.

1. p. q. 14. a. 3. Sequitur 132. Deum comprehendere seipsum.

Probatur sequela. Intelligere, quod est ipsum obiectum intelligibile, comprehendit seipsum: Sed, ex dictis, Deus est ipsum intelligere, quod est ipsum obiectum intelligibile: Ergo Deus comprehendit seipsum. Maior patet: Quia quando tanta est intellectualitas in actu intellectionis, quanta est intelligibilitas in obiecto, illa intellectio est comprehensio: Sed quando intelligere est ipsum obiectum intelligibile, tanta est intellectualitas in ipso intelligere, quanta est intelligibilitas in obiecto: vtrumque enim est æquè immateriale & actuale; cum sint omnino idem absque virtuali distinctione: Ergo illa intellectio est comprehensua illius obiecti.

1. p. q. 14. a. 3. Sequitur 133. Deum cognoscere alia à se.

Probat. sequela. Causa intelligens,

quæ comprehendit seipsam, comprehendit etiam effectus alios à se : Sed deus est causa intelligens comprehendens seipsum ; ex dictis : Ergo comprehendit effectus alios à se , imò comprehendit omnia, quia , vt in fra ostendemus , est causa omnium.

Sequitur 134. Deum cognoscere omnia à se in seipso vt in causa. *Ibid.*

Probatur sequela. Causa comprehendens seipsam comprehendit etiam rationem causæ in seipsa existentem : aliàs non comprehenderet se , quia non comprehenderet rationem causæ , quæ ipsi verè competit , & secundùm quam. est cognoscibilis : Sed deus comprehendit se , ex dictis : Ergo comprehendit in se rationem causæ respectu eorum omniũ, quorum est causa. Non potest autem seipsum vt causam perfectè comprehendere , nisi cognoscat omnes effectus , ad quos sua causalitas terminatur : cum ergo deus sit causa omnium , omnia in seipso comprehendit vt in causa.

Sequitur 135. Deum non cognoscere immediatè creaturas , hoc sensu , quòd cognitio diuina terminetur ad creaturas absque eo, quòd terminetur ad seipsum. *Ibid.*

Probatur sequela. Causa comprehendens se, ita vt hæc comprehensio vt terminatur ad se, sit ipsa natura causæ, non potest habere vllam omnino cognitio-

nem non terminatam immediatè ad se : Sed deus est causa comprehendens se , ita vt eius cognitio sit sua natura : Ergo non potest habere vllam cognitionem non terminatam immediatè ad se. Maior probatur : Quia aliàs vel deberet illa causa cessare à propria cognitione & natura , vt aliam cognitionem haberet , vel deberet habere diuersas realiter cognitiones , ita vt per vnam , quæ esset eius natura , comprehenderet se ; & per aliam vel alias non terminatas immediatè ad se , deberet cognoscere alia à se : Arqui vtrumque implicat : Ergo , &c. Sequela maioris est euidentis : si enim causa cognoscit se necessario semper , vtpote cum eius cognitio sit ipsius natura , semper debet se immediatè cognoscere per omnem cognitionem , quam habet ; vel debet habere cognitionem aliam ab ea , quæ constituit propriam ipsius naturam , & sic per illam cognitionem cognoscere immediatè non se ipsam sed alia à se , quæ cognitiones inter se realiter distinguuntur , vt patet consideranti. Quod verò vtrumque implicet , probatur : nam quoad primum , implicat causam cessare ab esse , si debet agere : Ergo implicat cessare à propria cognitione , quæ est suum esse & sua natura , si debet cognoscere alia à se. Quoad secundum verò , etiam implicat ;



*D. Thoma Principium.* 83

quia in causa, in qua sunt plures cognitiones, est compositio realis & non perfecta simplicitas: Hoc autem repugnat primæ causæ: Ergo, &c.

Sequitur 136. Scientiam dei esse eminenter formaliter speculatiuam & practicam. 1. p. qu. 18. a. 16.

Probaturs sequela. Cognitio, cuius obiectum primarium & formale eminenter formaliter est speculabile & practicum, est eminenter formaliter speculatiua & practica; quia, ut dicemus in tertio principio, cognitio suam perfectionem habet ab obiecto primario & formali: Sed scientia diuina habet obiectum primarium & formale continens eminenter formaliter rationem speculabilis & practici: Ergo scientia dei est eminenter formaliter speculatiua & practica. Minor probatur: Obiectum, quod continet rationem primæ veritatis & ultimi finis eminenter formaliter, continet etiam eodem modo rationem speculabilis & practici: Sed essentia diuina, quæ est obiectum scientiæ primarium & formale sub ratione causæ altissimæ, continet eminenter formaliter rationem primæ veritatis & ultimi finis: Ergo obiectum primarium & formale scientiæ diuinæ continet eminenter formaliter rationem speculabilis & practici. Maior est euident: quia sicut prima

## 84 *Secundum Doctrina*

veritas est ratio cognoscendi omnes veritates speculativas, ita ultimus finis est ratio cognoscendi omnes veritates practicas. Minor est etiam certa, & patet, ex dictis supra, quia essentia Divina est summè immaterialis, atque adeo prima veritas; & est summum bonum; & consequenter ultimus finis.

*Ibidem.*

Sequitur 137. Scientiam Dei esse practicam in actu secundo, quantum est de se.

Probaturs sequela. Quidquid in actu puro reperitur, est in actu secundo quantum est ex parte ipsius: Sed deus est actus purus, & ratio scientiæ practicae reperitur in illo, ex iam dictis: Ergo ratio scientiæ practicae in eo est in actu secundo quantum est ex se.

*Ibid. ar. 8.*

Sequitur 138. Scientiam Dei esse causam rerum.

Prob. seq. Scientia practica in actu secundo est causa rerum: Sed scientia dei est practica in actu secundo, ex dictis: Ergo, &c.

*Ibidem.*

Sequitur 139. Scientiam Dei non esse solum practicam per modum dirigentis & ordinantis, sed etiam per modum exequentis.

Probaturs sequela. Quod est practicum in actu secundo & per modum actus puri est causa, non solum dirigens & ordinans, sed etiam exequens: Atque

scientia Dei est practica in actu secundo,  
& est causa per modum actus puri, ex  
dictis : Ergo est causa etiam exequens.  
Maior patet ex primo principio, in quo  
diximus, in rebus omnino immateria-  
libus non dari potentiam executiuam  
distinctam ab intellectu & voluntate :  
Diximus etiam actum imperij esse actū  
intellectus : ac demum ostendimus actū  
imperij esse vltimum actum, qui in pro-  
cessu agentis purè intellectualis reperit-  
ur; quia non est necessarius vsus actiuus  
aut passiuus, vbi potentia executiua non  
est distincta ab intellectu & voluntate.  
Vnde sic arguitur : In actu puro, vtpote  
omnino immateriali, imperium est actus,  
quo exequitur & causat, vnde non est  
solum actus dirigens & ordinans, sed  
exequens : Sed Deus est actus purus :  
Ergo in ipso actus imperij est exequens :  
Atqui actus ille imperij est scientia :  
Ergo scientia est exequens : Subsumptū  
probaturs Actus intellectus, qui termi-  
natur ad effectum in causa est scientia :  
Sed actus imperij est actus intellectus,  
vt ostendimus, & hic actus in Deo ter-  
minatur ad effectus in causa : Ergo actus  
imperij est in Deo scientia. Secunda  
pars minoris probatur : Omnis actus  
intellectus Diuini debet terminari pri-  
mario ad ipsam essentiam Diuinam, &  
nullus potest immediatè terminari ad

## 86 *Secundum Doctrinam*

res creatas, vt supra demonstratum est: Ergo actus imperij in Deo debet terminari immediatè ad essentiam Diuinam tamquam ad obiectum primum & formale: cum ergo attingat etiam creaturas, illas attingit in essentia Diuina tamquam causâ: quia, vt superius demonstratum est, Deus cognoscit res creatas in sua essentia vt causâ: Ergo actus imperij est scientia: cum ergo actus imperij sit executiuus, scientia Dei erit executiua & productiua rerum.

*Ibidem.*

Sequitur 140. Scientiam & omnipotentiam non distingui virtualiter in Deo.

Probatur sequi. Potentia siue virtus executiua non distinguitur virtualiter ab omnipotentia, vt est euidens: Sed scientia Dei est virtus executiua, ex dictis: Ergo scientia Dei non distinguitur ab omnipotentia. Aduerte tamen, quòd, quia nos in hac vita non cognoscimus Deum, nisi per analogiam ad res sensibiles, in quibus uidemus potentiam executiuam esse aliquomodo distinctam à cognoscitiua, idcirco nos distinguimus in Deo omnipotentiam à scientia cum fundamento non in ipso Deo, sed in rebus creatis, & in modo nostro intelligendi.

*Ibidem. &  
n. 9. ad 3.*

Sequitur 141. Scientiam Dei, quæ est executiua & causa rerum in actu se-

cundo , supponere actum liberum voluntatis Diuinæ.

Proba. sequ. Imperium etiam in nobis supponit electionem , quæ est actus liber, vt ostendimus in primo principio, & hoc vel maximè verum est in Deo , qui est liberrimus , & nihil producit ad extra nisi liberè: Sed scientia Dei, quæ est executiua & causa rerum in actu secundo, est actus imperij , ex iam dictis; Ergo scientia Dei, quæ est executiua & causa rerum in actu secundo , supponit actum liberum voluntatis Diuinæ.

Sequitur 142. Illam scientiam, quæ *Ibid. ar. 9.* est executiua rerum, esse scientiam visionis.

Probatur seque. Scientia supponens actum liberum Dei, & terminata ad res præsentēs & existentes, est scientia visionis, ex dictis supra: Sed scientia executiua & productiua rerum supponit actum liberum, & terminatur ad res vt existentes ( quia dat illis existentiam , ) & præsentēs realiter in æternitate, quia dando illis existentiam in aliqua duratione creata, eo ipso dat illis præsentiam realem in æternitate , vt ostendimus supra: Ergo scientia executiua & productiua rerum est scientia visionis. Vnde aduerte scientiam simplicis intelligentiæ attingere res solum vt possibiles, scientiam autem visionis

duo præstare iuxta nostrum modum intelligendi; nam & dirigit voluntatem, proponendo, quæ facienda sunt, & præsupposita electione voluntatis exequitur & producit res, quas Deus vult, & in ea duratione, quâ Deus vult.

*Ibid.* 4. 8. *ad 1.* Sequitur 143. Non ideo res sciri à Deo, quia sunt, vel quia futuræ sunt; sed potius ideo res esse, vel futuras esse, quia Deus illas scit.

Probatur sequi. Particulæ illæ, *ideo*, & *quia*, important causalitatem propriè loquendo: Sed, ex dictis, scientia Dei est causa rerum, & res non sunt causæ ipsius scientiæ Dei: Ergo non ideo res sciuntur à Deo, quia sunt, vel quia futuræ sunt: sed ideo sunt vel futuræ sunt, quia sciuntur à Deo. Quod si aliquando Patres videntur oppositum dicere, intelligunt quòd scientia Dei non aufert libertatem, vel non est causa peccatorum; vel loquuntur tantum de scientia Dei præcisè sub ratione scientiæ, cui ex suo genere non convenit ratio causæ; vel loquuntur de causa consequentiæ, quia videlicet est bona consequentiæ, *Res sunt: ergo sciuntur à Deo.*

*Ibid.* ar. 8. 9. 11. 12. 13. 66. Sequitur 144. Deum cognoscere omnia possibile, existentia, futura quomodocumque, cogitationes cordium, singularia, infinita.

Probatur sequi. Quia cognitio eius

*D. Thoma Principium. 89*

est infinita & comprehensiva omnium,  
vt satis patet ex dictis.

Sequitur 145. Deum cognoscere *Ibid. a. 10.*  
etiam mala eo modo, quo sunt cognoscibilia.

Probat. sequela. Qui comprehendit omnia simpliciter, cognoscit mala eo modo, quo cognoscibilia sunt: Sed deus comprehendit omnia simpliciter: Ergo cognoscit mala eo modo, quo cognoscibilia sunt.

Sequitur 146. Deum cognoscere ma- *Ibidem*  
la cognoscendo in seipso bona, quorum mala sunt priuationes.

Probat. sequela. Qui cognoscit omnia vt sunt cognoscibilia, cognoscit mala vt sunt priuationes bonorum: Sed deus cognoscit omnia, vt sunt cognoscibilia: Ergo cognoscit mala, vt sunt priuationes bonorum: Cum ergo non possit nosse mala vt priuationes bonorum, nisi per bona, quorum sunt priuationes, quia nec à nobis alio modo cognoscuntur, nisi faciamus entia rationis, quæ deus facere non potest, debet cognoscere mala per bona; bona autem cognoscit in sua essentia, vt patet ex dictis: Ergo cognoscit mala cognoscendo in seipso bona, quorum sunt priuationes.

Sequitur 147. Deum cognoscere *Ibid. a. 14.*  
enunciabilia, id est, propositiones, quæ de qualibet re possunt efformari.

90 *Secundum Doctrina*

Probatur sequi. Qui comprehendit intellectum nostrum, cognoscit etiam enunciabilia: Sed deus comprehendit intellectum nostrum: Ergo cognoscit etiam ipsa enunciabilia.

*Ibidem.* Sequitur 148. Deum cognoscere enunciabilia absque compositione & diuisione.

Probatur sequela. Qui cognoscit omnia absque vlla imperfectione, & per vnam & eandem speciem, cognoscit etiam enunciabilia absque compositione & diuisione: Sed deus cognoscit omnia absque vlla imperfectione, & per suam essentiam tamquam per vnam & eandem speciem causæ omnium: Ergo, &c. Maior patet: quia compositio & diuisio important imperfectionem, in quantum quod cognoscitur per vnam speciem, attribuitur alteri per distinctam speciem cognito.

*Ibid. a. 15.* Sequitur 149. Scientiam dei non esse variabilem.

Probatur sequela. Qui habet omnimodam immutabilitatem, non habet scientiam variabilem: Sed deus, cum sit actus purus, habet omnimodam immutabilitatem: Ergo non habet scientiam variabilem.

*Ibid. ar. 7.* Sequitur 150. Scientiam dei non esse discursiuam.

Probatur sequi. Qui habet scientiam



*D. Thoma Principium.* 91

non variabilem, habet non discursiuam;  
quia scientia discursiua est variabilis :  
Sed deus habet scientiam non variabi-  
lem: Ergo, &c.

Sequitur 151. In deo esse pruden-  
tiam, & artem.

Probat. sequ. Omnis perfectio sim-  
pliciter simplex est in deo : Sed pruden-  
tia & ars sunt perfectiones simpliciter  
simplices : Ergo sunt in deo. Maior pro-  
bata est superius. Minor est euidens , ex  
dictis, in primo principio , & infra am-  
plius constabit : quia recta ratio agibili-  
um, & recta ratio factibilium nullam  
in suis conceptibus formalibus inclu-  
dunt imperfectionem.

Sequitur 152. In deo esse ideas re-  
rum omnium. 1. p. q. 15.  
ar. 1.

Probat. sequ. In artifice , siue in eo ,  
qui habet artem , debet esse idea : Sed  
deus est artifex , vt sæpius dicitur in  
Scriptura, & patet ex dictis : Ergo, &c.  
Maior patet : quia idea est , ad quam  
respiciens artifex operatur : vnde deus  
respiciens ad ideam operatur omnia ad  
extra.

Sequitur 153 Ideam esse ipsam essen-  
tiam diuinam. *Ibidem.*

Probat. sequ. Similitudo, ad quam  
respiciens artifex extra se operatur , est  
idea : Sed essentia diuina est similitudo  
omnium , ad quam deus vt artifex ref-

piciens , omnia operatur : Ergo essentia diuina est idea , & è contra. Minor patet ex dictis supra , quia Deus omnia cognoscit in sua essentia. Sed aduerte quòd essentia diuina est species , quâ seipsum & alia in se vt causa cognoscit ; sed quia se cognoscendo cognoscit se perfectissimum , cognoscit creaturas posse aliquo modo imitari suas perfectiones , quæ vnica sunt in ipso perfectione : quatenus ergo cognoscit suas perfectiones , quas creaturæ imitari possunt , ipsa essentia est idea.

*Ibidem.*

Sequitur 154. Essentiam Diuinam non habere rationem ideæ , nisi vt à Deo cognoscitur & comparatur ad creaturas vt imitabilis ab ipsis.

Probatür sequela. Idea est forma , extra rem existens , ad quam respiciens artifex operatur : Sed essentia Diuina non potest esse forma , ad quam respiciens Deus operetur , nisi cognoscatur à Deo & comparetur ad creaturās vt imitabilis ab ipsis : Ergo essentia diuina non potest esse idea , nisi sic cognoscatur & comparetur.

*Ibid.*

Sequitur 155. Creaturas ipsas non esse ideas , sed potiùs esse ipsa ideata.

Probatür sequela. Id , quod artifex operatur respiciendo ad ideam , non est idea , vt est euident : Sed creaturæ sunt potiùs id , quod Deus operatur respi-

ciendo ad suam essentiam , vt patet ex dictis : Ergo , &c.

Sequitur 156. In Deo esse plures ideas *Ibid. a. 2.* rerum.

Probat. sequ. Qui cognoscit rem secundum omnia, secundum quæ cognoscibilis est , cognoscit illam secundum omnia, & singula à quibus participabilis esse potest & imitata : Atqui Deus comprehendit essentiam suam , atque adeo cognoscit illam secundum omnia, secundum quæ cognoscibilis est: Ergo cognoscit illam secundum omnia , & singula à quibus participabilis est , & imitata esse potest: hoc autem est habere plures ideas rerum: quia ipsa essentia Diuina cognoscitur vt diuersimodè imitabilis à creaturis : Ergo , &c.

Sequitur 157. Pluralitatem idearum non oriri ex sola essentia Diuina præcisè vt sic, sed ex intellectu Diuino comparante essentiam suam ad res creatas. *Ibid. a. 3.*

Prob. sequ. Ex vno, quatenus vnum est, non oritur pluralitas, nisi ad diuersa comparetur : Sed essentia Diuina vna est : Ergo ex illa non potest oriri pluralitas , nisi quatenus ad diuersa comparatur.

Sequitur 158. Comparationem illam essentiæ diuinæ vt imitabilis à creaturis fieri ab ipso deo. *Ibid. a. 2. ad 3.*

Probat. sequ. Actus intellectus Di-

94 *Secundum Doctrinæ*

uini est aut concipitur esse à Deo saluæ summa identitate : Sed comparatio illa est actus intellectus Diuini : Ergo comparatio illa fit ab ipso Deo.

*Ibid.*

Sequitur 159. Ad hanc comparationem resultare relationes rationis essentialis diuinæ ad res.

Probatur sequela. Illa comparatio intelligi non potest sine aliqua relatione : Sed illa relatio non est realis : Ergo intelligi non potest , nisi resultet relatio rationis.

*Ibidem.*

Sequitur 160. Relationes illas siue respectus ideales fieri fundamentaliter ab ipso Deo.

Probatur sequela. Comparatio ipsa est ipse respectus fundamentaliter, id est, est fundamentum respectus : Sed comparatio fit à Deo : Ergo & respectus fundamentaliter.

*Ex iisdem locis.*

Sequitur 161. Deum non facere ipsos respectus rationis formaliter.

Probatur sequ. Qui comparat res , inter quas non est relatio realis, & cognoscit relationes illas non esse reales , nec apprehendit illas vt reales non facit respectus rationis : Sed deus comparat essentiam suam cum creaturis, nec tamen apprehendit illos respectus ad modum relationum realium : Ergo non facit ens rationis formaliter.

Aduerte igitur respectum rationis

fieri quidem fundamentaliter ex comparatione, sed formaliter fieri per hoc, quòd huiusmodi respectus apprehendantur & concipiantur, ut quid reale ex modo concipiendi; & hoc Deus non facit: quamvis non desint Theologi doctissimi, qui arbitrantur non esse inconueniens Deum facere entia rationis, quæ ex summa & infinita perfectione oriuntur; cuiusmodi sunt respectus ideales: quod non parum probabile est.

Sequitur 162. In Deo esse ideam respectu omnium, quæ per se fieri possunt; aliorum vel non esse omnino ideam, vel esse in Deo ideam non propriam, sed tantum, quatenus illa cum alijs factibilia sunt. *Ibid. a. 3.*

Probatur sequi. Factibilia propriè illa sunt, quæ per se fiunt, non autem illa, quæ non fiunt, vel non fiunt nisi cum alijs, & non per se: Sed idea est tantum respectu factibilium: Ergo idea est tantum eorum, quæ per se fiunt; non autem eorum, quæ vel non fiunt à Deo, ut sunt mala, vel non fiunt per se, sed ratione alterius, ut est materia prima, genus, species, accidentia consequentia speciem, &c.

Sequitur 163. Ideam non esse ali- *Ibid. a. 3.*  
quod ens rationis formaliter.

Probat. sequela. Quod includit formaliter essentiam diuinam ab intellectu

## 96 *Secundum Doctrinam*

diuino comparatam ad creaturas, non est formaliter ens rationis, etiam si relatio rationis ex ea comparatione resultet: Sed ideæ diuinæ includunt ipsam essentiam diuinam vt diuersimodè comparatam ad res creatas, ex dictis: Ergo, &c.

*Ibidem.*

Sequitur 164. Ideam non esse ipsam intellectionem diuinam præcisè vt sic.

Probatur sequela. Idea est, ad quam respiciens artifex operatur: Sed intellectio diuina sub conceptu intellectio- nis, non est id, ad quod artifex respiciens operatur, vt est euidens: Ergo, &c.

*Ibid. ar. 2.  
ad 2.*

Sequitur 165. Ideam non esse ipsam sapientiam vel artem diuinam.

Probatur sequela. Cognitio non est idea, ex dictis: Sed sapientia & ars sunt cognitio: Ergo sapientia & ars non sunt idea, vel è contra.

Sequitur 166. Ideam non constitui formaliter per ens rationis.

Probatur sequela. Quod constituitur formaliter per comparisonem intellectus Diuini, etiam si ex illa resultet ens rationis, non constituitur per ipsum ens siue relationem rationis: Sed idea constituitur formaliter per comparisonem intellectus diuini, ex dictis: Ergo non constituitur per ens vel relationem rationis.

Sequitur 167. Ideam esse causam exemplarem. Probatur

*D. Thomæ Principium.* 97

Probat<sup>ur</sup> sequela. Species rei faciendæ vt cognita, ad cuius similitudinem res fit, est causa exemplaris: Sed idea est ipsa essentia Diuina, quatenus comparata ad creaturas est cognita, & ad cuius similitudinem creatura fit à Deo: Ergo, &c.

In quo autem genere causæ causa exemplaris concurrat, an in genere causæ efficientis vel formalis extrinsecæ, dicemus in tertio principio.

Sequitur 168. In Deo esse veritatem. *1. p. qu. 16.*

Probat<sup>ur</sup> sequela. Veritas est conformitas inter intellectum & rem intellectam, vt diximus in primo principio: Sed inter intellectum siue intelligere Diuinum, & essentiam Diuinam, quæ est primariò intellecta ab ipso, est maxima conformitas, imò & identitas perfecta; cum, vt diximus, intelligere sit constitutiuum formale essentiæ Diuinæ: Ergo in Deo est veritas. *ar. 5.*

Sequitur 169. Deum esse ipsam veritatem. *Ibidem.*

Probat<sup>ur</sup> sequela. Quod est ipsa conformitas inter intellectum & rem intellectam, est ipsa veritas: Sed Deus est ipsa conformitas inter intellectum & rem intellectam, quia est suum intelligere, & simul suum intellectum esse, vt diximus supra, etiam absque virtuali distinctione: Ergo Deus est ipsa veritas.

Tom. II.

E

*Ibidem.* : Sequitur 170. In Deo non distingui villo modo veritatem formalem & transcendentalem.

Prob. sequ. Veritas formalis est conformitas intellectus cum re intellecta ; veritas verò transcendentalis est conformitas rei ad intellectum : Sed in Deo hæ duæ conformitates non distinguuntur villo modo : Ergo veritas formalis & transcendentalis nullo modo distinguuntur in Deo. Minor patet ex dictis ; quia in Deo intelligere est suum esse , atque adeo conformitas ipsius intelligere ad rem est ipsa conformitas rei, id est , obiecti ad intellectum.

*Ibid. a. 6.*

Sequitur 171. Veritatem intellectus Diuini esse vnā , à qua omnia dicuntur vera veritate transcendentali.

Probatur sequ. Intellectus Diuinus cognoscens suam essentiam, & omnia in ipsa essentia , est vna veritas formalis & transcendentalis, vt diximus : Sed omnia creata dicuntur vera veritate transcendentali per ordinem ad intellectum Diuinum se & omnia in seipso cognoscentem , vt ostendimus in primo principio , vbi ostendimus in tali ordine & relatione ad intellectum Diuinum consistere veritatem transcendentalem : Er- omnia dicuntur vera ab vna veritate formali intellectus Diuini.



*D. Thome Principium.* 99

Sequitur 172. Veritatem omnem formalem cuiuslibet intellectus creati esse *Ibid. a. 6. & 8. ad 3.*  
à veritate formali intellectus Diuini speciali quadam ratione.

Explicatur : Res omnis creata est ab intellectu Diuino , & consequenter à Diuina veritate tamquam à causa, à qua habet entitatem & consequenter veritatem transcendentalem , quæ nihil est aliud , quàm ipsa entitas rei cum relatione ad intellectum Diuinum : Cum ergo propositio iudicatiua in intellectu creato existens , sicut & verbis externis prolata , sit entitas quædam creata , habet veritatem transcendentalem , quam habet etiam propositio iudicatiua , licet sit falsa. Sed præterea propositio iudicatiua habet aliam veritatem formalem , quæ nihil est aliud , quàm conformitas cum obiecto : & quia huiusmodi conformitas etiam sub ratione formali conformitatis est res quædam creata , etiam sub ratione formali conformitatis , debet esse ab intellectu Diuino , vt à causa : est autem ab intellectu Diuino , quatenus ipse intellectus Diuinus habens per summam identitatem conformitatem cum obiecto suo primario , scilicet essentia Diuina , habet etiam conformitatem cum obiectis secundarijs , quæ in eadem essentia continentur.

Probatur ergo consequentia : Omne

creatum est à Deo, ut præhabente in se omnes omnium rerum perfectiones, ut infra ostendemus : Atqui veritas propositionis, non solum ut est entitas quædam, sed etiam ut est conformitas cum obiecto, est quid creatum : Ergo & veritas transcendentalis, quæ convenit propositioni, ut est entitas; & veritas formalis, quæ conveniunt ei, quatenus est conformis suo obiecto, est à Deo ut præhabente similem in suo intellectu perfectionem.

*Ibid. a 1.* Sequitur 173. Nullam aliam posse dari veritatem in rebus, nisi vel transcendentalem, vel formalem.

Probat. sequela. Conformitas entitatis creatæ ad intellectum Diuinum est veritas transcendentalis, ex primo principio: Conformitas verò intellectus ad res, quæ sunt obiecta cognitionis, est veritas formalis: Sed omnis veritas, quæ reperitur in rebus, vel est conformitas entitatis ad intellectum Diuinum, vel est conformitas intellectus ad obiecta: Ergo omnis veritas vel est transcendentalis, vel formalis.

*Ex eodem loco.* Sequitur 174. Veritatem, quam vocant obiectiuam, vel esse transcendentalem vel formalem.

Probat. sequ. Omnis veritas vel est formalis vel transcendentalis, ex dictis: Sed veritas obiectiua est veritas : Ergo

est vel transcendentalis, vel formalis.

Explicatur : Veritas obiectiua alicuius propositionis est veritas ipsius obiecti, hoc est, conformitas obiecti ad intellectum Diuinum , quatenus est natum facere verum sui conceptum in intellectu creato , vt diximus in primo principio : Atqui hæc veritas nihil aliud est , quàm veritas transcendentalis , vt patet ex dictis ibidem : Ergo veritas obiectiua est ipsa veritas transcendentalis.

Sequitur 175. Veritatem omnem creatam etiam obiectiuam esse à Deo. *Ibidem.*

Proba. sequela. Veritas omnis transcendentalis creata est à Deo, vt probabimus postea : Sed veritas obiectiua est veritas transcendentalis, ex modo probatis : Ergo veritas obiectiua est à Deo.

Sequitur 176 Veritatem omnem creatam transcendentalem & obiectiuam, quæ est necessaria, esse ipsam entitatem creatam , vt necessariò continetur in Deo in ratione possibilis. *Ibid. 47.*

Probatur sequ. Nulla entitas creata est necessaria, nisi vt continetur in Deo in ratione possibilis: Atqui veritas transcendentalis creata est ipsa entitas creata : Ergo veritas transcendentalis creata non est necessaria, nisi vt continetur in Deo sub ratione possibilis.

Explicatur : Hæc veritas , *Homo est animal rationale* , est veritas creata

transcendentalis , si sumatur ex parte obiecti , quia nihil est aliud , quàm ipsa natura hominis : quod autem natura hominis consistat necessariò in animali rationali , hoc habet ex eo , quia illud , quod vocamus hominem , per ideam Diuinam repræsentatur , vt imitans naturam Diuinam quoad vitam sensitivam & rationalem , eminenter in Deo præcontentam : Hoc autem est contineri in ratione non repugnantis : & quia ipsa cognitio Diuina est ipsa omnipotentia , vt diximus supra , ex hoc habet , quòd sit possibilis illa natura , quia continetur in cognitione Diuina : & sic veritas transcendentalis creata etiam necessaria est à Deo aliquo modo , quatenus ab eo est ipsa non repugnantia terminorum , & ipsa possibilitas rerum ; ab eo , inquam , est non quasi efficiente & producente aliquid ad extra , sed veluti formaliter dante ei non repugnantiam , & possibilitatem , per denominationem extrinsecam.

*Ibid. a. 7. ad 3.* Sequitur 177. Omnem veritatem transcendentalem creatam non necessariam esse à Deo liberè efficiente.

Prob. sequi. Omnis veritas transcendentalis creata est à Deo : Sed veritas non necessaria non est à Deo necessariò : Ergo liberè.

*Ex eodem* Sequitur 178. Nullam veritatem ob-

iectionem, quæ non sit necessaria, posse esse ante decretum Diuinæ voluntatis.

Probatur sequela : Nulla veritas à Deo dependens liberè, est ante decretum Diuinæ voluntatis, vt constat: Sed omnis veritas obiectionum non necessaria dependet à Deo liberè : Ergo nulla veritas obiectionum potest esse ante decretum Diuinæ voluntatis.

Sequitur 179. Nullam dari veritatem *ibid.* obiectionum propositionum de contingenti, siue absolutè, siue conditionatè futuro, ante decretum Diuinæ voluntatis.

Probatur sequela : Nulla datur veritas obiectionum non necessaria ante decretum Diuinæ voluntatis : Sed veritas propositionum de contingenti, siue absolutè, siue conditionatè futuro, est veritas obiectionum non necessaria : Ergo nulla datur veritas obiectionum propositionum illarum ante decretum Dei. Minor patet ; quia contingens & non necessarium idem sunt : Sed veritas illa de contingenti est contingens : Ergo est non necessaria : Minor probatur. Talis est veritas obiectionum propositionum, quale est obiectum illarum : Sed obiectum propositionum de contingenti, vt absolutè vel conditionatè futuro, est contingens : Ergo & veritas obiectionum propositionum.

*Ibid.*

Sequitur 180. Deum non cognoscere futura, siue absolutè siue conditionatè, in veritate obiectiua propositionum ante decretum suum.

Probatur sequela: Tum quia non datur huiusmodi veritas ante decretum, ut ostensum est: Tum etiam, quia cognoscere obiectum in veritate obiectiua est cognoscere obiectum in seipso: Sed Deus ante decretum suæ voluntatis non cognoscit futura præsertim conditionata in seipsis: Ergo nec in veritate obiectiua: Maior patet ex dictis, quia veritas obiectiua propositionum est ipsum obiectum. Minor etiam constat: quia nulla res creata habet veritatem saltem non necessariam in seipsa, nisi sit in seipsa: Sed futura, quamdiu sunt futura, non sunt in seipsis: Ergo non habent veritatem in seipsis; cumque aliunde non sint præsentia in æternitate nisi ratione decreti Diuini, ante huiusmodi decretum non possunt cognosci ut præsentia æternitati.

*1. p. qu. 16.**a. 7. ad 3.*

Sequitur 181. Verissimum esse quod ait D. Thomas, videlicet, *Illud, quod nunc est, ex eo futurum fuit, antequam esset, quia in causa sua erat, ut fieret: unde sublata causa non esset futurum illud fieri: Sola autem causa prima est æterna.* Atque hinc optimè colligit, *En qua sunt, semper fuisse verum, esse fu-*

*tura* , quatenus in causa sempiterna fuit ut essent futura : qua quidem causa Deus est , non ut est ens omnino necessarium præcisè , sed ut est agens liberum.

Patet sequela , ex dictis : Tum quia futurum debet esse determinatum in causa , ut suprâ probatum est : atque adeo futurum ab æterno debet esse determinatum in causa , ab æterno , & consequenter debet esse determinatum in causâ æterna, quæ non est alia , nisi Deus : Tum quia veritas omnis est à Deo , ut ostendimus.

Sequitur 182. Iterum non dari scientiam mediam.

Probatur sequela : Ut detur scientia media , debet dari veritas obiectiva futurorum sub conditione ante decretum Diuinæ voluntatis : Sed non datur huiusmodi veritas : Ergo nec scientia media : Maior patet : quia aliàs Deus cognoscendo ante suum decretum verum esse, quòd futura illa sint futura, falleretur ; quia pro illo signo rationis ante decretum non est verum, quòd sint futura ; cum non habeant veritatem nisi à decreto Dei , ut probatum est.

Sequitur 183. Solam veritatem intellectus Diuini esse æternam. 1. p. 9. 183  
art. 7.

Probatur sequela ; Omnis veritas

E 1

vel est in intellectu , vel est per ordinem ad intellectum actu cognoscentem, atque adeo veritas æterna supponit intellectum æternum : Sed solus intellectus Diuinus est æternus , vt patet ex dictis supra : Ergo sola veritas intellectus Diuini est æterna. Maior est evidens ex dictis : quia omnis veritas vel est formalis ; & hæc est in intellectu ; vel est transcendentalis ; & hæc est per ordinem ad intellectum Dei , qui cum sit suum intelligere , semper est actu intelligens.

*Ibidem.*  
a. 8.

Sequitur 184. Solam veritatem intellectus Diuini esse immutabilem.

Probatur sequela : Omnis veritas vel est in intellectu , vel pender ab intellectu , ex dictis : Sed solus intellectus Diuinus est immutabilis : Ergo sola veritas intellectus Diuini est immutabilis.

i. p. 9. 18.  
ar. 1.

Sequitur 185. Deum esse viuentem.

Prob. sequela : Quod est omnino immateriale , mouet se à principio intrinseco , atque adeo est viuens : Sed Deus est omnino immaterialis : Ergo est viuens : Maior probata est in primo principio. Minor supra in isto.

*Ibidem.*  
a. 4.

Sequitur 186. Omnia , quæ sunt in Deo , esse vitam.

Probatur sequela : Quicquid est intellectum in Deo , est vita : Sed omnia



sunt in Deo ut intellecta, ex dictis: Ergo omnia sunt vita in Deo. Maior patet ex ijs, quæ diximus, intelligere siquidem dei est vita: Sed quicquid est intellectum in Deo est ipsum intelligere; quia in Deo non differunt intelligere & intelligi siue intellectum esse: Ergo, &c.

Sequitur 187. In Deo esse voluntatem. *2. p. q. 1. ar. 1.*

Probatur sequela: In quolibet intelligente est voluntas, ex dictis in primo principio: Sed Deus est intelligens, ut ostensum est: Ergo in Deo est voluntas.

Sequitur 188. Voluntatem, quæ in Deo est, non esse potentiam. *Ibidem*

Probatur sequela: In actu puro nulla est potentia, ex dictis: Sed voluntas est in Deo, qui est actus purus; cum ut sic sit intelligens: Ergo voluntas in Deo non est potentia.

Sequitur 189. Voluntatem in Deo non posse concipi per modum potentiæ ex parte rei conceptæ. *Ibidem*

Probatur sequela: In actu puro nulla potest concipi potentia ex parte rei conceptæ; quia ratio actus puri hoc non patitur: Sed Deus est actus purus: Ergo, &c.

Sequitur 190. Voluntatem & velle in Deo esse omnino idem absque virtuali distinctione. *Ibidem*

Probatur sequela : Voluntas , quæ non est per modum potentia , sed per modum actus puri , est suum velle absque distinctione virtuali : Sed in Deo est voluntas non per modum potentia , sed per modum actus puri , ex dictis : Ergo voluntas & velle idem sunt absque distinctione virtuali.

*Ibid* ar. 2.  
ad 1.

Sequitur 191. Voluntatem in Deo esse ipsum esse Dei realiter.

Probatur sequela : In eo, in quo nulla est compositio, omnia sunt eius esse, ex dictis : Sed in Deo nulla est compositio, ut ostendimus : Ergo, &c.

*Ibid.*

Sequitur 192. Voluntatem in Deo distingui virtualiter ab ipso esse & intelligere Dei.

Probatur sequela : Quæ ad diuersas rationes formales spectant, in Deo virtualiter distinguuntur : Sed intelligere & velle spectant ad diuersas rationes formales : Ergo in Deo virtualiter distinguuntur. Adde quod velle & voluntas, cum sit appetitus intellectiuius, supponit ipsum intelligere.

*Ibid.*

Sequitur 193. Velle in Deo concipi ut operationem consequentem ad esse siue intelligere, tamquam proprietatem consequentem ad essentiam, seclusâ tamen reali distinctione.

Probatur sequela : Quod concipitur in re ut virtualiter distinctum à formali

constitutiuo, & nihilominus necessariò conueniens, debet concipi vt proprietas consequens: Sed velle siue voluntas in Deo concipitur vt virtualiter distincta à formali constitutiuo, quod est intelligere, ex iam dictis, & nihilominus concipitur vt quid necessariò conueniens; voluntas enim necessariò conuenit naturæ intelligenti, imò ad illam consequitur, vt dictum est: Ergo voluntas & velle concipitur in Deo vt quid consequens per modum proprietatis ad eius essentiam, & cum non concipiatur per modum potentiae, sed per modum actus secundi, debet necessariò concipi per modum operationis.

Sequitur 194. Obiectum primum voluntatis Diuinæ esse ipsam essentiam diuinam quatenus est summum bonum. *1. p. q. 19. a. 2.*

Proba. sequ. Bonum conueniens per se primò volenti est obiectum primum voluntatis ipsius: Sed essentia diuina vt summum bonum est per se primò bonum conueniens Deo volenti: Ergo essentia Diuina vt summum bonum est obiectum primum voluntatis Diuinæ.

Sequitur 195. Essentiam Diuinam, vt per summam identitatem præhabet in se tamquam in radice omnia attributa Dei, esse obiectum primum voluntatis Diuinæ. *Ibidem*

Probatur sequela: Summum bonum est obiectum primum voluntatis Diuinæ: Sed essentia Diuina, ut præhabens per summam identitatem in se tamquam in radice omnes perfectiones & attributa, est summum bonum: Ergo essentia Diuina ut sic præhabens omnes perfectiones, est obiectum primum voluntatis Diuinæ. Minor probatur; quia essentia Diuina est per seipsam summum bonum; unde diximus supra Deum esse bonum per essentiam: Sed essentia Diuina, ut concipitur virtualiter distincta ab attributis, non concipitur summum bonum, nisi ut per identitatem continet omnem perfectionem: Ergo cum essentia Diuina ut summum bonum sit obiectum voluntatis Diuinæ, ut probatum est, necessario dicendum est, essentiam Diuinam, quatenus per identitatem præhabet, ut radix omnes omnino perfectiones, esse obiectum primum voluntatis Diuinæ.

*Ibidem.*

Sequitur 196. Obiectum primum voluntatis Diuinæ esse virtualiter ab ipsa voluntate Diuina distinctum.

Probatur sequela. Essentia Diuina, ut præhabet per modum radices omnes omnino perfectiones, distinguitur virtualiter à voluntate Diuina: Sed obiectum primum voluntatis Diuinæ est essentia Diuina, ut præhabet per modum ra-

*D. Thomæ Principium.* III

dicis omnes perfectiones Diuinas : Ergo obiectum primum voluntatis Diuinæ distinguitur virtualiter ab ipsa voluntate Diuina.

Sequitur 197. Perfectiones & attributa Diuina esse modos per se ipsius obiecti primi. *Ibidem,*

Proba. sequ. Proprietates obiecti primi, quod ut obiectum primum est radix illarum, sunt modi per se ipsius obiecti, ut ex se patet: Sed attributa sunt proprietates essentiae Diuinæ, quæ est obiectum primum ut est radix attributorum, ex dictis: Ergo, &c.

Sequitur 198. Voluntatem Diuinam non posse habere actum desiderij vel spei respectu sui obiecti primi. *1. p. qu. 29. a. 1. ad 2.*

Probatur seque. Respectu boni præsentis, quod quis possidet, non potest haberi desiderium vel spes, ut patet ex dictis in primo principio: Sed Deus habet suam essentiam, suasque omnes perfectiones: Ergo respectu illius, quod est obiectum primum ipsius voluntatis, ut ostendimus, non potest habere desiderium vel spem.

Sequitur 199. Voluntatem Diuinam respectu sui obiecti primi non posse habere nisi amorem & gaudium. *Ibidem,*

Probat. seque. Qui non potest habere desiderium & spem propter præsentiam obiecti, non potest habere nisi amorem.

& gaudium : quia soli isti duo actus possunt stare cum præsentia obiecti, ex dictis in primo principio : Sed Diuina voluntas non potest habere spem & desiderium circa suum obiectum primariū propter eius præsentiam : Ergo solū potest habere amorem & gaudium.

*x.p. q. 19.*

*ar. 2.*

Sequitur 200. Deum velle alia à se. Prob. sequela. Res quælibet perfecta habet inclinationem ad hoc, vt seipsam communicet ; perfectum enim est perfectiū aliorum, & bonum communicatiū sui, vt ex primo principio patet : Sed Deus est perfectus & intellectualis, vt diximus : Ergo habet inclinationem intellectualem ad hoc, vt seipsum communicet. Hæc autem inclinatio est voluntas per modum actus secundī, qui est velle : Ergo Deus habet velle circa alia à se.

*Ibid.*

Sequitur 201. Deum velle alia à se vt obiectum secundarium.

Probatur sequ. Qui vult alia à se ratione sui, vult illa vt obiectum secundarium ; hoc enim est esse obiectum secundarium : Sed Deus vult alia à se ratione sui ; vtpote cum ipse sit obiectum primarium, ex dictis : Ergo Deus vult alia à se vt obiectum secundarium.

*Ibidem.*

Sequitur 202. Deum velle se vt finem vel rationem finalem, & alia à se vt media.

Probatur sequela. Volitum propter se est finis, & volita propter aliud sunt media, vt patet ex primo principio: Sed Deus vult se propter se, siue ratione sui; alia verò à se vult propter se: Ergo vult se vt finem, & alia vt media.

Sequitur 203. Deum velle se necessariò. *Ibid. ar. 3.*

Probatur sequela. Omnis appetens vult necessariò finem: Sed Deus est volens, seu appetens: Ergo volendo seipsum vt finem ac summum bonum, vult se necessariò. Maior patet ex dictis in primo principio. Minor iam probata est.

Sequitur 204. Deum velle alia à se non necessariò, nisi ex suppositione. *Ibidem.*

Probatur sequela. Qui vult finem non vult necessariò ea, sine quibus habet finem: Sed Deus vult se vt finem, & habet seipsum sine alijs à se; cum seipso perfectus sit, vt supra ostensum est: Ergo non vult necessariò alia à se.

Sequitur 205. Voluntatem dei esse causam rerum. *Ibid. ar. 4.*

Probatur sequela: Primum agens, est agens per intellectum & voluntatem: Sed Deus est primum agens: Ergo agit per intellectum & voluntatem; Atque adeo voluntas eius est causa rerum, hoc sensu, quòd non agit, nisi quia vult. Maior probatur: Quod præstituit finem alijs agentibus, est agens per intellectum

& voluntatem : Sed primum agens præstituit finem omnibus alijs agentibus : Ergo primum agens agit per intellectum & voluntatem. Maior est euidens; quia non potest agens aliquod præstare finem alijs, nisi cognoscat finem, & velit. Minor verò non est minùs aperta : quia agens per naturam non sibi præstituit finem, sed ipsi ab alio priori prædeterminatur finis.

*Ibidem.*

Sequitur 206. Voluntatem dei non esse quidem causam rerum, quasi sit potentia immediatè executiua rerum, sed quia ipsa determinat intellectum ad productionem rerù. Supponit hæc sequela, quod supra probauimus, intellectum diuine esse potentiam immediatè executiuam per imperium: sed quia intellectus secundùm se non est determinatus ad productionem horum potiùs, quàm aliorum effectuum, debet determinari per voluntatem; quia ergo intellectus vt potentia executiua determinatur per voluntatem, dicitur voluntas dei causa rerum.

Probatur ergo sequela: Causa determinans potentiam executiuam ad hos & illos effectus, non est quidem potentia executiua, est tamen causa horum potiùs quàm istorum effectuum : Sed voluntas dei determinat eius intellectû prout est potentia executiua ad hos po-



tiùs effectus , quàm ad alios : Ergo voluntas dei est causa rerum. Maior patet. Minor probatur: Imperium non est actus intellectus , nisi vt determinati à voluntate, vt ostensum est in primo principio: Sed deus est causa omnium rerum per imperium : Ergo est causa per intellectum vt determinatum à voluntate.

Sequitur 207. Voluntatem diuinam esse causam veram, realem & physicam omnium rerum. Explicatur: Dupliciter potest aliqua causa influere in effectum; primò moraliter, exhortando, suadendo, alliciendo, &c. Secundò physicè & realiter influendo : primo modo dicitur causa moralis ; secundò causa physica. *Ibidem.*

Probat. ergo seque. Causa influens verè ac physicè est causa physica : Sed voluntas diuina per intellectum influit verè ac physicè in omnes res creatas, & non tantùm moraliter ; quia omnia creata sunt entia per participationem , quæ non nisi physico influxu produci possunt ab ente per essentiam, vt etiam infra ostendemus : Ergo voluntas Diuina est causa rerum realis & physica.

Sequitur 208. Velle Diuinum esse causam rerum. *Ibidem.*

Probat. sequ. Voluntas Diuina non influit realiter in res , nisi per suum velle ; quia enim vult , influit : Sed causa rerum omnium est voluntas Diuina , vt

realiter influit: Ergo est causa per suum velle, atque adeo velle Diuinum est causa rerum.

*Ibid. ar. 4.* Sequitur 209. Velle illud Diuinum rectè vocari decretum, vel deffinitionem & determinationem, & destinationem.

Prob. sequ. Actus, quo quis decernit, deffinit, statuit, rectè vocatur decretum, deffinitio, &c. Sed velle, quo voluntas Diuina causat res, est actus, quo Deus apud se decernit, deffinit, statuit, & determinat, & destinat rem producere, vt patet ex dictis: Ergo velle Diuinum rectè vocatur decretum, deffinitio, determinatio, destinatio.

*Ibid. ar. 4. initio corp.* Sequitur 210. Velle illud Diuinum esse prædeffinitionem, prædeterminationem, & prædestinationem.

Probat. sequ. Deffinitio, determinatio, destinatio, quæ est causa, est etiam prædeffinitio, prædeterminatio, prædestinatio: Sed velle Diuinum, quo causat res, est deffinitio, determinatio, destinatio, quæ est causa, ex dictis: Ergo est prædeffinitio, prædeterminatio, prædestinatio. Maior patet: Quod enim est prius rectè explicatur per particulam illam, *Præ*, quæ significat prioritatem: Sed deffinitio, determinatio & destinatio, quæ est causa, est prior; cum omnis causa sit suo effectui prior prioritate causalitatis: Ergo deffinitio, determina-

rio, destinatio, quæ est causa, rectè dicitur prædefinitio, prædeterminatio, prædestinatio.

Sequitur 211. Velle illud diuinum *Ex eodem loco.*  
esse prædefiniens, prædeterminans, & prædestinans physicè.

Probatur sequela: Velle, quod est prædefinitio, prædeterminatio, & prædestinatio per modum causæ physicæ, est physicè prædefiniens, prædeterminans & prædestinans, vt patet ex terminis: Sed velle diuinum est omnium rerum causa physica, & sic per modum causæ physicæ est prædefinitio, prædeterminatio, & prædestinatio, ex dictis: Ergo velle diuinum est physicè prædefiniens, prædeterminans, & prædestinans respectu omnium rerum.

Sequitur 212. Velle diuinum dupliciter causare res; aliquas enim causat nullâ mediâ causâ secundâ; alias verò causat mediâ aliquâ causâ secundâ. *1. p. q. 104. art. 2.*

Prob. sequ. Quod causat omnia omnino, dupliciter illa causat; nam aliqua causat medijs alijs causis, quas applicat ad agendum; alia verò causat, nullis causis medijs, vt constat experientiâ: Sed velle diuinum omnia omnino causat, ex dictis: Ergo aliqua causat nullis medijs alijs causis, nempe ea, quæ creat; alia verò medijs alijs causis, scilicet ea, quæ producit per generationem, &c.

## 118 *Secundum Doctrinam*

*De poten.* Sequitur 213. Velle diuinum rectè  
 9.3. a. 15. dici formaliter immanens & virtualiter  
 transiens.

Probaturséquela : Velle, quod extra  
 volentem causat aliquid, est actus im-  
 manens formaliter, & virtute atque  
 causalitate sua transiens : Sed velle Di-  
 uinum causat omnia extra se : Ergo, &c.  
 Maior patet ; quia omnis actus volunta-  
 tis est immanens ; & omnis causa pro-  
 ducens aliquid extra se, dicitur agere  
 aliquo modo actione transeunte saltem  
 virtualiter, vt patet.

1. p. 9. 45. Sequitur 214 : In his, quæ deus pro-  
 a. 3. ducit sine medijs causis secundis, nihil  
 omnino mediare inter velle Diuinum  
 & rem productam.

Probaturséquela. Id quod mediarer,  
 vel esset ens productum à Deo, vel non ;  
 Non potest dici, quòd non foret produ-  
 ctum ; aliàs darentur duo entia impro-  
 ducta, quod falsum esse supra demon-  
 stratum est : Ergo esset ens productum  
 à Deo : Vel ergo istud foret immediatè  
 productum à Deo, vel non immediatè ;  
 Si dicatur, quòd non immediatè : Igitur  
 mediante alio, & sic de alio & alio in  
 infinitum ; Si verò dicatur, quòd imme-  
 diatè : igitur voluntas Diuina per intel-  
 lectum vt potentiam executiuam potest  
 immediatè producere rem aliquam :  
 atque adeo sine medijs aliquibus causis.

secundis, & sine virtute aliqua à se diffusa: & hoc pacto Deus creat, vt dicemus infra.

Sequitur 215. In his, quæ Deus producit medijs causis secundis, debere mediare concursum Diuinum, quo cum causis secundis concurrat voluntas Diuina ad earum operationes & effectus. 1 p. q. 105.  
a. 5.

Prob. sequela. Causa producens aliqua medijs alijs causis, debet cum illis concurrere; aliàs vel ipsa nihil ageret, & sic non esset causa, vel aliæ non agerent; & sic illis medijs non ageret: Sed voluntas Diuina producit omnes effectus & operationes causarum secundarum medijs causis secundis; cum producat omnia, vt diximus, & statim fusiùs explicabimus: Ergo voluntas Diuina debet concurrere concursu aliquo cum causis illis ad eorum operationes & effectus.

Sequitur 216. Concursum illum, quo voluntas Diuina concurrat cum causis secundis, debere esse productum immediatè à voluntate Diuina, id est, absque vlla intermedia causa creata. Ibidem.

Probat. sequela: Quia si produceretur mediante alio; & ille alius mediante alio, &c. daretur processus in infinitum, nec vmquam voluntas Diuina quicquam produceret, atque adeo non esset causa; quod est contra iam

probata. Sequela est euidens ex præcedentibus.

*Ibidem.*

Sequitur 217. Concursum illum debere esse causam operationum & effectuum causarum secundarum.

Probatur sequela. Virtus etiam diffusa, quā mediante causa causat, est suo modo causa: Sed, ut constat ex dictis, ille concursus est virtus diffusa; quā mediante voluntas Diuina causat operationes & effectus causarum omnium secundarum: Ergo ille concursus debet etiam esse causa illorum effectuum & operationum; aliàs enim nec ipsa voluntas Diuina esset causa eorum.

*Ibid.*

Sequitur 218. Eundem concursum debere esse causam physicam & realem illarum operationum & effectuum.

Probatur sequela. Causa, quæ influit media aliqua virtute, non alio modo causat, quàm quo illa virtus influit; & eo modo illa virtus debet influere, quo ipsa causa causat: Sed Diuina voluntas causat physicè ac realiter omnes operationes & effectus causarum secundarum: Ergo concursus ille, quo mediante Diuina voluntas causat, debet esse causa physica & realis. Enimverò si concursus illa tantum moraliter influeret in effectum & operationem, etiam voluntas Diuina influeret tantum moraliter: sicut, si, v.g. aliquis physicè produceret

duceret in me eloquentiam, quâ alteri persuaderem, & ipse persuasus ageret, ille, qui produceret physicè ac realiter in me eloquentiam, non produceret physicè actionem & effectum, quem alter meo persuasu faceret. Et ratio est; quia cum ego non concurram ad illam operationem, nisi moraliter, nec ille etiam, qui me mediante concurrit alio modo concurrit, quàm moraliter, licet physicè produxerit in me eloquentiam, quâ alteri persuadeam: Ergo similiter etsi voluntas Diuina physicè produceret suum concursum, si tamen concursus ille non nisi moraliter concurreret ad operationes & effectus causarum secundarum, voluntas etiam Diuina non nisi moraliter in easdem operationes & effectus influeret. Adde quòd maxima pars causarum secundarum est incapax illius influxus moralis, ut est euident: unde si voluntas Diuina non præstaret, nisi concursum moraliter influentem, non causeret illas causarum secundarum operationes, & effectus, qui non possunt produci influxu morali.

Sequitur 219. Concursum illum debere esse quid realiter distinctum ab operationibus & effectibus causarum secundarum. *Ibidem.*

Probatur sequela. Causa realis & physica debet esse realiter distincta ab

eo, cuius est causa realis ; quia inter causam & causatum interuenit realis relatio , atque adeo distinctio , vt probabimus in tertio principio : Sed, ex dictis, concursus ille est vera causa realis & physica: Ergo debet esse realiter distinctus ab operationibus & effectibus, quorum est causa.

*Ibidem.*

Sequitur 220. Concursum illum debere esse priorem prioritate causalitatis operationibus & effectibus , quos causat.

Probatur sequela. Omnis causa vt causa est prior causalitate suo effectui , vt in tertio principio demonstraturi sumus : Sed concursus ille est causa, vt dictum est: Ergo est prior causalitate.

*Ibidem.*

Sequitur 221. Concursum illum esse physicè præuium.

Probatur sequela. Causa physicè influens est physicè præuia respectu sui effectus ; cum sit prior in ratione causæ, ex dictis : Sed , vt probatum est , concursus ille est causa physicè influens , sicut & voluntas Diuina physicè influit: Ergo concursus ille est physicè præuius.

*Ibidem.*

Sequitur 222. Concursum illum esse physicè prædeterminantem.

Probatur sequela : Concursum ille, vt virtus executrix Diuini decreti est in executione causa , eo modo, quo ipsum decretum Diuinum ; cum hac sola dif-



ferentia, quod decretum Diuinum est causa principalis & increata, concursus autem illa est veluti instrumentum siue virtus instrumentalis creata, quâ Deus exequitur in tempore, quod decreuit ab æterno: Sed decretum Diuinum est prædeterminans etiam physicè, ex dictis supra: Ergo concursus ille est etiam physicè prædeterminans. Verùm vt hæc meliùs intelligantur, iterum ad voluntatem Diuinam redeundum est.

Sequitur ergo 223. Voluntatis Diuinæ non dari causam ex parte ipsius. 1. p. q. 193  
4. 5.

Probatur sequela: Primæ causæ non datur causa; quia causa omnis est prior, & sic daretur prior primâ simpliciter, quod implicat: Sed voluntas Dei est prima causa, cum, vt diximus, sit causa omnium, quod etiam infra probaturi sumus: Ergo voluntatis Diuinæ non datur causa ex parte ipsius,

Sequitur 224. Ex parte volitorum formaliter non dari causam voluntatis Diuinæ, benè tamen materialiter.

Explicatur: Dupliciter potest dari causa voluntatis ex parte volitorum; primò formaliter; secundò materialiter: formaliter, quatenus volitio vnius est causa volitionis alterius rei: materialiter verò quatenus vnum volitum est in ordine ad aliud, licet vtrumque volitum sit per eandem volitionem.

Probatur ergo sequela : In eo , qui vult omnia eodem actu , non potest vna volitio esse causa alterius , atque adeo volitio finis , v. g. non potest esse causa volitionis mediorum : Sed , vt patet ex dictis , Deus vult omnia vno & eodem actu : Ergo in eo vna volitio non est causa alterius : & sic ex parte volitorum formaliter non datur causa voluntatis Diuinæ.

Quia tamen Deus vult, vnum esse propter aliud , vt media propter finem , inde est, quòd materialiter datur causa vel ratio voluntatis Diuinæ , inquantum finis est ei ratio volèdi mediæ.

*1. p. 9. 45.  
45.*

Sequitur 225. Voluntatem Diuinam esse causam totius entis producibilis.

Proba. sequ. Voluntas causæ improductæ est causa totius entis producibilis: Sed Deus est solus est causa improducta, ex dictis initio : Ergo voluntas Dei est causa totius entis producibilis. Maior constat ; quia, vt diximus, primum agens est agens per voluntatem ; aliunde verò primum agens debet producere omnia , aliàs non esset primum in ratione causæ & agentis.

*Ibid.*

Sequitur 226. Voluntatem Diuinam esse causam vniuersalissimam.

Probat. sequ. Causa totius entis producibilis est vniuersalissima : nihil enim potest esse vniuersalius & communius

*D. Thoma Principium.* 125

ente : Sed Diuina voluntas est causa totius entis producibilis : Ergo est causa vniuersalissima.

Sequitur 227. Voluntatem Diuinam *Ibid.*  
per se primò causare omnia sub ratione entis producibilis.

Prob. sequ. Causa vniuersalissima debet causare omnia per se primò sub vniuersalissima ratione, vt constat, & explicabitur in tertio principio : Sed voluntas Dei est causa vniuersalissima, & ratio vniuersalissima est ratio entis : Ergo voluntas Dei per se primò causat omnia sub ratione entis producibilis.

Sequitur 228. Diuinam voluntatem *Ibidem &*  
debere concurrere ad omnia, quæ quocumque modo habent rationem entis *1. p. q. 105. a. 5.*  
producibilis.

Prob. sequ. Causa per se primò causans sub vniuersalissima ratione entis producibilis, debet producere illam rationem vbicumque reperiatur : Sed, ex dictis, Diuina voluntas per se primò causat sub vniuersalissima ratione entis producibilis : Ergo debet producere rationem entis vbicumque reperiatur. Hinc habes Deum siue Diuinam voluntatem producere omnes modos, & rationes differentiales entis, atque adeo debere producere actiones causarum secundarum etiam vt à causis secundis dependent, & consequenter dari præmo-

tionē ac prædeterminationem physicam, ut deduximus in primo principio, nec propterea tolli libertatem, nec sequi, quòd Deus sit causa peccati, ut ibidem explicatum est.

*Ibidem.*

Sequitur 229. Diuinam voluntatem esse perfectissimam in ratione causæ.

Probatur sequ. Actus purus causans & attingens omnia sub ratione entis, debet esse perfectissimus in ratione causæ: Sed Diuina voluntas est actus purus & est causa attingens omnia sub ratione entis: Ergo Diuina voluntas est causa perfectissima.

*1 p. q. 19.  
a. 6.*

Sequitur 230. Diuinam voluntatem esse omnino infallibilem, ita ut omnia quæcumque vult, & eo modo quo vult, faciat.

Probatur sequel. Causa perfectissima in ratione causæ est omnino infallibilis in causando: Sed diuina voluntas est causa perfectissima in ratione causæ: Ergo est omnino infallibilis in causando.

*Ibidem.*

Sequitur 231. Voluntatem diuinam, quando aliquid vult, tria præstare, scilicet tollare impedimenta, ponere dispositiones, & producere rem, quam vult.

Prob. sequ. Causa omnino infallibilis tria illa debet præstare; aliàs non esset infallibilis: Sed voluntas diuina est causa omnino infallibilis: Ergo diuina voluntas illa tria debet præstare, hoc est,

debet tollere impedimenta, si adsint; debet ponere dispositiones, si necessariae sint, & debet producere rem, quam intendit.

Sequitur 232. diuinam voluntatem non imponere rebus volitis necessitatē. *Ibid. 47 8.*

Prob. sequ. Causa causans omnia sub ratione entis, non imponit necessitatem causatis; quia producendo omnes modos entis, in quolibet causat modū ipsi causae proximē conuenientem: Sed voluntas diuina causat omnia sub ratione entis, ex dictis: Ergo non imponit rebus necessitatem, sed in quibusdam causat necessitatem, in alijs contingentiam, in alijs libertatem; quia ista omnia sunt modi entis.

*Aduerte, Lector, sequentes sequelas usque ad 264 hūc translatas esse ex inadvertentia; cum debuissent poni post sequelam 135.*

Sequitur 233. Non dari in deo cognitionem, quæ attingat immediatē creaturas in seipsis, virtualiter distinctam ab ea, quæ attingit easdem attingendo ipsam essentiam Diuinam ut obiectum cognitum. *1. p. q. 14. 4. 5.*

Probatur sequela: Quæ distinguuntur virtualiter in Deo, distinguuntur ex ratione formali, & quæ non distinguuntur ex ratione sua formali, non distinguuntur etiam virtualiter; ut suprà di-

ximus: Atqui cognitio quâ Deus comprehendit essentiam suam, ut obiectum cognitum, & cognitio, quâ attingit creaturas, non distinguuntur ex diuersa ratione formali: Ergo hæ duæ cognitiones non distinguuntur virtualiter in Deo. Minor probatur: Quæ distinguuntur solum ex obiecto secundario vel connotato materiali, non distinguuntur ex ratione formali, ut supra probatum est: Sed cognitio creaturarum non distinguitur à cognitione naturæ Diuinæ, nisi ex obiecto materiali & connotato, ut patet ex dictis: Ergo, &c.

*Ibidem.* Sequitur 234. Creaturas cognosci à Deo in essentia Diuina ut cognitâ tamquam causâ.

Probatur sequela: Qui comprehendit causam ut causam in omni cognitione, quam habet, cognoscit & comprehendit omnes effectus in illa causa; aliàs non comprehenderet causam ut causam: Sed Deus in omni cognitione, quam habet, cognoscit comprehensiuè seipsum ut causam: Ergo in omni cognitione quam habet, comprehendit omnes effectus in seipso ut in causa prius cognita.

*Ibid. a. 7.* Sequitur 235. Cognitionem Diuinam nullo modo esse discursiuam.

Probatur sequela: Qui cognoscit omnia in vna & simplici causa, non habet

*D. Thoma Principium.* 129

cognitionem vlllo modo discursiuam :  
Sed Deus cognoscit omnia in seipso, vt  
causâ omnino vnâ & simplici : Ergo non  
habet cognitionem discursiuam.

Sequitur 236. In Deo esse veram & *Ibidem*  
propriè dictam rationem scientiæ. *a. 1.*

Prob. sequela : Cognitio rerum in  
causâ habet veram rationem scientiæ :  
Sed Deus habet cognitionem omnium  
rerum in seipso vt causâ : Ergo eius co-  
gnitio habet veram rationem scientiæ.

Aduerte tamen quòd scientia dupli-  
citer sumitur ; primò vt est quid com-  
mune ad scientiam strictè dictam, & sa-  
pientiam ; secundò prout distinguitur  
à sapientia : primo modo est cognitio ef-  
fectus in causâ, quæcumque tandem sit  
illa causâ, & hoc modo diximus in Deo  
esse veram & propriam rationem scien-  
tiæ ; secundo modo scientia est cognitio  
effectus per causas inferiores ; & hoc  
sensu non est propriè in Deo scientia,  
sed sapientia, quæ est cognitio effectus  
per causam superiorem ; quia, vt dixi-  
mus, omnia cognoscit in seipso vt causâ,  
ipse verò est causâ omnium suprema &  
altissima.

Sequitur 237. In Deo non esse plures *Ibid. d. 1.*  
scientias etiam virtualiter distinctas, sed *p. 9. 15. ar. 2 ad 2.*  
vnicam sapientiam.

Probatur sequela : Ibi est vnica scien-  
tia, vbi est vnica causâ, quæ est vnica

ratio formalis sciendi omnia : vt patet ex dictis in primo principio : Sed in Deo est vnica causa, quæ est vnica ratio formalis sciendi omnia, nimirum ipsius essentia vt causa : Ergo in Deo est vnica scientia, siue potius sapientia.

*Ibidem.*

Sequitur 238. Scientiam Dei terminari primariò ad Deum vt habet rationem causæ.

Probatur sequela : Omnis scientia, quæ non dicit imperfectionem, terminatur ad causam vt sic; scientia enim à posteriori, & per effectus dicit imperfectionem : Sed in Deo scientia non dicit imperfectionem; quia ex dictis supra nulla est imperfectio in Deo : Ergo scientia Dei terminatur primariò ad seipsum vt causam.

Sequitur 239. Scientiam Dei esse verum attributum.

*1. p. q. 14. a. 1.*

Prob. sequela : Absolutum, quod formaliter reperitur in Deo, dicens perfectionem simpliciter simplicem, est ipsa Dei essentia, vel attributum, Sed, vt dictum est, scientia reperitur in Deo formaliter, & dicit perfectionem simpliciter simplicem, vt patet ex dictis : Ergo vel est essentia, vel attributum : Sed non est ipsa essentia, quæ per seolum intelligere constituitur, vt etiam constabit ea mox dicendis : Ergo, &c.

*ibid. q. 14. a. 1.*

Sequitur 240. Scientiam Dei distin-



gui virtualiter ab intelligere constitutiuo naturæ Diuinæ.

Probatur sequela : Quæ pertinent ad diuersas rationes formales distinguuntur virtualiter , vt constat ex dictis supra : Atqui intelligere & scire pertinent ad diuersas rationes formales ; intelligere siquidem respicit tantum intelligibile ; scientia verò respicit scibile , hoc est , cognoscibile per causā : Ergo , &c.

Aduerte autem , quòd vt supra diximus , sicut essentia Diuina includitur in attributis , & attributa se mutuò includunt ; ita intelligere includitur in hoc , quod est scire ; impossibile siquidem est scire , nisi illa ipsa scientia sit cognitio : quare non per hoc distinguuntur intelligere constitutiuum & scire , quòd sint vel non sint cognitio , imò verò vtrumque est vna & simplicissima , ac omnino virtualiter indistincta cognitio : sed distinctio virtualis , quæ interuenit , tota petitur præcisè ex diuersa ratione formali : cognitio enim Diuina vt concipitur terminari ad ipsam essentiam Diuinam , vt primum intelligibile , habet rationem constitutiui essentialis naturæ Diuinæ ; vt autem concipitur terminari ad ipsam essentiam Diuinam vt causam , habet rationem scientiæ , & est attributum : & idem dicendum de prudentia & arte , de quibus infra.

*Ibidem*

a. 9. & 12. Sequitur 241. Scientiam Dei terminari ad omnia, quorum Deus est causa.

Probatur sequela: Cognitio comprehensiva, quæ attingit rationem causæ, ut sic, attingit etiam omnia, ad quæ se attendit ipsa causalitas: Sed scientia Dei est comprehensiva, & attingit rationem causæ, ex dictis: Ergo scientia Dei attingit omnia, ad quæ se extendit Diuina causalitas, cumque Diuina causalitas se extendat ad omnia simpliciter, etiam Diuina scientia omnia simpliciter attinget.

*Ibid. a. 9.*

Sequitur 242. Scientiam Dei terminari ad aliqua, quorum Deus est causa in actu primo tantum; ad alia verò, quatenus est illorum causa in actu secundo.

Probatur sequela: Cognitio comprehensiva causæ attingit illam secundum quod est causa, ut est evidens: Sed scientia Dei est comprehensiva: Ergo attingit essentiam Dei, prout est causa; cum ergo essentia Dei sit causa aliquorum in actu primo tantum, & aliorum in actu secundo, eius scientia attinget illam secundum quod est causa, hoc est cognoscet suam essentiam esse causam aliquorum in actu primo duntaxat, aliorum verò in actu secundo.

*Ibidem*

Sequitur 243. Scientiam Dei rectè diuidi in scientiam simplicis intelligen-

tiæ, & scientiam visionis, seu intuitiuâ.

Prob. sequ. Scientia attingens aliqua, quorum est causa in actu primo tantum, & alia, quorum est causa in actu secundo, rectè diuiditur secundum illam diuisionem causatorum, vt patet ex terminis : Sed scientia dei attingit aliqua, quorum est causa in actu primo tantum, & alia quorum est causa in actu secundo, ex dictis : Ergo rectè diuiditur in scientiam simplicis intelligentiæ, quæ attingit ea, quorum est causa in actu primo tantum, & scientiam visionis, quæ attingit illa, quorum est causa in actu secundo. Vt autem intelligas hanc diuisionem, Aduerte scientiam visionis, sic dici à visione corporali, quæ, vt patet ex dictis in primo principio, non terminatur nisi ad rem præsentem & existentem ; & quia quæ Deus causat in actu secundo, reipsâ sunt in æternitate, vt ostensum est supra ; & hæc æternitas est mensura dei, & quantum ad esse, & quantum ad operationes, vt etiam diximus ; ideo hæc scientia dicitur scientia visionis, quia illa scientia vt visio corporalis terminatur ad res præsentem & existentes in ea duratione, quâ ipsa scientia mensuratur. Scientia verò simplicis intelligentiæ dicitur illa, quæ non est visionis ; idcirco enim dicitur simplicis intelligentiæ, quia hæc cogni-

tio non habet ex parte sui obiecti id, quod visio addit ex parte sui, sed habet dumtaxat id, quod cognitio ex se & naturâ suâ exigit. Visio autem, vt diximus addit ex parte obiecti, illius præsentiam & existentiam: & hanc non exigit notitia, quæ tantum requirit, quæ simpliciter sunt de ratione notitiæ; & propterea vocatur simplex intelligentia, siue scientia simplicis intelligentiæ; quia est cognitio rei per causam, nihil requirens ex parte rei cognitæ, nisi id, quod simplex notitia exigit.

*Ibid.*

Sequitur 244. Hanc diuisionem scientiæ Dei, in scientiam visionis & simplicis intelligentiæ, non esse diuisionem in duas scientias virtualiter distinctas.

Prob. sequ. Tum quia, vt diximus, in deo non datur nisi vnica scientia: Tum quia, vt diximus etiam, quæ distinguuntur tantum ex parte obiecti materialis & connotati, non dicunt diuersam rationem formalem, nec distinguuntur virtualiter: Sed scientia visionis & scientia simplicis intelligentiæ distinguuntur tantum ex parte connotati & obiecti materialis: Ergo, &c. Minor probatur: quia esse causam in actu primo, vel in actu secundo, est tantum distinctio ex parte obiecti materialis & connotati, neque diuersificat in deo diuersam rationem formalem causæ, vt est omnino

certum: Atqui, ex dictis, diuifio ſcientiæ Dei in ſcientiam viſionis & ſcientiam ſimplicis intelligentiæ petitur ex hoc, quòd reſpectu aliquorum deus eſt cauſa in actu primo, & reſpectu aliorum eſt cauſa in actu ſecundo: Ergo hæc diuiſio eſt tantum ex parte obiecti materialis & connotati, non autem ex parte rationis formalis; res enim cauſatæ ſunt obiectum materiale; & decretum liberum Dei, quod non pertinet ad rationem ſcientiæ, eſt connotatum, ratione cuius deus aliorum eſt cauſa in actu primo, & aliorum in actu ſecundo: nam ea, quæ deus vult eſſe, facit in actu ſecundo; quæ verò non vult eſſe, non facit niſi in actu primo.

Sequitur 245. Hanc diuiſionem ſcientiæ in ſcientiam viſionis & ſimplicis intelligentiæ eſſe adæquatam. *Ibid.*

Prob. ſequ. diuiſio per membra contradictoria eſt adæquata; quia inter contradictoria non datur medium: Sed hæc diuiſio datur per membra contradictoria: Ergo, &c. Minor probatur ex dictis: Eſſe cauſam in actu primo tantum, & eſſe cauſam in actu ſecundo, ſunt membra contradictoria: Sed hæc diuiſio datur per hæc duo membra: Ergo datur per contradictoria. Min, eſt certa ex dictis. Maior non eſt minus euidens: nam eſſe cauſam in actu primo tantum im-

portat non esse causam in actu secundo ;  
& esse causam in actu secundo , importat  
non esse causam in actu primo tantum.

*Ibidem.*

Sequitur 246. Non dari aliquam in  
Deo scientiam respectu rerum creatarum ,  
quæ non reducatur ad vnam ex  
istis.

Prob. sequ. Quando diuisio est adæ-  
quata , non datur aliquid sub diuiso ,  
quod non reducatur ad alterum ex  
membris diuidentibus , vt omnes con-  
cedunt : Sed diuisio illa scientiæ Dei  
respectu rerum creatarum in scientiam  
simplicis intelligentiæ & visionis est  
adæquata, ex dictis : Ergo , &c.

*Ibidem. &  
q. 15. a. 1.*

Sequitur 247, Deum per scientiam  
simplicis intelligentiæ non cognoscere  
res possibles nisi cognoscendo suam  
ideam & virtutem rerum productiuam.

Probat sequela. Res esse possibles  
nihil aliud est , quàm non repugnantia  
terminorum , quæ fundamentaliter  
non est nisi ipsa idea diuina , & poten-  
tia actiua Dei : Sed deus per scientiam  
simplicis intelligentiæ cognoscit res vt  
possibles : Ergo deus per scientiam sim-  
plicis intelligentiæ non cognoscit res, nisi  
cognoscendo suam ideam & suam virtu-  
tem productiuam rerum. Minor patet  
ex dictis. Maior probatur quoad pri-  
mam partem : Nulla negatio potest cog-  
nosci nisi cognito fundamento , vt est

evidens: Sed non repugnantia est negatio, ut patet: Ergo non cognoscitur nisi cognito fundamento; illud autem fundamentum, cum sit ab æterno, non potest esse aliquid aliud, nisi ipsa idea Diuina, quæ repræsentat terminos, & fundat illam non repugnantiam: Ergo Deus cognoscendo suam ipsam ideam, cognoscit fundamentum non repugnantia, & consequenter non repugnantiam. Secunda verò pars maioris etiam patet: quia rem, quæ nihil omnino est in se, posse produci, nihil aliud est, quàm causam posse illam producere, siue habere virtutem illius productiuam: res enim, quæ nihil est in se, non dicitur possibilis, ab aliqua potentia reali, quæ sit in ipsa, Sed dicitur possibilis per denominationem extrinsecam à potentia productiua ipsius, quam habet eius causa: Sed rem esse possibilem, nihil aliud est, quàm eam posse produci: Ergo rem esse possibilem nihil aliud est, quàm vis actiua, quam causa habet; atque adeo Deus cognoscendo suas ideas & suam potentiam cognoscit res ut posibles.

Sequitur 248. Deum per scientiam simplicis intelligentiæ cognoscere primariò seipsum. *Ibid.*

Probatur sequela. Ipsa idea Diuina & omnipotentia est ipsemet Deus ut infra etiam ostendemus: Sed Deus cog-

138 *Secundum Doctrinæ*

noscendo res ut possibiles cognoscit primariò suam ideam & suam omnipotentiam, ex dictis : Ergo cognoscit seipsum primariò.

*Ibidem.*

Sequitur 249. Deum per scientiam visionis cognoscere primariò seipsum ut causam in actu secundo.

Probat. sequela. Comprehendens effectus existentes non potest illas hoc modo præsertim per veram scientiam cognoscere, nisi primariò cognoscendo eorum causam in actu secundo : Sed Deus per scientiam visionis comprehendit effectus, id est, creaturas existentes, quarum ipse est vera causa, easque cognoscit per veram scientiam, ut patet ex dictis : Ergo Deus per scientiam visionis cognoscit seipsum ut causam in actu secundo.

*l.p. 44. 14.  
n. 13.*

Sequitur 250. Deum cognoscere omnia futura.

Probatur seque. Qui comprehendit omnes omnino causas, cognoscit futura : Sed Deus comprehendit omnes omnino causas ; comprehendit enim seipsum, & in seipso omnes res creatas, atque adeo omnes alias causas : Ergo Deus cognoscit futura.

*Ibidem.*

Sequitur 251. Deum cognoscere futura, quæ in aliqua differentia temporis erunt existentia, tamquam sibi præsentia.



Probatur sequela. Omnia, quæ in quacumque differentia temporis sunt existentia, sunt Deo præsentia in æternitate realiter, ut supra ostendimus: Sed Deus cognoscit omnia ut sunt in æternitate; cognoscit enim ea in mensura & duratione sua & suæ cognitionis, & non in mensura rerum cognitarum, quia non sunt, nisi obiectum secundarium suæ cognitionis: Ergo cognoscit omnia etiam futura ut præsentia realiter in sua æternitate.

Sequitur 252. Deum non cognoscere futura, ut sibi futura, sed nobis. *Ibid.*

Probatur sequela. Qui cognoscit omnia ut sibi præsentia realiter in ea mensura, in qua & ipse cognoscit, non cognoscit res ut sibi futuras: Atqui, ex dictis, Deus cognoscit omnia ut sibi suæque cognitioni realiter præsentia in æternitate, quæ est mensura Dei & cognitionis diuinæ: Ergo non cognoscit illa ut sibi futura. Cognoscit autem illa ut nobis futura; quia cognoscit successionem, quæ est inter ipsas res in proprijs mensuris; cum cognoscat comprehensivè omnia.

Sequitur 253. Deum cognoscere certò res absolutè futuras etiam in sua decreto, quo illas verè, realiter, & infallibiliter vult causare.

Hæc sequela supponit, quod infra

*1 p. qu. 14.  
ar. 9. ad 3.  
1. Contra  
gen. c. 67.  
c. 68.*

probaturi sumus, voluntatem Diuinam mediante suo decreto esse veram, realem, & infallibilem causam omnium omnino, quæ in quacumque differentia temporis existunt, & hoc supposito probatur sequela: Effectus futurus scientificè cognitus per altissimam causam, cognoscitur certò per causam omnino infallibilem & determinatam: Sed omnia futura sunt effectus, scientificè per altissimam causam à Deo cogniti, ut patet ex dictis, & hæc altissima causa est voluntas Diuina per suum decretum æternum omnino infallibile, ut postea probabimus: Ergo omnia futura absolutè cognoscuntur à Deo in sua voluntate & decreto, quo illa vult verè, realiter, & infallibiliter causare.

*Ex iisdem  
hæc.*

Sequitur 254. Deum cognoscere futura absoluta in prædeterminatione physica, sibi præsentè realiter, quâ vult ab æterno prædeterminare causas omnes secundas in tempore ad omnes & singulas earum operationes & effectus.

Probatur sequela. Qui certò cognoscit effectum in sua voluntate & decreto, cognoscit etiam certò eundem effectum in eo, quo exequitur suam voluntatem & decretum: Sed, ex iam dictis, Deus cognoscit certò futura absolutè in sua voluntate & decreto: Ergo cognoscit etiam certò illa futura in eo, quo

exequitur suam voluntatem, & decretum : Atqui, ex dictis in primo principio deus exequitur infallibiliter suam voluntatem & decretum mediante prædeterminatione physica, quâ ab æterno vult omnes causas secundas prædeterminare ad ipsarum omnes & singulas operationes : Ergo deus cognoscit aliquo modo futura omnia absolutè in huiusmodi prædeterminatione, quæ, licet non sit ab æterno, utpote aliquid creatum, est tamen realiter ab æterno præsens ipsi Deo : quia, ut diximus, omnia sunt realiter Deo præsentia in æternitate. Dixi autem, quòd deus futura illa certò cognoscit quodammodo in illa prædeterminatione ; quia, cum illa prædeterminatio non sit secundum se altissima causa, sed solum quatenus est executio siue virtus executiva, quâ voluntas diuina, ut altissima causa, exequitur quod intendit, idcirco deus, qui omnia, ut diximus, cognoscit in seipso ut altissima causa, non cognoscit futura absoluta in ea prædeterminatione secundum se, sed dumtaxat, ut est veluti coniuncta cum ipsa voluntate diuina & decreto, cuius est executrix in tempore.

Sequitur 255. Tres esse veluti modos & media, in quibus deus cognoscit futura absoluta, videlicet præsentiam realem rerum in æternitate, decretum

*Ex iisdem locis.*

suum , & prædeterminationem physicā.

Patet sequela, ex iam probatis.

1. p. 94. 14.  
2. 17.

Sequitur 256. Hos tres modos siue media, in quibus deus cognoscit futura absoluta , debere reduci ad primum illud , quod est rerum illarum omnium realis præsentia in æternitate.

Explicatur : Decretum Diuinum , est actus liber diuinæ voluntatis , atque adeo non potest non esse realiter præsens & existens in æternitate : Idem decretum est causa realis omnium omnino , quæ fiunt in tempore & in ævo ; est igitur prius prioritate causalitatis omnibus effectibus , quos causat ac demum non est causa proxima omnium, quæ producit medijs causis secundis , sed est causa mediante prædeterminatione physica , quæ est etiam præsens in æternitate , sicut & ipsi effectus à Deo per suum decretum producti sunt in ea realiter præsentibus. Ex his ergo.

Probat. sequ. Medium omne , quo scientia visionis attingit suum obiectum ut præsens & existens , debet etiam eodem modo esse præsens & existens, atque adeo debet reduci ad illam realem præsentiam : Sed decretum Dei & prædeterminatio physica sunt medium , quo deus cognoscit certò absolutè futura per scientiam visionis : Ergo decretum Dei & prædeterminatio physica sunt

etiam realiter præsentia in æternitate :  
atque adeo debent omnino reduci ad  
hanc præsentiam. Vnde habes rationem,  
propter quam D. Thomas, dum agit de  
cognitione Dei respectu futurorum ,  
semper ferè recurrit ad præsentiam re-  
rum in æternitate ; quia alia, scilicet de-  
cretum & prædeterminatio physica, non  
sunt media , in quibus Deus cognoscat  
futura per scientiam visionis , nisi qua-  
tenus & ipsa sunt realiter præsentia in  
eadem æternitate.

Sequitur 257. Deum cognoscendo  
res absolutè futuras in suo decreto & in  
prædeterminatione physica , non cog-  
noscere illas vt sibi futuras , sed solum  
vt præsentem.

*Ex locis  
superius  
citatis.*

Probatur sequ. Cognoscere rem in  
causa actualiter causante illam , non est  
cognoscere illam vt futuram, sed potius  
vt præsentem : Sed Deus cognoscendo  
res futuras in suo decreto & in præde-  
terminatione physica , cognoscit illas in  
causis actualiter eas causantibus : Ergo  
non cognoscit illas vt sibi futuras , sed  
vt præsentem. Minor patet ex dictis ;  
quia decretum Dei est actualis causalitas  
Dei , quâ Diuina voluntas actu causat  
res omnes ; & prædeterminatio physica  
est actuale reductiuum , quo videlicet  
Deus reducit causam omnem creatam de  
potentia ad actum, vt constat ex dictis.

I. p. 9. 14.

a. 13.

Sequitur 258. Deum certò cognoscere omnia futura conditionata eo modo, quo sunt futura.

Probat. sequ. Qui certò comprehendit omnia, quæ quocumque modo sunt, & cognoscit ea ut sunt, debet etiam certò cognoscere omnia futura sub conditione eo planè modo, quo sunt futura : Sed, ex dictis, Deus comprehendit omnia, quæ quocumque modo sunt : Ergo cognoscit certò etiam omnia futura sub conditione.

Sed ut hæc omnia melius percipiantur, aduertendum est primò quid sit futurum : Res ergo dicitur futura per denominationem extrinsecam: Nulla enim denominatio intrinseca, nisi sit essentialis, aut sumatur ex aliqua vera proprietate, potest conuenire rei non existenti, ut est certum apud omnes : Sed hoc, quod est, rem esse futuram, non est denominatio essentialis, aut quæ petatur ex aliqua proprietate, aliàs numquam posset esse præsens; quia quod conuenit rei ut prædicatum essenziale vel ut proprietas, semper ei conuenit, nec potest ipsi oppositum conuenire : Ergo non potest denominatio futuri esse intrinseca, nec conuenire rei non existenti : Est ergo dumtaxat denominatio extrinseca. Omnis autem denominatio extrinseca alicui rei, debet peti ab aliqua forma, quæ

quæ sit intrinseca alteri, & sic esse visum conuenit, v.g. parieti per denominationem extrinsecam à visione, quæ intrinsecè est in potentia visiva: Ergo illa denominatio *futuri*, quando conuenit alicui, debet peti ex forma aliqua intrinseca alteri rei. Quænam autem sit illa res, à cuius forma intrinseca res denominetur futura, sic potest declarari. Res, quæ dicitur futura, secundum illam rationem futuræ denominatur & distinguitur à re existente, & à re, quæ est possibilis indifferenter, hoc est, quæ potest esse & non esse: Sed res existens est & denominatur ex eo, quòd sit extra suas causas, cum existentia sit vltima rei actualitas; vnde dicitur res existens, quasi extra suas causas sistens: Ergo res futura & res possibilis indifferenter, non sunt, nec denominantur ex eo, quòd sint extra suas causas (aliàs non differrent ab existente,) atque adeo sunt & denominantur ex eo, quòd sint intra causas suas: Res verò, quæ dicitur possibilis indifferenter, est intra causas: vnde supra diximus res dici possibles à potentia actiua, quæ illas potest producere, vt etiam in tertio principio probauimus: cum ergo res possibles indifferenter, possint esse & non esse, debent esse intra causas omnino indifferentes. Res ergo futura non est nec

denominatur ex eo, quòd sit extra suas causas, sed intrà; neque est intrà causas omnino indifferentes ( aliàs non differret à re possibili, vt constat ) igitur res dicitur futura, quia est intrà suas causas determinatas ad dandam illi existentiam in duratione sequenti: Ergo extrinseca denominatio *futuri* petitur à virtute actiua causæ determinata ad dandam effectui existentiam.

Aduertendum secundò hanc denominationem, sicut & determinationem causæ esse posse multiplicem: alia enim est determinatio omnino certa & infallibilis; alia non omnino certa. Determinatio causæ omnino certa & infallibilis dicitur illa, ad quam infallibiliter sequitur effectus; incerta verò & fallibilis, ad quam non infallibiliter effectus sequitur Duplex igitur erit denominatio, quâ aliquid futurum dicitur, siue duplex erit futuritio; alia certa, alia incerta. Præterea sicut illa determinatio causæ potest esse vel absoluta, vel sub conditione: sic etiam potest duplex esse futuritio, videlicet absoluta, vel sub conditione; nam, v. g. quando dico, *Antichristus erit*, est determinatio & futuritio absoluta: quando verò dico, *Dabo tibi centum nummos, si laboraueris*, ibi est propositum & determinatio, & consequenter futuritio conditionata. Et si



quidem conditio aliquando ponenda sit in rerum natura, illud, quod erat futurum sub conditione, transit in absolutum: & sic Deus illud cognoscit eodem modo, quo cognoscit absolutè futura, de quibus iam diximus. Si verò conditio numquam ponenda sit in rerum natura, erit futurum purè ac propriè conditionatum, de quo nunc agimus: Sed quia variæ sunt conditiones, etiam diuersa sunt futura conditionata. Conditionum enim aliæ sunt, ex quibus necessariò consequitur effectus, v.g. *Si ignis fuerit sufficienter applicatus, comburet; si Petrus currat, mouebitur*; aliæ sunt ex quibus infallibiliter, quamuis non necessariò effectus sequitur v. g. *supposito, quod Deus velit incarnari, erit incarnatio*; aliæ sunt ex quibus fallibiliter, & probabiliter dumtaxat effectus consequitur, vt, *si mater fuerit, amabit filium*; aliæ demum, ex quibus nullo modo sequitur effectus, quantum est ex se, vt, *si percusseris terram baculo, rex vincet hostes*. Primi generis conditionata vocantur necessaria: secundi infallibilia; tertij probabilia siue fallibilia; quarti disparata. Sunt & alia conditionata, quæ vocamus promissoria, vt, *si laboraueris, dabo tibi centum nummos*.

Ex his ergo certum est futura conditionata necessaria cognosci à Deo, per

scientiam simplicis intelligentiæ. Ratio est, quia idem omnino est cognoscere huiusmodi conditionata, ac cognoscere propositionem vniuersalem, in qua prædicatum antecedentis in conditionali positum sit subiectum, & consequens sit prædicatum, v. g. idem est hanc conditionalem, *Si Petrus currat, mouebitur*, cognoscere, ac cognoscere istam vniuersalem, *Omnis currens mouetur*: Quæ propositio, cum sit necessaria, cognoscitur à Deo per scientiam necessariam siue simplicis intelligentiæ; Secundi generis futura conditionata, quæ vocantur infallibilia, etiam cognoscuntur à Deo per eandem scientiam; quia ista cognoscuntur etiam in propositione vniuersali, quam per illam scientiam Deus nouit: vt in exemplo allato, *Si Deus velit Verbum incarnari, erit Verbi Diuini incarnatio*: hæc cognoscitur in ista vniuersali, *Omnia, quæ Deus vult fieri, infallibiliter fient*. Tertij generis conditionata certò cognoscuntur à Deo, non tamen vt infallibiliter futura; sed dumtaxat fallibiliter: cognoscuntur enim in propositione vniuersali, quæ est tantum probabilis, v. g. illud, *Si mater est, diligit filium*; cognoscitur in ista, *Omnis mater diligit filium*: hæc verò certò quidem cognoscitur à Deo non tamen vt infallibiliter vera, sed tantum probabiliter.

Qua in re tertio & diligenter quidem aduertendum est & distinguendum, aliud esse certo cognoscere, rem esse probabiliter futuram; aliud certo cognoscere rem, quæ dumtaxat probabiliter futura est, esse certo futuram; & demum aliud probabiliter & opinatiue cognoscere rem esse probabiliter futuram. Explicatur: Quando quis videns coniecturas, iudicat certo, probabile esse, quod res futura sit, non iudicat rem esse certo futuram, sed dumtaxat iudicat ex coniecturis, probabile esse, quod sit futura: quæ duo longè diuersa sunt, & in moralibus necessario distinguenda: qui enim videns coniecturas, solum iudicat probabile esse, quod aliquid futurum sit, non iudicat temerè: sed suspendit iudicium de re, & iudicat tantum de probabilitate. Quando verò certo iudicat ex coniecturis probabilibus, rem esse certo futuram, tunc iudicat temerè & exponit se periculo errandi. Sed quando probabiliter & opinatiue iudicat rem esse dumtaxat probabiliter futuram, tunc suspicatur, & nihil certo definit.

Deus ergo potest quidem certo iudicare, rem esse probabiliter futuram: in hoc enim iudicio nulla inuoluitur imperfectio ex parte iudicantis: Sed non potest Deus suspendere iudicium, quia

aliunde nouit, an res illa certò futura sit nec ne. Similiter non potest Deus iudicare ex coniecturis probabilibus, rem esse certò futuram, quia tunc se exponeret periculo errandi: & multò minùs potest Deus iudicare probabili & opinatiuo iudicio, rem esse probabiliter futuram; quia opinio & iudicium probabile important intrinsecè imperfectionem incertitudinis, quæ Deo repugnat. Quantum ad futura conditionata disparata, quorum conditio nullam prorsus habet connexionem cum re, quæ sub illa conditione dicitur futura, certum est Deum nihil certò iudicare de illis, neque illa cognoscere, nisi ex aliquo alio, putà decreto, promissione, &c. Et idem dicendum de conditionatis promissorijs.

Quod igitur dicimus in hac sequela  
260. Nihil aliud est, nisi quod Deus comprehendens omnia, certò cognoscit & iudicat de quolibet futuro conditionato, quòd futurum sit, eo tamen modo, quò futurum est; nam futurum conditionatum necessarium, siue ex cuius conditione sequitur necessariò illud esse futurum, certò cognoscit tamquam necessarium, siue necessariò futurum sub ea conditione: futurum conditionatum infallibile certò cognoscit tamquam infallibiliter futurum; futurum denique

conditionatum fallibile certò cognoscit tamquam fallibiliter futurum. Sed superest difficultas, per quam scientiam Deus cognoscat futurum conditionatum fallibile; nam, ut diximus, futurum conditionatum necessarium & infallibile cognoscit per scientiam simplicis intelligentiæ; de futuris etiam disparatis, certum est, quòd ea non cognoscit, nisi in suo decreto, quo tribuit conditioni connexionem cum effectu, qui dicitur futurus: v.g. illud futurum conditionatum, quod habetur 4. Regum 13. ubi Elifæus dixit ad Ioas Regem Israël: *Si percussisses (terram) quinquies, aut sexies, aut septies, percussisses Syriam usque ad consummationem*, Deus reuelauerat Elysæo, atque adeo Deus cognoscebat illud: sed non cognoscebat illam percussione & consummationem Syriæ tamquam effectum, qui ex natura rei sequeretur ex percussione terræ facta quinquies vel sexies, vel septies, ut est euentissimum: Ergo cognoscebat illam ex vi sui decreti, quo statuerat, quòd si Ioas quinquies, &c. percussisset terram, etiam postea percussurus esset Syriam usque ad consummationem. Et in hoc omnes fere consentiunt. Superest ergo difficultas solùm de futuris conditionatis, quorum conditio habet tantum probabilem & liberam connexio-

nem cum re, quæ dicitur futura: v. g. Si Petrus ponatur in his aut illis circumstantijs, & præseniatur tali vel tali auxilio moraliter dumtaxat excitante, consentiet: Difficultas, inquam, est vtrum Deus cognoscat huius generis conditionata in suo decreto, vel independentem ab illo, seclufâ etiam præfentiâ reali rerum in æternitate: Aliqui enim recentiores volunt, Deum illa cognoscere; & hanc cognitionem vocant scientiam mediam: nos verò ex nostris principijs illam scientiam rejicimus.

1. p. q. 14.  
a. 13. in 1.  
dist. 38 a.  
§ 1. comr.  
gent. cap.  
67 q. 2. de  
veritate  
ar 12 &  
infinitis  
alijs in  
textis.

Sequitur ergo 160. Non dari in deo scientiam mediam.

Probatur sequela primò: Nulla cognitio falsa esse potest in Deo: Sed scientia media est cognitio falsa: Ergo non est in deo. Minor probatur: cognitio non conformis obiecto est falsa: Sed scientia media est cognitio non conformis obiecto suo: Ergo, &c. Minor probatur: Cognitio iudicans aliquid certò & infallibiliter futurum, quod reuera non est certò & infallibiliter futurum, est cognitio non conformis obiecto suo: Sed scientia media est cognitio iudicans aliqua esse sub conditione certò & infallibiliter futura, quæ reuera non sunt futura: Ergo scientia media est cognitio non conformis suo.

obieceto. Minoris prima pars est certa etiam iuxta recentiores, qui volunt Deum ante decretum suum, siue independentem à decreto suo iudicare per scientiam mediam aliqua sub conditione esse certò & infallibiliter futura; Secunda verò pars, quòd nimirum illa independentem à decreto diuino non sint certò & infallibiliter futura, probatur ex dictis: Nihil est quocumque modo certò & infallibiliter futurum, nisi differat à possibili & existente: Sed ante decretum siue independentem à decreto Dei nihil differt à possibili & existente: Ergo independentem à decreto Dei nihil est certò & infallibiliter futurum. Maior est euidens: ut enim aliquid dicatur certò & infallibiliter futurum, non debet esse existens, siue extra causas suas sistens in illa duratione, pro qua dicitur futurum, aliàs potiùs præsens diceretur, quàm futurum: Ergo futurum debet esse intra causas, ut distinguatur ab existente. Ut autem distinguatur à possibili indifferente ad esse vel non esse, non debet esse intra causas indeterminatas & indifferentes; aliàs enim esset merè possibile. Ex quo iam probatur minor: Ante decretum Dei siue independentem ab illo, vel res illa, quæ dicitur certò futura, est extra causas, vel adhuc est intra illas: si sit ex-

tra, non differt ab existente; præterquam quòd implicat independenter à Dei decreto aliquid creatum esse extra causas suas; cum omne creatum, vt sit & existat, dependeat à decreto dei. Si verò independenter à dei decreto res sit intra causas, vel est intra illas indifferentes, & sic non differt à merè possibili: vel est intra causas determinatas; & sic differt quidem à possibili, sed non potest esse intra causas determinatas independenter à decreto Dei, si sit certò & infallibiliter futurum. Quod sic ostendo: Si futurum debet esse intra causas determinatas, vt sit certò & infallibiliter futurum, debet esse intra omnes suas causas certò & infallibiliter determinatas, vt constat: Atqui independenter à decreto Dei, nihil est intra omnes suas causas certò & infallibiliter determinatas: Ergo independenter à decreto Dei nihil est certò & infallibiliter futurum quomodocumque. Minor probatur: Voluntas Dei est vna ex causis cuiuscumque rei creatæ: Sed independenter à decreto dei nihil est intra ipsam certò & infallibiliter determinatum: Ergo independenter à decreto deo nihil est certò & infallibiliter determinatum in omnibus causis. Maior est de fide, illamque infra probabimus. Minor probatur: Independentem ab



actu, quo voluntas diuina seipsam liberè determinat, nihil creatum est intra voluntatem Diuinam certò & infallibiliter determinatum, vt est euident: Sed decretum est actus, quo voluntas Diuina seipsam liberè determinat: Ergo independenter à decreto Dei nihil creatum est determinatum certò & infallibiliter in voluntate Diuina.

Secundò probatur. Qui omnia cognoscit in seipso vt causa altissima, nihil cognoscit independenter à constitutiuo causæ altissimæ: Sed Deus, ex dictis, omnia cognoscit in seipso vt causa altissima: Ergo nihil cognoscit independenter à decreto suo, quo constituitur in rationem causæ respectu futurorum. Maior patet ex terminis. Minor iam probata est suprâ. Quòd verò Deus habeat rationem causæ respectu futurorum à decreto suo, probatur: Causa liberè operans habet à suo decreto & actu libero rationem causæ: Sed Deus respectu rerum omnium creatarum est causa liberè operans, vt est de fide, & probabitur infra: Ergo Deus habet rationem causæ à suo decreto & actu libero.

Probatur tertio: Nihil est ponendum à suis causis independenter ab actu suarum causarum, vt patet ex terminis: Sed futurum infallibile ex ipsis aduer-

156 *Secundum Doctrinam*

farijs est illud, quod est certò & infallibiliter ponendum à suis causis : Ergo futurum nihil est independenter ab actu suarum causarum. Vna autem ex causis est voluntas Dei libera ; cuius actus est decretum æternum : Ergo nihil est futurum certò & infallibiliter independenter ab actu Dei libero.

Dices verum esse, quòd nihil est ponendum independenter ab actu causarum suarum, sed vel posito vel ponendo : atque ita verum est nihil esse futurum certò & infallibiliter independenter à decreto Dei vel posito, vel ponendo, siue vt futuro per rationem, ita vt Deus cognoscat futura conditionata in suo decreto cognito vt futuro per rationem.

Sed contra: Quia, quod est essentialiter præsens & existens non potest cognosci vt futurum etiam per rationem ab illo, qui comprehendit, & videt rem, vt est in se quidditatiuè, & intuitiuè : Sed decretum Dei est essentialiter præsens & existens, cum sit essentialiter æternum : Ergo non poterit cognosci vt futurum etiam per rationem à Deo, qui comprehendit & videt suum decretum vt est in se quidditatiuè & intuitiuè.

*Iisdem  
locis & 1.  
perihermæ.  
lect. 13.*

Sequitur 261. Futura hæc conditionata non habere veritatem obiectiuam

independenter à decreto Dei.

Probatur sequela: Veritas illa obiectiua vel est aliquid extra Deum, vel est intra ipsum: Sed neutrum dici potest: Ergo, &c. Maior patet ex diuisione per membra contradictoria. Prima pars minoris probatur: Nullum creatum est extra Deum independenter à decreto dei: Sed veritas illa obiectiua esset aliquid creatum: Ergo non esset extra Deum independenter à decreto dei. Secunda verò pars minoris probatur: Omne quod est intra Deum, vel est omnino necessarium, vel est liberum: Sed veritas illa obiectiua de futuris non potest esse intra Deum tamquam necessaria, nec tamquam libera: Ergo, &c. Prima pars minoris patet; aliàs Deus non posset falsificare veritatem illam, atque adeo non posset facere, quòd illud futurum conditionatum non esset sic futurum, imò nec vlla creatura id posset, vt est euidens: vnde tolleretur omnis libertas tum Dei, tum creaturarum omnium. Non potest etiam veritas illa obiectiua de futuris esse quid liberum intra Deum independenter à decreto dei: Omne enim liberum intra Deum est actus liber & decretum, quod non est ante seipsum, vt patet: Ergo, &c.

Præterea veritas obiectiua vel est obiecti intellectui, vel posse illi obici: Sed

nullum futurum obiicitur vel potest obiici intellectui Diuino independentem à decreto : Ergo nullum futurum habet veritatem obiectiuam independentem à decreto Dei. Minor constat ex dictis ; quia nullus effectus potest habere rationem futuri independentem à decreto Dei, vt probatum est. Et præterea nullus effectus Diuinæ voluntatis potest obiici intellectui Diuino, nisi mediante essentia diuina vt causa : Sed essentia diuina non habet rationem causæ respectu cuiuscunque effectus futuri, nisi ratione decreti : ergo independentem à decreto non potest obiici intellectui Diuino. Minor probatur : quia essentia Diuina dupliciter potest habere rationem causæ, videlicet in actu primo, & in actu secundo : Sed in actu primo est tantum causa possibilium ; & in actu secundo non est causa nisi ratione decreti, & dependenter ab illo : Ergo respectu eorum, quæ non sunt merè possibilium, non habet rationem causæ independentem à decreto : Atqui futura conditionata vt sic non sunt merè possibilium : Ergo respectu futurorum conditionatorum essentia Diuina non habet rationem causæ independentem à decreto.

Confirmatur I. Futura conditionata cognosci vel posse cognosci à Deo inde-

pendenter à decreto, quia habent veritatem obiectiuam independentem à decreto. est illa cognosci independentem à decreto, quia cognoscuntur vel possunt cognosci: Sed hoc est manifesta & absurda petitio principij, vt est euidens: Ergo hoc est absurdum. Maior patet: quia obiici vel posse obiici intellectui nihil aliud est, quàm cognosci, vel posse cognosci: Sed habere veritatem obiectiuam nihil aliud est, quàm obiici vel posse obiici intellectui: Ergo habere veritatem obiectiuam nihil aliud est, quàm cognosci vel posse cognosci. Qui ergo dicunt, ideo futura conditionata cognosci vel posse cognosci à Deo independentem à decreto, quia independentem ab illo habent veritatem obiectiuam, nihil aliud dicunt, nisi quòd futura conditionata ideò cognoscuntur vel possunt cognosci à Deo independentem à decreto, quia cognoscuntur vel possunt cognosci à Deo independentem à decreto. Quæ est omninò absurda petitio principij.

Confirmatur secundò: Iuxta hos recentiores futura conditionata independentem à decreto habent veritatem obiectiuam ex vi contradictionis propositionum, quæ de illis futuris conditionatis formantur, aut formari possunt: quia, vt isti aiunt, ex duabus propositionibus

etiam de futuro conditionato altera debet esse determinatè vera, altera determinatè falsa in quocumque signo rationis : Atqui ista horum recentiorum assertio ex triplici capite est apertè falsa : Ergo falsum etiam est , quòd futura conditionata habeant hanc veritatem obiectiuam independentem à decreto Dei. Maior est ipsa assertio recentiorum. Minor probatur primò : Nullum obiectum habet veritatem à propositionibus , quæ de illo formantur vel formari possunt ; quin potiùs propositiones habent veritatem ab ipso obiecto ; ex eo enim quod res est vel non est oratio dicitur vera vel falsa : Ergo futura conditionata non possunt habere hanc veritatem obiectiuam ex vi contradictionis propositionum , quæ de illis formantur vel formari possunt. Secundò falsum est quòd in propositionibus de futuro contingenti contradictorijs altera debeat esse determinatè vera , & altera determinatè falsa in quocumque signo rationis , etiam iuxta hos recentiores : Ergo falsum est , quòd ipsi asserunt. Consequentia est euidens. Antecedens probatur : Non minùs sunt contradictoriæ propositiones de contingenti vt futuro absolutè, quàm sint contradictoriæ propositiones de futuro conditionato , imò quodammodo multò magis : Atqui ex

vi contradictionis propositionum de contingenti ut futuro absolutè non fit, quòd altera debeat esse determinatè vera, & altera determinatè falsa in quocumque signo rationis, etiam iuxta illos auctores: Ergo ex vi contradictionis in conditionatis non debet altera esse determinatè vera, & altera determinatè falsa in quocumque signo rationis, nec consequenter debent hæc futura conditionata habere veritatem obiectivam. Maior est certissima. Minor probatur: Propositiones, quæ non cognoscuntur à Deo independentè à decreto, non habent veritatem determinatam, ita ut contradictoriarum altera sit determinatè vera, altera determinatè falsa in quocumque signo rationis; cum Deus cognoscat omnes, quæ habent veritatem determinatam: Sed propositiones etiam contradictoriæ de futuro absoluto non cognoscuntur à Deo independentè à decreto Dei: Ergo propositiones de futuro absoluto non habent veritatem determinatam, ita ut contradictoriarum altera sit determinatè vera, & altera determinatè falsa, ante decretum. min. prob. quia non possunt cognosci propositiones nisi cognoscantur obiecta, de quibus sunt: sed obiecta, id est, futura absoluta non cognoscuntur independentè à decreto; alijs etiam es-

sent futura absolutè independenter ab illo, & consequenter ponerentur in rerum natura independenter à voluntate dei; & sic voluntas dei non esset causa rerum omnium creatarum, quod est omnino falsum: Ergo in futuris absolutis propositiones non cognoscuntur à deo independenter à decreto.

Tertiò falsum est, quòd possint formari propositiones contradictoriæ de futuris siue absolutè, siue conditionatè in signo rationis ante decretum: Ergo falsum etiam est, quòd altera contradictoriarum sit determinatè vera, & altera determinatè falsa in signo rationis ante decretum. Consequentia est evidens: quia propositiones, quæ non possunt formari in aliquo signo, non possunt esse contradictoriæ. Antecedens probatur primò: Omnes propositiones, quæ formantur ab æterno ab intellectu Divino (qui solus est æternus) ante decretum Divinæ voluntatis, sunt simpliciter necessariae: Sed propositiones de contingenti ut futuro, siue absolutè, siue conditionatè, non sunt simpliciter necessariae: Ergo propositiones de contingenti ut futuro non possunt formari ab intellectu Divino ab æterno ante decretum Dei. Minor est certa; quia talis est propositio, necessaria videlicet vel contingens, qualis est mate-



ria, siue obiectum, de quo est propositio. Maior probatur: quia, ut dicemus infra, prima radix totius contingentiae est efficacia voluntatis Diuinæ. Vnde sic arguitur: Ante primam radicem totius contingentiae & libertatis nulla potest concipi vel contingentia vel libertas, praesertim ab eo, qui omnia comprehendit ut sunt: Sed efficacia decreti Diuini est prima radix totius contingentiae & libertatis: Ergo ante decretum Diuinum nulla potest concipi vel contingentia vel libertas, praesertim à Deo, qui omnia comprehendit, ut sunt.

Secundò Probatur antecedens: Intellectus formans aliquas propositiones iudicativas prius quam cognoscat obiectum illarum, temerè omnino illas format & iudicat: Sed in signo rationis ante decretum Deus non cognoscit obiectum aliquod siue absolutè siue conditionatè futurum priusquam formet propositiones iudicativas; cum iuxta hos auctores in ipsis propositionibus cognitis cognoscat obiectum: Ergo intellectus Diuinus temerè omnino iudicaret & formaret propositiones in signo rationis ante decretum.

Explicatur vis huius argumenti: Antequam aliquis formet propositiones iudicativas de aliquo obiecto, debet cognoscere ipsum obiectum, aliàs prorsus re-

merè iudicat : Ergo antequam Deus formet propositiones iudicatiuas de futuris, debet cognoscere illa futura ; atque adeo non potest priùs illas formare nisi temerè iudicet : Sed iuxta assertores scientiæ mediæ illas format priusquam cognoscat obiecta : Ergo temerè iudicat, cumque sit impossibile , quod Deus temerè iudicet , impossibile est, quod illas formet, antequam cognoscat futura. Quod autem iuxta assertores scientiæ mediæ Deus formet propositiones de futuris saltem conditionatis antequam illorum obiecta cognoscat , probatur. Qui in medio cognito cognoscit aliquid , priùs debet cognoscere medium , quàm id, quod cognoscit in medio ; priùs, inquam , prioritate rationis: Sed iuxta assertores scientiæ mediæ Deus cognoscit futura conditionata in veritate propositionum contradictoriarum tamquam in medio , in quo futura illa cognoscit : Ergo iuxta illos priùs debet cognoscere veritatem illam propositionum , atque adeo debent esse formatæ propositiones, antequam Deus in illis cognoscat illa futura conditionata : Hoc autem esset temerè iudicare, vt dictum est , & esse omnino impossibile satis pater,

Tertiò probatur antecedens siue declaratur radix allucinationis : nam quan-

*D. Thoma Principium. 165*

Ad dicitur Deus cognoscere futura ante decretum, illa particula *ante* non denotat aliquod instans etiam rationis, in quo existat cognitio futurorum, & non existat decretum: sed solum denotatur, quod cognitio futurorum non pendet à decreto: unde est prioritas instantis, à quo, & non in quo: Cognitio autem futurorum non pendet à decreto ratione sui, cum sit omnino idem cum decreto, sed ratione obiecti, id est, futura ipsa pendent à decreto: dicere ergo, quod cognitio futurorum non pendet à decreto Dei, est dicere, quod futura non pendent à decreto Dei, quod est manifestè falsum; quia cum futura etiam ut futura sint entia creata, pendent à voluntate & decreto Dei.

Sequitur 262. Futura conditionata *isidem* non cognosci à Deo in causis secundis, *locis.* velin earum supercomprehensione, independenter à decreto Dei.

Probat. sequi. Qui cognoscit omnia in causa altissima, non cognoscit in causis inferioribus quantumcumque comprehensis, vel supercomprehensis, independenter ab illa causa altissima, ut patet: Atqui, ex dictis, Deus cognoscit omnia in seipso ut causa altissima: Ergo non cognoscit aliqua, etiam futura conditionata in causis inferioribus etiam supercomprehensis, independenter à se ut

causa : cum igitur Deus non habeat rationem causæ respectu futurorum, vt distinguuntur à possibilibus ; nisi ratione decreti , non potest Deus futura conditionata cognoscere independenter à decreto.

Confirmatur : quia supercomprehensio nihil addit ex parte rei cognitæ supra simplicem comprehensionem : Sed per simplicem comprehensionem non cognoscuntur futura conditionata in causis inferioribus ; aliàs Angeli , & Christus Dominus vt homo cognoscerent illa , cum comprehendant causas omnes inferiores : Ergo etiam per supercomprehensionem non cognoscuntur futura conditionata. Maior probatur : Qui dicit totum nihil excludit , & qui cognoscit rem, quantum cognoscibilis est, non potest melius aut perfectius cognoscere ex parte rei cognitæ : Sed qui comprehendit rem, totam illam cognoscit, quantum cognoscibilis est : Ergo supercomprehendendo nihil potest cognoscere in re , quod non cognoscatur per comprehensionem.

Confirmatur secundò : Quia in causis indeterminatis vt sic nihil potest cognosci vt futurum determinatè & infallibiliter : Sed omnes causæ secundæ independenter à decreto Dei sunt indeterminatæ : Ergo in causis secundis inde-

pendenter à decreto dei non potest cognosci futurum determinatè. Maior est euidentiſſima, quia nulla causa potest deducere in cognitionem effectus, nisi secundum quod effectus in ea continetur, & consequenter si continetur tantum indifferenter & indeterminatè, non potest cognosci vt determinatè futurus. Minor probatur: causæ omnes impedi- biles à suorum effectuum productione sunt secundum hoc indeterminatæ: Sed omnes causæ secundæ sunt impedi- biles à productione suorum effectuum; pos- sunt enim impediri à deo, siue à decre- to diuino: Ergo independenter à deo siue à decreto diuino sunt indetermi- natæ.

Confirmatur tertio: quia decretum Diuinum prædestinit & prædeterminat causas omnes, vt ostendimus in primo principio, & infra etiam probabimus.

Sequitur 263. Futura conditionata libera non cognosci à Deo in volunta- te libera creata, quasi Deus cognoscat, quid factura esset voluntas creata, si esset independens à Deo.

Probatur sequela: Quia, vt diximus, debet futura cognoscere in seipso vt causa altissima.

Confirmatur, quia illa propositio se- ipsam destruit: *Quid factura esset vo- luntas creata si esset independens: hoc*

mo, locutus fuerit ex cognitione, quam ipse vt homo haberet per scientiam mediam. Alij verò, qui affirmant scientiam mediam fuisse in intellectu humano Christi, non possunt euadere, quin admittant Christum vt hominem cognouisse per illam, non solùm ea, quæ Deus scit scientia visionis, ( quod tamen est contra D. Thomam, ) sed etiam omnia, circa quæ possunt formari propositiones conditionaræ : & cum circa omnia possible huiusmodi propositiones possint formari, debent necessariò admittere Christum vt hominem cognoscere omnia possible, & consequenter comprehendere essentiam Diuinam; cuius rei impossibilitatem supra ostendimus.

3. p. 9. 10.  
art. 2. &  
9. 11. 4. 1.

R. 2. Assertores scientiæ mediæ æquè teneri ad soluendum argumentum, quod ipsi afferunt. Certum est enim apud ipsos, Iudæos præuisos fuisse à deo consensuros gratiæ, si positi fuissent in alijs circumstantijs, vel si in eisdem deus, vtî poterat, dedisset aliam gratiam, quâ præuidebat fore congruam, sicut dedisset illam Tyrijs & Sidonijs, si Christus apud eos fecisset miracula: Atqui hoc supposito æquè videtur ( absit verbo blasphemia ) iniusta increpatio, quâ Christus increpauit Iudæos comparatione Tyrionum; poterant enim respondere Iudæi; *Si tu nos posuisses in alijs*

170      *Secundum Doctrinæ*  
*circumstantijs, vel in ijsdem dedisses nobis gratiam congruam, a quæ conuersi essemus nos ac Tyrij. Præterea Tyrij etiam habere viderentur causam conquerendi; quia dicere possent; Curnoluisti facere virtutes apud nos, cum prauideres nos illis visis conuertendos, & voluisti facere apud Iudæos, quos præsciebas non conuertendos. Sed istæ omnes querimoniæ humanæ cessant, si attendamus nullam in his, quæ sunt puræ ac meræ gratiæ, esse posse iustam causam conquerendi.*

R. 3. Ad hoc vt iusta sit comparatiua increpatio sufficere, quòd tam Iudæi quàm Tyrij potuerint conuerti, & Iudæi non sint conuersi visis virtutibus, sicut fuissent conuersi Tyrij. Potuerunt autem conuerti ipsi Iudæi, quia erant liberi, quia Deus multa auxilia sufficientia illis dederat, & quia penes ipsos erat ponere impedimenta ad gratiam, (hoc enim ex seipsis poterant) sicut & penes ipsos erat non ponere huiusmodi impedimenta, quod poterant non ex se, sed ex gratia. Æquales ergo erant Tyrij & Sidonij ac Iudæi quantum ad potentiam liberam, & quoad auxilia sufficientia: inæquales verò ex propria voluntate, quia maiora impedimenta posuerant Iudæi, quàm Tyrij: Et hoc sufficit ad iustitiam increpationis comparatiuæ.

*D. Thoma Principium.* 171

*Hæc usque sunt sequela transposita:  
Sequentes igitur debent poni post pro-  
bationem sequela 132.*

Sequitur 265. Voluntatem Dei sem-  
per impleri.

*Ibidem.*

4.6.

Probatur sequela: Voluntas quæ est  
causa omnino infallibilis, semper im-  
pletur: Sed voluntas Diuina est causa  
omnino infallibilis: Ergo, &c.

Sequitur 266. Certitudinem & infal-  
libilitatem causalitatis conuenire vo-  
luntati Diuinæ ex se, quatenus est causa.

*Ibidem a.*

8.

Probatur sequela: Causæ perfectissi-  
mæ in ratione causæ debet conuenire  
omnis perfectio causæ vt causa est: Sed  
voluntas Diuina est causa perfectissima,  
ex dictis: & certitudo atque infallibili-  
tas causalitatis est perfectio causæ, vt  
causa est: Ergo hæc certitudo & infal-  
libilitas causalitatis debet conuenire  
voluntati Diuinæ, quatenus est causa.  
Minoris secunda pars est euidens: Vir-  
tus enim omnino efficax tollens impe-  
dimenta, ponens dispositiones & pro-  
ducens effectum, est perfectio causæ in  
ratione causæ: Atqui infallibilitas cau-  
salitatis est ipsa virtus omnino efficax  
tollens impedimenta, ponens disposi-  
tiones & producens effectum, vt per  
se patet: Ergo infallibilitas causalitatis  
est perfectio causæ, vt causa est.

Sequitur 267. Diuinam voluntatem

H 2.



172 *Secundum Doctrinam*

esse omnino infallibilem non ex sola Dei præscientia, sed ex se.

Probatur sequela: Quod conuenit diuinæ voluntati ex se ut causa est, non conuenit ei ex sola præscientia: Sed infallibilitas omnimoda conuenit diuinæ voluntati ex se, quatenus causa est: Ergo conuenit illi non ex præscientia, sed ex se.

*Ibid. & q. 2. de veris. a. 2.* Sequitur 268. Potius infallibilitatem competere præscientiæ ex diuina voluntate.

Probatur sequela: Illi per se primò conuenit infallibilitas, cui per se primò conuenit ratio causæ perfectissimæ: Sed ratio causæ perfectissimæ per se primò conuenit voluntati Diuinæ: Ergo & infallibilitas. Maior probatur & explicatur. Quamuis voluntas non sit potentia executiua in Deo; hoc enim, ut diximus supra, conuenit intellectui: nihilominus hoc quod est, esse potentiam executiuam conuenit intellectui, non secundum se, sed quatenus à voluntate liberè mouetur & applicatur ad opus. Mouet quidem intellectus voluntatem quoad specificationem, proponendo illi obiecta eligenda, vnde est etiam radix libertatis: sed voluntas mouet intellectum quoad exercitium, & est formaliter libera. In Deo igitur voluntas mouet (eo modo, quo potest

**D. Thoma Principium.** 173

esse motio in Deo) intellectum ad exercitium: Atque adeo ratio potentia executiua, quæ propriè importat exercitium, conuenit intellectui vt moto à voluntate, sicut etiam propriè conuenit voluntati libertas. Cum ergo ratio causæ per se primò conueniat illi, qui primò mouet ad exercitium, & ratio causæ liberæ formaliter & per se primò conueniat voluntati, consequens est, vt infallibilitas orta ex ratione causæ, voluntati primò conueniat; præsertim cum scientia Dei versetur circa obiecta creata, vt cognita in ipsa essentia vt causa: vnde quodammodo præsupponitur ratio causæ determinatæ per voluntatem, antequam Deus cognoscat in seipso res creatas vt præsentis & existentes respectu æternitatis, & futuras nobis. Quare & ex parte obiecti, nimirum rerum creatarum, & ex parte mediij, videlicet ipsius essentia Diuinæ, voluntas Diuina præsupponitur infallibiliter, vt determinata ipsæ res sint infallibiliter futuræ, & vt cognoscantur certò & infallibiliter in ipsa essentia Diuina vt causa infallibili. Et sic patet etiam minor.

Sequitur 169. Efficaciam Diuinæ voluntatis esse primam radicem & causam contingentia. 1. p. 44. 19.  
ar. 8.

Probatur sequela: Infallibitas causæ

H 3

causantis omnia sub ratione entis est prima radix & causa contingentiae, libertatis, & necessitatis: Sed efficacia Diuinæ voluntatis est ipsa infallibilitas eiusdem vt primæ causæ causantis omnia sub ratione entis, vt patet ex dictis: Ergo efficacia Diuinæ voluntatis est prima radix & causa contingentiae, libertatis, & necessitatis. Maior est evidens; quia ex eo, quod causa causat rationem entis, producit omnes modos entis, atque adeo contingentiam, libertatem, & necessitatem; & ex eo quod causa illa habeat infallibilitatem in causando, nihil potest impedire, quin causet eos modos, prout voluerit.

*r. p. q. 19.*  
*ar. 7.* Sequitur 270. Voluntatem Dei nullo modo esse mutabilem.

Probatur sequela: Actus purus nullo modo est mutabilis, vt diximus supra: Sed voluntas Dei est actus purus: Ergo voluntas Dei nullo modo est mutabilis.

*Ex eodem loco.* Sequitur 271. Voluntatem Dei non posse manere suspensam circa quodcumque obiectum ipsi ab intellectu propositum.

Probatur sequela: Voluntas omnino immutabilis non potest manere suspensa circa quodcumque obiectum sibi ab intellectu propositum: Sed voluntas Dei est omnino immutabilis: Ergo non

potest manere suspensa circa quodcumque obiectum ipsi ab intellectu propositum. Maior constat : quia voluntas suspensa est determinabilis & potest seipsam determinare , & concipitur in potentia ad actum , respectu cuius est suspensa , subindeque non est immutabilis.

Sequitur 272. Voluntatem Dei non posse concipi ut suspensam ex parte rei conceptæ : quamvis ex parte modi nostri concipiendi concipiatur ut suspensa. *Ex eodem loco*

Explicatur : Concipere voluntatem Dei ut attingentem actu suum obiectum primum , absque eo quod concipiamus , eam attingere obiectum secundarium , saltem istud & illud in particulari , est concipere voluntatem Dei ut suspensam ex parte modi concipiendi ; quia concipimus eam non concepto aliquo actu circa particularia obiecta secundaria : & hoc possumus. Sed concipere illam ut suspensam ex parte rei conceptæ , est asserere , illam nullum habere actum circa obiecta secundaria ipsi ab intellectu proposita : Hoc autem fieri non posse patet , quia esset concipere & asserere voluntatem Dei ut determinabilem per actus sequentes , atque adeo ut potentialem.

Quod autem decipit in hac parte est , quod nonnulli imaginantur inter

voluntatem Dei ut attingentem obiectum  
 primarium, & eandem ut attingentem  
 obiectum secundarium interuenire prio-  
 ritatem rationis instantis *in quo*; cum  
 tantum interueniat prioritas rationis  
 secundum instans *à quo*. Prioritas (se-  
 cundum rationem) instantis *in quo*, est  
 prioritas, in qua vnum concipitur exi-  
 stere, & aliud non existere; prioritas  
 (secundum rationem) instantis *à quo*  
 est prioritas, in qua vtrumque simul  
 concipitur existere, sed vnum esse ra-  
 tionem à priori vel causam saltem vir-  
 tualem alterius. Sic v.g. radij solis con-  
 cipiuntur posteriores ipsa substantia so-  
 lis, quæ concipitur prior; non quòd in  
 aliquo instanti concipiatur sol existere  
 sine radijs, sed quòd concipiantur ra-  
 dij esse à Sole tamquam à causa ipsorū.

Probaturs ergo sequela: Voluntas,  
 quæ concipitur ut actus purus & infinitus,  
 numquam potest concipi ut suspen-  
 sa ex parte rei conceptæ; quia, ut ex-  
 plicauimus, hoc est concipere ipsam  
 existere, & non habere omnem actum  
 & omnem actualitatem, quam potest  
 habere: Sed voluntas Diuina debet  
 concipi ut actus purus & infinitus: Ergo  
 numquam potest concipi ut carens ali-  
 quo actu, quamuis possit concipi, non  
 concepto, sed actu particulari.

*Ibid. ar. 9.* Sequitur 73. Voluntatem Dei ha-

bere decreta circa omnia omnino quocumque modo ipsi proposita ab intellectu diuino.

Probatur sequela : Voluntas infinita & non suspensa habet decreta circa omnia, circa quæ potest illa habere; aliàs si vel circa vnum non haberet decretum, circa illud esset suspensa : Sed voluntas Dei est infinita & non suspensa, ex dictis : Ergo debet habere decreta circa omnia sibi proposita ab intellectu Diuino.

Sequitur 274. Voluntatem Dei habere decreta de existentia vel non existentia cuiuslibet possibilis. *Ex eodem*

Probatur sequela : Voluntas non suspensa habet actum circa quodlibet obiectum : Sed voluntas Diuina est non suspensa : ergo habet actum circa quodlibet obiectum.

Sequitur 275. Voluntatem diuinam habere decreta conditionata ex parte obiecti. *Ex eodem*

Explicatur : Volitio aliqua dupliciter potest dici conditionata ; primò conditione, quæ suspendat actum ; secundò conditione, quæ non suspendat actum, sed quæ exigat adimpletionem conditionis, vt actus habeat effectum : v. g. dum dico, *Vellem hoc, si mihi liceret illud velle* : vbi vides, quòd voluntas suspendit actum efficacem volendi def-

178 *Secundum Doctrinam*

fectu conditionis , quia illi non licet velle ; sed quando dico , *Volotibi dare centum nummos cras , si laboraueris* ; Labor exigitur vt conditio ; non ad hoc vt velim , sed vt volitio mea executioni mandetur : fatemur ergo Deum non posse habere volitionem conditionatam primo modo , quia hoc modo conditio suspendit actum efficacem ; Voluntas autem Dei non potest manere suspensa circa quemcumque actum , vt diximus ; sed secundo modo Diuina voluntas potest habere decreta conditionata , quia non suspenditur actus , sed suspenditur executio rei volitæ , vsque dum ponatur conditio.

Probaturn ergo sequela : Voluntas , quæ non potest manere suspensa circa quodcumque obiectum ipsi propositum ab intellectu , habet actus conditionatos ex parte obiecti , si proponantur ei obiecta sub conditione : Sed voluntas Dei non potest manere suspensa , vt ostendimus ; & intellectus Diuinus cognoscit & proponit illi plura obiecta conditionata , vt omnes admittunt : Ergo voluntas Dei habet plures actus siue decreta conditionata ex parte obiecti. V.G. intellectus diuinus proponit voluntati Diuinæ , quid vellent fieri , si incarnatio non fuisset facta , vel si Adam non peccasset &c.

Sequitur 276. Actum volitionis Di- *Ibidem*  
uinæ esse simpliciter infinitum.

Probatur sequela : Quia attingit ob-  
iectum primarium infinitum , & obie-  
cta omnia possibile, quatenus vult ali-  
qua ex illis fore , alia verò minimè.

Sequitur 277. Actum volitionis Di- *Ibidem*  
uinæ licet sit vnicus & simplex , æqui- 4. 10,  
ualere nihilominus formaliter eminen-  
ter actibus omnibus finitis quantum-  
cumque in infinitum multiplicatis.

Probatur sequela : Infinitum simpli-  
citer in aliquo genere æquiualeat forma-  
liter eminenter omnibus finitis eiu-  
dem generis , etiamsi in infinitum mul-  
tiplicentur : Sed actus diuinæ volunta-  
tis siue volitio diuina , licet sit vnica &  
simplex , est infinita simpliciter in ra-  
tione volitionis : Ergo æquiualeat for-  
maliter eminenter omnibus actibus vo-  
litionum & nolitionum finitis quan-  
tumcumque numero in infinitum mul-  
tiplicatis. Maior patet : nam v. g. linea  
infinita in ratione lineæ æquiualeret li-  
neis finitis etiam in infinitum multi-  
plicatis.

Sequitur 278. Vnum actum volunta- *Ibidem*  
ris Diuinæ posse absque vlla tamen mu-  
tatione vel potentialitate , sed per mo-  
dum actus purissimi attingere per mo-  
dum volitionis vel nolitionis quodlibet  
obiectum secundarium Diuinæ volun-  
tatis.



Probatur sequela: Quod æquiualeat formaliter eminenter pluribus potest totum præstare, quod illa plura seclusis imperfectionibus & nobiliori ac perfectiori modo: Sed actus Diuinæ volitionis æquiualeat formaliter eminenter omnibus volitionibus & nolitionibus finitis quantumcumque in infinitum multiplicatis; Ergo volitio Diuina potest totum præstare, quod illæ volitiones finitæ quantumcumque multiplicatæ; atque aded sicut istæ possent attingere diuersa obiecta, ita & volitio Diuina; & sicut per actum vnum volitionis voluntas creata posset velle, vt aliquod obiectum particulare esset; & per alium posset velle, vt non esset; & per diuersos posset velle vt alia essent, & per alios vt non essent: ita vnica & simplex volitio Diuina illis omnibus finitis volitionibus & nolitionibus æquiualeat, potest omnino inuariata manens velle, vt hoc obiectum sit; & velle, vt non sit; & velle, vt contrarium sit. Maior est euidens, & patet exemplo animæ rationalis, quæ potest formaliter eminenter præstare in homine quicquid præstat anima sensitiua in animalibus cæteris; sicut & anima sensitiua præstare potest quicquid præstat vegetatiua in plantis. Sic etiam Sol per suum lumen eminenter formaliter in genere causæ efficientis præstat

**D. Thoma Principium.** 181

plura, quæ à multis solum causis inferioribus præstari possunt.

Sequitur 279. Hanc eminentiam Diuinæ volitionis constituere formaliter actum Dei liberum. *Ibidem*

Probatur sequela : Id, quo diuina voluntas seclusis omnibus imperfectiōnibus potest per modum actus purissimi attingere varia obiecta secundaria sub ratione formali obiecti primarij, & quo potest quodlibet attingere per modum volitionis, vel per modum nolitionis, constituit formaliter actum liberum dei : Sed hæc eminentia Diuinæ volitionis est id, quo totum hoc potest diuina voluntas seclusis omnibus potencialitatis & mutabilitatis imperfectiōnibus : Ergo hæc eminentia Diuinæ volitionis constituit formaliter actum Dei liberum. Maior est euidens, quia, vt diximus in primo principio, actualis libertas consistit in eo, quod actus attingens obiectum aliquod, ita illud attingat, vt ex modo attingendi possit non attingere. Minor etiam patet ex dictis.

Sequitur 280. Libertatem actualem esse formaliter in Deo. *Ibidem*

Probatur sequela : Primò ex dictis supra : Omnis perfectio simpliciter simplex est in Deo : Sed libertas actualis est perfectio simpliciter simplex : Ergo est in Deo.

Secundò probatur sequela ex iam dictis : Eminentia illa actus Diuinæ voluntatis est formaliter in Deo : Sed libertas infinitæ volitionis consistit in ea eminentia , ex dictis : Ergo libertas infinitæ volitionis est formaliter in Deo.

*Ibid.*

Sequitur 281. Hanc libertatem Dei non esse actum virtualiter distinctum in ratione volitionis ab actu necessario , quo Deus seipsum vult.

Probatur sequela : Eminentia Diuinæ volitionis non est actus virtualiter distinctus in ratione volitionis ab ipsa Diuina volitione , vt est euidens : Sed libertas Dei consistit formaliter in illa eminentia , ex dictis : Ergo libertas Dei non est actus virtualiter distinctus in ratione volitionis ab ipsa volitione necessaria.

Explicatur : Sicut supra diximus sapientiam , prudentiam , artem Dei non addere cognitionem virtualiter distinctam supra ipsum intelligere constitutum naturæ Diuinæ , sed solum addere rationem aliquam formalem eiusdem Diuinæ cognitionis , quatenus eadem cognitio Diuina vt terminatur ad ipsam essentiam Dei vt primum intelligibile est constitutum naturæ Diuinæ , & eadem cognitio vt terminatur ad essentiam diuinam vt causam est sapientia , & sic de alijs , vt explicatum est : ita eadem

**D. Thoma Principium. 183**

volitio Diuina vt terminatur ad primum appetibile & summum bonum, est velle diuinum. necessarium : & eadem virtualiter omnino indistincta in ratione volitionis, quatenus habet hanc eminentiam , vt possit per modum actus puri attingere hoc obiectum secundarium per modum volitionis , & per modum nolitionis , est ipsa libertas diuina. Vnde.

Sequitur 282. Libertatem diuinam *Ibidem* esse modum , aut quasi modum virtualiter ab ipsa volitione necessaria distinctum.

Probatur sequela : Eminentia Diuinæ volitionis, quatenus est huiusmodi, vt possit attingere per modum volitionis vel nolitionis quodlibet ex obiectis secundarijs , est modus quidam virtualiter distinctus à volitione necessaria : Sed libertas diuina formaliter consistit in illa eminentia, ex dictis : Ergo libertas Diuina formaliter consistit in modo virtualiter distincto à volitione necessaria.

Confirmatur : Quæ pertinent ad diuersas rationes formales , in Deo virtualiter distinguuntur : Sed velle & libertas pertinent ad diuersas rationes formales, eo fere pacto, quo cognoscere & ratio formalis sapientiæ : Ergo velle & libertas virtualiter in Deo distinguuntur.

Explicatur magis. In rebus creatis libertas est modus quidam ab ipsa volitione non solum realiter distinctus, sed etiam ex propria ratione formali; quia libertas potest aduenire vel cessare inuariato prorsus actu volitionis quoad substantiam, vt dictum est in primo principio: Igitur in Deo debemus distinguere cum fundamento in re etiam ex parte rationis formalis ipsam libertatem tamquam modum ab ipsa Diuina volitione.

*Evidem.*

Sequitur 283. Actum liberum Dei terminari primariò ad Diuinam bonitatem, vt est ratio volendi creaturas.

Probatur sequela: Volitio necessaria Dei terminatur ad ipsam Diuinam bonitatem, vt est ratio volendi seipsam, tamquam ad obiectum primum; ex quo fit, quòd sit ratio volendi alia à se, vt aliàs diximus: Sed actus liber Dei est ipsa volitio Diuina necessaria cum modo illo eminentiæ iam explicato: Ergo actus liber Dei terminatur ad ipsam bonitatem Diuinam vt est ratio volendi alia à se, adiuncto tamen modo illo eminentiæ.

*Evidem.*

Sequitur 284. Hanc eminentiam, in qua consistit libertas, prouenire ex eo, quòd actus ille volitionis diuinæ terminetur ad obiectum primum infinitum.

Probatur sequela: Infinitas actus Diuinæ volitionis, quâ fit vt per modum actus puri possit infinita obiecta secundaria attingere, prouenit ex eo quodd attingat obiectum primarium infinitum, id est, infinitè bonum: Sed eminentia Diuinæ volitionis, in qua consistit libertas, prouenit ex infinitate illius actus, vt dictum est: Ergo eminentia illa diuinæ volitionis prouenit ex infinitate obiecti primarij, quod est infinitè bonum; ex quo fit quod possit esse ratio volendi infinita obiecta secundaria, etiam indifferenter, hoc est, cum illa eminentia, vt attingendo quodlibet ex illis infinitis obiectis secundarijs per modum volitionis, possit per modum actus puri attingere illud idem per modum nolitionis.

Explicatur: Attingere siue terminari ad aliquod obiectum secundarium per modum volitionis, & simul posse attingere per modum nolitionis dupliciter potest intelligi; primò ita vt sit sensus, quodd simul & semel actualiter attingat vnũ& idem obiectum, volendo quodd sit & quodd non sit: & hoc planè implicat; & consequenter non hoc modo intelligimus, quodd sit in actu Diuinæ voluntatis virtus ad attingendum obiectum per modum nolitionis, quando illud attingit per modum volitionis; Secundo potest

intelligi, quòd in illo eodem actu, quò attingitur aliquod obiectum per modum volitionis, siue volendo quòd illud obiectum existat, sit nihilominus virtus non per modum potentia, sed per modum actus purissimi, quâ illud idem obiectum potest attingi per modum volitionis, siue volendo, quòd illud obiectum non sit; & hoc modo intelligimus esse in actu diuinæ voluntatis virtutem, quâ dum attingit obiectum volendo quòd sit, valeat illud idem attingere volendo, quòd non sit. Et in hoc consistit eminentia Diuinæ volitionis ex eo quòd sit infinita & actus purus: & in hac eminentia consistit formaliter libertas.

*Ibidem.*

Sequitur 285. Libertatem Diuinam non esse in ordine ad actus Diuinæ voluntatis, sed in ordine ad obiecta.

Probaturs sequela: Libertas per modum actus puri non potest esse in ordine ad actus, sed ad obiecta: Atqui libertas Diuina est per modum actus puri: Ergo non potest esse per ordinem ad actus, sed ad obiecta. Non dicimus, quòd actus Diuinus non sit liber: sed solùm dicimus, quòd in Deo non potest concipi libertas potentialis, quasi Deus sit liber in potentia in ordine ad actus, sed quòd actus Diuinus sit liber in ordine solùm ad obiectum.

Adde præterea, quòd libertas etiam in nobis non est circa ipsos actus, nisi quatenus ipsi actus habent rationem obiecti, hoc est boni particularis, & indifferentis: Actus autem Diuinæ voluntatis cum sint realiter idem cum Diuina bonitate, nec actus liber, vt diximus, in ratione actus & volitionis distinguatur ab actu necessario, non possunt habere rationem boni particularis & indifferentis: atque adeo non possunt esse obiectum libertatis.

Sequitur 286. Libertatem contradictionis & contrarietatis in Deo esse penes obiecta hoc sensu, quòd quia potest Deus velle hoc obiectum existere, & potest velle, vt non sit, dicatur Deus liber libertate contradictionis; & quia potest velle, vt hoc obiectum, putà calor, sit, vel eius contrarium, putà frigus, dicatur liber libertatem contrarietatis.

*Ibidem.  
ad 2.*

Probatur sequela: Vbi non est libertas ad actus, sed solùm in ordine ad obiecta, libertas contradictionis & contrarietatis debet sumi penes contradictionem vel contrarietatem; obiectorum, vt est euidentis: Atqui, ex dictis, in Deo non est libertas in ordine ad actus, sed in ordine ad obiecta: Ergo libertas contradictionis & contrarietatis debet peti ex contradictione vel contrarietate obiectorum.



*Ex eodem  
loco.*

Sequitur 287. Terminationem acti-  
uam actus liberi ad obiectum tam pri-  
marium quàm ad secundarium Diuinæ  
voluntatis in communi esse omnino ne-  
cessariam.

Explicatur: Actus diuinæ voluntatis  
potest concipi terminari actiue, id est,  
attingere obiectum, vel primarium,  
quod est bonitas ipsa diuina vt propter  
seipsam amabilis; & hæc attingentia est  
omnino necessaria, vt patet ex dictis  
supra; vel potest concipi attingere ob-  
iectum primarium non secundum se,  
sed vt est ratio attingendi creaturas; &  
hoc modo etiam illa attingentia est ne-  
cessaria: quia non potest voluntas di-  
uina quicquam velle, nisi ratione suæ  
bonitatis, quatenus est ita amabilis, vt  
cætera non sint ipsi amabilia nisi propter  
ipsam; Tertiò potest actus diuinæ vo-  
luntatis concipi vt attingens creaturas;  
quamuis enim illas velit ratione suæ bo-  
nitatis, attingit tamen illas: & hæc  
terminatio vel attingentia est etiam ne-  
cessaria hoc sensu, quòd nulla est crea-  
tura, quam non debeat necessariò at-  
tingere volendo vt sit, vel volendo vt  
non sit: quia, vt supra ostendimus, vo-  
luntas diuina non potest manere suspen-  
sa circa quodcumque obiectum sibi ab  
intellectu propositum, atque adeo de-  
bet sese determinare circa quodlibet, &

consequenter debet necessariò terminari ad quamlibet creaturam. Volùm ergo restat vt libertas Diuina consistat in hoc, quòd attingat hanc creaturam v.g. Petrum per modum volitionis, volendo quòd Petrus existat, vel quòd illam attingat per modum nolitionis, id est, volendo quòd non existat. Hoc autem non dicit terminationem actiuam siue attingentiam, sed duntaxat modum terminationis & attingentiæ.

Probatur ergo sequela: Voluntas, quæ nullum habet obiectum, quòd necessariò non debeat attingere, nullam habet terminationem actiuam siue attingentiam, quæ non sit necessaria: Sed voluntas diuina nullum habet obiectum, quod necessariò non debeat attingere; quia circa nullum potest manere suspensa, vt probatum est: Ergo voluntas Diuina nullam habet terminationem actiuam siue attingentiam, quæ non sit necessaria.

Sequitur 288. In nulla terminatione actiua siue attingentia quoad substantiam posse consistere libertatem diuinam.

Probatur sequela: In nullo omnino necessario vt sic, potest consistere libertas Diuina: Sed omnis terminatio actiua siue attingentia est omni ex parte necessaria, quoad substantiam, ex di-

ctis : Ergo in nulla terminatione actiua  
sive attingentia potest consistere liber-  
tas Diuina.

*Ibidem* Sequitur 289. In solo modo attingen-  
di consistere libertatem Divinam.

Prob. sequ. In eo solo potest consiste-  
re libertas Diuina , quod non est om-  
ni ex parte necessarium : Sed solus mo-  
dus attingendi est non omni ex parte  
necessarius : Ergo in illo solo potest  
consistere libertas Diuina.

Sequitur 290. Hunc modum attrin-  
gendi esse quidem necessarium quoad  
totam entitatem , quam importat rea-  
liter , sed non formaliter sub ratione ta-  
lis vel talis modi.

Explicatur : Modus attingendi crea-  
turas secundum suam entitatem consi-  
deratus est ipsa perfectio libertatis : quæ  
perfectio est omnino necessaria in Deo,  
sicut & in nobis libertas permanens est  
omnino necessaria; cum sit idem cū vo-  
luntate nostra, quæ est potentia & pro-  
prietas dimanās necessariò ab anima :  
Sed quòd Diuina voluntas attingat hoc  
modo creaturas, videlicet volèdo vt exi-  
stant determinatè ; vel volendo vt non  
sint determinatè , hoc est illi liberum:  
& hæc , vt sic loquar , talitas modi at-  
tingendi nihil aliud est in Deo , nisi ip-  
sa eminentia infinita Divini actus, quæ  
æquivalet actibus finitis in infinitum

multiplicatis: quæ eminentia secundum totam suam entitatem est necessaria, sed ut continet talem determinatum modum, putà volitionis quòd res existat, est libera ; non quòd possit abesse à Deo , & adesse illi quoad substantiam , sed quòd eadem substantiâ eminentiæ illius permanente possit illa eadem volitio omnino invariata attingere existentiam creaturæ , & simul sit virtus attingendi non existentiam.

Probat. sequ. Eminentia infinita Diuini actus liberi quoad totam entitatem est necessaria , non autem sub conceptu præciso talis vel talis modi determinati : Sed modus attingendi creaturas consistit in illa eminentia , & supra ostendimus : Ergo modus attingendi creaturas est necessarius quoad totam entitatem , licet non sub conceptu præciso & determinato talis modi.

Sequitur 291. Voluntatem Diuinam non posse esse malorum , ut mala sunt. *Ibid. ar. 9.*

Probat. sequela. Nullum malum siue culpa potest esse objectum voluntatis, nisi apprehendatur sub aliqua ratione boni : Sed malum ut malum non potest apprehendi sub aliqua ratione boni , præsertim ab intellectu Divino, qui omnia nouit ut sunt : Ergo, &c.

Sequitur 292. Permissionem malorū posse esse objectum voluntatis Diuinæ.

Probatur sequela : Permissio mali etiam culpæ potest esse quid bonum inò & est bonum aliquando : Sed Deus vult omne bonum: Ergo vult permissio- nem mali. Quod verò permissio mali sit bona patet : quia permissio mali est ac- tus quidam Dei, qui non potest non esse bonus. Nec inde sequitur, quod malum sit bonum, quia permissio non dat malo bonitatem, sed tantum ex malo permis- so elicit bonum.

2. 2. q. 15.  
art. 9.

Sequitur 293. Voluntatem Dei divi- di in voluntatem signi & voluntatem be- neplaciti, per metaphoram.

Explicatur: Voluntas propriè dicit inclinationem intellectualem in objec- tum. Voluntas verò metaphoricè dicitur signum eiusdem inclinationis: sicut ho- mo pictus dicitur, quia est signum ho- minis. Quia ergo Deus quædam signa proponit, quibus homines solent signi- ficare voluntatem suam, ideo huiusmo- di signa vocantur voluntates signi.

Probatur ergo sequela, Res, quibus homines significant voluntatem suam dicuntur metaphoricè voluntates, signi sicut etiam actus interni, quibus ali- quid placet, & quibus volunt, sunt & dicuntur voluntates beneplaciti: Sed Deus etiam similes res proponit homini- bus; & aliunde quædam ei placent: Er- go in Deo est & voluntas signi & volun-  
tas

tas beneplaciti, quâ quædam illi placent.

Sequitur 194. Hanc diuisionem esse, *Ibidem*  
aut prorsus æquivocam, aut valdè analogam analogia elongatissima.

Probatur sequela: Vocare voluntatem signi in Deo res, quarum similibus homines significant voluntates suas, est omnino æquivocum, aut analogum analogia remotissima, si nomen & ratio significata per voluntatem attendantur: Atqui hoc est, quod fit in hac diuisione: Ergo &c. Maior patet: quia duplex ibi inuenitur metaphora, prima est, quâ in ipsis hominibus signa voluntatis, dicuntur voluntates; secunda est, quia id, quod conuenit hominibus transfertur in Deum,

Sequitur 195. Voluntatem signi rec- *Ibidem*  
rè diuidi in quinque capita, videlicet *a. 10.*  
operationem, permissionem, præceptum, prohibitionem, consilium.

Probatur sequi. Signa, quibus homines solent significare voluntates suas, translata in Deum, dicuntur voluntates signi in Deo: Sed quinque sunt signa, quibus homines solent significare voluntates suas; primò quidem, dum operantur per seipsos; secundò dum permittunt, cum possent impedire; tertio, in his, quæ fieri debent per alios; præceptum, quoad bona necessaria; prohibitio quoad mala; consilium

## 194 *Secundum Doctrinā*

quoad bona, quæ sunt ex superabundante.

*Ibidem.*

Sequitur 296. Voluntatem beneplaciti esse propriè dictam voluntatem.

Pater sequela ex dictis, quia est vera voluntas in Deo.

*x. p. q. 20.*

Sequitur 297. In Deo reperiri amorē.

*a. 1.*

Probat. sequela: Velle bonum alicui est amare, ut diximus in primo principio. Sed, ex dictis, Deus vult bonum, vult enim seipsum & suam bonitatem: Ergo, &c.

*l. p. q. 20*

*a. 2.*

Sequitur 298. Deum amare omnia existentia.

Probat. sequela: Qui volendo causat bonum in aliquo, amat; amare siquidem non est, nisi velle bonum: Sed Deus volendo causat bonum, saltem esse & existentiam in omnibus existentibus: Ergo omnia existentia amat.

*Ibidem.*

Sequitur 299. Deum non amare possibilia tantum.

Probat. sequela: Deus non amat ea, quibus nullum vult bonum: Sed Deus nullum vult bonum possibilibus tantum: Ergo, &c.

*Ibidem.*

*ad 3.*

Sequitur 300. Deum non amare omnia amore amicitiae, aut benevolentiae.

Probat. seq. Velle bonum capaci re-damationis & communicationis in operibus vitæ, est amare amore amicitiae aut benevolentiae, ut etiam diximus in primo principio: Sed Deus non vult

bonum dumtaxat capacibus redamationis & communicationis, sed etiam aliis, ex dictis: Ergo non amat omnia amore amicitiae & benevolentiae.

Sequitur 301. Deum amare creaturas irrationales amore concupiscentiae. *Ibid. 7.*

Probat. sequela: Velle alicui bonum in ordine ad seipsum, vel ad alium, est amare amore concupiscentiae, ex primo principio: Sed Deus vult creaturis irrationabilibus bonum in ordine ad seipsum, & in ordine ad rationales creaturas; cum nolit irrationabilibus bonum propter ipfas, nec amet illas amore amicitiae ex dictis: Ergo illas amat amore concupiscentiae.

Sequitur 302. Deum non æqualiter diligere omnia, ex parte boni voliti, bene ex parte actus; quo vult bonum. *Ibid. 8.*

Probat. sequela: Qui per eundem actum vult aliis maiora, aliis minora bona, æqualiter illos diligit ex parte actus, non ex parte boni voliti, ut patet: Sed Deus per eundem actum vult aliquibus maiora bona, aliis minora, ut constat ex dictis; cum alias creaturas amet amore amicitiae, alias amore concupiscentiae: Ergo &c.

Sequitur 303. Deum magis diligere meliora. *Ibid. 9. 47.*

Probat. sequela: Deum plus diligere aliquem est velle ipsi, & causare in eo



maius bonum, ex dictis : Sed in melioribus vult & causat maius bonum; cum eius velle sit causa omnis boni : Ergo, &c.

*I. p. 9. 21.*

*a. 1.*

Sequitur 304. In Deo esse iustitiam distributivam.

Probatur sequela. In gubernatore ; qui dat cuilibet secundum suam dignitatem, est iustitia distributiva : Sed Deus, ut postea ostendetur, est gubernator; & ex dictis, dat melioribus meliora bona, & sic distribuit cuilibet secundum suam dignitatem, quam etiam ipse dat cuilibet : Ergo, &c. Adverte autem quod, cum iustitia vindicativa sit pars iustitiæ distributivæ, debet etiam reperiri in Deo : Sicut enim Deus distribuit bona iuxta meritum cuiuslibet, ita etiam distribuit & infligit poenas iuxta demeritum, idque intentione puniendi malos, & reducendi ad quamdam æqualitatem ipsas exorbitantias peccatorum.

*Ibid. ad 3.*

Sequitur 305. In Deo non esse propriè iustitiam legalem.

Prob. sequ. Quæ important imperfectionem non sunt in Deo : Sed iustitia legalis importat imperfectionem : Importat enim esse subditum superiori, cuius legem in ordine ad bonum commune iustitia legalis tamquam proprium obiectum respicit, ut aliàs ostendimus : Ergo, &c.

*D. Thoma Principium.* 197

Sequitur 306. Impropriè posse dici in Deo iustitiam legalem illam , quâ omnia agit secundùm voluntatem suam. <sup>*Ibid.*</sup> Hanc nonnulli vocant iustitiam legalem architectonicam.

Probat. sequ. Quæcumque Deus agit , agit secundùm voluntatem suam iustam & rectam : cuius obiectum est bonum ordinatum ad seipsum iuxta legem sapientiæ suæ , vt patet ex his , quæ diximus : Sed hoc est, esse in Deo iustitiam legalem impropriè ; quatenus nimirum agit iuxta legem sapientiæ suæ in ordine ad bonum suum , quod est bonum vniuersi inquantùm est bonum auctoris & conseruatoris vniuersi : Ergo, &c.

Sequitur 307. In Deo non esse iustitiam commutatiuam. <sup>*Ibid.*</sup>

Probat. sequ. Quia hæc etiam dicit imperfectionem , vt aliàs ostensuri sumus.

Sequitur 308. In Deo iustitiam rectè dici veritatem.

Probat. sequela. Conformitas operis ad legem , cui concordat , rectè dicitur veritas , quæ est conformitas obiecti cū intellectu Diuino , vt diximus : Sed in Deo iustitia est conformitas operis ad legem , quæ est ratio sapientiæ ipsius existentis in intellectu eius ; vnde est conformitas cum intellectu : Ergo in Deo iustitia est veritas:

*Ibid.*

Sequitur 309. In Deo non esse misericordiam, quantum ad passionis affectum; bene quantum ad effectum.

Prob. seq. Tristitia de miseria alterius est misericordia quantum ad passionis affectum; expulsio autem miseriae alterius est misericordia quantum ad effectum: Sed in Deo non est tristitia de miseria alterius, quia hæc importat imperfectionem; est tamen expulsio miseriae alterius: Ergo, &c.

*Ibid. a 4.*

Sequitur 310. Eandem expulsionem miseriae factam à Deo sub diuersa consideratione esse actum bonitatis, iustitiæ, liberalitatis, & misericordiæ.

Proba. sequela. Communicatio perfectionis est actus bonitatis, iustitiæ, liberalitatis & misericordiæ sub diuersa consideratione: Sed expulsio miseriae alterius est communicatio perfectionis: Ergo, &c. Maior probatur; quia communicatio perfectionis absolutè considerata est actus bonitatis; Bonitas enim, ut diximus supra, est perfectiua & communicatiua sui: eadem communicatio, ut fit iuxta cuiuslibet rei proportionem, est actus iustitiæ, ut dictum est: Et quando fit merè gratis & non propter aliquam intentam utilitatem, est actus liberalitatis, ut patet: ac demum, ut per illam perfectionem communicatam expellitur alterius miseria, est actus misericordiæ,

vt constat ex dictis supra: Ergo, &c.

*Ibid. a. 4.*

Sequitur 311. In omnibus Dei operibus reperiri iustitiam & misericordiam sumendo misericordiam, pro expulsiōe cuiuscumque defectus; quamvis propriè misericordia non sit nisi expulsiō miseriæ, quæ propriè est defectus rationalis naturæ, cui soli competit esse felicem.

Prob. sequela: Deus in omnibus operibus suis operatur conformiter ad leges sapientiæ suæ largiendo bona iuxta proportionem: Sed in his consistit iustitia & misericordia, vt patet ex dictis: Ergo, &c. Maior constat: quia etiam dum punit malos (quæ punitio bonum est) relaxat aliquid de rigore vindictæ; vnde & ibi quædam est misericordia; & dum creat, dat esse rei creatæ secundum quod conformæ est suæ sapientiæ; vnde & ibi est quædam iustitia.

Sequitur 312. Prudentiam siue providentiam esse in Deo.

*1. p. q. 22.  
a. 1.*

Probatur seque. Recta ratio ordinationis in finem est prudentia siue providentia: Sed in Deo est recta ratio ordinationis in finem: Ergo in Deo est prudentia. Maior est certa; quia quamvis providentia dicatur à futuris providendis, nihilominus principalis pars providentiæ consistit in recta dispositione rerum in finem præsertim ultimum.

Minor verò probatur ex dictis ; quia Deus est summum bonum , ordinat autem omnia in seipsum ; Sed summum bonum & ultimus finis idem sunt : Ergo cum in hac ordinatione nulla sit imperfectio , ordinatio illa & ratio ordinis esse debet in Deo.

*Ibidem.*

Sequitur 313. Prudentiam siue providentiam in Deo debere esse rationem mediorum in finem ordinativam non per modum potentialitatis , sed per modum actus puri.

Probatur sequi. Quicquid est in Deo, debet esse per modum actus puri exclusâ omni potentialitate , ut patet ex dictis : Sed providentia siue ratio ordinativa rerum in finem est in Deo : Ergo providentia siue ratio ordinativa rerum in finem debet esse per modum actus secundi siue puri in Deo.

Sequitur 314. Hanc providentiam Dei esse actum imperij.

Probatur sequi. : Actus secundus providentiæ siue prudentiæ est actus imperij etiam in creatis, ut aliàs ostendimus : Sed in Deo est providentia siue prudentia per modum actus secundi , & actus puri , ut dictum est : Ergo in Deo providentia siue prudentia debet esse actus imperij , quo videlicet in actu secundo intimat & ordinat res in finem,

Sequitur 315. Hanc providentiam

præsupponere in Deo secundum modum nostrum concipiendi non solum intentionem finis, sed etiam aliquo modo electionem rerum ut mediorum ordinandorum in finem.

Probatur sequi. Actus imperii præsupponit intentionem & electionem, ut patet ex dictis in primo principio: Sed providentia modo nostro concipiendi etiam in Deo est actus imperij, ex iam dictis: Ergo hæc providentia modo nostro concipiendi etiam in Deo præsupponit intentionem & electionem.

Sequitur 316. Eundem actum imperij esse actum sapientiæ Diuinæ & actum prudentiæ, *Ibid.*

Probatur sequela: Imperium est actus sapientiæ Diuinæ: ut terminatur ad res existentes cognitæ in essentia Diuina ut in causa efficiente, ut diximus supra: Sed actus providentiæ siue prudentiæ est etiam imperium, ut ordinans res in finem: Ergo actus prudentiæ est idem actus imperij, ac actus sapientiæ, sub diversa tamen ratione formali; quia ut est actus sapientiæ terminatur ad essentiam Diuinam ut causam altissimam efficientem; ut autem est actus prudentiæ terminatur ad eandem essentiam, quatenus ad illam ut summum bonum & ultimum finem omnia ordinantur.

Sequitur 317. Omnia omnino, quæ *1. p. q. 22. a. 2.*

quocumque modo bona sunt, & ordinata in finem, esse subiecta prouidentia Diuinæ.

Probatur sequela: Quæcumque sunt in ordine ad finem, ordinantur à Deo in illum finem, & subduntur eius prouidentia; cum prouidentia sit ipsa ratio ordinis in finem: Sed omnia omnino bona, ut bona sunt, à Deo sunt in ordine ad finem: Ergo omnia omnino bona in ordine ad finem Dei subsunt prouidentia Diuinæ.

*Ibidem*

Sequitur 318. Omnia omnino, quæ sunt, subdi prouidentia Diuinæ.

Probatur sequela: Omnia bona in ordine ad finem subduntur prouidentia diuinæ: Sed omnia, quæ sunt, ut sic bona sunt, & sunt à Deo, qui cum sit agens intellectuale, ex dictis, agit propter finem: Ergo omnia, quæ sunt, subduntur prouidentia diuinæ.

*Ibidem*

Sequitur 319. Suffocationes in aquis, occisiones, bella &c. subdi prouidentia Diuinæ.

Probatur sequela: Quæcumque sunt subduntur prouidentia Diuinæ: Sed ista omnia sunt, ut constat experientia: Ergo, &c.

*Ibidem*

Sequitur 320. Mala culpæ, non quidem ut peccata sunt, sed ut ex illis bonum aliquod elicitur, subdi prouidentia Diuinæ.

Probatur sequela: mala culpæ vt sunt peccata, non sunt, sed potius deficiunt ab esse; eadem verò, vt ex illis bonum aliquod elicitur, sunt: Ergo mala culpæ, vt sunt peccata non subduntur prouidentia Diuinæ; quia vt sic non ordinantur, nec ordinari possunt in summum bonum: vt autem ex illis elicitur aliquod bonum, & sunt & ordinantur.

Sequitur 321. Permissiones peccatorum subdi prouidentia diuinæ.

*Ibidem*

Explicatur: Permissio peccatorum dupliciter considerari potest; actiue, quâ ratione permissio peccati est ipse actus voluntatis diuinæ volentis non impedire peccatum; & potest sumi passiue; quâ ratione permissio peccati nihil est aliud, quàm subtractio auxilij, quo impediretur peccatum: Et quidem permissio peccati actiue sumpta non propriè subditur prouidentia, quia actus ille, quo Deus vult permittere peccatum propter bonum inde eliciendum, non est quid distinctum ab ipsa ordinatione in finem, siue ab ipsa ratione ordinis in finem; ad hoc autem vt aliquid propriè subdatur ipsi prouidentia, debet esse quid distinctum ab ipsa prouidentia, quia vt aliquid propriè ordinetur ad aliud, debet distingui tam ab actu ordinante, quàm à fine, ad quem ordinatur; à neutro autem distinguitur,



actus permissionis, nam ille idem actus realiter est ipse actus ordinans, & est ipse ultimus finis, ad quem ultimacè ordinatur. Quare sequela hæc intelligi debet de permissione passiva, id est, de negatione auxilii, quo impediretur peccatum; Probatur ergo: Negatio auxilii subditur providentiæ; Deus siquidem hanc negationem ordinat ad aliquem finem: Sed permissio peccati est negatio auxilii, quo impediretur peccatum: Ergo permissio peccati subditur divinæ providentiæ: Sed de hoc iterum infra, cum de prædestinatione.

*Ex p. 4 22.  
8. 2.*

Sequitur 322. Quæcumque occasionaliter ex peccato consequuntur, etiam subdi providentiæ divinæ.

Probatur sequela: Quæcumque sunt inquantum sunt, siue ut habent rationem entis & boni, subduntur providentiæ divinæ, ut probatum est: Sed quæ occasionaliter ex peccato consequuntur, sunt, imò aliquando sunt maxima bona, ut Incarnatio Verbi, Passio Christi, & alia multa: Ergo ista omnia subduntur providentiæ divinæ.

*Ibidem*

Sequitur 323. Providentiam divinam terminari ad omnia sub ratione entis & boni.

Probatur sequela: Eo modo, quo terminatur causalitas divina, terminatur etiam providentia: Sed causalitas

Diuina terminatur ad omnia sub ratione entis, vt dictum est supra: Ergo prouidentia diuina etiam terminatur ad omnia sub ratione entis. Maior patet: quia prouidentia nihil est aliud, quàm ordinatio in finem, respectu eorum, quæ sunt ab ipso prouidente.

*Ibid. a. 8<sup>a</sup>*

Sequitur 324. Deum immediatè omnibus prouidere.

Probat sequela: Habere in intellectu rationem ordinis omnium in finem est omnibus prouidere, vt constat: Sed Deus immediatè habet in intellectu suo rationem ordinis omnium & singulorum in finem: Ergo Deus immediatè omnibus prouidet. Aduerte autem quòd aliud est habere ordinem aliquorum in finem; & aliud est exequi hunc ordinem; habere siquidem ordinem est tantùm in intellectu illius, qui ordinat; exequi verò importat aliquid extra ipsum ordinantem: vnde quamvis Deus habeat in intellectu suo ordinem hunc immediatè de omnibus & singulis; non tamen immediatè exequitur hunc ordinem, sed mediis causis secundis; non quòd ipse non possit illum ordinem exequi; sed quia ex bonitate sua vult, vt causæ secundæ sint causæ, & exequantur, quod ipse immediatè per seipsum ordinauit.

*Ibid. a. 8<sup>a</sup>*

Sequitur 325. Prouidentiam Diuinam non imponere necessitatem rebus.

omnibus prouisis, & ordinatis in finem.

Probatur sequela : Quod attingit omnia sub ratione entis, non imponit necessitatem omnibus, quæ attingit : Sed, ex dictis, prouidentia diuina attingit omnia sub ratione entis : Ergo non imponit necessitatem omnibus. Maior probata est in primo principio ; quia in ipsa ratione entis continentur omnes modi necessitatis, contingentiae, libertatis, &c. Vnde qui omnia & singula attingit sub ratione entis, debet etiam istos modos attingere, atque adeo non imponere omnibus modum necessitatis, sed quibusdam, & alijs debet dare modum contingentiae, alijs modum libertatis, iuxta naturam cuiuslibet.

*Ibid.* ar 1.

Sequitur 326. Finem, ad quem prouidentia omnia ordinat, esse primò & principaliter ipsum Deum, siue bonitatem Diuinam & gloriam.

Probatur sequela : Vltimus finis est ille, ad quem primum agens omnia ordinat : Sed ipsa bonitas Diuina est vltimus finis, quia, vt diximus, est summum bonum : Ergo bonitas Diuina est finis, ad quem deus suā prouidentiam omnia ordinat : Maior patet, & probabitur in tertio principio, quia secundum ordinem finium est ordo agentium, & è contra : cum enim omne agens agat propter finem, & finis ali-

quo modo moueat agens ad agendum, oportet, quòd cuilibet agenti correspondeat proprius finis; sicut cuilibet mobili correspondet proprium mouens.

Sequitur 327. Prouidentiam diuinam *Ib. a. 2.* numquam deficere ab eo fine ultimo.

Probatur sequela: Prouidentia supponens intentionem finis ultimi efficacem & infallibilem, etiam est infallibilis, & numquam deficit ab illo fine, ut est euidens ex terminis: Sed prouidentia Diuina supponit intentionem ultimi finis efficacem & infallibilem, ex dictis: Ergo prouidentia Diuina est infallibilis & numquam deficit. Min. probatur: quia, ut diximus, prouidentia diuina supponit intentionem & electionem; est enim imperium; intentio autem Dei & electio est actus Diuinæ voluntatis, quem supra ostendimus esse causam efficacissimam & infallibilem.

Sequitur 328. Prouidentiam Diuinam non ordinare semper efficaciter omnia & singula ad finem proprium & connaturalem cuiuslibet. *Ibidem.*

Probatur sequela: Prouisor generalis non tenetur efficaciter intendere nisi finem vniuersalem, non autem finem particularem cuiuslibet: Sed prouidentia diuina est prouidentia prouisoris generalis, dei scilicet, qui cum prouideat omnibus, est prouisor genera-

lis: Ergo non tenetur omnia & singula ordinare nisi in finem vniuersalem, non autem ad finem proprium & connaturalem cuiuslibet rei. Maior est euidens: quia prouidentia debet habere finem sibi correspondentem; vnde prouidentia generalis debet habere finem generalem.

*Ibidem.*

Sequitur 329. Res prouisas à Deo consequi vel non consequi suos fines particulares iuxta beneplacitum Dei.

Probatur sequela: Res prouisæ à prouisore infallibili debent quidem consequi finem intentum ab ipso, sed alios fines particulares non necessariò consequuntur, nisi iuxta beneplacitum prouisoris, maximè quando prouisor est omnipotens, & facit quicquid vult: Sed Deus est prouisor generalis, infallibilis, & omnipotens, vt patet ex dictis: Ergo res prouisæ ab ipso consequuntur vel non consequuntur suos fines particulares iuxta beneplacitum Dei.

Sequitur 330. Res prouisas à Deo quandoque deficere à fine aliquo particulari, non autem à generali.

Probatur sequela: Res prouisæ, quæ ordinantur tantum in finem generalem & non in particularem, deficiunt à fine particulari, si eas ipse prouisor voluerit non consequi huiusmodi finem particularem, vt patet ex dictis: *Ex* go, &c.

Sequitur 331. Prouidentiam Diuinam non posse dici prouidentiam Diuinam, nisi sit assecutio finis, respectu cuius dicitur prouidentia. *Ibidem.*

Explicatur: Omnis prouidentia, siue increata, siue creata, est ratio ordinis rerum prouisarum in finem; finis autem prouidentiae diuinæ, ut diximus, est bonitas Diuina; & hunc finem semper assequitur quicquid terminat Diuinam prouidentiam: Sed præterea prouidentia diuina quandoque ordinat rem aliquam prouisam in suum finem particularem; & tunc non est tantum prouidentia Diuina in ordine ad bonitatem Diuinam, sed etiam in ordine ad finem illum particularem; quem si de facto res prouisa non attingeret, non posset esse prouidentia Diuina respectu huiusmodi finis; quia licet non sit de ratione prouidentiae in communi, quod res prouisa assequatur suum finem (vnde Medicus dicitur prudens & prouidens, dum adhibet media apta ad sanitatem, quamuis non sequatur sanitas) est tamen de ratione prouidentiae diuinæ ex eo quod Diuina est, ut res prouisa assequatur finem illum etiam particularem, respectu cuius Deus dicitur habere prouidentiam de illa re, siue ad quam illam rem ordinat; ita ut de ratione prouidentiae diuinæ sit ordinatio efficax in finem.

Probatur ergo sequela : Sola ordinatio efficax in finem est Diuina prouidentia : Sed quando non est affecutio finis , non est ordinatio efficax in finem : Ergo quando non est affecutio finis , non est Diuina prouidentia respectu illius finis , V. G. si Deus ordinaret lapidem ad centrum , & lapis non perueniret ad centrum ex aliquo impedimento , etiam si Deus dedisset illi lapidi aliqua media , quibus posset ad centrum peruenire , non posset dici diuina prouidentia in ordine ad illum finem , bene autem ad alium , quem de facto lapis assequeretur.

*T. 2. q. 93.  
4. 1.*

Sequitur 332. Ex dictis omnibus supra , esse differentiam nedum inter intelligere constitutiuum , sapientiam , prudentiam & artem , sed etiam inter ista omnia & ideam ac legem æternam.

Probatur explicando singula. Intelligere constitutiuum terminatur ad essentiam Diuinam vt primum intelligibile ; Sapientia ad essentiam diuinam vt causam altissimam efficientem ; Ars ad essentiam Diuinam , vt est ratio faciendi ad extra ; Prouidentia ad essentiam diuinam vt finem , ad quem res ordinantur ; Idea est ipsa essentia Diuina vt ab ipsomet Deo comparata ad creaturas & imitabilis ab ipsis ; Lex est ipsa eadem essentia Diuina , quatenus continet rationes statutas , secundum quas res ipse

*D. Thoma Brincipium.* 211

debent in executione gubernari: & quia alia est lex communiter & vniuersaliter constituta, secundum quam omnia debent ordinariè gubernari; alia verò, secundum quam debent non ordinariè, sed in casu aliquo particulari gubernari, idcirco distinguitur lex ordinaria, & lex extraordinaria.

Sequitur 333. Dari in Deo prædestinationem. 1. p. 9 231  
a. 15

Probatur sequela. Ratio ordinis ad finem nedum ipsius prouidentis, sed etiam rei prouisæ excedentem naturales vires intellectualis naturæ creatæ, est prædestinatio: Sed datur in Deo ratio ordinis ad finem; nedum ipsius prouidentis, sed etiam rationalis naturæ, cui prouidetur; qui finis excedit naturales vires ipsius naturæ creatæ: Ergo datur in Deo prædestinatio: Maior probatur: Quia ad finem excedentem vires naturales natura intellectualis destinatur; cum non possit ex seipsa ad illam pertingere; & ratio illius destinationis in destinante est prior ipsa actuali destinatione siue transmissione: Est ergo huiusmodi ratio prædestinatio. Minor probatur ex multis, quæ supra diximus; ac primò quidem diximus, visionem claram Dei esse possibilem absolutè loquendo; diximus etiam, hanc visionem excedere omnes vires naturales cuiuscum-



que creaturæ: Indicauimus hanc visionem esse vltimum finem creaturæ intellectualis: Ostendimus, quòd Diuina prouidentia est ratio ordinis rerum in finem, semper quidem in generalem, aliquando etiam in specialem ipsius rei, cui prouidetur: Ex his omnibus elicitur, quòd datur in Deo ratio ordinis creaturæ intellectualis etiam in finem specialem ipsius, qui est ipsa visio beatifica superexcedens omnes vires naturales eiusdem creaturæ; atque adeo manet probata minor.

*Ibidem.*

*ad 2.*

Sequitur 334. Solas creaturas intellectuales propriè dici prædestinatas.

Probatur sequela: Sola illa, quæ transmittuntur in finem, possunt dici prædestinata ad illum: Sed solæ creaturæ intellectuales transmittuntur in gloriam; Deo enim finis ille est connaturalis; creaturæ verò non intellectuales sunt omnino incapaces illius finis: Ergo solæ creaturæ intellectuales propriè dicuntur prædestinatæ.

*Ex q. 6.*

*de verit.*

*a. 1.*

*In 1. dist.*

*q. 2.*

Sequitur 335. Ipsam gloriam, quandoque dici prædestinatam.

Probatur sequela: Quia quæ continentur in ipsa ratione transmissionis creaturæ intellectualis in finem, aliquomodo dici possunt prædestinata: Sed ipse finis siue gloria continetur in illa ratione transmissionis, quâ creatura or-

dinatur ad gloriam , vt patet : Ergo , &c. Adde quod aliquando prædestinari sumitur pro prædefiniri, præstitui, prædeterminari ; & quia terminus & finis præstituitur , dicitur prædestinari.

*Ibidem*

Sequitur 336. Etiam media , quibus peruenitur ad terminum siue gloriam , dici aliquando prædestinata.

Probatur sequela : Quia etiam ipsa prædefiniuntur & continentur in ratione ordinis ad finem tamquam media , quibus creatura transmittitur in finem : Ergo , &c.

Sequitur 337. Prædestinationem esse partem prouidentiae.

*1. p. qu. 23.  
a. 1.*

Probatur sequela ; Ratio ordinis in aliquem finem particularem est pars rationis ordinis in finem vniuersalem ; sicut finis particularis , est quodammodo pars vniuersalis, præsertim quando sunt subordinati , quia vniuersalis attingitur saltem inadæquatè ratione particularis : Sed prædestinatio est ratio ordinis in finem particularem , vt dictum est , qui etiam subordinatur vniuersali , qui est bonitas Diuina , vt ostendimus , Ergo prædestinatio est pars prouidentiae.

*Ibidem*

Sequitur 338. Prædestinationem non esse speciem prouidentiae.

Probatur sequela: Tum quia , vt diximus , in Deo non est genus ; Tum etiam quia ratio ordinis in finem ali-

quem particularem subordinatum generali, non est species rationis ipsius ordinis; quia semper manet eadem ratio ordinis variato tantum fine: Sed prædestinatio est ratio ordinis in finem particularem subordinatum generali, ut constat: Ergo, &c.

*1. p. q. 23.*

*nr. 1.*

Sequitur 339. Prædestinationem effe-  
dumtaxat partem obiectiuam prouidentia.

Explicatur. Pars obiectiua dicitur illa, quæ est pars ex parte obiecti, ita ut sit idem omnino actus, qui quatenus terminatur ad unum obiectum communius vocetur totum, & idem actus ut terminatur deinde ad obiectum aliquod particulare dicatur pars, non quasi pars actus, cum sit vnus & idem, sed pars obiecti.

Probatur ergo sequela: Obiectum particulare vnus & eiusdem actus, qui attingit obiectum generale, sicut & actus quatenus significatur ut attingens illud obiectum particulare, dicitur pars obiectiua: Sed prædestinatio est omnino idem actus ex parte Dei cum prouidentia, & solum differunt in hoc, quod obiectum prouidentia est omne ens creatum, ut ordinatum in gloriam Dei ut sic, & ut significatur nomine prædestinationis obiectum est creatura intellectualis ut ordinata in gloriam ip-

sius creaturæ ut finē particularē in ordine ad gloriam Dei: Ergo prædestinatio est pars obiectiua providentiæ. Minor est evidens ex dictis; neque enim imaginandum est, quòd prædestinatio non sit providentia, vel quòd non ordinet creaturas intellectuales ultimarē in gloriam Dei: hoc enim falsum est; cum bonitas & gloria Dei sit ultimus finis ipsius Dei: sed quia præterea ordinat creaturas, non omnes, sed intellectuales, in partem illorum finium particularium, quibus mediantibus deus ipsas etiam creaturas intellectuales ordinat in bonitatem & gloriam suam, idcirco prædestinatio est idem omnino actus cum providentia, quæ dicitur prædestinatio ut ordinat creaturas in ipsarū gloriā tamquam in partem finis. Ex duplici ergo capite prædestinatio dicitur pars providentiæ, videlicet ex parte creaturatum, quia non omnes per prædestinationem ordinat, sed tantum partem, videlicet aliquas creaturas intellectuales; nec ordinat in finem suum adæquatum, quatenus sub nomine prædestinationis explicatur, sed in finem veluti inadæquatum, & subordinatum, quo mediante ordinat in finem adæquatum & communem.

Sequitur 340. Prædestinationem esse actum imperij Divini.

*Ibid.*

Probatur sequela : Prouidentia est actus imperij Diuini , ex dictis supra : Sed prædestinatio est ipsamet prouidentia , ex iam dictis : Ergo prædestinatio est actus imperij Diuini.

*Ibid. ar. 2.* Sequitur 341. Prædestinationem nihil ponere formaliter in prædestinato.

Probatur sequela : Actus imperij nihil ponit formaliter siue per modum causæ formalis in rebus imperatis , sed tantum in ipso imperante , vt constat : Sed prædestinatio est actus imperij , ex dictis : Ergo prædestinatio nihil ponit in prædestinato , sed dumtaxat in prædestinante formaliter.

*Ibidem.* Sequitur 342. Prædestinationem quoad executionem & per modum causæ actualiter efficientis ponere aliquid in prædestinato.

Probatur sequela : Actus imperij infallibiliter efficax & effectiui ponit aliquid in re imperata per modum causæ efficientis : Sed prædestinatio est actus imperij diuini , quod , vt supra ostendimus , est infallibiliter efficax & effectiuum : Ergo prædestinatio quoad executionem & in genere causæ efficientis ponit aliquid in prædestinato , videlicet vocationem & magnificationem.

*ad 3.* Sequitur 343. Prædestinationem esse præparationem gloriæ per gratiam.

Probatur

Probatur sequela : Ratio ordinis in finem ultimum supernaturalem per medium etiam supernaturale nihil aliud est , quàm præparatio gloriæ per gratiam , quatenus videlicet per hanc rationem in intellectu suo præconceptam & præstitutam Deus præparat se ad producendam in creatura intellectuali gloriâ mediante gratiâ : Sed prædestinatio est ratio ordinis in finem supernaturalem , qui haberi non potest nisi per gratiam , vt patet ex dictis : Ergo prædestinatio est præparatio gloriæ per gratiam , vel , quod idem est , præparatio gratiæ ad gloriâ , vel præparatio beneficiorum Dei , quibus certissimè aliqui perueniunt ad gloriâ , & consequenter liberantur ab omni miseria.

Sequitur 341. Deum non teneri ad ordinandas efficaciter omnes creaturas intellectuales in gloriâ.

*Ibid. ar. 3.  
& ar. 4.  
ad 31*

Probatur sequela : Qui habet prouidentiam generalem , non tenetur omnes res particulares efficaciter ordinare in finem illarum particularem , vt diximus , maximè verò , quando finis ille est gratuitus & non connaturalis : Sed Deus habet prouidentiam generalem , vt ostendimus : Ergo non tenetur omnes creaturas intellectuales efficaciter ordinare in ipsarum finem particularem , maximè verò in gloriâ , qui effectus , vt

demonstrauimus, est merè gratuitus.

*Ibid.* Sequitur 345. Deum non teneri ad prædestinandas omnes creaturas intellectuales.

Probatur sequela: Ordinare efficaciter in gloriam vt finem particularem creaturarum intellectualium est illas prædestinare, vt patet ex dictis: Sed deus non tenetur efficaciter ordinare omnes creaturas intellectuales in gloriam, vt iam ostendimus: Ergo non tenetur omnes illas prædestinare. Quod autem de facto non omnes prædestinauerit patet, tum ex Scriptura, tum etiā, quia prouisor generalis debet aliquem defectum permittere, vt patet ex dictis.

*Ibidem.*

Sequitur 346. Deum aliquos reprobare.

Probatur sequela: Non ordinare aliquos in gloriam est ipsos reprobare: Sed deus aliquos non ordinat in gloriam, ex dictis: Ergo aliquos reprobat. Maior est euidens: quia eo ipso, quod aliqui non ordinantur ad gloriam, ab illa deficiunt; hoc autem est reprobari, id est, non probari, non admitti, sed deficere.

*Ibid. ar. 4.*

Sequitur 347. Prædestinationem supponere electionem aliquorum ad gloriam.

Probatur sequela: Tum quia impe-

fium supponit electionem, ut ostendimus in primo principio: Sed prædeterminationo, ex dictis, est imperium: Ergo prædeterminationo supponit electionem. Tum etiam, quia ordinare aliquos in aliquem finem, alijs non ordinatis, supponit electionem, quâ aliqui sint electi ad illum finem, non alij, ut est evidens: Sed, ex dictis, aliquos Deus prædestinat ordinando in gloriam alijs reiectis siue non ordinatis: Ergo hæc prædeterminationo siue ordinatio supponit electionem.

Sequitur 348. Electionem ad gloriam *Ibidem* supponere dilectionem.

Probatur sequela: Omnis electio unius præ alio supponit dilectionem; non enim eligeretur unus præ alio, nisi diligeretur: Sed electio ad gloriam est unius præ alio, ex dictis: Ergo electio ad gloriam supponit dilectionem.

Sequitur 349. Dilectionem Dei non supponere, sed facere bonum in re dilecta. *Ibidem*

Probatur sequela ex dictis supra: Voluntas Dei est causa totius boni creati, atque adeo non supponit bonum creatum, sed facit: Atqui dilectio Dei est ipsa voluntas siue velle Dei; est enim actus, quo vult bonum, ut diximus: Ergo dilectio Dei non supponit bonum, sed facit illud in re dilecta.

Sequitur 350. Omne bonum, ratione *Ibidem*



cuius aliquis diligitur vel eligitur præ alio, esse effectum dilectionis dei.

Probatur sequela : Omne bonum est effectus causæ totius boni : Sed dilectio Dei est causa totius boni : Ergo omne bonum est effectus dilectionis dei.

*ib. ar. 5.* Sequitur 351. Omne bonum in prædestinato existens esse etiam effectum illius electionis, quâ prædestinatus eligitur præ alio.

Probatur sequela: Omne bonum, quod est effectus dilectionis, ex qua oritur electio, est etiam effectus illius electionis; quia ipsa electio includit dilectionem; ut patet : Sed omne bonum existens in prædestinato est effectus dilectionis, ex qua oritur electio, ut constat ex dictis : Ergo omne bonum existens in prædestinato est effectus electionis.

*ibidem.* Sequitur 352. Omne bonum existens in prædestinato esse effectum imperij Diuini.

Probatur sequela : Omne bonum, quod est effectus electionis, est effectus illius actus, quo Deus id ordinat exequendum, quod per ipsam electionem vult in ordine ad finem, ut constat etiam ex primo principio : Sed imperium est actus ille, quo Deus ordinat exequendum bonum, quod vult per electionem, ut diximus supra : Ergo omne bonum existens in prædestinato est effectus imperij Diuini.

**D. Thoma Principium.** 221

Sequitur 353. Omne bonum, quod *Ibidem.*  
est in prædestinato, esse effectum præ-  
destinationis.

Probatur sequela : Imperium, quo  
Deus ordinat exequendum aliquid in  
ordine ad gloriam, est prædestinatio ex  
dictis: Sed omne bonum existens in præ-  
destinato est effectus illius imperij, ex  
dictis : Ergo omne bonum existens in  
prædestinato est effectus prædestinatio-  
nis.

Sequitur 354. Bonum illud, quod *Ibidem.*  
est in prædestinato, esse plus minusve  
effectum prædestinationis iuxta ordi-  
nem proximiorum vel remotiorum,  
quem dicit ad gloriam.

Explicatur : Licet omne bonum, quod  
est in prædestinato, sit effectus præde-  
stinationis, nihilominus quia prædesti-  
natio est ordinatio in gloriam tamquam  
in finem per media, evidens est, quod  
media, quæ proximius ordinantur ad  
gloriam, sunt magis immediati effectus  
ipsius prædestinationis ; & hoc est,  
quod intendimus esse plus minusve ef-  
fectum ipsius prædestinationis ; non  
quod omnia bona non sint effectus  
prædestinationis, sed quod aliqua bo-  
na sint effectus magis siue propinquiùs  
ordinati ad gloriam. Et in hoc sensu.

Probatur sequela : Media ut media  
sunt plus minusve effectus intentionis

& ordinationis in finem iuxta quod plùs minùsue conducunt ad obtinendum finem : Sed bona omnia quæ sunt in prædestinato ( excepta gloria ) sunt media ad gloriam , vt patet : Ergo ex illis ea sunt magis quodammodo effectus prædestinationis , quæ propinquiùs & efficacius conducunt ad gloriam.

*Ad Rom.  
8. 18. 6.*

Sequitur 355. Perseuerantiam in gratia vsque ad mortem esse maximè proprium effectum prædestinationis.

Probatur sequela : Media , quæ propinquiùs conducunt ad gloriam , sunt maximè effectus prædestinationis : Sed perseuerantia in gratia vsque ad mortem omnium propinquissimè conducit ad gloriam : Ergo perseuerantia in gratia vsque ad mortem maximè est effectus prædestinationis ; vnde dicitur donum proprium prædestinatorum & electorum.

*Ibid. 6. 1.  
19. 23. 4.*

Sequitur 356. Omnia dona supernaturalia esse etiam magis propriè effectus prædestinationis.

Probatur sequela : Media eiusdem ordinis cum fine sunt magis propriè effectus intentionis finis , quia propinquiùs conducunt ad finem , quàm alia quæ non sunt eiusdem ordinis : Sed dona supernaturalia sunt eiusdem ordinis cum gloria , quæ est etiam supernaturalis , vt diximus : Ergo dona supernatu-

alia sunt etiam magis propriè effectus prædestinationis.

Sequitur 357. Inrer hæc dona computandos etiam esse actus liberos supernaturales, quos elicit prædestinatus, tam illos, quibus se disponit ad gratiam quàm alios, quos elicit post iustificacionem, & illos, quibus perseuerat.

*D Thom.*  
*1 p. q. 23.*  
*a. 4. & 5.*

Probatur sequela: Omnia bona supernaturalia, quæ conducunt ad consequendam gloriam, propriè sunt effectus prædestinationis; Sed actus omnes enumerati sunt bona supernaturalia, quæ conducunt ad consequendam gloriam: Ergo sunt propriè effectus prædestinationis.

Sequitur 358. Omnes omninò gratias, nullâ prorsus exceptâ, siue sint actuales, siue habituales, esse etiam propriè effectus prædestinationis.

*Ibidem.*

Probatur sequel. Quia sunt ordinis supernaturalis, & conducunt ad consequendam gloriam.

Sequitur 359. Gratiam etiam per peccatum interruptam, & gratias sufficientes, esse effectus prædestinationis.

*Ibidem.*

Prob. sequi. Quia etiam ista sunt supernaturalia, & saltem occasionaliter conducunt ad gloriam, quatenus homo humilior resurgit, poenitet ipsum tam ingratum fuisse, &c.

Sequitur 360. Etiam permissiones pec-

*Ad Rom.*

*§. 1. 6.* catorum esse effectus prædestinationis.

Probatur sequela : Quia ista etiam sunt bona saltem occasionaliter conducentia ad consequendam gloriam.

*Idib.*

Sequitur 361. Bona etiam naturalia, & omnia omnino, quæ accidunt prædestinatis, imò etiam ipsam substantiam prædestinati esse aliquo modo effectus prædestinationis.

Probatur sequela : Quia ista omnia sunt bona, quæ conducunt ad gloriam.

*§. 9. 23.  
p. 5.*

Sequitur 362. Prædestinationem non posse fieri ex præiis meritis.

Prob. seq. Causa totius boni, quod est in prædestinato tam quoad finem, quam quoad media, non potest fieri ex præiis aliquo illius bono: Sed ex dictis, prædestinatio est causa totius boni, &c. Ergo prædestinatio non potest fieri ex aliquo bono præiis; atque adeo nec ex præiis meritis. Maior prob. supponendo dici non posse quod prædestinatio fiat ex præiis meritis, quasi illa sint causa efficiens actus prædestinationis, cum actus ille nihil aliud sit, quam ipsa Dei substantia, quæ nullam potest habere causam efficientem; Ergo merita præiis sunt causa prædestinationis non ex parte actus, sed solum ex parte obiectorum, quæ in prædestinatione includuntur. In hoc verò sensu prob. m. Duo tantum in prædestinatione includuntur, videlicet media & fi-

nīs cū sit ratio ordinis in finē: Sed finis nō potest esse volitus ex præuisione mediōrū, ita ut sint motiū volēdi finē & ordinādi in finem, imo potius ē contra finis est motiū volendi & ordinandi media: in finem Ergo merita non possunt esse motiū volendi & ordinandi media in gloriam, sed potius ē contrā gloria est motiū volendi & ordinandi media in gloriam tamquam in finem: Verū quia quæstio hæc de prædestinatione magni momenti est ad plura fidei dogmata, diligentius explicanda est.

Aduertendum ergo primò; quòd qui dicunt prædestinationem fieri ex præuisis meritis, nomine prædestinationis intelligunt electionem ad gloriam, & dicunt motiū & rationem, propter quam Deus voluit gloriam huic homini V. G. Petro, esse merita, non quidem existentia, sed futura & præuisa,

Aduertendum secundò merita dupliciter concipi vt futura; primò absolutè; secundò conditionatè, vt patet ex dictis supra cum de scientia media egimus.

Advertendum tertio, aliquos ex autoribus, qui tuentur in rei veritate electionem ad gloriam fieri ex præuisis meritis vt conditionatè futuris, nolle tamen simpliciter hoc concedere, sed dicunt hoc sensu prædestinationem fieri ex præuisis meritis, quia nisi prouide-

rentur merita vt conditionatè futura, illa præparatio mediornm in ordine ad gloriam, non haberet perfectam & integram rationem prædestinationis, sed esset tantùm quædam prouidentia generalis. Cuius sui dicti rationem assignant, quia prædestinatio per hoc differt à prouidentia generali, quòd prædestinatio sit certa & infallibilis respectu consecutionis gloriæ tamquam finis; prouidentia verò generalis non sit certa & infallibilis; Vnde inferunt, quòd cum prædestinatio non sit certa & infallibilis sine præuisione meritorũ saltem sub conditione, non potest prædestinatio fieri aut esse sine præuisione illorum; non quòd merita præuisa: etiam vt conditionatè futura, sint aut fuerint Deo ratio eligendi homines ad gloriam vel gratiam &c. Sed quia sine huiusmodi præuisione voluntas illa dandi hominibus gloriam, non haberet rationem integram prædestinationis. Atque hinc vlteriùs concludunt, prædestinationem esse merè gratuitam, quamuis non sit sine præuisione conditionatâ meritorum. Addunt tamen aliquã gratiã, quæ nimirũ datur in tempore ob aliquod meritum præcedens, vel ob dispositionem, vel occasionem antecedentem, esse ab æterno à Deo volitam intuitu illius meriti, dispositionis, vel occasionis conditionatè

præuissæ. Cumque iidem auctores afferant Deum ex lege ordinaria in tempora non dare alicui etiam primam gratiam, nisi in eo præcesserint actus naturales cuiusdam fidei, spei, & charitatis naturalis, consequenter volunt, Deum noluisse ab æterno dare primam gratiam, nisi ob illos actus antecedentes ut conditionatè præuissos, & generaliter nullam gratiam ab æterno alicui fuisse volitam à Deo, nisi propter bonum usum illius præuissum à Deo sub conditione, quod nonnulli explicant exemplo Regis, qui vellet dare alicui militi equum & arma, quia præsciret eum bene illis usurum, si deret; nolle autem alteri dare, quia præsciret illum eis non bene usurum, etiam si daret. Demum hæc omnia ita ad omnes omnino extendunt, ut dicant etiam Christi Domini & Beatissimæ eius matris animas ea ratione in tantam dignitatem potius, quàm aliorum animas electas fuisse, quia Deus præviderat eas meliùs, quàm cæteras, pro suâ innatâ libertate usuras suo arbitrio.

Verùm hæc omnes opinionationes ex dictis concidunt: quia non possunt prævideri merita ut conditionatè futura ante decretum Dei, quo vult illa merita esse saltem conditionatè futura: Hoc autem decretum non potest esse, nisi post volun-



tatem , quâ Deus vult gloriam illis : Ea verò voluntas est prædestinatio. Vide dicta superius.

*Videm.*

Sequitur ergo 363. Electionem hominum ad gloriam non fuisse ex meritis præiis ut futuris absolutè.

Probatur sequela Electio non potest fieri ex meritis præiis ut futuris , si merita non sint futura aliquo modo ante electionem : Atqui merita non sunt absolutè futura ante electionem : Ergo &c. Minor probatur. Decretum Dei, quo vult merita esse absolutè futura est post electionem ad gloriam ; Sed nulla merita sunt absolutè futura ante decretum Dei, quo vult illa esse absolutè futura, ut patet ex dictis supra : Ergo nulla merita sunt absolutè futura ante electionem ad gloriam. Maior constat quia volitio finis antecedit volitionem mediorum ut media sunt ad finem : Sed electio ad gloriam est volitio finis ; decretum Dei , quo vult merita esse absolutè futura , est volitio mediorum ; cum merita sint media ad gloriam : Ergo electio ad gloriam est prior decreto Dei, quo vult merita esse absolutè futura, atque adeo decretum illud Dei est post electionem ad gloriam , & consequenter antequam merita sint absolutè futura.

*Videm.*

Seq. 364. Merita ut cōditionatè futura non posse esse ante electionē ad gloriā,

Probatur sequela : Decretum saltem conditionatum ex parte objecti est ante merita conditionatè futura ; cum sit causa futuritionis conditionatæ ipsorum : Sed electio ad gloriam est ante decretum illud conditionatum : Ergo electio ad gloriam est ante merita etiam conditionatè futura ; atque adeò merita non sunt conditionatè futura ante electionem. Minor probatur : quia media non possunt esse volita ut media quocumque modo , nisi præcedat volitio finis ; cum media ut media sint volita propter finem. Adde quòd non possunt merita prævideri ut conditionatè futura ante electionem ad gloriam , nisi detur scientia media , ut fatentur hi Neoterici : Sed non datur scientia media , ex dictis supra : Ergo , &c.

Sequitur 365. Prædestinationem & electionem Dei esse causam infallibilem omnium suorum effectuum certitudine & infallibilitate causalitatis.

*D. Th. 1. p.  
q. 23. a. 6.  
& q. 6. de  
ver. 18. a. 3.*

Probatur sequela : Omnis causalitas Diuina est certa & infallibilis ex se , & ex propria perfectione causalitatis , ut supra demonstratum est : Sed prædestinatio & electio habent causalitatem Diuinam , ut iam ostendimus : Ergo prædestinatio & electio sunt infallibiles certitudine causalitatis.

Sequitur 366. Prædestinationem & *Ibidem*

electionem Dei esse certam etiam seclusâ præscientiâ.

Probatur sequela : Quod est certum ut causa, est certum etiam seclusâ præscientiâ, si ratio causæ sit distincta à præscientia : Sed prædestinatio & electio est certa ut causa, ex iam dictis : Ergo est certa seclusâ præscientiâ, nisi quatenus ipsa præscientia est causa.

*Ibidem.*

Sequitur 367. Falsum esse, quod prædestinatio non sit infallibilis, nisi ex præscientia, ut dicit noua illa opinio, de qua iam diximus.

Probatur sequela : Quod est certum seclusâ præscientiâ, non est certum ex sola præscientia : Sed prædestinatio est certa seclusâ præscientiâ, ex dictis : Ergo falsum est, quod non sit certa nisi ex præscientia.

*Ibidem.*

Sequitur 368. Etiam falsum esse, quod prædestinatio per hoc differat à prouidentia generali, quod prædestinatio sit certa ex præscientia; prouidentia verò generalis ideo non sit certa, quia non habet adiunctam præscientiam.

Probatur sequ. Tum ex modo dictis; ostendimus enim omnem prouidentiam esse certam; Tum etiam, quia dato & non concesso, quod prouidentia non sit certa, prædestinatio tamen est certa certitudine causalitatis, & non solius præscientiæ, ut probatum est.

Sequitur 369. Prædestinationem ad *ibidem.*  
gloriam non posse esse omnino gratuitā,  
si fiat ex præiis meritis, vel si fieri  
non possit nisi præiis meritis.

Probatur sequela: Quando merita  
etiam præiis sunt ratio alicuius doni,  
illud donum non est merè gratuitum:  
Sed merita præiis sunt ratio prædesti-  
nationis, si hæc fiat ex meritis præiis,  
nec fieri possit nisi ex illis præiis: Er-  
go prædestinatio non est gratuita. Maior  
est euidens; quia ubi interueniunt me-  
rita etiam ut præiis, non interuenit  
ratio doni merè gratuiti. Minor proba-  
tur: In æternis vnum non est prius  
alio, nisi quia est ratio illius; alia enim  
prioritas in æternis non potest intelligi:  
Sed merita præiis & prædestinatio sunt  
æterna: Ergo merita præiis non pos-  
sunt esse priora prædestinatione, nisi  
sint ratio prædestinationis: Cum ergo  
prædestinatio non fiat ex præiis meri-  
tis, nisi merita præiis sint priora præ-  
destinatione, si prædestinatio fiat ex  
præiis meritis, merita præiis sunt  
ratio prædestinationis.

Explicatur: In æternis nihil est prius  
aut posterius, nisi quatenus vnum est  
ratio alterius: quando autem merita  
sunt ratio, non interuenit donum gra-  
uitum: non potest autem prædestinatio  
fieri ex præiis meritis, nisi merita ut

futura & præuisa aliquo modo sint priora, atque adeo sint ratio, propter quam Deus prædestinat. Vnde subsumo: Nul-  
lum eorum, quorum merita sunt ratio,  
est mere gratuitum: Sed merita præuisa  
sunt ratio prædestinationis & omnium  
effectuum eius: Ergo nec prædestinatio.  
nec effectus eius, id est, gratia, auxilia &c  
sunt merè gratuita; nec gratia est gratia  
si prædestinatio fiat ex præiudicis meritis.

*Ibid.*

Sequitur 370. dato & non concesso,  
quòd Deus exigeret actus aliquos na-  
turales fidei, spei, &c. ante primam  
gratiam, adhuc dici non posse, quòd  
prædestinatio fieret ex illis actibus præ-  
iudicis vt. conditionatè futuris.

Probatür sequela: Idcirco merita non  
possunt esse præuisa, quia sunt effectus  
prædestinationis, & fieri nequit, vt  
comprehendens omnia, qualis est Deus,  
præuideat effectus à se dependentes, &  
non videat se vt causam: atque adeo  
fieri nequit vt præuideat effectus præ-  
destinationis, nisi seipsum videat vt  
prædestinantem: Sed dato & non con-  
cesso, quòd illi actus naturales essent  
requisiti etiam ad primam gratiam, illi  
actus etiam si naturales, essent effectus  
prædestinationis, quia conducerent ad  
consequendam gratiam & gloriam: Er-  
go hoc dato illi actus præiudicari non  
possent ante prædestinationem.

*D. Thomæ Principium.* 233

Sequitur 371. Absolutè falsum esse præexigi illos actus naturales.

Probatur sequela : Quia gratia non esset merè gratuita : sed de hoc alias.

Sequitur 372. Multò magis falsum esse quòd anima Christi ad tantam dignitatem eâ ratione euecta sit, quòd præuisa sit bene vsura libero arbitrio.

*D. Th. I.  
p. 9. 10. ar.  
1.*

Probatur sequela : Quia si de omnibus prædestinatis falsum est , vt iam ostendimus, quòd eorum prædestinatio sit quocumque modo ex præiudicis meritis , vel non sine illis , multò magis id falsum est de prædestinatione Christi, quæ tantò magis fuit gratuita , quantò maior est gratia vnionis hypostaticæ, quàm quæcumque alia. Sed de his postea. Vt autem videamus , quomodo se habeant, dilectio , electio, prædestinatio tam nostra, quàm Christi secundum prioritatem , aliùs repetendum est ex hoc eodem principio.

Sequitur ergo 373. Nihil esse in Deo realiter prius aut posterius duratione.

Prob. sequela : In æterno nihil est realiter prius aut posterius duratione ; cum, ex dictis , æternitas sit tota simul : Sed Deus est æternus , vt ostendimus : Ergo in Deo nihil est realiter prius aut posterius duratione.

Sequitur 374. Nihil in Deo esse prius aut posterius ratione secundum

*Ibid.*

## 234 *Secundum Doctrinā*

instans rationis, quod vocant, *in quo*.

Probatur sequela: In actu puro nihil est prius aut posterius, etiam ratione secundum instans, *in quo*: Sed Deus est actus purus: Ergo nihil est in Deo prius aut posterius ratione secundum instans, *in quo*. Maior probatur: quia in actu puro nihil potest concipi ut imperfectum vel potentiale & ulterius actuandum: Sed aliquid esse posterius ratione secundum instans *in quo*, nihil est aliud, quam aliquid concipi ut imperfectum, potentiale, & ulterius actuandum: Ergo, &c. Minor probatur: Aliquid concipi prius ratione secundum instans *in quo*, nihil est aliud, quam concipere aliquid instans, in quo vnum sit, & aliud non sit: hoc enim intelligitur per prioritatem instantis *in quo*, & nihil aliud: Sed hoc est concipi aliquid ut imperfectum, potentiale, & ulterius actuandum: id enim quod concipitur prius, concipitur non habere pro illo instanti aliquid, quod pro posteriore habebit: Ergo concipere aliquid prius secundum instans, *in quo*, est concipere aliquid imperfectum, in completum, potentiale, & ulterius actuandum.

Ex 7 Metaph. 1. 1. 1. 1.

Sequitur 275. Posse concipi in Deo aliquid prius prioritate instantis *à quo*. Probatur sequela: Concipere aliquid

*D. Thomæ Principium. 235*

ut principium vel causam virtualement, *Et 1. p. q. 39*  
nihil imperfectionis, imo perfectionem *a. 7. ad 3*  
maximam importat: Sed non repugnat  
imò potest concipi in Deo, quod nul-  
lam imperfectionem, sed potius per-  
fectionem importat: Ergo non repug-  
nat concipere in Deo aliquid prius prio-  
ritate instantis à quo. Maior est certa  
de fide, quia possumus & debemus  
concipere Patrem æternum ut princi-  
pium filij, & Patrem ac Filium ut prin-  
cipium Spiritus sancti: Et præterea  
omnes concedunt nos posse concipere  
vnum attributum ut causam virtualement  
alterius, v.g. immutabilitatem, ut cau-  
sam virtualement æternitatis.

Sequitur 376. Inter actus Diuinos non *1. p. q. 39.*  
esse vllam prioritatem, nisi vnus sit *a. 7.*  
distinctus virtualiter ab alio, & vnus sit  
causa virtualis alterius.

Probatur sequela: Prioritas virtualis  
requirit distinctionem virtualement, &  
quodd vnum sit causa virtualis alterius:  
Atqui inter actus Diuinos non est aliqua  
prioritas nisi virtualis: Ergo inter actus  
Diuinos vnus non est alio prior, nisi di-  
stinguatur virtualiter ab alio, & vnus  
sit causa virtualis alterius. Maior est evi-  
dens ex dictis: quia in Diuinis vnus  
non potest esse prius alio nisi sit causa  
virtualis: Sed sicut causalitas realis exi-  
git distinctionem realem; ita causalitas



virtualis exigit distinctionem virtua-  
lem:

*Quodl.* 4.  
q. 12. a. 2.

Sequitur 377. Nullam esse priorita-  
tem inter actus intellectus Diuini, vt  
sunt actus.

*2. p. q. 19.*  
a. 1.

Probat sequela: Quia, vt supra of-  
tendimus, nulla est inter illos distinctio  
virtualis. Idemque dicendum de actibus  
voluntatis inter se comparatis.

Sequitur 378. Inter actus intellectus  
& voluntatis posse esse prioritatem vir-  
tualem.

Probat sequela: Vbi est distinctio  
virtualis, & vnum est causa virtualis  
alterius, est etiam prioritas virtualis:  
Sed inter actus intellectus & volunta-  
ris est distinctio virtualis, & actus intel-  
lectus est causa virtualis actus volunta-  
tis: Ergo, &c. Minor probatur: quia  
intellectus est causa virtualis voluntatis,  
vt omnes concedunt: Sed actus intelle-  
ctus non distinguitur etiam virtualiter  
in Deo ab intellectu, nec actus volunta-  
tis à voluntate: Ergo actus intellectus  
est causa virtualis actus voluntatis in  
Deo; Atque adeo inter actum intelle-  
ctus & voluntatis est prioritas.

*videmus*

Sequitur 379. Actum intellectus Diui-  
ni vt sic, esse priorem actu voluntatis;  
non autem vt liberum formaliter.

Probat sequ. Omnis causa etiam vir-  
tualis est prior aliquo modo: Sed actus

intellectus nimirum iudicium indifferens est causa radicalis libertatis in voluntate ; ex primo principio ; actus autem voluntatis est causa omnis libertatis formalis in omnibus aliis potentiis , ut patet ex ibidem dictis : Ergo actus intellectus Diuini est prior actu voluntatis ut sic ; actus tamen voluntatis est prior actu intellectus , ut liber est formaliter.

Sequitur 380. Nullum actum intellectus Diuini liberum & circa obiectum indifferens Deo , posse antecedere actum voluntatis liberum. 1. p. q. 19.  
a. 10.

Probatur sequela : Nullus effectus aut quasi effectus potest antecedere causam suam etiam virtuales : Sed omnis actus intellectus Diuini ut liber , est quasi effectus actus liberi voluntatis tamquam causæ virtualis : Ergo nullus actus intellectus Diuini liber & circa obiectum liberum & indifferens potest antecedere actum liberum voluntatis Diuinæ.

Sequitur 381. Prædestinationem , quæ , ut supra ostendimus , est actus liber intellectus Diuini , cum sit actus imperij , non antecedere , imò subsequi electionem Diuinam. 1. p. q. 23.  
a. 4.

Sequela satis patet ex dictis.

Sequitur 382. Actum dilectionis & electionis ad gloriam esse omnino simul. *Ibidem.*

Probatur sequela: omnes actus indistincti virtualiter ut sic sunt omnino simul, nec unus est ullo modo prior alio, ex dictis: Sed dilectio & electio sunt actus indistincti virtualiter; cum sint actus voluntatis, ut patet ex his, quæ probauimus: Ergo dilectio & electio sunt omnino simul.

*Locis supra citat.*

Sequitur 383. Electionem hominum & Angelorum, imo & Christi Domini ex parte actus esse omnino simul: Et idem dicendum de prædestinatione.

Probatur sequela, Quia ex parte actus nulla est distinctio virtualis.

Sequitur 384. Nullam esse prioritatem ex parte obiecti in actibus Diuini intellectus vel Diuinæ voluntatis, nisi quæ vel est ex natura rei, vel ex voluntate Diuinâ.

Probatur sequela: Obiecta intellectus & voluntatis Dei non sunt inter se priora vel posteriora, nisi vel ex natura rei, vel ex voluntate Diuina volente, quod vnum sit prius alio, vel quod vnum aliquo modo dependeat ab alio: Sed tota prioritas actuum Diuinorum, quæ dicitur ex parte obiecti, nihil aliud est, quam ipsa prioritas siue dependentia obiectorum inter se, siue dependentia illa sit materialis, & in esse rei, siue sit formalis & in esse cogniti aut voliti: Ergo prioritas actuum Diuinorum, vel

est ex natura rei , vel ex voluntate Divina. Explicatur actum Divinum esse priorem ex parte obiecti non est nisi vnum obiectum esse prius alio : Vnum autem obiectum esse prius alio contingit ex duplici capite ; vel quia ipsa rei natura ita exigit , inquantum vnum obiectum dependet ab alio , & sic illud à quo aliud pendet dicitur prius ; illud vero , quod dependet dicitur posterius ; vel oritur ex eo , quod Deus vult vnum pendere ab alio , etiamsi naturâ suâ non pendeat. V. G. Media vt media pendent à fine ex natura rei : Et sic ex natura rei finis est prior , & est prius volitus , quàm media : Et hinc est quod dicimus Deum velle prius finem , quàm media : Non quod Deus habeat vnum actum , quo velit finem , & alium , quo velit media , & quod actus , quo vult finem , sit prior , quàm actus , quo vult media ; sed quod finis vt finis , est id , à quo in genere causæ finalis media dependent ; & sic ex parte obiecti media non sunt volita , nisi ratione finis : Et ex hoc nos concipientes actus Divinos ad modum nostrorum , dicimus volitionem , quâ Deus vult finem , esse priorem illâ , quâ Deus vult media : Addimus tamen ex parte obiecti , vt corrigamus quodammodo modum nostrum concipiendi , nec imaginemur esse duas distinctas realiter

volitiones ; alteram quā Deus velit finem , & alteram , quā velit media , sed hoc modo loquendī significemus totam prioritatem , quæ interuenit , esse ex parte obiecti , quatenus media ut sic non sunt volita nisi propter finem , atque adeo quòd dependent ab ipso sine etiam ut sint volita. Ita similiter quando Deus per Prophetam dixit Ioas , quòd si percussisset quinquies terram , percussisset Syriam vsque ad consumptionem ; percussio Syriæ fuit volita à Deo dependenter à percussione terræ facta quinquies : non quòd naturā suā percussio Syriæ dependeret à percussione terræ quinquies factā ; patet enim vnā non pendere ab alia secundum se ; sed solum ex eo , quòd Deus ita voluisset & ordinasset : vnde percussio Syriæ dependebat à quintā percussione terræ , non ex natura rei , sed ex voluntate Diuinā : & sic percussio Syriæ volita fuit à Deo , ita ut dependeret à percussione terræ tamquam à conditione , quā positā consequenter percussio Syriæ poneretur. Vnde non fuerunt ibi duo actus Diuinæ voluntatis ; alter , quo vellent percussione Syriæ ; alter , quo vellent percussione terræ ; sed vnus & idem actus fuit in Deo , quo voluit percussione Syriæ dependentem à percussione terræ.

Ex his ergo constat , quòd prioritas

in actibus Diuinis ex parte obiecti, nihil est aliud, quàm ipsa prioritas & dependentia obiectorum orta vel ex natura rei, vel ex ipsa voluntate Diuina. Ex hoc autem iam facillimè intelligitur, quomodo prædestinatio & electio Christi sit prior nostrâ; & hinc etiam multa alia consequuntur: vnde.

Sequitur 385. Prædestinationem Christi esse priorem nostrâ ex parte obiecti, veluti triplici prioritate, videlicet in genere causæ finalis, efficientis & exemplaris. 1 p q 243  
4.3. & 4.

Probatur sequela: Electionem & prædestinationem esse priorem ex parte obiecti nihil aliud est, vt diximus, quàm obiectum esse prius, & illud, quod dicitur posterius dependere ab illo priori: Sed nos vt prædestinati dependemus à Christo vt à causa finali, exemplari & efficiente, vt infra dicturi sumus: Ergo prædestinatio & electio Christi, est prior nostra ex parte obiecti.

Sequitur 386. Prædestinationem & electionem Christi esse quodammodo posteriorem præuisione peccati saltem originalis ex parte obiecti. 1 p q 243  
4 3.

Prob. seq. Illud, à quo Deus voluit aliud dependere saltem vt à conditione vel occasione, est prius illo, quod dependet in eo genere: Sed Deus voluit Incarnationem dependere à peccato ori-

ginali saltem ut à conditione vel occasione, ut infra ostendemus: Ergo Incarnatio est quodammodo posterius volita à Deo, quam permissio peccati originalis ex parte obiecti, & consequenter prædestinatio & electio Christi, quæ est volitio Incarnationis, est quodammodo posterior permissione & prævisione peccati originalis ex parte obiecti, & consequenter prædestinatio & electio Christi, quæ est volitio Incarnationis, est quodammodo posterior permissione & prævisione peccati originalis.

*Ibidem.*

Sequitur 387. Absolutè ac simpliciter prædestinationem Christi esse priorem permissione & prævisione peccati originalis.

Probatur sequela: Quod est volitum per modum causæ finalis est absolutè ac simpliciter prius volitum, quam omnia alia, quæ per modum mediæ aut occasionis volita sunt; quia causa finalis simpliciter prior est, præsertim respectu voluntatis, siue in ratione volitæ: Sed Deus voluit Christum per modum causæ finalis omnium, ut postea dicemus: Ergo volitio, quæ est electio & prædestinatio Christi, ex parte obiecti absolutè & simpliciter prior est ipsa permissione & prævisione peccati.

*Locis  
citatis.*

Sequitur 388. Prædestinationem hominum esse aliquo modo posteriorem

præuisione peccati originalis.

Prob. sequela : Quod est posterius posteriori , est etiam posterius priori ; ut est euidens : Sed prædestinatio hominum est posterior prædestinatione Christi , quæ aliquo modo est posterior permissione & præuisione peccati originalis , ut dictum est : Ergo prædestinatio hominum est aliquomodo posterior permissione peccati.

Sequitur 389. Prædestinationem Angelorum non fuisse posteriorem præuisione peccati originalis.

*l. p. qu. 23.  
a. 1. ad 3.*

Probat ; quia , ut aliàs ostendimus , prædestinatio Angelorum ex parte obiecti non dependebat à Christo , cuius omnis gratia est gratia redemptoris : unde nec etiam gratia Adami ante lapsum fuit ex meritis Christi , nec consequenter fuit effectus prædestinationis eius , nisi ut reparata : Sed de hoc aliàs.

Sequitur 390. Reprobationem , prout est denegatio gloriæ & gratiæ , quatenus sunt beneficia indebita , esse partem prouidentiae Diuinæ.

*In l. ad  
Hamm.  
dist. 40.  
ar. 3.  
C. l. p. qu.  
28. a. 3.*

Probat sequela : Quod est pars rationis ordinis in finem , est pars prouidentiae : Sed reprobatio , ut est denegatio beneficij indebiti , est pars rationis ordinis in finem : Ergo reprobatio , ut est denegatio beneficij indebiti , est pars prouidentiae. Maior constat ex dictis ,



## 244 *Secundum Doctrinam*

quia prouidentia, vt diximus, est ratio ordinis rerum in finem. Minor probatur: Id, quo aliqui ordinantur in finem vniuersalem etiam per hoc, quòd non attingunt particularem, est ratio aliqua ordinis illorum in finem: Sed per reprobationem, vt est denegatio beneficii indebiti, reprobi ordinantur in finem vniuersalem, qui est gloria Dei, etiam per hoc, quòd non attingunt finem particularem, scilicet, gloriam propriam; quia hoc ipsum quod est, ipsos non consequi gloriam propriam ordinatur in gloriam Dei: Ergo reprobatio, vt denegatio beneficii indebiti est pars prouidentiae.

*Ibidem.*

Sequitur 391. Reprobationem, vt est inflictiva poenae debitae peccatis reprobis esse etiam partem prouidentiae.

Probatur sequela: Particularis ratio ordinis in finem est pars prouidentiae: Sed reprobatio, vt est inflictiva poenae est particularis ratio ordinis in finem; quia Deus etiam illam poenam ordinat in finem suae gloriae: Ergo reprobatio vt inflictiva poenae, est pars prouidentiae: Sed sicut praedestinatio supponit electionem & dilectionem praedestinatorum: ita reprobatio supponit voluntatem non dandi gloriam, & voluntatem puniendi peccantes.

Sequitur 392. Vtramque reprobationem, siue reprobationem sub vtraque illa ratione, esse partem obiectiuam prouidentiae. *Ibidem.*

Probatur sequela: Pars obiectiua est illa, quæ tantum est pars obiecti: Sed reprobatio est tantum pars obiecti: nam cum omnia omnino ordinentur ad gloriam & bonitatem Dei, reprobatio solum dicit quosdam ordinari per non consecutionem gratiæ & gloriæ, vel per subtractionem auxilij, ex quo sequitur peccatum, & per punitionem: Ergo, &c.

Sequitur 393. Effectum reprobationis in adultis esse subtractionem auxilij & permissionem peccati. *Ibidem.*

Probatur sequela: Effectus intentionis non dandi gloriam est subtractio mediorum: Sed reprobatio importat intentionem non dandi gloriam: Ergo reprobationis effectus est subtractio mediorum, atque adeo auxilij: cumque in subtractione auxilij includatur permissio peccati, sequitur etiam ipsam permissionem peccati esse effectum reprobationis.

Sequitur 394. Reprobationem, ut est denegatio beneficii indebiti, antecedere omnem præuisionem peccati actualis. *Ibidem.*

Probatur sequela: Intentio non dandi beneficium indebitum antecedit illud, quod consequitur ad huiusmodi in-

entionem, & consequenter pręuisionem eius: Sed reprobatio est intentio non dandi gratiam vt beneficium indubitū, ex qua denegatione gratię sequitur peccatum, vt est simplex negatio actus: Non potest autem pręuideri peccatum, nisi sit futurum, neque potest esse futurum antequam deus subtrahendo gratiam velit illud permittere, vt patet ex his, quę diximus supra: Ergo, &c.

*Ibid.*

Sequitur 395. Reprobationem, vt importat intentionem puniendi, esse ex pręiudiciis demeritis.

Probatur sequela: Omnis intentio infligendi pœnam supponit saltem permissionem culpę eo modo, quo pœna supponit culpam, vt est euident: Sed reprobatio, vt importat intentionem puniendi, est intentio infligendi pœnam: Ergo supponit saltem permissionem culpę: ex hac autem permissione culpa est infallibiliter futura, & cognoscitur vt futura, ex dictis supra.

*Ibidem*

Sequitur 396. Vtramque reprobationem esse actum positium tam ex ea parte, quā est actus intellectus, quā ex illa, quā supponit actum voluntatis.

Probatur sequela: Omnis ratio ordinis rerum in finem est actus positius, & supponit actum positium voluntatis, pręsertim quando voluntas est huiusmodi, vt circa nullum obiectum sibi ab

intellectu propositum possit manere suspensa : Sed ex dictis , reprobatio est ratio ordinis reproborum in finem , id est , in gloriam Dei per denegationem gloriæ & inflictionem pœnæ , & supponit actum voluntatis volentis non dare gloriam , sed infligere pœnam ; aliunde verò voluntas Diuina est huiusmodi , vt non possit manere suspensa circa quodcumque obiectum ipsi ab intellectu propositum : Ergo reprobatio est actus positivus , nimirum imperium , quo Deus ordinat reprobos in finem suæ gloriæ per denegationem gratiæ & gloriæ , & per inflictionem pœnæ , quam vult ; denegationem quidem , quatenus positivè vult non dare gloriam etiam ante præuîsa demerita ; inflictionem verò pœnæ , quam vult ex præuîsione peccati.

Sequitur 397. Certum esse numerum prædestinatorum.

1. p. 4. 23.

477.

Probatur sequela : Omne agens intellectuale perfectum certò prædestinit numerum eorum , quæ per se intendit , & quæ sunt partes principales totius , quod vult operari : Sed Deus est agens intellectuale perfectissimum : Ergo certissimè prædestinit numerum eorum , quæ intendit , & quæ sunt partes principales vniuersi : Hæ autem partes principales sunt non solum spheræ cælestes & incorruptibilia , & species re-

rum corruptibilem, verum etiam ipsi prædestinati; qui secundum animam sunt incorruptibiles, ex dictis in primo principio, & qui propinquius attingunt ultimum finem; imò propter ipsos cætera visibilia videntur creata: Ergo, &c.

*Idem.*

Sequitur 398. Non solum esse certum numerum prædestinatorum formaliter, sed etiam materialiter; hoc est, non solum esse certum quod prædestinati sint tot V. G. decies millies centena millia, sed etiam est certum, quod erunt hi, & non alij.

Probat sequela: Primò, quia Deus non vult res in communi, sicut nec cognoscit in communi, sed in particulari, vs aliàs diximus: Deinde quia partes principales debent esse prædestinate nedum formaliter, sed etiam materialiter à perfectissimo agente per intellectum; vt probat ratio iam adducta.

*Idem.*

Sequitur 399. Cuilibet prædestinato intentum esse à Deo gradum determinatum gloriæ.

Probat sequela: Quia perfectissimum agens intellectuale debet prædestinare cuilibet parti principali determinatum gradum perfectionis, præsertim quando perfectio est huiusmodi, quæ non potest haberi, nisi per media illi parti data ex vi intentionis ipsius præde-

finientis; aliàs non esset agens perfectissimum intellectuale, vt constat : Sed Deus est agens perfectissimum intellectuale, & prædestinati sunt partes principales vniuersi, nec possunt consequi gloriam, nisi per media ex vi prædestinationis ipsis à Deo concessa, sicut dictum est : Ergo Deus cuilibet prædestinato vult & præfigit certum & determinatum gratiæ & gloriæ gradum.

Sequitur 400. Hanc certitudinem tam numeri prædestinatorum, quàm gradus gloriæ, esse certitudinem causalitatis, & non solius præscientiæ.

*Ibidem;*

Prob. seq. Prædefinitio est certa certitudine causalitatis & non solius præscientiæ, ex dictis. Sed hæc certitudo tã numeri, quàm gradus gloriæ est certitudo prædefinitionis: Ergo est certitudo causalitatis, & nõ solius præscientiæ.

Sequitur 401. Prædestinationem quantum ad actum non iuari precibus Sanctorum.

*Ibidem ar 2.*

Prob. seq. Quod est certum certitudine causalitatis non iuatur precibus Sanctorum quoad actum, quia actus ipse in se certus est, vt causa : Sed prædestinatio est certa certitudine causalitatis: Ergo in se & vt actus & causa non iuatur precibus Sanctorum.

Sequitur 402. Prædestinationem quoad effectum iuari precibus Sancto-

*Ibidem*

rum tamquam causarum secundarum.

Probatur sequela: Causa prima, quæ compatitur effectus aliarum causarum quorum ipse est etiam causa, potest admittere sub se alias causas; Atqui prædestinatio est causa prima, quæ compatitur effectus aliarum causarum, quorum ipsa est etiam causa, ut patet ex dictis, tum in primo principio, tum etiam in isto de causalitate Divina: Ergo potest admittere sub se alias causas, quales sunt orationes Sanctorum, quæ etiam sunt effectus ipsius Divinæ prædestinationis.

*Q. 6. de*

*ver. 4. 1.*

Sequitur 403. Gratiam actualem, per quam Deus exequitur suam prædestinationem, esse seipsam efficacem.

Probatur sequela: Medium, quo quis exequitur certam & infallibilem causalitatem; debet esse se ipso efficax, quatenus est medium & veluti instrumentum executivum: Sed gratia actualis est medium, quo Deus tamquam instrumento exequitur certam & infallibilem causalitatem prædestinationis: Ergo gratia debet esse seipsa efficax. Vide dicta superius de voluntate Dei.

*I. p. 9. 24*

*Art. 1.*

Sequitur 404. Dari in Deo librum vitæ.

Probatur sequel. Deus habet notitiam de his, quos elegit ad vitam æternam: Sed talis notitia dicitur liber vitæ:

Ergo, &c Maior patet ex dictis. Minor probatur: Quia sicut in libro scribuntur hi qui eliguntur, & in intellectu dicitur scriptum, quod firmiter est in memoria; ita liber vitæ dicitur notitia, quam Deus habet de electis; quia verò qui non eliguntur etiam apud homines non conscribuntur, non datur liber mortis.

Sequitur 405. Librum vitæ dici propriè respectu vitæ æternæ seu gloriæ. *Ibid. a. 2.*

Prob. sequ. Electio ad aliquid tamquam ad finem indebitum est ad id, quod non competit rei secundum suam naturam: Sed liber vitæ est notitia electionis ad vitam gloriæ tamquam ad finem indebitum, ut supra ostendimus: Ergo liber vitæ dicitur respectu vitæ gloriæ.

Sequitur 406: Nullum scriptum in libro vitæ propriè & per æternam prædestinationem, deleri de illo. *Ibid. a. 3.*

Probatur sequela Nulla causa certa & infallibilis umquam deficit: Sed prædestinatio est certa & infallibilis, ex dictis: Ergo prædestinatio numquam deficit; atque adeo nullus scriptus in libro vitæ secundum æternam prædestinationem, ab illo deletur.

Sequitur 407. Contingere, quòd illi, qui scripti sunt in libro vitæ non *Ibidem*



per æternam prædestinationem, sed solum ratione gratiæ sanctificantis, per quam ordinantur ad vitam æternam, deleantur de libro vitæ.

Probatur sequela. Ordinati ad aliquid secundum aliquam rationem, quæ variabilis est, possunt deficere ab illa ordinatione, ut patet; Sed qui habent gratiam iustificantem, sunt ordinati in vitam æternam secundum illam gratiam, quæ est quodammodo semen gloriæ, ut dicemus infra, & quæ variabilis est ratione liberi arbitrij, ut etiam ostendemus: Ergo, &c.

*1. p. 9 25.* Sequitur 408: In Deo esse potentiam activam, non passivam.  
*art. 1.*

Probatur sequela: In actu puro est potentia activa, & non passiva, quia hæc involuit potentialitatem: Sed Deus est actus purus: Ergo in Deo est potentia activa, non passiva.

*Ibid. ad 2.* Sequitur 409; Hanc potentiam activam non distingui ab actu.

Probatur sequela: In omni eo, in quo potentia distinguitur ab actu, est potentialitas: Sed in Deo ut pote actu puro non est vlla potentialitas: Ergo in Deo potentia activa non distinguitur ab actu.

*Ibid. ad 4.* Sequitur 410: Hanc potentiam activam non distingui ab intellectu & voluntate;

Probat. sequel. Ex dictis supra, ubi illam fusè probauimus.

Sequitur 411. *Potentiam Dei esse infinitam.* *Ibid. 47. 23.*

Probat. seq. Vnumquodque in tantum est agens & potens agere, in quantum est in actu: Sed Deus utpote actus purus est in actu infinito, quia ipsum esse eius est infinitum: Ergo est agens & potens agere infinitum: Habet igitur potentiam infinitam. Hinc tamen non sequitur, quod effectus Dei sit vel esse possit infinitus, vel quod possit Deus mouere corpus in non tempore; quia Deus non est agens vniuocum, sed æquiuocum, cuius effectus non manifestat totam vim agentis, nec assimilatur ipsi virtuti.

Sequitur 412. *Deum esse omnipotentem.* *Ibid. 48. 3.*

Probat. sequela: Agens, quod habet potentiam infinitam, est omnipotens: Sed Deus est agens habens potentiam infinitam: Ergo, &c. Maior probatur: qui potest quidquid non repugnat siue quidquid est possibile, est omnipotens: Sed qui habet potentiam infinitam, potest omne id, quod non repugnat: Ergo qui habet potentiam infinitam, est omnipotens.

Sequitur 413. *Deum non posse facere, quod præterita non fuerint.* *Ibid. 47. 4.*

Probatur sequela : Quod implicat , non est possibile : Sed præterita non fuisse, repugnat : Ergo non est possibile : & consequenter Deus illud non potest.

*Ibidem.*

ar. 5.

Sequit. 414. Deum posse facere alia, quæ non fecit , absolute loquendo.

Probatur sequela : Omnipotens potest alia facere , quæ non fecit : Sed Deus est omnipotens : Ergo potest alia facere , quæ non fecit. Maior est euidens : quia omnipotens aliqua faciendo non desinit posse , quod semper potest ; quamvis enim supposita determinatione suæ sapientiæ & voluntatis propter suam immutabilitatem, impossibile sit, quòd ponat alia , quæ per suam sapientiam & voluntatem non determinavit ; hæc tamen non est impossibilitas , quæ auferat ab eo potentiam : sicut quando nos agimus liberè , v. g. amamus , facta suppositione amoris, non possumus odisse ; & tamen etiam dum amamus , habemus potentiam odio habendi ; & hoc quia actus liber amoris opponitur quidem actuali odio , non tamen opponitur potentiæ etiam odio habendi , imò verò idcirco actus amoris est liber , quia actu quidem elicitur , sed cum modo illo , qui importat potentiam odio habendi. Vide dicta in primo principio de sensu composito & diuiso.

26. ar. 6.

Sequitur 415. Simpliciter & absolu-

tè loquendo Deum posse facere meliora , quàm quæ fecit.

Probatur sequela : Qui est omnipotens , potest res meliores & meliores simpliciter & absolutè in infinitum producere ; aliàs non esset omnipotens : Sed Deus est omnipotens : Ergo potest simpliciter & absolutè res meliores & meliores in infinitum producere.

Sequitur 416. Deum non posse melius facere rem , quàm fecit ex parte modi faciendi. *Ibidem.*

Probatur sequela : Facere melius rem ex parte modi faciendi , est facere illam ex maiori sapientia & bonitate : Sed Deus non potest facere rem quamcumque ex maiori sapientia & bonitate : Ergo non potest melius rem facere , quàm fecit ex parte modi faciendi.

Sequitur 417. Deum posse facere melius rem aliquam , quàm fecit ex parte rei factæ quoad accidentalem perfectionem. *Ibidem.*

Probatur sequela : Deum facere rem aliquam melius quàm fecit ex parte rei factæ quoad perfectionem accidentalem , nihil est aliud , quàm addere rei factæ perfectionem aliquam accidentalem : Sed Deus potest cuilibet rei à se factæ addere perfectionem accidentalem , ut est evidens ; unde una res eiusdè speciei est perfectior alia : Ergo , &c.

*Ibidem.*

Sequitur 418. Deum non posse facere eandem rem aliquam essentialiter perfectiorem, quàm fecit.

Probatur sequela: Implicat eandem rem esse essentialiter perfectiorem siue habere differentiam essentialem perfectiorem: Sed Deus non potest facere, quod implicat: Ergo Deus non potest facere eandem rem essentialiter perfectiorem, quàm fecit. Maior probatur: quia rem esse eandem, & non esse eandem, siue esse vnius certæ speciei, & non esse eiusdem speciei implicat, ut pater: Sed rem eandem esse essentialiter perfectiorem per differentiam essentialem est esse eiusdem speciei, & non esse eiusdem speciei; quia differentia essentialis variant speciem: Ergo, &c.

*Ibid. ad 3.*

Sequitur 419. Deum suppositis rebus à se factis non posse facere melius vniuersum quoad ordinem.

Probatur sequela: Vbi est perfectissimus ordo, non potest esse melior: Sed in vniuerso est perfectissimus ordo: Ergo, &c.

*Ibid. ad 4.*

Sequitur 420. Deum non posse facere aliquid melius humanitate Christi, quatenus à Verbo Diuino sustentatur; vel matre Christi, quatenus eius maternitas ad filium Dei terminatur; vel beatitudine supernaturali, quatenus ad Deum ipsum ut est in se tam-

quam ad obiectum propriū terminatur.

Probatur sequela : Infinito , quā parte infinitum est , non potest fieri maius aut melius , vt ex terminis constat : Sed humanitas Christi , quatenus terminatur vel sustentatur à Verbo Dīuino , & maternitas B. Virginis , vt terminatur ad filium Dei , & beatitudo supernaturalis vt terminatur ad Deum vt obiectum , vt sic præcisè , sunt quid infinitum , ratione videlicet termini & obiecti : Ergo , &c.

Sequitur 421. Deum esse Beatum.

Probatur sequela : Habere bonum perfectum intellectualis naturæ , & cognoscere se illud possidere , atque ex hoc habere omnium rerum dominium , est esse beatum : Sed Deus , cum sit actus purus , possidet seipsum , qui est bonum intellectualis naturæ perfectissimum , cognoscit se possidere illud , cum seipsum comprehendat , & est omnium dominus , vt patet ex dictis supra : Ergo , &c.

Sequitur 422 Deum esse beatum secundum intellectum.

Probatur sequela : Secundum illam virtutem Deus est beatus , secundum quam possidet bonum perfectissimum , & cognoscit se possidere ; quia beatitudo consistit in hac possessione & cognitione possessionis illius : Sed Deus

secundum intellectum primò possidet seipsum ; cognoscendo enim seipsum se se comprehendit & possidet, vt diximus supra ; & similiter, ex dictis constat, quòd cognoscit seipsum comprehensivè ; atque adeo possidet : Ergo secundum intellectum est beatus.

*Ibid. ar. 3.* Sequitur 423. Deum esse beatitudinem obiectivam cuiuslibet intellectualis naturæ.

Probatur sequela : Summum bonum est beatitudo obiectiva intellectualis naturæ, id est, obiectum possidendum ab ea per beatitudinem : Sed Deus est summum bonum, ex dictis supra : Ergo, &c.

*Ibidem.* Sequitur 424. Deum non esse beatitudinem formalem intellectualis naturæ.

Probatur sequela : Beatitudo formalis creaturæ est aliqua res creata : Sed Deus non potest esse aliqua res creata : Ergo Deus non potest esse beatitudo formalis creaturæ. Minor patet ex dictis initio. Maior probatur : quia operatio rei creatæ est res creata ; quod enim à creatura fit, creatum est : Sed beatitudo formalis creaturæ est operatio, quâ creatura possidet summum bonum, vt etiam infra ostendetur : Ergo, &c.

*Ibid. a. 4.* Sequitur 425. Beatitudinem Dei in-

eludere eminenter formaliter omnem beatitudinem.

Probatur sequela: Summum bonum formaliter eminenter includit omnem beatitudinem: Sed Deus est summum bonum, ex dictis: Ergo, &c. Maior probatur: Triplex est beatitudo, contemplatiua, actiua, & terrena includens voluptatem, diuitias, potestatem, dignitatem & famam: Sed summum bonum hæc omnia formaliter eminenter includit: Ergo, &c. Maior probatur, Summum bonum habet contemplationem sui & aliorum omnium perfectissimam: habet ergo beatitudinem contemplatiuam. Habet etiam gubernationem totius vniuersi: habet ergo actiuam. Pro voluptate habet gaudium de se & alijs; pro diuitijs habet ex se plenam sufficientiam & omnium possessionem; pro potestate, omnipotentiam; pro dignitate omnium dominium & regimen; pro fama omnium creaturarum admirationem: Ergo, &c.

Sequitur 426. Deum esse formaliter eminenter fœcundum.

Probatur sequela: Qui habet formaliter eminenter omnes perfectiones, est eminenter formaliter fœcundus; quia fœcunditas est perfectio: Sed Deus habet formaliter eminenter omnes perfectiones, ex dictis: Ergo, &c.

4. contr.  
gent. cap.  
10. & 11.  
opus 3.  
cap 52.



## 260 *Secundum Doctrinæ*

Sequitur 427. Deum esse fœcundum per virtutem & potentiam actiuam.

Probatur sequela: Qui est formaliter eminenter fœcundus, est fœcundus per virtutem & potentiam actiuam, non per passiuam, quæ importat imperfectionem: Sed Deus est eminenter formaliter fœcundus: Ergo est fœcundus per virtutem & potentiam actiuam, non per passiuam.

*Id.*

Sequitur 428. Deum esse fœcundum secundum intellectum & voluntatem.

Probatur sequela: Subsistens purè immateriale fœcundum secundum potentiam & virtutem actiuam: est fœcundum secundum intellectum & voluntatem; hæ enim duæ duntaxat virtutes & potentie actiue in re purè spiritali reperiuntur: Sed Deus est subsistens purè immateriale, ex dictis supra, & est fœcundus secundum potentiam & virtutem actiuam: Ergo Deus est fœcundus secundum intellectum & voluntatem.

3p q. 27.  
ar. 1.

Sequitur 429. Dari in Deo processionem.

Prob. sequela: In omni fœcundo datur processio: Sed Deus est fœcundus: Ergo in Deo datur processio.

*Idem*

Sequitur 430. In Deo dari processionem ad intra.

Probatur sequela: In quo datur fœ-

quanditas per intellectum & voluntatem, datur processio ad intra: Sed in Deo datur fecunditas per intellectum & voluntatem: Ergo in Deo datur processio ad intra. Has tamen omnes probationes sic accipe, vt non sint demonstrationes, sed dumtaxat conuenientiæ suppositâ Diuinâ reuelatione.

Sequitur 431. In Deo dari processionem ad intra per intellectum. *Ibidem ar. 2.*

Probatur sequela: In eo, qui est fecundus ad intra secundum intellectum, est processio ad intra per intellectum: Sed Deus, ex dictis, est fecundus ad intra secundum intellectum: Ergo, &c.

Sequitur 432. In Deo dari processionem Verbi. *Ibidem.*

Probatur sequela: Vbi est processio ad intra per intellectum, est processio Verbi; quia solum Verbum procedit ad intra per intellectum: Sed in Deo est processio ad intra per intellectum: Ergo in Deo est processio Verbi.

Sequitur 433. Per hanc processionem communicari Verbo ipsum intelligi & intelligere Dei. *ib. ad 2.*

Prob. sequela: Omni Verbo procedenti per intellectum communicatur formaliter ipsum intelligi siue intelligere, quæ in Deo sunt omnino idem absque distinctione etiam virtuali: Sed datur in Deo verbum procedens per in-

tellektum: Ergo datur in Deo Verbum, cui formaliter communicatur intelligi seu intelligere.

*Ibidem.* Sequitur 434. Verbo Diuino formaliter & ex vi processioneis communicari naturam Diuinam.

Probatur sequela: Cui communicatur formaliter ex vi processioneis formale constitutum naturæ, communicatur formaliter ex vi processioneis natura constituta: vt ex terminis patet: Sed Verbo Diuino formaliter ex vi processioneis communicatur intelligere quod, vt diximus supra, est formale constitutum naturæ Diuinæ: Ergo Verbo Diuino formaliter ex vi processioneis communicatur natura Diuina.

*Ibidem.* Sequitur 435. Processionem Verbi Diuini esse propriè generationem formaliter eminenter.

Probatur sequela: Processio, per quam formaliter ex vi ipsius communicatur ipsa natura procedentis ei, à quo procedit, est propriè generatio seclufis imperfectionibus: Sed per processionem Verbi Diuini formaliter ex vi ipsius communicatur natura diuina, ex dictis: Ergo processio Verbi est propriè generatio seclufis imperfectionibus, quæ in generationibus creatis inueniuntur. Hinc habes, hanc processionem Verbi esse processionem viuientis à viuente.

coniuncto in similitudinem naturæ.

Sequitur 436. Dari in Diuinis process- *ib. a. 3.*  
sionem per voluntatem.

Probatur sequela : Vbi est fœcunditas, datur processio : Sed datur in diuinis fœcunditas secundum voluntatem : Ergo & processio.

Sequitur 437. Hanc processionem per voluntatem esse per modum amoris & impulsus. *ibidem.*

Probatur sequela : Omnis processio per primum actum voluntatis est per modum amoris & impulsus ; sicut enim per intelligere primariū procedit Verbum, quia intellectus illud producit ; ita per velle primarium procedit quidam terminus intra ipsam voluntatem , qui terminus defectu nominum vocatur nomine actionis , videlicet, amoris , & nomine ponderis ac impulsus in rem amatam : Sed datur in Deo processio per voluntatem : Ergo datur in Deo processio per modum amoris & impulsus.

Sequitur 438. Hanc processionem non *ib. ar. 4.*  
esse generationem.

Probatur sequela : Processio , quæ formaliter vi suâ non communicat naturam , non est generatio : Sed processio per voluntatem formaliter vi suâ non communicat naturam ; communicat enim vi suâ ipsum velle , siue amorem & impulsus , quæ distinguuntur in

Deo virtualiter a natura, vt supra ostensum est: Ergo processio per voluntatem non est generatio,

Adverte autem: quid sit, processionem formaliter vi suā communicare naturam siue formaliter ex vi processionis communicare aut recipere naturam; Cum enim duo sint vniversaliter loquendo, quæ reperiuntur in processione, sicut & in omni tendentia ad terminum, ratio, videlicet *qua*, & ratio, *sub qua*, vt alias diximus, necessarium est, vt tam ratio *qua*; quam ratio *sub qua*; exigat communicationem naturæ, ad hoc vt processio sit generatio; nec sufficit, quòd sit communicatio naturæ propter identitatem & transcendentiam ipsius naturæ cum quacumque alia ratione: Et sic quamvis terminus per voluntatem ad intra procedens in Deo, sit Deus, & consequenter sit habens naturam Diuinam etiam ex vi processionis Diuinæ, vt Diuina est, quatenus non potest non terminari ad terminum, qui sit Deus; nihilominus terminus procedens ad intra per voluntatem in Deo non recipit formaliter ex vi processionis naturam Diuinam, quia formalissimè ex vi processionis huiusmodi communicatio debet terminari tam quoad rationem *qua*, quam quoad rationem *sub qua*, non ad naturam, secundum formale constitutivum  
! naturæ,

*D. Thomæ Principium. 265*

natura, sed est eius proprietas. Et si hæc percipias facillimè te expedies ab argumentis in contrarium.

Sequitur 439. Processiones Diuinas *Ibid. arg.*  
non esse actus naturæ, vt virtualiter distinctæ ab intellectu & volûrate in Deo.

Probat. sequ. Explicando illam. Ostendimus supra, intelligere Diuinum esse formale constitutivum naturæ in Deo; velle autem esse veluti proprietatem consequentem ad naturam, quatenus constituitur per ipsum intelligere; & consequenter dicendum est, intelligere Diuinum secundùm se non distingui virtualiter à natura Diuina; ipsum autem velle distingui virtualiter. Verumtamen hoc non impedit, quin concipiendo naturam diuinam per analogiam ad res creatas, concipiamus ipsam naturam Diuinam, vt aliquo modo distinctam ab ipso intelligere, quatenus concipimus naturam Diuinam præstare duo munia in deo, videlicet illud, quod præstat natura creata in nobis, & aliud, quod præstat potentia intellectiua. Difficultas ergo est, vtrum in Deo prima processio concipienda sit esse à natura tamquam actus ipsius, quatenus natura Diuina concepta per analogiam ad creaturas præstat munus naturæ, an quatenus præstat munus intellectus; & similiter, vtrum secunda pro-

cessio sit actus naturæ Diuinæ, vt virtualiter distinguitur ab ipso velle seu voluntate. Dicimus ergo in hac sequela processiones non esse actus naturæ vt sic, sed quatenus natura est ipse intellectus Diuinus; ex quo fit, quòd etiam secunda processio sit actus voluntatis Diuinæ, vt virtualiter distinguitur à natura.

Probatur ergo sequela: Processiones Verbi & Amoris vt sic non possunt esse à natura, nisi vt habet rationem intellectus & voluntatis; Sed in Deo processiones sunt processiones Verbi & Amoris vt sic, ex dictis: Ergo in Deo processiones non possunt esse à natura vt distincta aliquomodo ab intellectu & voluntate. Maior est evidens: Est enim de intrinseca ratione Verbi, vt Verbum est, quòd si procedat, concipiatur procedere ab intellectu, vt intellectus est siue ipse idem intellectus habeat rationem naturæ siue non. Et similiter est de intrinseca ratione Amoris, quòd si procedat, concipiatur procedere à voluntate vt voluntas est, siue idem sit cum natura, siue non. Et ratio est, quia Verbum vt Verbum est terminus intellectus vt sic; & Amor vt Amor est terminus voluntatis.

1. p. 9. 27.  
Art. 2.

Sequitur 440. Processionem Verbi formalissimè includere ipsam intellectionem.

*D. Thoma Prīncipium.* 267

Probatur sequi. Omnis actus intellectus formalissimè ut sic est intellectio; ut patet ex dictis in primo principio, & constabit ex dicendis in tertio, ubi ostendemus actionem propriam virtutis cuiuslibet esse veluti proprium specificativum illius: Sed processio Verbi est actus intellectus ut sic, ex dictis: Ergo processio Verbi est formalissimè intellectio.

Sequitur 441. Processionem activam Verbi esse dictionem in Divinis. 1. 2. q. 27.  
ar. 2.

Probatur sequi. Prolatio siue productio Verbi est dictio, ut patet à simili in Verbo externo, quod nos ore producendo dicimus: Sed actiua processio Verbi in Deo est prolatio siue productio Verbi, ut patet ex dictis: Ergo processio Verbi in Deo est dictio.

Sequitur 442. Dictionem includere formalissimè intellectionem. 1. 2. q. 28.  
a. 1. ad 3.  
q. 47.  
ar. 1. & 9.  
65 ar. 4.

Probatur sequela: Processio actiua Verbi formalissimè includit intellectionem, ex dictis: Sed dictio est processio actiua Verbi: Ergo dictio formalissimè includit intellectionem.

Sequitur 443. Intellectionem, quam includit dictio, esse ipsam intellectionem essentialem. ibidem

Probatur sequela: Intellectio in Deo est tantum unica & essentialis, ut ostendimus supra, dum probauimus, di-



stinctionem inter intelligere constitutivum, sapientiã, prudentiã, &c. Sed dictio, ex dictis, includit intellectionem essentialẽ: Ergo, &c. Minor probata est supra, & ratio est ex dictis, quia quæcumque pertinent ad eandem rationem formalem sunt vnum & idem in Deo absque distinctione etiam virtuali: Sed intelligere constitutivum naturæ, & intelligere illud, quod est dictio, præcisè vt est intelligere, pertinent ad eandem rationem formalem: Ergo intelligere constitutivum, & quod includitur in dictione, sunt vnum & idem absque distinctione etiam virtuali.

*1. p. q. 37.*

*a. 1. & q.*

*34. a. 1 ad*

*3. 4. cont.*

*gent. c. 11.*

*q. 4. de*

*verit. a. 6.*

*ad 6.*

Sequitur 444. Dicere nihil aliud importare supra ipsum intelligere, nisi rationem siue relationem principij dicentis ad Verbum.

Probat sequela: Intelligere productivum Verbi nihil importat nisi illud esse principium productivum Verbi, vt patet ex dictis: Sed dicere est esse principium productivum Verbi, nihil est aliud quam relatio, vt statim ostendamus: Ergo dicere nihil aliud importat supra intelligere, quàm relationem principij dicentis ad Verbum.

*Ibid.*

Sequitur 445. Dicere in Diuinis esse omnino ipsum generare.

Probat sequela: Intelligere productivum Verbi in Diuinis est ipsa genera-

tio, siue est ipsum generare: Sed dicere in Diuinis est intelligere productiuum Verbi: Ergo dicere in Diuinis est omnino ipsum generare.

Sequitur 446. Filium & Verbum esse omnino idem formalissimè & absque vlla etiam virtuali distinctione. 1. p. q. 34  
a 2. ad 2.

Probat sequela: Terminus dictionis, quæ est formalissimè generatio, est Filius & Verbum absque vlla virtuali distinctione; quia vt dicemus in tertio principio, quando actio est eadem formalissimè, etiam terminus est formalissimè idem, & è contra: Sed, ex dictis, Verbum est terminus dictionis, quæ in Diuinis est formalissimè generatio: Ergo Verbum & Filius in Diuinis sunt idem formalissimè.

Sequitur 447. Processiones Diuinas non esse emanationes siue resultantias, sed veras actiones. 1 p. q. 27.  
a. 2. 3. ☛  
5. explicans se.  
ipsum a. 1

Explicatur: non intendimus, quòd Processiones Diuinæ sint veræ actiones de prædicamento actionis, imò nec in aliquo prædicamento constitutæ, sed quòd non sint resultantiæ eo modo, quo proprietates consequuntur per resultantiam, quatenus ex actione, quâ producuntur dispositiones, resultant deinde formæ substantiales, & ex illis proprietates, vt explicatum est in primo principio.

Probatur sequela : Resultantia siue emanatio sequitur ex vi alterius actionis prioris, vt omnes fatentur : Sed processiones Diuinæ non fiunt ex vi alicuius actionis prioris : Ergo processiones Diuinæ non sunt resultantiæ. Maior patet ex explicatione. Minor probatur : Intelligere & velle non fiunt ex vi alicuius prioris actionis, aliàs daretur in natura intellectu ali qua prior actio: Sed processiones Diuinæ sunt intelligere & velle : Ergo non fiunt ex vi alicuius prioris actionis.

Nec valet dicere, quòd intelligere & velle non sunt processiones, nisi vt habent adjunctas relationes, vt iam indicauimus, & postea dicemus ; ipsæ autem relationes sunt veluti proprietates.

Non valet, inquam, quia in primis relationes non sunt processiones, nisi quoad connotatum, vt postea explicabimus. Deinde, quia huiusmodi relationes etiam si essent proprietates, deberent consequi ad actiones, intellectiõnem scilicet & volitionem.

179. 27.  
45.

Sequitur 448. Non dari in Deo, nisi has duas processiones per intellectum & voluntatem.

Probatur sequela : Omnis processio in diuinis est per actionem immanentem, siue per virtutem actiuam, quæ

*D. Thoma Principium.* 271

habeat actionem immanentem ; quia processio in Diuinis & eius terminus remanent intra ipsum Deum: Sed in Deo utpote naturæ purè intellectuales, non est aliqua virtus, quæ habeat actionem immanentem, nisi intellectus & voluntas, ut probatum est: Ergo in Deo non est processio nisi per intellectum & amorem.

Sequitur 449. In Deo reperiri relationes reales. 1. p. 9.  
28. a. 1.

Probatur sequela: Vbi est procedens realiter, & is, à quo procedit, est etiam relatio realis, si sint eiusdem ordinis: Sed in Deo est procedens realiter, & is à quo procedit: cum sint reales processiones, ex dictis: & tam procedens, quàm is, à quo procedit sunt in Deo, is est, intra ipsum Deum, atque adeo eiusdem ordinis: Ergo in Deo sunt relationes reales: Maior est euidens, quia is, qui procedit, dicit habitudinem realem ad eum, à quo procedit, & è contra, si sint eiusdem ordinis, ut etiam probabimus in tertio principio.

Sequitur 450. Relationes in Diuinis esse reales etiam secundum *Ad limitate* sumptum. Explicatur: Relatio est ad aliud; quia est habitudo: Sed quia aliquando ex sola comparatione vnius ad aliud per rationem, oritur hæc habitudo, ideo quandoque relatio est tantum Ibid. &  
in 1. dist.  
25. a. 4.  
De pos. a.  
5. ad 14.  
& lect. 4.  
in cap. 16.  
Ioh. 1.

M 4.

rationis: quæ tamen conuenit cum relatione reali, quia est ad aliud, & sic concipitur habitudo illa ad aliud, vt quid commune relationi reali & rationis: & quia habitudo illa significatur per ly *Ad*, idcirco dicimus *Ad* vt *Ad* esse commune aliquomodo relationi reali & rationis: & sub hoc conceptu communi dicitur *Ad* sumi illimitatè, quia sumitur vt non determinatum ad certum genus. Aliquando verò sumitur *Ad* limitatè, inquantum sumitur vt denotat habitudinem realem; & tunc *Ad* non conuenit nisi relationibus realibus. Relationes autem sunt reales in rebus creatis ex eo, quòd inhærent realiter, aut quasi inhærent; & hoc sensu suè secundum hunc conceptum ratio accidentis concipitur imbibere transcendentaliter in ipso *Ad*, eo modo, quod ens concipitur imbibere in modis differentialibus: quia ipsum *Ad* in relationibus realibus est etiam accedens; non enim *Ad* relationum realium concipi debet vt quid medium inter illud, quod refertur, & illud, ad quod refertur, sed debet concipi vt quid in ipso, quod refertur dans illi ordinem ad aliud. Quod autem præstat in relationibus realibus creatis ratio accidentis, præstat in relationibus Divinis identitas & infinitas substantiæ & naturæ Di-

vinæ, atque adeo infinitas naturæ Divinæ efficiet ut *Ad* relationis Divinæ limitatè sumptū sit reale, imò sit ipsa natura & substantia Divina.

Prob. ergo seque. : In omnibus relationibus realibus *Ad* limitatè sumptū est reale: Sed relationes Divinæ sunt reales, ex dictis: Ergo relationes Divinæ secundum *Ad* limitatè sumptum sunt reales: non autem si sumatur *Ad* illimitatè: quia secundum hoc convenit tam relationi reali, quàm rationis.

*Ibid. a 27*

Sequitur 451. Relationes in Divinis ut reales sunt, esse idem cum substantia Divina.

Probatur sequela: Quicquid est in rebus creatis accidentale, si reperiatur in Deo, est substantiale, imò est ipsa substantia Dei, quia, ut diximus supra, nihil est in Deo accidentale: Sed relationes reperiuntur in Deo, ex dictis: Ergo in Deo erunt quid substantiale, imò & ipsa substantia Dei.

Sequitur 452. Relationes etiam ut virtualiter explicitè distinguuntur à natura Divina includere implicitè ipsam naturam Divinam.

*Ibid. c. 1.  
p. 9. 33.  
a. 3. 2. 1. 4.*

Probatur sequela: Nulla datur in divinis distinctio virtualis per modum excludentis & exclusi: sed omnis distinctio virtualis est per modum includentis & inclusi, ut superius probatum

M 5

## 274 *Secundum Doctrinam*

est: Atqui datur in Deo distinctio tantum virtualis relationum à natura Divina: Ergo hæc distinctio est per modum includentis & inclusi. Minor constat ex dictis supra: quia relatio est realiter ipsa substantia & natura Divina; & quia nulla est in Deo compositio realis, vel rationis, ex dictis.

*Ibid.* Sequitur 453. Conceptum relationum Divinarum non posse perfecte præscindi à conceptu naturæ Divinæ.

Probatur sequela: Conceptus, qui implicitè includit alium, non potest perfecte præscindi ab illo, ut patet ex dictis initio primi principij: Sed conceptus relationum Divinarum includit implicitè conceptum naturæ Divinæ, ex dictis: Ergo, &c.

*Ibid. &  
1. p. 9.  
39. ab. ad  
5.*

Sequitur 454. Conceptum naturæ Divinæ non posse perfecte præscindi à conceptu relationum tamquam modorum inconvertibilium

Probatur sequ.: ex dictis: Quando duo conceptus, ita se habent, ut unus non possit perfecte præscindi ab altero, etiam alter non potest perfecte præscindi à priore: Sed conceptus relationum non potest perfecte præscindi ab essentia & natura Divina: Ergo nec conceptus naturæ Divinæ poterit perfecte præscindi à conceptu relationum. Minor probata est. Maior probatur: Si

vnus conceptus non sit perfectè præcisus ab altero, remanet semper per intellectum inclusus in altero; atque adeo hic alter semper per intellectum includit priorem V. G. si ratio entis non potest perfectè præscindi à ratione rationalitatis, semper rationalitas per intellectum includet rationem entis:

Atqui hoc est, conceptum istum rationalitatis V. G. non perfectè præscindi à conceptu alio V. G. entis: Ergo si ratio siue conceptus entis non est perfectè præscisus à rationalitate, neque conceptus rationalitatis erit perfectè præcisus à conceptu entis, & ratio est, quia præcisio per intellectum idem præstat secundum intellectum, quod præcisio realis præstat realiter: Sed implicat in præcisione reali vnā aliquam rem esse perfectè præcisam ab alia, quin vicissim hæc alia sit perfectè præcisa ab illa priori: Ergo implicat vnum conceptum esse perfectè præcisum per intellectum ab alio quin vicissim hic alius sit per intellectum perfectè præcisus ab illo priori. Cum ergo conceptus relationis in Diuinis non possit perfectè præscindi à conceptu naturæ Diuinæ, vt ostensum est, implicat conceptum naturæ Diuinæ per intellectum præscindi à conceptu relationis.

Diximus autem conceptum naturæ



Divinæ non posse perfectè præscindi à conceptu relationum tamquam modorum inconuertibilium, nam dupliciter potest vnus conceptus includere alium; Primò vt prædicatum aliquomodo essentiāle, vel vt proprietatem conuertibilem, & sic Vnum, Verum, Bonum includuntur in ente, & conceptus entis includit Vnū, Verum, Bonum; Secundò potest vnus conceptus includere aliū vt modum inconuertibilem; sicut conceptus entis includit conceptum rationalitatis V. G. quia rationalitas non conuertitur cum ente: vnde non est necessarium, quòd vbicumque reperitur ratio entis, reperiatur ratio rationalitatis, quia rationalitas est tantum modus differentialis & inconuertibilis respectu entis: Et hoc prouenit ex eo quòd rationalitas ex natura sua non est ratio transcendentis, sed ratio transcendentis petitur ex ipsa communissima ratione entis. In proposito igitur quælibet relatio Divina est veluti modus inconuertibilis respectu naturæ diuinæ; attributa verò sunt prædicata essentialia: Vnde vbicumque reperitur natura Diuina, reperiuntur etiā omnia attributa: nō tamen vbicūq; reperitur vna relatio sub conceptu talis relationis V. G. Paternitas sub conceptu explicito Paternitatis, reperitur &

alia relatio V.G. Filiatio sub conceptu explicito Filiationis, quamvis reperitur id, quod est filiatio. Ratio verò est, quia ipsa natura Diuina & quodlibet attributum habent ex se infinitatem, quæ infinitas est ratio realis transcendentia & inclusionis attributorum in natura Diuina, & naturæ Diuinæ in attributis: At verò infinitas non competit relationi vt relatio est, quin potius illi vt sic competit distinctio realis à termino, vt postea ostendemus: Sed infinitas & transcendentia realis competit Relationi ratione infinitatis naturæ Diuinæ: Et idcirco quælibet relatio diuina se habet instar modi inconuertibilis, nec debet reperiri sub conceptu explicito talis relationis, vbicumque reperitur natura Diuina, quamuis debeat reperiri sub conceptu implicito, qui est ipsa natura Diuina. Hæc si diligenter aduertat facile te expediet ab omnibus argumentis, quæ æquè militant contra ipsum *Mysterium Trinitatis*, & contranostram conclusionem, de quibus etiã infra aliquid dicemus.

Sequitur 455. Quamlibet relationem Diuinã includere perfectionem infinitã.

Probat sequela: Natura Diuina est perfectio infinita, ex dictis supra: Sed quælibet relatio Diuina includit veluti transcendaliter naturam Diuinam, ex modo dictis: Er-

Q. 9. de  
pot. a. 5.  
ad 23.  
Opusc.  
cont erro.  
res grac.  
cap. 7.

278 *Secundum Doctrinā:*

go quālibet relatio diuina includit perfectionem infinitam.

1. p. q. 13. Sequitur 456. Relationem diuinam non includere perfectionem infinitam secundum conceptum explicitum relationis vt sic, quatenus cōceptus ille est cōmunis ad relationes reales & rationis.

2. 1.

Prob. sequela: Quod aduenit Deo ex tempore, non importat vt sic perfectionem aliquam; aliās aliqua perfectio ex tempore adueniret de nouo ipsi Deo qui consequenter non esset ab æterno ex natura sua infinitè perfectus, cuius oppositum supra ostendimus: Atqui relatio rationis aduenit Deo ex tempore: Ergo relatio rationis vt sic non includit perfectionem. Conceptus ergo relationis, vt est quid analogicè commune relationi reali & rationis, non importat perfectionem, sed abstrahit à perfectione & imperfectione.

2. 7. de  
per. 8. 9.

Seq. 457. Relationē Diuinā importare perfectionē infinitam, quatenus est relatio realis, & consequenter Diuina.

Explicatur: Relatio non est realis, nisi quatenus includit secundum conceptum implicitum rationem entis realis; quæ ratio correspondet in relatione Diuina illi rationi, secundum quam relatio prædicamentalis creata includit rationem accidentis; ita vt sicut relatio prædicamentalis etiam secun-

dum rationem relationis prædicamentalis habet rationem entis realis, quatenus implicitè & transcendentaliter etiam secundum *Ad* includit rationem accidentis & inhæret, ac dicit *In*: sic planè relatio Diuina non sit realis, nisi quatenus includit secundum conceptum implicitum rationem entis realis; quæ ratio in illa non est ratio accidentis, sed substantiæ & naturæ Diuinæ, vt transcendentaliter propter infinitatem ipsius realem imbibitur in ipso *Ad* vt *Ad* relationis Diuinæ. Dicimus ergo relationem Diuinam secundum conceptum illum, qui correspondet conceptui relationis prædicamentalis vt dicit *In*, & est realis, importare perfectionem.

Probatur sequela: Natura Diuina vt transcendentaliter imbibita in relatione vt dicit *Ad*, importat infinitam perfectionem: Sed relatio Diuina vt est realis etiam secundum *Ad* non est accidens, sed est ipsa natura Diuina vt transcendentaliter imbibita in ipsa relatione: Ergo relatio Diuina vt est realis etiam secundum *Ad* importat infinitam perfectionem.

1. p. q. 42.

a. 4.

Sequitur 458. Relationem Diuinam secundum rationem relationis, vel quatenus dicit *Ad*, non importare perfectionem relatiuam virtualiter à perfectione naturæ Diuinæ, vt transcendentaliter

ter in ipsa relatione imbibitæ distinctæ.

Probatür sequela : Perfectio naturæ Diuinæ vt transcendentaliter imbibitæ in ipso *Ad* relationis Diuinæ , non distinguitur virtualiter tamquam perfectio relatiua , à perfectione absoluta ipsius naturæ Diuinæ ; Sed relatio Diuina secundum rationem relationis , siue secundum *Ad* , non importat aliam perfectionem , quàm perfectionem naturæ diuinæ vt transcendentaliter imbibitæ in ipso *Ad* relationis Diuinæ : Ergo relatio Diuina etiam secundum *Ad* non importat perfectionem relativam virtualiter distinctam à perfectione absoluta ipsius naturæ diuinæ. Maior est evidens , tum quia perfectio vt sic dicit quid absolutum ; dicit enim actum rei , qui absolutus est : Tum etiam , quia perfectio substantialis , qualis est perfectio naturæ diuinæ imbibitæ in ipso *Ad* relationis , est perfectio absoluta ; Denique quia perfectio naturæ diuinæ vt imbibitæ in relatione est eadem omnino perfectio virtualiter indistincta sub conceptu perfectionis ab ipsa perfectione naturæ diuinæ secundum se. Minor verò probatur ex iam dictis. Omnis perfectio relationis Diuinæ vt dicit *Ad* vel conuenit illi secundum quod est relatio illimitatè , id est communis conceptus ad relationem realem

& rationis, vel secundum quod convenit analogicè cum relatione reali prædicamentali, vel secundum quod est Diuina; cum nulla alia ratio possit in relatione diuina concipi: Sed ex nullo istorum conceptuum potest illi competere perfectio relatiua: Ergo nullam dicit perfectionem relatiuam. Prima pars minoris probata est sequela 453. Secunda pars probata est sequela 454. Tertia probata est etiam sequela 452.

Sequitur 459. Non dari in deo tres existentias relatiuas.

Probatur sequela: Vbi non sunt tres perfectiones relatiuæ, non sunt tres existentia relatiuæ; quia existentia est perfectio, imò est perfectio absoluta; cò quòd est vltima rei actualitas in ipsa, vt patet ex dictis supra; Sed in deo nõ dantur tres perfectiones relatiuæ: Ergo nec tres existentia relatiuæ.

Sequitur 460. Non dari in deo tres durationes relatiuas.

Prob. seq. Vbi non sunt tres existentie relatiuæ, nõ sunt etiam tres durationes relatiuæ: Sed in deo non sunt res existentia relatiuæ: Ergo, &c. Maior est evidens, quia duratio est mēsurā existentia rei; atque adeo adeo vbi nõ est triplex existentia, non est triplex duratio.

Sequitur 461. Non dari in Deo tres æternitates relatiuas.

1 p. q. 28.  
a. 1. q. 9.  
de pot. a.  
5. ad 19.  
q. 8. a. 2.  
ad 11. q.  
2. a. 6.

*Ibidem.*  
Or ac va-  
ris q. 1 a.  
5. ad 18.

Probatur sequela ; Tum quia non dantur in Deo tres durationes relatiuæ ; quælibet autem duratio Dei est æternitas : Tum etiam, quia absoluta non multiplicatur ex multiplicatione relationum ; aliàs distinguendæ essent in Deo tres sapientiæ relatiuæ, tres bonitates relatiuæ ; imò & tres intellectiões, tres volitiones, tres substantiæ, &c.

*In p. q. 28.*

*n. 3.*

Sequitur 462. dari in Deo tres relationes realiter inter se distinctas.

Probatur sequela: Vbi est oppositio relatiua propriè, est distinctio realis relationum : Sed in Deo sunt tres oppositiones relatiuæ : Ergo in Deo est distinctio realis relationum. Maior est evidens: quia vbi ponitur aliquid, debent poni, quæ sunt de intrinseca ratione ipsius: Sed de intrinseca ratione oppositionis relatiuæ est distinctio realis inter ea, quæ opponuntur relatiuè : Ergo cum in Deo ponatur oppositio relatiua, erit etiã distinctio realis.

*In II dist.*

*q. 1. a.*

*I ad 2.*

*q. 8 da*

*per a. 2.*

*ad 1.*

Sequitur 463. Has rationes distingui virtualiter ab essentia diuina.

Probatur sequela : Quæ distinguuntur realiter inter se in Deo debent saltem virtualiter ab essentia diuina distingui, aliàs vix posse saluari quòd distingueretur realiter inter se : Sed datur relationes in Deo inter se realiter distinctæ : Ergo saltē virtualiter illæ distinguuntur ab essentia.

Sequitur 464. In Deo omnia esse omnino idem, vbi non obstat relationis oppositio. 1 p. q. 28. ar. 1.

Probatur sequela: In re omnino simplicissimâ omnia omnino sunt idem, nisi reperiatur aliqua oppositio relatiua, quæ natura sua exigit distinctionem realem inter opposita; quia vt supra diximus, res omnino simplicissima excludit omnem compositionem, atque adeo distinctionem realem: Sed Deus est omnino simplex, vt supra probatum est, & nihilominus in eo reperitur relatiua oppositio, ex iam dictis: Ergo in Deo omnia sunt omnino idem, vbi non obstat oppositio relatiua.

Sequitur 465. In Deo esse quatuor relationes. 1 p. q. 28. ar. 4.

Probatur sequela: Vbi sunt duæ processiones, sunt quatuor relationes: Sed in Deo sunt duæ processiones, ex dictis: Ergo, &c. Maior constat: quia quælibet processio importat duas relationes, nimirum procedentis & eius à quo procedit.

Sequitur 466. Vnam ex his relationibus non distinguî realiter ab aliqua vel ab aliquibus ex tribus alijs. *Ibidem.*

Probatur sequela: Vbi sunt duæ tantum processiones, & quatuor relationes, oportet necessario vt vna relatio non distinguatur realiter ab aliqua vel



ab aliquibus ex tribus aliis : Sed in Deo sunt duæ processiones, & quatuor relationes, ex dictis : Ergo oportet, ut una ex illis non distinguatur realiter ab aliqua vel aliquibus extrinsecis aliis. Maior patet : quia ubi sunt duæ processiones, sunt etiam duo termini procedentes, qui debent distinguere, saltem ex modo procedendi, & debet esse unum principium, à quo illi duo termini procedant; atque adeo illud principium debet habere duas relationes ad duos terminos. Imo nec duo termini possunt in Deo esse distincti realiter, nisi habeant inter se oppositionem relativam : quia, ut ostendimus, in Divinis nulla est distinctio realis nisi ex oppositione relativa : Ergo necessarium est, ut unum ex principijs dicat relationem ad unum terminum; & hic terminus dicat relationem ad principium; & quod vel utrumque suppositum ex his duobus, vel saltem alterum dicat relationem ad secundum terminum, sicut & terminus vel ad utrumque, vel ad alterum ex suppositis, à quibus tamquam à principio procedit.

*Ibidem.*

Sequitur 467. Relationem paternitatis siue dicentis distinguere realiter à Filiatione siue relatione Verbi.

Probat sequela : Quia opponitur.

*Ibidem.*

Sequitur 468. Relationem principij

per modum amoris producentis distinguui etiam realiter à relatione procedentis per modum amoris.

Probatur sequela: Quia etiam istæ duæ opponuntur.

Sequitur 469. Relationem principij producentis per modum amoris non distinguui realiter à relatione vel Paternitatis vel Filiationis vt sic. *Ibidem.*

Probatur sequela: Quia relatio ista principij producentis per modum amoris, non opponitur relatiuè Paternitati & Filiationi vt sic: Ergo non distinguitur realiter à Paternitate & filiatione vt sic. Illam verò relationem principij producentis per modum amoris vocamus spirationem actiuam: Ergo spiratio actiua non distinguitur realiter à Paternitate & filiatione; atque adeo est idem realiter cum illis, & distinguitur tantum virtualiter.

Sequitur 470. Spirationem actiuam distinguui realiter à spiratione passiuâ siue à relatione termini procedentis per modum amoris. *Ibidem.*

Probatur sequela: Quia opponuntur. Et ex his constat spirationem actiuam esse idem realiter cum Paternitate & Filiatione; atque adeo tres tantum relationes in Deo distinguui realiter.

Sequitur 471. Illud principium, Quæ sunt eadem vni tertio, sunt eadem in- *In 1. dist. 33 q 1. ar. 1. ad 2.*

qu. 8. de  
pot. ar. 2.  
ad 1. &  
ar. 5  
1. p. qu. 28.  
ar. 3. ad 1.

ter se, necessariò explicandum esse.

Probatur sequela, ex duplici capite: ac primò quidem, quia, vt constat ex dictis, tres relationes Paternitas, Filiatio, & Spiratio passiuæ, siue Processio, realiter inter se distinguuntur, quamuis sint idem cum essentia & natura Diuina; Secundò quia quamuis Paternitas & Filiatio realiter inter se distinguantur, sunt tamen idem realiter cum Spirazione actiua.

*Idem  
locis.*

Sequitur 472. Explicationes illius principij, quæ sunt eadem &c. quas tradit D. Thomas variis in locis esse optimas, quæ consistunt omnes in hoc, quòd, Quæ sunt eadem vni tertio finito, sunt eadem inter se: Quæ verò sunt eadem vni tertio infinito, sunt etiam eadem inter se, dummodo sint eadem re & ratione, id est, non distinguantur virtualiter ab illo tertio, & dummodo inter se non opponantur saltem relatiuè.

Probatur sequela: Quia quodlibet principium explicandum est secundum illud quod ei conuenit per se, & non secundum illud, quod conuenit illi ratione materiæ: Sed huic principio, *Quæ sunt eadem vni tertio, sunt eadem inter se*, conuenit per se tantum, quòd intelligatur de rebus finitis, vel etiam de re infinita in his, quæ non distinguuntur

ab illo tertio virtualiter, & inter se non opponuntur: Ergo sic debet intelligi. Minor probatur: quia cum veritas fidei certior sit omni veritate naturali etiam cuiuscumque primi principii, illud tantum debet competere principio alicui naturali, quod ex veritate fidei colligitur, illi per se competere: Atqui ex veritate fidei colligitur non competere per se veritatem illi principio, nisi iuxta explicationem datam; ita enim exigat mysterium Sanctissimæ Trinitatis, quod est veluti primum fidei mysterium: Ergo dicendum est non alio modo veritatem huic principio competere nisi iuxta allatam explicationem. Nec illa explicatio est absque ratione: Num distinctio virtualis saluat in Deo, quicquid saluaret distinctio realis seclusis imperfectionibus; Sed distinctio realis præstat, ut quæ sunt opposita relatiuè distinguantur verè realiter inter se, id est, quod opposita relatiuè, quia sunt distincta realiter à subiectis, in quibus sunt, distinguantur realiter inter se: Ergo distinctio virtualis relationum ab essentia saluabit veram distinctionem realem inter relationes, quæ secundum propriam rationem reperiuntur in Deo ut ostensum est. Ex eo igitur, quod relationes sunt in Deo virtualiter distinctæ ab essentia fiet, quod possint ni-

hilominus distingui realiter inter se ratione oppositionis relatiuæ. Et hæc ratio reddit explicationem hanc in re ipsa certam, & apud omnes prudentes saltem probabilem : Qui autem soluit probabiliter, soluit evidenter, maximè in rebus diuinis, & in iis quæ sunt fidei.

2. 9. de

pot. a. 9.

ad 33. in

3. dist. 5.

9. 2. a. 16.

ad 2. 4.

contr.

gent cap.

14.

*Ibidem.*

Sequitur 473. Quamlibet relationem Diuinam esse subsistentem.

Prob. sequ. Omnis substantia est subsistens, ut patet : Sed quælibet relatio Diuina est substantia, ex dictis : Ergo quælibet relatio Diuina est subsistens.

Sequitur 474. Quamlibet relationem Diuinam realiter ab alia distinctam ex tribus superius explicatis esse subsistentem incommunicabiliter, id est, ita ut sit distincta ab omni illa, cui opponitur, eique non possit communicari,

Probaturs sequela : Quod est per se subsistens, vnum, & oppositum alteri, est subsistens incommunicabiliter ; ex eo enim quod est vnum est indiuisum in se, & diuisum à quolibet alio ; & ex eo quod est oppositum, ac per se subsistens non potest alteri communicari : Sed quælibet relatio Diuina ex tribus iam superius explicatis realiter distinguitur à sibi opposita, & est per se subsistens :

Erge

Ergo quælibet relatio Diuina realiter distincta ab altera est per se subsistens incommunicabiliter.

Sequitur 475. Paternitatem, Filiationem, & Processionem in Diuinis esse per se incommunicabiliter subsistentes. *Ibidem.*

Probatur sequela: Quia quælibet istarum trium relationum est distincta realiter ab alia, vt patet ex dictis.

Sequitur 476. Has tres relationes esse tres subsistentias. *Ibidem.*

Probatur sequela: In Diuinis abstractum & concretum non distinguuntur, ita vt Deus & Diuinitas sint idem quoad rem, licet non quoad modum significandi, vt diximus superius; & ratio est, quia nulla est in Diuinis compositio ex natura & subsistentia propter transcendentiam naturæ in subsistentia, & è contra, ortam ex infinitate: Sed ex dictis hæ tres relationes sunt subsistentes: Ergo hæ tres relationes sunt etiam tres subsistentiæ.

Sequitur 477. dari in diuinis tres personas tantum. *1 p. q. 30. ar. 1. G. 2.*

Probatur sequela: Tres relationes, per se subsistentes in natura Diuina sunt tres personæ: Sed dantur tantum in Diuinis tres relationes per se subsistentes, ex dictis: Ergo dantur in Diuinis tres tantum personæ. Maior pro-

batur: quia persona nihil aliud est, quam rationalis ( id est intellectualis ) naturæ individua ( id est incommunicabilis ) substantia ; id est substantia ; unde persona dicta est quasi per se una : & hinc est , quod persona idem significat in natura intellectuali, quod significat suppositum, substantia, siue hypostasis, & res naturæ in omnibus naturis etiam non intellectualibus ; ita ut dicatur res naturæ, quatenus supponitur alicui naturæ communi ; substantia, quatenus per se & non in alio existit ; hypostasis, quatenus substat ; suppositam, quatenus concipitur supponi, &c. Persona verò dicitur in rebus intellectualibus, quod per se subsistit incommunicabiliter ; eo quod nomen personæ quamdam dignitatem significat : hæc autem dignitas est in eo, qui subsistit in natura dignissima sc. intellectuali.

i. p. q. 29.  
ar 4.

Sequitur 478. Hoc nomen, *Persona*, in Diuinis significare relationem in recto, & importare naturam Diuinam in obliquo.

Probaturs sequela : Substantia siue hypostasis in Diuinis est ipsa relatio, ex dictis : Sed hoc nomen, *Persona*, significat in recto substantiam, & in obliquo importat naturam, ut patet ex definitione personæ iam explicata : Ergo hoc nomen, *Persona*, in Diuinis signi-

ficat relationem in recto , & importat naturam Diuinam in obliquo.

Sequitur 479. Hoc nomen , *Persona Diuina* , non significare relationem secundum formalem rationem relationis , sed secundum quod relatio est subsistens , vel est ipsa subsistentia. *Ibidem*

Probaturs sequela : Relatio vt relatio in Diuinis constituit quidem distinctionem à quocumque alio propter oppositionem , non tamen explicat conceptum subsistendi : Sed hoc nomen *Persona Diuina* , significat & explicat conceptum subsistendi principaliter , & distinctionem siue incommunicabilitatem tamquam modum subsistendi : Ergo hoc nomen , *Persona Diuina* , non significat relationem sub conceptu formali relationis , sed sub conceptu formali subsistentis incommunicabiliter : quia tamen subsistere incommunicabiliter in Diuinis non conuenit , nisi ratione relationis , idcirco hoc nomen , *Persona Diuina* , etiam significat relationem.

Sequitur 480. Dicitur posse, quod hoc nomen , *Persona Diuina* , significat essentiam siue substantiam in recto , & relationem in obliquo. *Ibidem*

Probaturs sequela : Essentia siue substantia aliquando apud antiquos sumitur pro hypostasi : Sed hoc nomen , *Persona Diuina* , significat in recto hyposta-



sim siue subsistentiam : Ergo hoc nomen, *Persona Diuina*, potest dici significare essentiam siue substantiam in recto, quatenus substantia sumitur pro hypostasi; relationem verò significare dicitur in obliquo, quatenus relatio veluti indirectè & ex consequenti importatur in Diuinis nomine hypostasis, inquantum relatio est solum in Diuinis id, quod est hypostasis, quamuis hoc, quod est esse hypostasim vel subsistentiam non conueniat illi ratione relationis vt sic, sed quia est Diuina, ex quo habet quòd sit substantia, & consequenter subsistens.

*Ibidem*

Sequitur 481. Hoc nomen, *Persona Diuina*, importare aliquid positium.

Probatur sequela : Subsistentia & ipsa etiam incommunicabilitas est aliquid positium, sicut & essentia siue natura Diuina : Atqui hoc nomen *Persona Diuina*, importat subsistentiam & incommunicabilitatem in recto, & naturam Diuinam in obliquo : Ergo importat aliquid positium : Maior patet, quoad secundam partem, & probatur quoad primam : Vnitas per se est aliquid positium : Sed subsistentia vt incommunicabilis non est nisi vnitas per se : Ergo subsistentia etiam vt incommunicabilis est aliquid positium. Maior patet ex dictis in primo principio, vbi ostendi-

mus vnitatem esse ipsam entitatem vt indiuisam in se , & diuisam à quolibet alio. Minor etiam est euidens : nam substantia vt incommunicabilis nihil est aliud , quàm modus per se existendi , qui est quid positium , & vnitas illius modi , quæ est ipsa entitas illius modi vt indiuisa in se & diuisa à quolibet alio.

Nec valet si dicas , quod incommunicabilitas vt sic est aliquid negatiuum , nimirum negatio communicabilitatis : hoc enim apertissimè falsum est ; quia licet exprimat per aliquam negationem , debet tamen esse quid positium ; cum sit formale constitutum suppositi vel personæ , quæ , vt omnes fatentur , est aliquid positium : Quare sicut irrationalitas , vt differentia constitutiva bruti , & distinctiua eius à rationalitate & homine , est reuera aliquid positium , quamuis exprimat termino negatiuo : ita incommunicabilitas substantiæ , quæ constituit personam , est aliquid positium , licet exprimat termino negatiuo.

Confirmatur : Relatio vt subsistens formaliter non dicit solam negationem , vt est euidens : Sed hoc nomen , *Persona Diuina* , importat relationem vt subsistentem : Ergo hoc nomen , *Persona Diuina* , non dicit formaliter solam negationem.

*Ibidem.*

Sequitur 482. Quamlibet relationem Diuinam realiter ab alia distinctam dicere subsistentiam incommunicabilem.

Probatur sequela : Constitutivum personæ non est sola incommunicabilitas vt negatio , sed subsistentia incommunicabilis , ex dictis : Atqui relatio est constitutivum personæ , vt postea ostendemus ; quia idem est distinctivum & constitutivum , sola autem relatio est distinctivum vt iam diximus ; quia in diuinis omnia sunt vnum , vbi non obstat relationis oppositio : Ergo relatio non est sola incommunicabilitas , sed subsistentia incommunicabilis.

*Ibidem.*

Sequitur 483. Dari in Deo tres subsistentias relatiuas.

Probatur sequela : Quælibet relatio est subsistentia incommunicabilis , & non sola negatio : Sed sunt in Deo tres relationes : Ergo & tres subsistentiæ incommunicabiles , & non solum tres negationes.

*Qu. 9. de**pot. 49. aa*

13.

*In 3. dist.*

6 q. 2. a. 1.

ad 2.

4. contr.

*Pent. c. 14.*

Sequitur 484. Dari in deo etiam subsistentiam absolutam.

Probatur sequela : Vbi est per se existentia est subsistentia : Sed in Deo est per se existentia absoluta : Ergo & subsistentia absoluta. Maior patet : quia in rebus creatis substantialibus per se existentia vel est subsistentia , vel est id , cuius subsistentia reddit naturam capa-

tem, atque adeo ubi est per se existentia est etiam subsistentia. Minor verò est evidens ex dictis supra, quia existentia per se & substantialis est ipsa essentia Dei.

Sequitur 485. Hanc subsistentiam absolutam esse idem cum natura Diuina absque distinctione virtuali. *Ibidem.*

Probatur sequela: Per se existentia est omnino idem cum natura Diuina absque vlla distinctione etiam virtuali; quia existentia substantialis & per se est omnino idem cum natura actus puri, ut vidimus initio: Atqui subsistentia absoluta est ipsa per se existentia: Ergo subsistentia absoluta est idem omnino cum natura Diuina absque distinctione virtuali.

Sequitur 486. Hanc subsistentiam absolutam esse communicabilem. *Ibidem.*

Probatur sequela: Natura Diuina est communicabilis: Sed hæc subsistentia absoluta est ipsa natura Diuina absque virtuali distinctione: Ergo hæc subsistentia absoluta est communicabilis.

Sequitur 487. Hanc subsistentiam absolutam non constituere personam. *Ibidem.*

Probatur sequela: Subsistentia constituens personam non est communicabilis: Sed subsistentia absoluta est communicabilis: Ergo subsistentia absoluta non constituit personam.

*Ibidem.*

Sequitur 488. Hanc subsistentiam absolutam constituere concretum substantiale quasi suppositum.

Probatur sequela: Quod non constituit personam, & nihilominus constituit principium *Quod* agendi, constituit concretum substantiale quasi suppositum; quia cum actiones sint suppositorum, principium *Quod* actionum debet esse saltem concretum substantiale quasi suppositum: Sed subsistentia absoluta non constituit personam, ex dictis, & nihilominus constituit principium *Quod* operandi; nam verè Deus creat, conseruat, regit, &c. Ergo subsistentia absoluta constituit concretum substantiale quasi suppositum.

*2 p. q. 36.**a. 4. ad 1.**q. 4. In**1. d. 11. q. 1.**a. 2. q. 4.**q. d. 29.**ar. ult. ad**2. q. 10. de**pot. ar. 2.**ad 15.*

Sequitur 489. Spirationem actiuam non importare subsistentiam incommunicabilem, nec constituere personam.

Probatur sequela: Vbi non sunt nisi tres subsistentiæ constituentēs tres personas, non potest esse quarta quæ constituat vllam personam: Sed in Deo non sunt nisi tres subsistentiæ constituentēs tres personas, videlicet Pateritas, quæ constituit Patrem; Filiatio, quæ constituit Filium; & Spiratio passiva, quæ constituit Spiritum sanctum: Ergo quarta relatio videlicet Spiratio actiua non constituet vllam personam.

*Ibidem.*

Sequitur 490. Spirationem actiuam

*D. Thoma Principium. 297*

ex natura sua non importare subsistentiam communicabilem distinctam virtualiter à subsistentia communi & absoluta.

Probatur sequela ; Tum quia superflua foret huiusmodi subsistentia , cùm Spiratio actiua, vt est communis, subsistat eâdem subsistentiâ, quâ subsistit voluntas & natura Divina , quam importat : Tum quia vt statim probandum est, Spiratio actiua exigit ex propria ratione duo supposita.

Sequitur 491. Spirationem actiuam <sup>1. p. 9. 26.</sup> ex propria ratione exigere , vt subsistat <sup>a. 2.</sup> per subsistentiam duorû suppositorum.

Probatur sequela ; Actus , quo duo supposita se mutuò amantia producant vnum & eundem amorem ( si debeat subsistere ) ex propria ratione exigit duo supposita ; nisi enim essent duo ad minus non se mutuò amarent ; Sed Spiratio actiua est actus , quo Pater & Filius tamquam duo supposita se mutuò amant, vt aliquomodo patet ex dictis, & infra fusiùs probabitur : Ergo Spiratio actiua exigit ex propria ratione duo supposita , atquo adeo exigit subsistere in duobus suppositis ; cum ex eo quòd sit substantialis , exigit subsistere sive per se existere.

Sequitur 492. Numerum ternarium <sup>1. p. 9. 36.</sup> In Divinis esse numerum transcendentem <sup>ar. 2.</sup> talem.

Probatur ex dictis in primo principio Numerus in his, quæ non habent quantitatem, est transcendentalis : Sed personæ Divinæ non habent quantitatem; cum Deus sit omnino immaterialis, ex dictis : Ergo numerus in personis Divinis est transcendentalis.

*Ibidem.*

Sequitur 493. Numerum in Divinis nihil addere supra unitates personarum distinctarum.

Probatur sequela : Numerus transcendentalis nihil addit supra unitates inter se distinctas, ut patet ex primo principio : Sed numerus in Divinis est transcendentalis : Ergo numerus in Divinis nihil addit supra unitates personarum inter se distinctas.

*I. p. 3. a. 1.*

Sequitur 494. Dari in Deo Trinitatem personarum.

Probatur sequela : Numerus ternarius personarum est Trinitas personarum : Sed datur in Deo numerus ternarius personarum, siue dantur tres personæ, ex dictis : Ergo datur in Deo Trinitas personarum.

*Ibidem.*

Sequitur 495. Deum esse unum in natura & trinum in personis.

Probatur sequela : Quicquid est in Deo, est Deus, ex dictis supra : Sed unitas naturæ & Trinitas personarum est in Deo, ut ostensum est : Ergo unitas naturæ & Trinitas personarum est

Deus, atque adeo Deus est vnus in natura & trinus in personis.

Sequitur 496. Hoc nomen, *Persona*, *1. p. q. 30*  
esse commune tribus personis Diuinis. *a. 4.*

Probatur sequela: Nomen, cuius significatum conuenit aliquibus, est etiā illis commune: Sed cuilibet personæ Diuinæ conuenit significatum huius nominis, *Persona*, vt patet ex dictis: Ergo hoc nomen, *Persona*, est commune tribus personis Diuinis.

Sequitur 497. Communitatem huius *Ibidem*  
nominis, *Persona*, vel rationis significatæ per hoc nomen, non esse communitatem generis ad species, vel speciei ad individua.

Probatur sequel. Vbi nullum est genus, nulla species, non datur communitas generis vel speciei: Sed, ex dictis supra, in Deo non est genus, neque species: Ergo nec communitas generis vel speciei.

Sequitur 498. Hoc nomen *Persona*, *1. p. q. 20.*  
dictum de personis diuinis & creatis, est *a. 3.*  
se analogum.

Prob. sequela: Omne nomen dictum de Deo & creaturis est analogum, vt diximus supra: Ergo, &c.

Sequitur 499. Hoc nomen *Persona*, *Ibidem*  
dictum de personis diuinis esse commune *a. 4.*  
eo modo, quo indiuiduum vagum,  
V. G. Aliquis homo, est commune plu-



ribus hominibus , V. G. Petro, Paulo &c.

Probatur sequela : Nomen significans naturam communem cum determinato modo essendi aut subsistendi, est commune sicut individuum vagum , V. G. Aliquis homo. Sed hoc nomen *Persona* significat naturam communem cum determinato modo essendi, qui est subsistere in natura diuina per subsistentiam distinctam ab aliis : Ergo hoc nomen, *Persona Diuina*, est commune sicut individuum vagum , V. G. Aliquis homo. Est tamen differentia : quia individuum vagum , V. G. Aliquis homo, significat individuum ex parte naturæ humanæ ; at vero persona diuina significat subsistens in natura diuina.

*Ibidem.*

Sequitur 500. Hoc nomen, *Persona Diuina*, non esse commune vniuocè, propriè loquendo.

Probatur sequela : Quicquid est commune vniuocè propriè loquendo, est commune per modum generis, speciei vel differentiae : Sed hoc nomen persona diuina non est commune per modum generis, speciei vel differentiae ; cum in deo non detur genus, species, vel differentia ex dictis : Ergo &c.

*Ibidem.*

Sequitur 501. Hoc nomen, *Persona Diuina*, non esse commune tribus personis æquivocè.

Prob. sequela : Nomen commune pu-

rè equivocè significat rationem omnino diuersam : Sed hoc nomen , *Persona Diuina* , non significat rationem omnino diuersam ; cum significet subsistens in natura diuina , quod competit Patri , & Filio , & Spiritui Sancto : Ergo , &c.

Sequitur 502. Hoc nomen , *Persona Diuina* , non esse commune purè analogicè. *Ibidem*

Probaturs sequela : Nomen analogum significat vnā rationem repertam in multis , quam participant dependenter ab vno , vel in ordine ad vnum , vt diximus aliàs : Sed hoc nomen , *Persona Diuina* , non significat rationem , quam Pater participet dependenter a Filio , vel Filius dependenter à Patre , vel Spiritus sanctus dependenter à Patre & Filio ; nulla enim est inter personas Diuinas dependentia ; cum hæc dicat imperfectionem : nec etiam hoc nomen , *Persona Diuina* , exprimit , quòd vna persona sit in ordine ad aliam , quamvis reuera Pater sit relatiuè ad Filium &c. Ergo nomen *Persona Diuina* non omnino analogicè dicitur.

Sequitur 503. Hoc nomen , *Persona Diuina* , esse commune analogicè formaliter eminenter , id est , seclusis imperfectionibus , quæ sunt in analogiis creatis. *Ibidem*

## 302 *Secundum Doctrina*

Probatur sequela: Quia revera Pater est persona Diuina per relationem ad Filium, & Filius per relationem ad Patrem; & Spiritus Sanctus per relationem ad Patrem & Filium, vt sunt vnum principium spirans: Hoc autem sufficit: vt seclusis imperfectionibus dicatur analogicè; quia sicut V.G. sanum dicitur de medecina, pulsu, deambulatione, analogicè per ordinem ad sanitatem animalis, ita Pater dicitur persona Diuina, quia dicit relationem ad Filium, & Filius ad Patrem; quamvis maxima sit disparitas, vt est evidens: vnde est ibi tantum analogia formaliter eminenter, vt diximus.

*3. p. 9. 21*

Sequitur 504. Nomina omnia significantia multipliciter naturæ cum distinctione personarum, vel vnitatem personarum cum vnitatem naturæ non esse usurpanda in hoc mysterio.

Probatur sequela: Quia nomina usurpanda sunt conformiter ad rei veritatem: Sed nomina significantia multipliciter naturæ cum distinctione personarum, vel vnitatem personarum cum vnitatem naturæ, non usurparentur conformiter ad huius mysterij veritatem: Ergo non sunt usurpanda.

*16. 47. 5.*

Sequitur 505. Nomen *diuersitatis & differentia*, propriè non esse usurpandum.

*D. Thoma Principium.* 303

Probatur : Quia nomen *diuersitatis* & *differentia* propriè non significant solam distinctionem personarum , sed naturæ : Ergo , &c. Nomen tamen *distinctionis* potest vsurpari , & sic explicandum est , si alicubi inueniatur nomen *differentiæ* vel *diuersitatis* apud SS. Patres , vel in scriptura , vel in vsu Ecclesiæ.

Sequitur 506, Nomen, *Separationis*, *Diuisionis*, *Disparitatis*, esse vitandum. *Ibidem*

Probatur Quia, *Separatio* & *Diuersitas* significant naturam non simplicem, sed compositam : Et nomen *Disparitatis* significat inæqualitatem : Vnde vna persona in Diuinis non est separata vel diuersa , vel dispar ab alia.

Sequitur 507. Nomen *Alieni* & *Discrepantis* non esse vsurpandum , dicendo vnam personam esse alienam vel discrepantem ab alia. *Ibidem*

Probatur sequela : Quia hæc nomina tollunt personarum Diuinarum similitudinem ; id enim quod est alienum & discrepans non est simile , vt patet.

Sequitur 508 Non esse vsurpandum, nomen *Singularitatis* , itavt dicamus Deum singularem. *Ibidem*

Probatur sequela : Quia singularitas tollit communicabilitatē naturæ ; quod enim est singulare habet naturā incom-

304 *Secundum Doctrina*

municabilem: Atqui neque Deus nec aliqua persona Diuina habet naturam incommunicabilem; quia natura Diuina est communicabilis: Ergo &c.

*Ibidem;*

Sequitur § 99. Non esse vsurpandum nomen *Vnici*, dum de Deo loquimur.

Probat: Quod est vnicum non habet pluralitatem personarum: Sed Deus habet pluralitatem personarum: Ergo non est vnicus. Dicimus tamen Deum vnum, & Christum esse vnicum Filium Dei, quia per hoc, quod dicimus, Deum esse vnum, denotamus vnitatem nature in Deo, eò quod terminus ille, *Vnum* denotat tantum vnitatem nature; & terminus ille, *Vnicus Filius*, denotat in Deo non esse alium Filium.

*Ibidem;*

Sequitur § 100. Non esse vtendum nomine, *Confusi*.

Probat: Quia confusio tollit ordinem; in Diuinis autem est ordo originis.

*Ibidem.*

Sequitur § 101. Non esse vtendum nomine, *Solitarij*, in Diuinis.

Probat: Quia solitarium tollit consortium aliarum personarum in Diuina natura.

*I. p. 9. 31.*

*ad 3.*

Sequitur § 102. Non esse etiam vtendum nomine, *Triplicis*, vel *Duplicis*, vel *Multiplicis* propriè.

Probat: Quia triplex, duo

plex , multiplex importat proportionem inæqualitatis , id est , importat , quòd illud , respectu cuius aliquid dicitur triplex , duplex , vel multiplex sit inæquale ipsi triplici &c. V. G. Triplex substantia , est inæqualis illi substantiæ , respectu cuius alia dicitur triplex : Ac verò in Diuinis vna persona non est inæqualis duabus , sed omnino eiusdem dignitatis ,

Sequitur 513. Nomen neutrum absolute positum in Diuinis significare essentiam ; masculinum verò significare personam. *Ibid. 4. 2.*

Probaturs sequela: Quia nomen neutrum absolute positum est informe , id est , non significat aliquid distinctum ; vnde dicimus *Album* significare rem albam , quæcumpue tandem illa sit ; vnde per neutrum genus conuenienter significatur essentia communis : Masculinum verò significat suppositum determinatum , vt *Albus* significat suppositum habens albedinem.

Sequitur 514. Nomen , *Alius* , masculinè posse vsurpari de vna persona Diuina in ordine ad aliam , V. G. dicendo , Filius est alius à Patre. *Ibidem.*

Probaturs sequela : Quia , vt diximus , masculinum significat distinctum suppositum : Atqui reuera Filius est distinctum suppositum : Ergo &c.

Sequitur 515. Nomen, *Aliud*, absolute positum non usurpandum dicendo, V. G. Filius est aliud à Patre.

Probatur sequela: Quia, *Aliud*, significat distinctam naturam; unde dicendo Filius est aliud à Patre, diceremus Filium habere naturam distinctam à natura Patris, quod est falsum. Possumus tamen usurpare *Aliud* cum addito v. g. dicendo Filius est aliud suppositum à Patre. E contra verò non possumus dicere Filium esse vnum suppositum cum Patre, benè autem, Filium esse unum cum Patre, non tamen quòd sit vnus cum Patre.

1. p. q. 30.

a. 1. ad 4.

q. 38.

a. 3. ad 3.

In 1. dist.

25. q. 1.

a. 4.

Sequitur 516. Tres personas Diuinas posse dici tres res, & tres vnitates.

Probatur sequela: Quælibet relatio & subsistentia Diuina est res & vnitas: Sed sunt tres relationes & subsistentiæ Diuinæ: Ergo possunt dici tres res & tres vnitates. Adverte tamen quòd si dicerentur tres res Diuinæ periculum foret, vt nomen rei tunc significaret essentiam: Vnde explicandum esset quomodo dicerentur tres res Diuinæ, V. G. addendo quoad relationes, vt determinaretur & tolleretur omnis æquivocatio.

In 1. dist.

19. q. 3. a.

3. & dist.

25. q. 1. a.

Sequitur 317. Non posse propriè dici tria entia.

Probatur sequela: Tum propter iam

dicta, quia nomen neutrum significat  
essentiam: Tum etiam, quia ens pro-  
priè significat vel ipsam existentiam, vel  
ordinem ad existentiam: Atqui in Deo  
non sunt tres existentiae, neque tres or-  
dines ad existentiam. Ergo nec tria en-  
tia. Minor probatur. Cum enim exi-  
stentia in Diuinis sit ipsamet natura Di-  
uina etiam absque distinctione virtuali,  
neque propriè potest poni ordo etiam  
virtualis ad existentiam, neque pos-  
sunt poni plures existentiae, vel plures  
ordines ad vnam existentiam; quia exi-  
stentia sicut & natura præsупponitur ad  
personam & relationem.

4. q. 1. 2.  
veris. a.  
1. & 5.

Sequitur § 18. Non posse dici propriè *Ibid.*  
tria bona, vel tria vera.

Probatur sequela: Quia nomen neu-  
trum significat essentiam & naturam, ex  
dictis: & quia in Deo non sunt tres ve-  
ritates aut tres bonitates, vt patet ex iis,  
quæ diximus.

Sequitur § 19. Posse dici in Diuinis *1. p. q. 39.*  
tres existentes, tres veros, tres bo- *4. 3.*  
nos, tres immensos, tres æternos adie-  
ctiuè, non tamen substantiuè.

Probatur sequela: Quia nomen ad-  
iectiuum significat formam non absolu-  
tè, sed per modum adiacentis in suposi-  
to habente illam; substantivum autem  
significat formam per modum substan-  
tiæ per se subsistentis: Et ideo in ad-



jectiuis singularitas & pluralitas attenditur ex suppositis ; in substantivis attenditur ex formis vt per se subsistentibus: Atqui in diuinis sunt tria supposita , & non sunt tres formæ essentialis per se subsistentes: Ergo in Diuinis possunt adiectiua significantia aliquam rationem essentialem dici pluraliter , non autem substantiua eamdē significantia: Cum ergo hæc nomina *existens*, *verus*, *bonus*, *immensus*, *æternus* &c. significant aliquam rationem essentialem , vt pater, possunt adiectiuè dici pluraliter , non autem substantiuè. Et sic D. Athanasius dicit non esse tres immensos, tres æternos substantiuè

*Ibidem.*

Sequitur 520. Non posse dici tres Deos.

Probatur sequela: Quia deus est nomen substantivum significans naturam.

*Ibidem.*

Sequitur 520. Non posse dici absolute tres Diuinos.

Probatur sequela: Quia, licet terminus ille, *Diuius*, possit significare rationem essentialem adiectiuè ; tamen absolute positum est æquivocum, & potest conuenire etiam his, quæ non sunt Deus substantialiter, sed tantum per participationem; vnde dicimus gratiam Diuinam, effectus Diuinos, & similia.

*Ibidem.*

Sequitur 521. Posse dici tres perso-

nas Diuinas, attributa Diuina, & similia.

Probatur sequela : Quia æqui-uocatio, quæ est in illo termino, *Diuinus*, tollitur per adiunctum, scilicet, persona, attributum, & similia.

Sequitur §22. Nomina, quæ significant, essentiam, vel attributum essentialē in concreto, posse aliquando supponere pro natura diuina subsistente absolute, aliquando etiam pro vna persona, aliquando pro pluribus. *Ibidem*

Explicatur : Nomina concreta dicuntur illa, quæ significant formam vt in habente, cuiusmodi sunt Deus, æternus, Pater, &c. hæc enim significant formam vt in habente illam, v.g. Deus significat naturam Diuinam, vt in habente : vnde quamuis idem significant concretum & abstractum in diuinis, modus tamen significandi est omnino diuersus. Ex his autem nominibus aliqua significant ipsam naturam diuinam vt in habente, sicut hoc nomen Deus ; aliqua significant aliquod attributum essentialē, vt in habente, vt hoc nomen, Æternus, quod significat æternitatem vt in habente illam ; alia denique significant aliquid proprium personis, vel in communi, vt Persona, quod nomen significat personalitatem siue subsistentiam quodammodo vt in habente ;

### 310 *Secundum Doctrinam*

vel in particulari, vt Pater, quod nomen significat Paternitatem vt in habente ipsam. Dicimus ergo, quòd nomina concreta, quæ significant vel naturam, vel attributum essenziale, supponunt pro ipsa essentia vt subsistente, vt quando dicitur *Deus creat*; quandoque verò ex prædicato determinantur ad supponendum pro persona vna, vt quando dicitur, *Deus generat*; vel pro duabus, vt quando dicitur, *Deus spirat*.

Probatur ergo sequela: Nomina significantia aliquid essenziale vt in habente, tam possunt supponere pro ipsa natura subsistente absolutè, quàm pro ipsa persona subsistente incommuniabiliter; quia significant essentiam vt in habente; subsistens autem in natura absolutè, tam habet naturam, quàm subsistens in natura incommunicabiliter: Sed nomina concreta substantialia significant naturam, siue aliquid essenziale vt in habente: Ergo tam possunt supponere pro sola natura subsistente absolutè, quàm pro persona. Vnde non solùm, hæc est vera, *Deus creat*, *Deus generat*, *Deus spirat*, sed etiam istæ: *Æternus creat*, *generat*, *spirat*, & idem de aliis concretis.

*Ibid. ar. 4.* Sequitur 523. Has esse falsas absolutè, *Deus non generat*, *Deus non spirat*.

*D. Thoma Principium.* 311

*Deus est non generans, & alias similes.*

Probatur sequela: Quia nomen concretum substantiale supponit pro persona, & quando non determinatur, supponit pro habente significatum nominis substantialis, ex dictis: Sed hoc supposito omnes illæ negatiuæ sunt falsæ: *Deus non generat: Deus non est generans: Ergo, &c.* Probatur minor: quia negatio est malignantis naturæ, & in propositione negatiua prædicatum se tenet vniuersaliter; vnde idem est dicere, *Deus non generat, &c.* ac dicere, *nullus habens Deitatem generat, &c.* Hæc autem est falsa & hæretica; quia Pater est habens Deitatem, & tamen generat: Ergo, &c. dixi autem, has absolute esse falsas, quia ex aliquo addito possunt esse veræ, vt si diceremus, *Deus genitus non generat.* Vnde etiam hæc est falsa: *Deus genuit Deum, qui est Pater:* quia relatiuum *Qui* refert habentem naturam Diuinam vt in habente illam generationem. Similiter ista est falsa: *Deus Pater genuit se Deum:* quia nomen reciprocum, *se*, refert habentem naturam Diuinam cum Paternitate: ista tamen est vera Pater genuit Deum idem cum ipso Patre.

Sequitur 524. Nomina abstracta substantialia non posse supponere pro persona. *Ibid. ar. 5.*

Probatur sequela : Quia licet inter nomina abstracta & concreta non sit distinctio quoad rem significatam in Diuinis, est tamen differentia, quoad modum significandi : Atqui hoc sufficit ut nomina abstracta non possint supponere pro persona : Ergo, &c. Minor patet ex dictis ; nam ideo nomina concreta substantialia possunt supponere pro persona, quia significant naturam Diuinam ut in habente ex modo significandi : Sed abstracta non significant naturam Diuinam ut in habente propter diuersum modum significandi : Ergo abstracta non possunt supponere pro persona : unde istæ sunt falsæ, *Deitas generat : Deitas generatur, &c.*

1. p. q. 39.  
ar. 6.

Sequitur 525. Nomina abstracta personalia adiectiua non posse prædicari de substantialibus : v. g. non potest dici, *Essentia est generans, essentia est genita, &c.* substantiua tamen possunt prædicari propter identitatem, ut, *essentia est Paternitas, &c.*

Probatur sequela : Quia adiectiua significat formam ut adiacentem alteri tamquam habenti illam ; substantiua verò significant solam identitatem inter formas : Atqui falsum est, quòd significatum abstracti ex modo significandi sit significatum adiectiui ut adiacens alteri tamquam habenti ; est tamen verum in formis

*D. Thoma Principium.* 313

formis abstractis , quòd vna sit alia : Ergo , &c. Minor patet in exemplis allatis : nam falsum est , quòd essentia Divina sit ipse , qui generat tamquam habens generationem , quamvis verum sit quòd sit idem cum ipsa generatione.

Sequitur § 26. Dictionem exclusivam *Solus* cathegorematicè non posse addi affirmatiuè termino essentiali in Divinis ; bene tamen syncathegorematicè. 1. p. 9. 314

Explicatur : dictio exclusiva , *Solus* , sumitur cathegorematicè , quando suū significatum tantummodò ponit circa id , quod determinat , vel de quo dicitur ; vt cum dicitur , *Deus est solus* ; tunc enim ponit solitudinem in Deo : sumitur autem syncathegorematicè , quando non ponit suum significatum absolutè , sed dumtaxat excludit omne aliud suppositum à consortio prædicatis ; vt cum dicitur : *Solus Deus creat : Solus Deus est aternus* , &c.

Ex hac explicatione probatur sequela ex dictis : Deus non est solitarius : Sed dictio exclusiva *solus* cathegorematicè significat Deum esse solitarium : Ergo non potest dictio exclusivâ addi affirmatiuè termino essentiali. Syncathegorematicè verò nihil prohibet , vt patet in exemplo allato : *Solus Deus creat.*

Sequitur § 27. Dictionem exclusivam, *Ibidem*

Tom. I I.

Q

### 314 *Secundum Doctrinam*

*Solus*, non posse addi tecmino personali in ordine ad prædicatum essentialē, si propriè loquamur: bene autem in ordine ad prædicatum proprium illi personæ, cui adiungitur dictio exclusiua.

Explicatur: Dictio exclusiua excludit, ut diximus, omne aliud subiectum à participatione prædicati, excepto illo, cui adiungitur, & sic quando dicimus, *Solus Pater est Deus*, excludimus omne aliud subiectum vel suppositum à consortio prædicati, ita ut negemus esse aliquod aliud suppositum, quod sit Deus, excepto illo, quod vocamus Patrem in Diuinis; & sic patet manifestè propositionem illam esse falsam.

Quia tamen similes locutiones reperiuntur siue in scriptura, siue apud Patres, sic explicanda est illa propositio, *Solus Pater est Deus*. id est, ille, qui solus est Pater in Diuinis, est Deus: & hoc modo est verissima: sicut etiam ista, *Solus Pater generat*; quia tunc dictio exclusiua excludit omne aliud suppositum à consortio prædicati, ut sit sensus: nullum aliud suppositum generat in Diuinis, nisi illud, quod vocatur Pater.

1. p. 9. 39.  
a 5. Sequitur 528. Non esse inconueniens, quod in Diuinis utamur nominibus concretis & abstractis, imò esse necessarium.

Probatur sequela : Simplicia subsistentia rectè nominibus abstractis & concretis significantur & exprimuntur : Sed , vt patet ex dictis , non solum essentialia & absoluta , sed etiam propria personis Diuinis sunt simplicia & subsistentia : Ergo rectè nominibus abstractis & concretis significantur & exprimuntur. Maior est euidens , quia simplicitas nomine abstracto exprimitur ; subsistentia nomine concreto melius significatur : nam v.g. Deitas magis simplicitatem ex modo significandi denotat ; Deus vero subsistentiam eiusdem Diuinitatis importat. Et similiter Paternitas simplicitatem Diuinæ relationis exprimit ; Pater eiusdem subsistentiam designat. Hoc verò esse necessarium satis constat , quia per hoc necessario respondendum est hæreticis , & melius explicatur totum mysterium.

Sequitur 529. Has proprietates personarum Diuinarum in abstracto significatas rectè vocari notiones. x p. 9. 321  
a. 2.

Probatur sequela : Notio est , quæ aliquid innotescit : Sed per has proprietates in abstracto significatas , melius innotescunt personæ , ex dictis : Ergo , &c.

Sequitur 530. Notiones ad hoc præcisè poni , vt qualibet persona innotescat , prout est vel non est ab alia , siue vt Ibidem



innotescat secundum suam originem.

Probatur sequela: Diuinæ personæ multiplicantur secundum originem: Sed notiones ponuntur, vt innotescant Diuinæ personæ: Ergo ponuntur notiones vt innotescant, secundum quod multiplicantur per originem.

*Ibidem.*  
ar. 3.

Sequitur 531. Quinque tantum esse notiones.

Probatur sequela: Inter tres personas ratio originis quintupliciter tantum potest innotescere: primò quatenus prima à nulla alia persona habet originem; secundò, quatenus à prima secunda habet originem, idque tum ex parte primæ, tum ex parte secundæ; tertio, quatenus ab vtraque tertia habet originem, & id vel ex parte vtriusque, primæ videlicet & secundæ, vel ex parte tertiæ: Sed in Diuinis sunt tantum tres personæ, ex dictis supra: Ergo sunt tantum quinque, quibus ratio originis innotescat, atque adeo sunt tantum quinque notiones. Vnde prima persona, quæ est Pater, vt à nulla alia, innotescit per innascibilitatem; quatenus verò ab ipsa Filius ducit originem, innotescit per Paternitatem. Secunda quatenus est à Patre, innotescit per Filiationem. Prima & secunda, quatenus ab illis est tertia, innotescunt per Spirationem actiuam, & ipsa tertia inno-

*D. Thoma Principium.* 317

rescit per Spirationem passiuam, siue Processionem. Ex istis tres tantum sunt relationes constituentes personas, videlicet Paternitas, Filiatio & Processio: Quatuor sunt relationes; nam Spiratio actiua est relatio, vt supradictum est; Quatuor sunt proprietates; nam Spiratio actiua cum conueniat duabus personis, non est proprietas.

Sequitur §32. Patrem æternum esse principium. *I. p. 7. 33*  
*a. 1.*

Probatur sequela: Is, à quo alius procedit, est principium: Sed Pater in Diuinis est is, à quo alius procedit, nimirum Filius: Ergo Pater in Diuinis est principium.

Sequitur §33. Patrem æternum non proprie dici causam. *Ibidem.*

Probatur sequela: Causa dicit distinctionem substantiæ & effectus dependentiam ab ipsa: Sed inter Patrem & filiū in Diuinis non est distinctio substantiæ, ex dictis, nec consequenter est dependentia: Ergo Pater in Diuinis non potest dici causa.

Sequitur §34. Patrem posse dici rotius Trinitatis principium. *Ibidem.*

Probatur sequela: Hoc, quod est esse Trinitatis principium, non importat, quod sit principium sui ipsius: Atqui hoc excluso Pater est aliarum personarum principium: Ergo Pater potest

## 318 *Secundum Doctrinam*

verè dici totius Trinitatis principium.

5. p. 9. 39. Sequitur 535. Patrem posse dici Dei-  
n. 5. ad 6. tatis principium, dummodo hoc intel-  
ligatur in bono sensu.

Probaturs sequela: Qui est principium communicans Deitatem personis aliis, potest hoc sensu dici primum Deitatis principium: Sed hic est bonus sensus illius propositionis: Ergo, &c.

7. p. 9. 336. Sequitur 536. Hoc nomen, *Pater*, esse  
q. 2. nomen proprium Divinæ personæ.

Probaturs sequela: Nomen importans id, quo persona constituitur & distinguitur ab aliis, est proprium illius personæ: Sed hoc nomen, *Pater*, importat id, quo prima persona constituitur & distinguitur ab aliis personis Divinis, Ergo nomen, *Pater*, est proprium primæ personæ. Minor patet ex dictis: quia hoc nomine, *Pater*, importatur relatio ad Filium, ac per hoc distinctio à Filio; In eodem autem nomine importatur etiam Spiratio activa, ut dictum est, per quam distinguitur a Spiritu sancto.

Sequitur 537. Patrem æternum perfectissimo modo esse Patrem.

Probaturs sequela: Pater eo modo est pater, quo est generans: Sed Pater æternus perfectissimo modo est generans; quia communicat nedum naturam eandem specie, sed etiam numero: Ergo perfectissimo modo est Pater.

Sequitur 538. Nomen Patris melius *Ibid.* 2.  
exprimere primam personam, quàm  
nomen generantis.

Probatur sequela : Denominatio à  
perfectiōe & fine melior est, quàm  
denominatio, quæ petitur ab eo, quod  
significatur per modum viæ & fieri: Sed  
nomen Patris est denominatio à perfe-  
ctiōe & fine, quia Paternitas est veluti  
complementum generationis, quæ per  
nomen generantis, exprimitur, vt in  
fieri: Ergo nomen Patris melius expri-  
mit primam personam, quàm nomen  
generantis.

Sequitur 539. Nomen Patris per *Ibid.* 3.  
prius dici de Deo personaliter respectu  
filij, qui est Deus, quàm essentialiter  
respectu creaturarum, vt procedunt à  
Deo.

Probatur sequela : Per prius dicitur  
nomen Patris de illo, qui perfectissimo  
modo est Pater, respectu ejus, qui est  
perfectissimo modo Filius, quàm respec-  
tu eius, qui tantum est similitudinariè  
filius: Sed Pater æternus dicitur Pater  
respectu Verbi, quod est perfectissimo  
modo filius, ex dictis: respectu autem  
creaturarum Deus non est Pater, nisi  
quia creaturæ procedunt ab ipso tamquā  
vestigia, vel tamquam aliquo imperfe-  
cto modo similes, siue quoad naturam  
intellectualem, siue quoad gratiam, siue

quoad gloriā: Ergo per prius dicitur, &c.

*ibid. 44.*

Sequitur 540. Rationem ingeniti esse propriam Patri.

Explicatur. Ratio ingeniti vel innascibilis tripliter sumi potest; primò ut dicit puram negationem generationis passivæ siue filiationis; secundò prout dicit priuationem saltem aliquo modo ejusdem generationis passivæ; tertio ut dicit priuationem cuiuscumque processionis ab alio, quæ ad quamdam dignitatem spectet. Primò modo ratio ingeniti non est proprietas Patris: convenit enim etiam Divinitati ut sic siue naturæ Divinæ; Secundò modo potest priuatio dupliciter sumi; primò pro carentia in subiecto apto secundum se, & secundum propriam & peculiarem rationem; & hoc modo non sumitur ratio ingeniti; quia si Pater æternus esset suppositum aptum ad habendam generationem passivam, illâ non careret, cum sit imperfectio, non habere id, quod aliquid est natum aptum habere: sed secundo modo sumitur priuatio prout est carentia in subiecto apto non secundum se, sed apto secundum aliquid sui generis vel ordinis; quomodo Talpa potest dici priuata visu & cæca, & hoc modo Pater æternus potest dici ingenitus priuatiuè, quia licet secundum rationem propriam personæ Patris non sit

aptus ad habendam carentiam generationis passivæ; est tamen suppositum aptum in aliquo sui ordinis & quasi generis, id est, in aliqua persona Divina: nam inter personas Divinas filius est capax generationis passivæ: Et hoc modo ratio ingeni est proprietas Patris, quatenus dicit formaliter priuationem primæ processionis, & virtualiter etiam secundæ. Quod si tertio modo accipiat ratio ingeni vel innascibilis, quatenus hoc nomine intelligitur priuatio cuiuscumque processionis, clarissimè illa importat proprietatem Patris.

Prob. ergo sequela: Ratio ingeni est priuatio (modo explicato) vel generationis passivæ, ut includentis virtualiter priuationem processionis, vel est priuatio omnis processionis: Sed utroque modo (qui in idem recidit) est proprietas Patris: Ergo ratio ingeni est proprietas Patris. Maior patet ex explanatione, Minor probatur ex dictis: Soli Patri conuenit non procedere ab alio: Sed hoc exprimit ratio ingeni: Ergo soli Patri conuenit ratio ingeni, atque adeo est proprietas.

Sequitur 541. Relationem Paternitatis esse fundamentum illius negationis, quæ nomine ingeni vel innascibilis exprimitur. *Idem*

Probatur sequela: Illud est fundamen-

rum negationis vel priuationis, ex quo resultat negatio vel priuatio: Sed ex relatione Paternitatis in Divinis resultat negatio vel priuatio generationis passivæ & cuiuscumque processiois: Ergo relatio Paternitatis est fundamentum innascibilitatis vel rationis ingeniti. Minor probatur ex dictis: quia in Deo non possunt esse nisi duæ processiones; altera per intellectum, quæ est generatio; altera per voluntatem, quæ est spiratio passiva: Sed relatio Paternitatis est fundamentum negationis utriusque: Ergo relatio Paternitatis est fundamentum omnis processiois. Minor probatur: Quod est fundamentum negationis generationis passivæ, per modum oppositi relatiuè est etiam fundamentum negationis passivæ spirationis: Sed relatio Paternitatis est per modum oppositi relatiuè fundamentum negationis generationis passivæ siue filiationis, ut est evidens: Ergo est etiam fundamentum negationis spirationis passivæ, siue processiois, atque adeo utriusque. Major patet ex dictis: quia fundamentum negationis primæ processiois per modum oppositi relatiuè importat virtualiter spirationem activam; quia cum in Divinis omnia sint idem, ubi non obstat relatiua oppositio, oportet, quod spiratio activa sit idem cum Paternitate; cum

Inter Spirationem actiuam & Paternitatem non sit oppositio relatiua; atque adeo Paternitas vt importat Spirationem activam fundat negationem omnis processionis: Et cum non procedere ab aliquo sit aliqua ratio distincta saltem secundum conceptum explicitum à relatione Paternitatis, ratio ingeneri importat rationem aliquo modo distinctam à ratione Paternitatis: Et hoc modo est proprietas atque adeo notio Patris.

Sequitur 542. Rationem Verbi propriè dici in Divinis personaliter. 1. 2. 9. 347  
a. 1

Probatur sequela: Quod significatur vt aliquid ab alio procedens, dicitur propriè personaliter in Divinis: Sed ratio Verbi significatur vt aliquid ab alio procedens: Est enim Verbum, quod ab intelligente siue dicente procedit, vt patet ex dictis: Ergo ratio Verbi propriè dicitur personaliter in Divinis.

Sequitur 543. Verbum esse proprium nomen Filij. Ibid. a. 2

Prob. sequ. Quod ad intellectum pertinet & personaliter dicitur, est proprium filij: Sed Verbum ad intellectum pertinet & personaliter dicitur ex dictis: Ergo, &c. Ibid. a. 3

Sequitur 544. Verbum Divinum formaliter procedere ex cognitione Divine essentiae, omnium attributorum, personarum, & creaturarum possibilium.

Probatur sequ. Terminus cognitionis



comprehensivæ debet necessariò procedere ex cognitione Divinæ essentia, attributorum, personarum, & creaturarum possibilium: Sed Verbum Divinum est terminus cognitionis comprehensivæ: Ergo &c. Minor patet ex dictis: quia Verbum Divinum, cum sit deus, est infinitum, atque adeo debet adæquare totā cognitionem Dei, etiam ut est infinita & comprehensiva.

*Ibid.* Sequitur 545: Verbum Divinum ex vi processionis non procedere ex cognitione creaturarum ut futurarum, vel præsentium in æternitate.

Probatur sequi. Quod procedit naturaliter, & non liberè, non procedit ex vi processionis per aliquam actionem liberam: Sed Verbum Divinum procedit naturaliter, cum sit Filius & Deus, & non liberè: Ergo non procedit ex vi processionis per aliquam actionem liberam; cuiusmodi est cognitio creaturarum futurarum vel præsentium in æternitate: Hæc enim cognitio supponit actionem liberam, quā Deus liberè vult creaturas: unde & scientia libera dicitur.

*Ibidem.* Sequitur 546. Verbum Divinum procedere identicè per cognitionem creaturarum ut futurarum, quatenus est idem cum natura Divina.

Probatur sequi. Quod ex vi processionis recipit naturam Divinam, identicè

recipit omnia absoluta quæcumque identificantur cum natura Divina, quatenus identificantur: Sed Verbum Divinum ex vi processionis recipit naturam Divinam, ut dictum est supra: Ergo Verbum Divinum identicè recipit omnia absoluta quæcumque identificantur cum natura Divina: Cognitio autem futurorum, libertas & quæcumque spectant ad voluntatem identificantur cum natura Divina, ut patet ex dictis: Ergo, &c.

Sequitur 547. In nomine Verbi intelligi respectum ad creaturas.

*Ibidem.*

Probatur sequela: In Verbo terminante cognitionem omnium etiam creaturarum intelligitur respectus ad creaturas: Sed Verbum Divinum terminat cognitionem omnium etiam creaturarum possibilium: Ergo in Verbo Divino intelligitur respectus ad creaturas. Maior est evidens: quia Verbum debet exprimere quicquid cognoscitur per cognitionem, per quam procedit, & quam terminat.

Sequitur 548. Hunc respectum esse diuersum iuxta diuersitatem creaturarum.

*Ibid. ad 5*

Probatur sequela: Eodem modo se habet Verbum terminans cognitionem, quo se habet ipsa cognitio: Sed, ex dictis supra, cognitio Divina respectu

quarundam creaturarum est cognoscitiua & factiua in actu secundo, & respectu aliarum est tantum cognoscitiua in actu secundo, & factiua in actu primo: Ergo & Verbum respectu aliquarum erit cognoscitium & factium in actu secundo; respectu aliarum erit cognoscitium in actu secundo, & factium in actu primo.

*Ibidem.*

Sequitur 549. Hunc respectum non esse nisi respectum rationis.

Probatur sequela: Tum quia inter res diuersi ordinis non est relatio realis: Tum etiam, quia sicut cognitio Diuina non attingit res creatas, nisi tamquam obiectum secundarium, ut diximus; ita Verbum non debet ad illas habere respectum; nisi tamquam ad obiectum secundarium: hic autem respectus in Deo est tantum respectus rationis.

*Utd. a 2.* Sequitur 550. Nomen imaginis esse nomen personale in Diuinis.

Probatur sequela: Quæ important originem ab alio, sunt personalia in Diuinis: quia solæ personæ dicunt originem: Sed nomen & ratio imaginis importat originem; est enim imago quasi imitago, id est similitudo in specie vel aliquo, quod sit proprium naturæ specificæ expressa ab alio: Ergo nomen & ratio imaginis est quid personale in Diuinis.

Sequitur 551. Rationem imaginis esse propriam Verbo. *Ibidem.*

Probatur sequela: Illud, de cuius ratione est similitudo in natura ex vi processionis, est propriè imago; quia & habet originem, & ex vi originis habet similitudinem in natura: Atqui Verbo Diuino ex vi processionis conuenit similitudo in natura, ex dictis: Ergo Verbo diuino conuenit propriè ratio imaginis.

Sequitur 552. Verbum esse propriè ac formaliter imaginem. *Ibidem.*

Probatur sequela: Quia, vt iam diximus, ad veram & propriam & formalem rationem imaginis nihil requiritur, nisi quòd ex vi processionis sit similitudo in natura: Atqui Verbum Diuinum ex vi suæ processionis est simile in natura: Ergo est propriè ac formaliter imago.

Sequitur 553. Tertiam personam Trinitatis conuenienter vocari Spiritum sanctum. *1. p. q. 36. ar. 1.*

Probatur sequela: Quod se habet per modum impulsus ordinati in Deum, conuenienter dicitur Spiritus sanctus; quia ipse impulsus dicitur Spiritus, & ex hoc, quòd est ad Deum, dicitur sanctus: Sed tertia persona Sanctissimæ Trinitatis procedit per modum impulsus, & in ordine ad Patrem & ad Fi-

lium, à quo procedit, & qui est Deus: Ergo, &c. Minor patet ex dictis supra, quia tertia Persona procedit per modum amoris; amor autem est quidam impulsus in rem amatam.

*Ibid. a 2.* Sequitur 554. Spiritum sanctum procedere à Patre & Filio.

Probatur sequela: Persona, quæ distinguitur realiter ab alia in Diuinis, procedit ab illa, vel è contra; quia in Diuinis omnia sunt ijdem vbi non obstat relatio originis: Sed Spiritus sanctus distinguitur à Patre & Filio, vt est de fide: nec Pater & Filius à Spiritu sancto procedunt; cum Pater sit Principium ingenitum, & Filius sit terminus primæ processions, ex dictis: Ergo Spiritus sanctus debet procedere à Patre & Filio.

*Ibidem.* Sequitur 555. Quòd si Spiritus sanctus non procederet à Filio, non distingueretur ab illo.

Probatur sequela: Personæ, inter quas non est oppositio relatiua originis, non distinguuntur in diuinis: Sed si Spiritus sanctus non procederet à Filio, inter Filium & Spiritum sanctum non esset oppositio relatiua originis; hæc enim vel est ipsa processio, vel fundatur in processione, vt constat ex dictis: Ergo, &c.

*Ibidem.* Sequitur 556. In illa suppositione im-

possibili, quòd Spiritus sanctus non procederet à Filio, Filium non fore filium, atque adeo nec Patrem fore Patrem.

Probatur sequela: Si filius procederet per intellectum & voluntatem non esset propriè & adæquatè filius; sed esset vna persona, quæ simul esset filius & Spiritus sanctus, quia, vt diximus, non distinguerentur: Atqui hoc casu impossibili posito filius non esset filius; cum ex vi processionis non magis procederet vt similis in natura, quàm vt non similis: Ergo, &c. Minor patet: nam quâ parte filius siue illa persona procederet per voluntatem, non procederet vt similis ex vi processionis: Si autem filius non esset propriè filius, Pater non esset Pater; cum Pater dicatur per ordinem & respectum ad filium, vt filius est.

Sequitur 557. filium in Diuinis recipere à Patre virtutem spirandi. *Ibid. 4. 3.*

Probatur sequela: Quicquid habet filius recipit à Patre: Sed habet virtutem spirandi, ex dictis: Ergo illam recipit à Patre. Maior est certa: quia filius recipit à Patre naturam, cum qua identificantur omnia: Ergo debet recipere à Patre quicquid non habet oppositionem relativam cum filiatione: Sed virtus spiratiua non habet oppositionem

relatiuam cum filiatione, vt patet : Ergo debet recipere à Patre virtutem spiratiuam.

*Ibidem.*

Sequitur 558. filium in Diuinis recipere à Patre ipsam Spirationem actiuam, quatenus est actio producens Spiritum sanctum.

• Probatur sequela : Spiratio actiua vt actio nihil importat nisi vim spiratiuam & connotat subsistentiam siue suppositum, in quo est : Sed Filius recipit à Patre vim spiratiuam ex dictis : Ergo recipit à Patre ipsam Spirationem actiuam prout est actus. Neque vero imaginandum est, quòd filius recipiat à Patre virtutem aliquam spiratiuam veluti potentialem, quâ deinde ipse filius utatur, & cui utendo illâ superaddat vltimam actualitatem, sed recipit à Patre virtutem spiratiuam per modum actus secundi ; & recipiendo illam simul cum natura ex vi processioneis, constituitur filius & suppositum actu spirans.

*Ibidem.*

Sequitur 559. Rectè dici posse, Spiritum sanctum procedere à Patre per Filium.

Probatur sequela : Qui procedit ab aliquo vt recipiente virtutem & actionem productiuam ipsius ab alio, rectè dici potest procedere ab isto per illum : Sed Spiritus sanctus procedit à Filio vt recipiente vim & actionem spirandi à

*D. Thoma Principium.* 331

Patre : Ergo rectè dici potest, quòd procedit à Patre per Filium. Maior declaratur ; quia ad hoc , vt quis dicatur operari per alium, sufficit quòd alius recipiat ab illo priore virtutem , vel motum , quo iste alius operatur , & sic homo dicitur operari per ferram , v. g. vel aliud instrumentum , quia instrumentum accipit vim scindendi artificiosè ab ipso homine , imò & ab illo recipit motum. Nec tamen hinc inferendum est, vel Filium nihil agere , vel se habere vt instrumentum , aut vt causam secundam ; Ratio est, quia illa virtus & actio, quâ spirat est eadem omnino ac virtus & actio , quâ Pater spirat : vnde sicut illa virtus & actio constituunt Patrem vt principium principale & non instrumentale ; ita etiam constituit Filium vt principium Spiritus sancti , non instrumentale , sed principale hoc sensu, quòd filius est idem omnino principium Spiritus sancti cum Patre , solâ personarum distinctione seruata , ita nihilominus vt persona Filij habeat à persona Patris illam vim spiratiuam in actu secundo ; & quia illam habet à Patre , Pater dicitur spirare per Filium tamquam per suppositum distinctum , cui communicat vim spirandi in actu secundo.

Sequitur 560. Patrem & Filium esse *Ibid ar. 4.*  
vnum principium Spiritus sancti.



Probatur sequela : Qui habent vnam numero virtutem & actionem , etiam si realiter in ratione suppositi distinguantur , sunt vnum principium : Sed Pater & Filius habent vnam & eandem numero virtutem & actionem spiratuiam , ex dictis : Ergo sunt vnum principium Spiritus sancti. Maior probatur : quia nomen substantiuum , siue forma significata per nomen substantiuum , non multiplicatur , nec dicitur pluraliter , nisi sint distinctæ formæ ; nam si per impossibile vna & eadem albedo esset in pluribus subiectis , non possent dici plures albedines , possent tamen dici plura alba ; quia substantiuum accipit vnitatem vel multipliciter à forma significata , adiectiuum verò à supposito vel subiecto ; aliàs possemus dicere esse tres Deos , quia sunt tria supposita habentia Deitatem : hoc tamen est falsum , vt patet ex dictis supra.

*Ibid. ad 7*      Sequitur 561. Patrem & Filium esse vnum spiratorem.

Probatur sequela : Spirator est nomen substantiuum significans principium spirandi : Sed Pater & Filius sunt vnum principium spirandi , ex dictis : Ergo sunt etiam vnus Spirator , sumendo , Spiratorem substantiuè , vt debet sumi.

*Ibidem.*      Sequitur 562. Patrem & Filium posse

congruenter & verè dici duos spirantes.

Probatur sequela: Duæ personæ habentes vnam & eandem spirationem possunt dici duo spirantes: Sed Pater & Filius sunt duæ personæ habentes vnam & eandem numero spirationem: Ergo possunt dici duo spirantes. ~~Major~~ constat ex dictis, quia adiectiua supponunt pro suppositis vel subiectis.

Sequitur 563. Spirationem actiuam *Ex eodem loco.* distinguere virtualiter à Paternitate & Filiatione.

Probatur sequela: Quod est idem cum duobus etiam infinitis, quæ non sunt idè inter se, debet distinguere virtualiter ab illis, ex dictis supra: Sed Spiratio actiua est idem cum Paternitate & Filiatione, quæ non sunt idem inter se, imò distinguuntur realiter, vt ostendimus: Ergo Spiratio actiua debet distinguere virtualiter à Paternitate, & à Filiatione.

Sequitur 564. Spirationem actiuam *Ibid. ad 1<sup>am</sup>.* ex propria ratione exigere esse in duobus suppositis realiter distinctis.

Probatur sequela: Amor amicitie propriè ex propria ratione exigit esse in duobus suppositis realiter distinctis: Sed spiratio actiua est amor amicitie inter Patrem & filium: Ergo Spiratio actiua exigit ex propria ratione esse in duobus suppositis realiter distinctis. Maior est

### 334 *Secundum Doctrinam*

euidens : quia amor amicitiae ex propria ratione exigit amorem & redamationem ; per hoc enim differt à simplici beneuolentia , vt aliàs diximus.

*x. p. 937.  
ar. 1.*

Sequitur 565. Spiritum sanctum propriè esse amorem , sumendo amorem non pro actu , sed pro termino actus.

Probatur sequela : Persona procedens per amorem est terminus actus amoris , vt patet ex terminis : Sed Spiritus sanctus est persona procedens ex amore inter Patrem & Filium : Ergo est terminus amoris , atque adeo potest dici amor , quia non habemus nomen , quo exprimamus terminum illius actus , qui est amor.

*Ibid ad 2.*

Sequitur 566. Patrem & Filium diligere se Spiritu sancto.

Probatur sequela : Qui se diligunt , diligunt se amore non solum eo , qui est actus , sed etiam eo , qui est terminus actus : Sed Pater & Filius se diligunt : Ergo diligunt se amore , qui est actus , & amore , qui est terminus actus. Cum ergo Spiritus sanctus sit amor , qui est terminus , Pater & Filius diligunt se Spiritu sancto. Maior probatur : Quando terminus in ipso actu includitur etià secundum modum intelligendi , id , quod dicitur tale ab actu , potest dici tale à termino actus , v. g. quia in calefactione intelligitur calor productus , possu-

mus dicere , quòd ignis calefacit calefactione, & etiam calore producto; & quia in ipsa floritione includuntur flores tamquam terminus , possumus dicere, quòd arbor floret floritione & floribus. Quando verò in actione non importatur determinatus terminus , non potest agens denominari agens à termino : Vnde, quia producere vt sic non importat florem , non possumus dicere quòd arbor producit florem flore, sed tantum floritione. Hinc est quòd non possumus dicere , quòd Pater intelligit , vel est sapiens Verbo , vel generat Filio, vel spirat Spiritu sancto; Cuius rei ratio est , quia quando actio exprimitur, vt dicens præcisè ordinem & veluti relationem ad terminum tamquam effectum aut productum , tunc agens non potest denominari à termino , quia tunc terminus non est de conceptu actionis , quamvis ordo ad terminum sit de conceptu illius: & sic quia generatio dicit ordinem ad terminum tamquam quid per se terminans vim actionis , generans non potest denominari ab illo termino , atque adeo non potest dici , quòd Pater generet Filio , nec quòd Pater & Filius spirant Spiritu sancto , sed debet dici, quòd Pater generat Filium , & Pater & Filius spirant Spiritum sanctum: sed quando terminus ingreditur conceptum ac-

tionis in ordine ad alium terminum : tunc potest agens denominari à termino ingrediente conceptum actionis , & sic est in proposito , nam diligere notionale importat & actionem , scilicet amorem ; & terminum , scilicet , Spiritum Sanctum ; & præterea importat terminum alium , siue potius obiectum , quod diligitur , scilicet Patrem & Filium , ideo potest dici , quòd Pater & Filius diligunt se Spiritu Sancto , sicut etiam potest dici , quòd Pater dicit se & omnia Verbo.

*Ibid.*  
*ad 3.*

Sequitur 567. Spiritum Sanctum non procedere formaliter ex amore creaturarum possibilium , ut merè possibiles sunt.

Probatur sequela : Creaturæ ut possibiles non amantur à Deo , ut diximus supra : Ergo Spiritus Sanctus non procedit ex amore creaturarum possibilium.

*1. p. q. 38.*  
*2. r. 1.*

Sequitur 568. Donum esse nomen proprium Spiritus Sancti.

Probatur sequela : Quod importat originem per voluntatem & amorem , est propriè donum : Sed Spiritus Sanctus importat originem per voluntatem & amorem : Ergo est donum propriè , & ita propriè , ut non conveniat alteri esse donum nisi ratione ipsius. Maior probatur : quia donū est ipsius dantis siue potius est à dante ; hoc autem , quod est esse

esse ab alio propriè importat originem: donum etiam esse debet gratuitum & liberaliter alteri concessum: hæc verò esse non potest nisi ex amore; quia amor est ratio dandi liberaliter: Donum ergo importat originem per amorem.

Sequitur 569. Rationem doni posse aliquo modo convenire ipsi essentiæ Divinæ, imò & toti Trinitati, sed non ita propriè. *ibidem*

Probatur sequela: Quia ratio doni importat esse alicuius; essentia autem est Dei per identitatem: Et tota Trinitas est Dei etiam per identitatem, & Filius est Patris per originem. Sed quia ratio doni proprijsimè dicti importat, quòd sit ab alio, non ita propriè convenit essentiæ: Vnde quando dicitur essentia data Filio, hoc idem est, ac essentia est communicata Filio, sicut & Spiritui Sancto; sed nec essentia importat originem nec communicatio essentiæ est gratuita: respectu autem creaturarum ratio doni convenit Spiritui sancto tamquam amori, qui est primum donum.

Sequitur 570. Optimè dici posse, quòd tres personæ sunt vnius essentiæ vel vna essentia est trium personarum. *1. p. 9 384  
a. r. 2.*

Probatur sequela: Tres personas esse vnius essentiæ, vel vnam essentiam esse.

Tom. II.

P.

trium personarum, nihil aliud significat, nisi vnā essentiam, quatenus à nobis intelligitur esse in tribus personis, quæ veluti habent illam: Sed hoc est verum ex dictis, Ergo &c. Maior probatur: Quia tres personas esse vnius essentia nihil aliud significat, nisi tres personas habere vnā & eandem essentiam; suppositum enim intelligitur à nobis vt habens naturam: Similiter vnā esse essentiam trium personarum, nihil aliud sonat, nisi vnā essentiam esse in tribus personis vt habentibus illam.

*18.4.7.*

Sequitur 571. Conuenienter essentialia attributa posse appropriari personis.

Probatur sequela: Quod manifestat mysterium Trinitatis, conuenienter fit: Sed appropriatio essentialium facta personis manifestat mysterium Trinitatis: Ergo, &c. Maior est evidens, quia mysterium Trinitatis est obscurum, atque adeo conueniens est, vt manifestetur. Minor probatur: Quia quando quæ sunt intellectus diuini appropriantur Filio, manifestatur, quod filius in Diuinis procedit per intellectum; & quando, quæ sunt voluntatis appropriantur Spiritui Sancto, manifestatur quod Spiritus Sanctus procedit per voluntatem; & vtrumque est per viam similitudinis: Quando verò quæ sunt poten-

*D. Thomæ Principium.* 339

riæ appropriantur Patri, manifestatur per viam dissimilitudinis, quia ostenditur, quod Pater in Diuinis non est senex & imbecillis: sicut frequenter contingit in humanis: Quomodo verò essentialia à sacris Doctoribus appropriantur personis Diuinis, vide in D. Thom. 1. p. q. 39. art. 8.

Sequitur 572. Personam Diuinam non constitui in ratione personæ per aliquam rationem absolutam. 1. q. 40.  
d. 1. & 2.

Probatur sequela: Quod non distinguitur per aliquam rationem absolutā non constituitur per aliquā rationē absolutā: Sed, ex dictis, nulla persona Diuina distinguitur ab alia per aliquam rationem absolutam: Ergo non constituitur per aliquam rationem absolutam. Maior patet: quia idem est constitutum & distinctivum.

Sequitur 573 Personam Diuinam constitui per aliquam rationem relativam. *Ibidem*

Probatur sequela: Quod constituitur, & tamen non constituitur per rationem absolutam in Diuinis debet constitui per relativam: Sed persona Diuina constituitur aut saltem concipitur à nobis constitui, & non per aliquā rationem absolutā: Ergo per relativam.

Sequ. 574. Personā diuinam constitui per relationem, non quidem vt relatio est præcisè; sed vt relatio diuina est. *Ibidem*



Prob. sequela : Explicando prius, quod intendimus: Persona Diuina etiam vt persona duo habet; primum est, quod sit subsistens; secundum est quod sit incommunicabilis, siue quod incommunicabiliter sit subsistens: hæc enim vtraque ratio requiritur ad rationem personæ; quia vt supra dictum est, subsistentia absoluta non constituit personam, quippe quæ non facit subsistere incommunicabiliter, adeoque non est substantia distincta à qualibet alia. Relatio etiam Diuina duo habet; primum est, quod sit relatio; secundum est, quod sit diuina: Relatio diuina præcisè vt relatio, non dat subsistere; aliàs omnis relatio etiam creata daret subsistere, quod patet esse falsum; sed vt Diuina dat subsistere: relatio verò vt relatio dat distinctionem ab eo, cui opponitur relatiuè, atque adeo relatio, vt relatio est dat incommunicabilitatem respectu eius, cui opponitur relatiuè.

Probat ergo sequela: Vt aliqua ratio constituat personam diuinam, duo debet præstare, nimirum subsistentiam & incommunicabilitatem, vt patet ex dictis: Sed relatio diuina vtrumque præstat distinctionem nimirum & incommunicabilitatem: Ergo, &c.

*Ibidem.*

Sequitur § 75. Relationem Diuinam secundum conceptum explicitum & in-

adæquatum relationis vt sic, non constituere personam.

Prob. sequ. Quod non dicit subsistentiam, secundum quod non dicit illam, non potest constituere personam; cum de ratione personæ sit subsistentia: Sed relatio Diuina secundum conceptum explicitum & inadæquatum relationis vt sic non dicit subsistentiam: Ergo secundum hunc conceptum explicitum & inadæquatum non constituit saltem adæquatè personam diuinam.

Sequitur 576. Relationem diuinam secundum conceptum explicitum & inadæquatum Diuinæ subsistentiæ vt sic præcisè, non constituere personam diuinam. *Ibidem.*

Probatur sequela: Quod non præstat incommunicabilitatem, sub illo conceptu explicito, secundum quem illum non præstat, non potest constituere personam: Sed relatio Diuina secundum conceptum explicitum Diuinæ subsistentiæ non præstat, siue non concipitur præstare incommunicabilitatem vel distinctionem; aliàs subsistentia absoluta, quæ Diuina est, etiam constitueret personam; quod falsum esse constat ex dictis: Ergo relatio Diuina secundum conceptum subsistentiæ Diuinæ non constituit personam.

Sequitur 577. Vtrumque conceptum *Ibidem.*

relationis Diuinæ, id est, conceptum explicitum relationis & conceptum Diuinæ, in quo implicite involvitur ratio substantiæ, requiri ad constitutionem personæ.

Probatur sequela: Ad constitutionem personæ duo conceptus requiruntur, scilicet conceptus substantiæ, & conceptus incommunicabilitatis: Sed hi duo conceptus non possunt nisi per duos alios præstari, videlicet per conceptum relationis, ut Divina est & subsistens, & per conceptum relationis, ut relatio est, sicut patet ex dictis: Ergo uterque conceptus requiritur:

*Ibidem.*

Sequitur 578. Personam diuinam non constitui per origines, siue per actus notionales, ut sic.

Explicatur: Origines siue actus notionales in diuinis sunt ipsæ processiones, V. G. Generatio actiua, & passiva, Spiratio actiua, & spiratio passiva, siue processio: Hi actus notionales duo dicunt, nimirum actum quemdam intellectus aut voluntatis Diuinæ, & personam siue substantiam; nam V. G. Generare dicit intelligere, & addit etiam Paternitatem, sicut diximus supra de ipsa dicere; generatio passiuè sumpta dicit ipsum intelligi; & addit Filiationem siue substantiam Verbi. Similiter Spi-

ratio actiua duo dicit, nimirum diligere, & addit duas subsistentias, nimirum Paternitatem & Filiationem, vt constat ex dictis supra: Spiratio passiuæ siue processio dicit ipsum diligere, siue amorem, & addit subsistentiam Spiritus Sancti, quam deffectu nominum explicamus nomine Spirationis passiuæ, siue processionis. Quod ergo intendimus, est, ipsos actus notionales sub conceptu actuum notionalium non constituere personas Diuinas.

Probatur sequela: Quod non significatur sub conceptu intrinseci constitutiui personæ, sed potius vt præsuppositum vel vt via, non potest sub illo conceptu esse illius constitutivum, vt ex terminis videtur euidens: Sed actus notionales, vt exprimuntur sub conceptu actuum notionalium, non significantur sub conceptu intrinseci constitutiui personæ, sed vel vt aliquid præsuppositum, vel vt via ad constitutivum: Ergo actus notionales siue origines sub illo conceptu significantur, vt quid progrediens ab vna persona, & tendens in aliam, V. G. Generatio significatur sub conceptu generationis, vt via progrediens & tendens à Patre ad Filium; unde præsupponit quodammodo Patrem, & concipitur vt via ad constituendum Filium.

Nec valet, si dicas actus notionales esse veluti fundamentum relationum: fundamentum autem est quodammodo prius ipsa relatione; unde actus notionales sunt quodammodo priores ipsis relationibus, atque adeo, cum concipiuntur advenire relationes, jam concipiuntur constitutæ personæ, saltem illæ, quæ sunt principia actuum notionalium; **V. G.** Relatio Paternitatis fundatur in generatione actiua, & concipitur ex illa consurgere: Ergo generatio actiua concipitur ut prior Paternitate: cum ergo aduenit Paternitas, jam concipitur principium generationis actiue constitutū; non per ipsam relationem Paternitatis, quæ concipitur ut posterior, utpote consurgens ex generatione actiua tamquam ex fundamento: Ergo concipitur principium generationis siue generans constitutum in ratione personæ, antequam concipiatur relatio, atque adeo generans debet constitui per ipsam generationem, non per relationem: Ergo per actum notionalem constituitur in ratione personæ.

Non valet, inquam, quia hec inconueniens, quod opponitur, æque urget, si dicamus personas constitui per actus notionales: quod sic ostenditur. Actiones sunt suppositorum, unde agere ut principium quod, præsupponit suppo-

fitum constitutum : Sed actus notionales vt sic concipiuntur per modum actionum : Ergo concipiuntur per modum alicuius præsupponentis supposita : Sicut ergo , qui dicunt personas cōstitui per actus notionales , coguntur asserere , quòd hi actus duo munia præstant , cōstituēdi personas , & agendi notionaliter , & sic hi actus secundū prius munus , sunt quodammodo priores seipsis secundū munus posterius : ita nos , qui ruemur relationes constituere personas , dicimus , quòd relationes Divinæ ex eo quòd relationes Divinæ , duo munia inadæquata præstant ; primum est facere subsistere incommunicabiliter ; secundū est referre in actu exercito ; & secundū prius illud munus inadæquatum sunt priores seipsis secundū alterum munus ; quamvis etiam in illo priori munere subsistendi incōmunicabiliter implicitè inuoluatur relatio , quæ facit in Divinis distinctionem & incommunicabilitatem . Quia enim nos in rebus creatis concipimus subsistentiā incōmunicabilē absque relatione hinc est , quod concipimus in deo subsistentiam incōmunicabilē non conceptu relatione explicitè , quamvis implicitè involvatur in conceptu subsistentiæ incommunicabilis ; & sic , concipimus relationem non explicitè , sed implicitè , concipi-

piendo explicitè substantiam incommunicabilem; sub quo conceptu relatio constituit personam, & est prior seipsâ, ut concipitur sub conceptu explicito relationis: reipsâ tamen relatio, ut relatio Diuina constituit personam, & est idem omnino in Deo etiam absque distinctione virtuali & cum persona, & cum suo fundamento, & cum actu notionali, quamvis distinguatur per conceptus inadæquatos, quos formamus per analogiam ad similes conceptus in rebus creatis repertos,

*Ibid: &  
q. 36. a. 4.  
ad. 1.*

Sequitur 579. Spirationem activam non constituere vnâ personam.

Probatur sequela: Relatio, quæ in diuinis ex propria ratione exigit duas personas & vnâ virtutem, non constituit vnâ personam: Sed, ex dictis, Spiratio ex propria ratione exigit duas personas, & vnâ virtutem Spirativam. Ergo non constituit vnâ personam.

Sequitur 580. Si fiat abstractio relationis constitutiue à persona, quomodo sit abstractio vniuersalis à particulari, V. G. generis à differentia, non remanere personam, sed solam essentiam.

Probatur sequela: Abstracto constitutivo non remanet constitutum, ut est evidens: Sed ablata siue abstracta relatione constitutiua, abstrahitur constitutivum personæ: Ergo abstracta relatio.

ne, V. G. Paternitate, non remanet persona, sed sola essentia Diuina. 1. p. 9. 40.

Sequitur 581. Quòd, si fiat abstractio relationis vel proprietatis non constitutivæ, remanet persona, art. 3.

Probatur sequela: Ob contrariam rationem, quia semper remanet constitutivum; unde abstracta relatione Spirationis activæ, vel proprietate ingeneri à Patre, remanet persona Patris.

Sequitur 582. Actus notionales esse attribuendos personis. 1. q. 9. 41.  
ad 1.

Probatur sequela: Origo vnius ab alio non potest designari nisi Per aliquos actus: Sed Diuinis personis attribuenda est origo: Ergo Diuinis personis attribuendi sunt actus: Hi autem actus vocantur notionales, quia per illos innotescit persona Diuina.

Sequitur 583. Hos actus notionales non esse à voluntate, vt à principio, quatenus voluntas distinguitur à natura. Ibid. art. 3.

Explicatur: Voluntas dupliciter potest considerari; primò vt natura quædam est, & hoc modo agit per modum naturæ; secundò potest considerari voluntas vt distinguitur à natura; & hoc modo agit liberè, & non vt determinata ad vnum. Deinde voluntas etiam vt libera, potest considerari, vel vt principium actus, qui dicitur produci à



voluntate ; secundo non ut principium, sed concomitanter : quomodo possum dicere, quod ego sum voluntate mea, non quidem ut principio, quia voluntas mea non est principium meae existentiae, sed quia voluntas mea concomitatur meam existentiam. Dicimus ergo voluntatem Divinam, ut distinguitur contra agens per naturam, sive ut dicitur agens liberum, non esse principium actuum notionalium.

Probatur sequela : Agens determinatum ad unum, non est agens voluntate, ut principio, quatenus voluntas distinguitur ab agente naturali : Sed actus notionales sunt ab agente determinato ad unum ; Ergo actus notionales non sunt à voluntate ut principio, quatenus voluntas distinguitur ab agente naturali. Maior est evidens : quia agens determinatum ad unum non habet nisi unam formam, per quam agit : quod autem agit voluntate ut principio prout voluntas distinguitur ab agente naturali, non habet unam formam, per quam agit, quia agit per formam intellectam ; formae autem intellectae sunt plures. Minor verò est etiam evidens ex dictis, quia Pater generat hunc Filium in Divinis ut determinatus ad unum ; & similiter Pater & filius ut unum principium spirant determinatè hunc Spiritum Sanctum.

Sequitur 584. Actus notionales posse dici voluntarios concomitanter. *Ibidem.*

Probatur sequela : Esse voluntarium concomitanter , nihil aliud est , quam voluntatem etiam liberam concomitari id, quod sic dicitur voluntarium: Atqui certum est, quod voluntas etiam libera concomitatur actus notionales; nam Pater voluntariè & liberè complacet sibi in generatione filij, sicut & complaceat sibi in propria existentia : Ergo &c.

Sequitur 585. Actus notionales esse voluntarios , largè accipiendo voluntarium. *Ibidem.*

Probatur sequela : Quod est à principio intrinseco cum cognitione, est voluntarium , largè sumendo nomen voluntarij : Sed actus notionales sunt à principio intrinseco , cum cognitione; sunt enim actus intellectus , & voluntatis : Ergo actus notionales possunt in hoc sensu dici voluntarij.

Sequitur 586. Spirationem adhuc magis strictè posse dici voluntariam. *Ibidem.*

Probatur sequela : Quod est à voluntate ut principio *quo* , etiam si sit à voluntate ut naturâ , potest dici magis strictè voluntarium , ut patet : Sed actus Spirationis est à voluntate , ut principio : Ergo quamvis sit à voluntate ut naturâ , potest dici voluntaria.

*Ibidem.*

Sequitur 587. Spirationem activam non esse formaliter liberam, sed tantum concomitanter:

Probatur sequela: Quod est à voluntate ut naturâ tamquam à principio, & ab eâdem ut liberâ tantum concomitanter, non est formaliter, sed tantum concomitanter liberum, ut patet ex terminis: Sed, ex dictis, Spiratio activa non est à voluntate tamquam principio nisi ut naturâ, & ut ab agente determinato ad unum; & tantum est à voluntate ut liberâ concomitanter: Ergo Spiratio activa non est formaliter libera, sed concomitanter.

*Ibidem.*

Sequitur 588. Spiritum Sanctum ex vi processioneis non procedere ex amore creaturarum existentium.

Probatur sequela. Amor creaturarum existentium est formaliter liber, ut certum est: Sed Spiritus Sanctus non est ex vi processioneis per Spirationem, quæ sit amor liber: Ergo Spiritus Sanctus non est ex vi processioneis formaliter ex amore creaturarum existentium. Et idem argumentum fieri potest de generatione Verbi.

*Ibidem.*

n. 3.

Sequitur 589. Actus notionales non esse de nihilo, vel ex nihilo.

Prob. seq. Termini actionum quæ sunt de nihilo vel ex nihilo sunt à Deo liberè facti: Sed termini actuum notionalium

*D. Thoma Principium.* 351

lium non sunt facti liberè, sed filius est genitus & Spiritus Sāctus est procedēs: Ergo actus notionales non sunt de nihilo vel ex nihilo. Major est evidens, quia creari est fieri: Quod autem est ex nihilo creatur. Minor est etiam certa, ex dictis, quia filius ex vi processionum recipit naturam Diuinam, & Spiritus Sanctus recipit amorem: Sed neque naturæ Diuinæ neque amori competit fieri etiam ut quo: Ergo, &c.

Sequitur 590. Actus notionales esse de substantia Diuina. *Ibidem*

Probatur sequela: Actus, quorum termini sunt consubstantiales principio, optimè dici possunt de substantia: Sed termini actuum notionalium sunt consubstantiales ipsi principio, à quo procedunt: Ergo, &c. Maior patet: quia aliquid dicitur esse de aliquo vel tamquam de principio actiuo, sicut filius dicitur esse de patre, vel sicut de materia sicut cultellus dicitur esse de ferro, vel sicut de principio formali subsistente sicut Angelus dicitur esse de natura intellectuali: Sed per hæc omnia non denotatur nisi quædam consubstantialitas terminorum, ut patet: Ergo actus, quorum termini sunt consubstantiales, optimè dici possunt de substantia.

Sequitur 591. Esse in Diuinis potentiam respectu actuum notionalium. *Ibidem*  
art. 24.

## 332 *Secundum Doctrinam*

Probatur sequela : Vbi est actus, est principium actus : Sed potentia est principium actus notionalis, qui ex dictis est in Deo : Ergo est etiam in Deo potentia respectu actuum notionalium. Nota quòd nomine potentiae intelligitur vis actiua.

*Ibid. 4. 5.*

Sequitur 592. Potentiam ad actum notionalem importare naturam Diuinam in recto, & relationem in obliquo.

Probatur sequela : Principium, quo agens agit, importat in recto naturam, si natura sit ipsa virtus agendi : Sed potentia ad actum notionalem, est principium, quo vna persona agit & producit aliam, vt patet ex dictis : Ergo in Deo, in quo virtus actiua est ipsa substantia, potentia ad actum notionalem importabit substantiam : & potentia quidem ad generationem importabit naturam, vt natura est ; potentia vero spiratiua importabit substantiam, quatenus est ipsa voluntas. In obliquo tamen potentia generatiua importabit Paternitatem, ita vt intellectus vt natura non sit potentia generatiua, nisi vt connotat ipsam Paternitatem, tamquam constitutiui principij quod ipse generationis, & voluntas Diuina non importabit potentiam spirandi, nisi vt connotat Paternitatem & Filiationem vt constitutiui duorum spirantium, qui

sint nihilominus vnum principium, ratione vnius virtutis spiritaliæ, vt supra explicatum est.

Sequitur 593. Nullum actum notionalem posse terminari ad plures personas. *Ibidem. ar. 6.*

Probatur sequela: Vbi non possunt esse plures termini vnius & eiusdem actus, non potest actus ille terminari ad plures terminos: Sed in Diuinis non possunt esse plures termini vnius & eiusdem actus notionalis: Ergo, &c. Minor probatur: Vbi non est distinctio materialis actuum, & quilibet actus terminatur naturaliter ad omnia, ad quæ potest secundum suam rationem terminari, & terminus est infinite perfectus, non possunt esse plures termini vnius & eiusdem actus notionalis: Sed in Diuinis non est distinctio materialis, sicut non est materia, ex dictis, & quilibet actus terminatur per modum naturæ ad omnia, ad quæ potest terminari, quia, vt diximus, quilibet actus est infinitus, sicut & terminus siue persona quælibet est infinita, vt supra probatum est: Ergo, &c.

Sequitur 594. In Diuinis esse æqualitatem. *1 p. 9. 42. ar. 1.*

Probatur sequela: Vbi sunt tres personæ habentes eandem naturam, idem esse, & eandem operationem, est æqua-

litas, non quantitatis molis, sed virtutis: Arqui in Deo sunt tres personæ habentes eandem naturam, idem esse, eandem operationem, vt constat ex dictis: Ergo, &c.

Sequitur 595. Hanc æqualitatem Diuinarum personarum inter se, non esse aliam relationem, quàm illam, quâ inter se distinguuntur.

Probatür sequela: Vna relatio non refertur ad aliam alia relatione: Sed personæ Diuinæ sunt ipsæmet relationes, quibus distinguuntur: Ergo personæ Diuinæ non referuntur alia relatione; atque adeo relatio æqualitatis non est alia relatio à relationibus, quibus distinguuntur. Maior patet: quia aliàs daretur processus in infinitum: si enim vna relatio referretur aliâ relatione, rursus ista referretur aliâ, & sic in infinitum.

*Ibid ar. 3.*

Sequitur 596. Personas Diuinas esse coæternas.

Probatür sequela: Personæ, quarum vna procedit ab alia tamquam ab agente naturali, perfecto, æterno, non per actionem successiuam, debent esse coæternæ: Sed personæ Diuinæ ita se habent; nam à Patre perfecto & æterno tamquam ab agente naturali procedit Filius, & à Patre ac Filio vt vno principio perfecto & æterno vt ab agente

naturali procedit Spiritus sanctus ; & neutra illarum actionum siue processio-  
num est actio successiua , sicut nec ma-  
terialis & cum motu , vt constat ex di-  
ctis : Ergo , &c.

Sequitur 597. In Diuinis esse ordi- *Ibid. a. 3.*  
nem naturæ absque prioritate.

Probatur sequela : Vbi est origo , est  
etiam ordo naturæ , & si sit origo vnus  
æterni ab altero coæterno , ille ordo est  
absque prioritate : Sed in Diuinis est  
origo vnus personæ æternæ ab altera  
coæterna , ex dictis : Ergo est etiam or-  
do naturæ absque prioritate. Intellige  
de prioritate instantis , *in quo.*

Sequitur 598. Filium in Diuinis esse *Ibid. ar. 4.*  
æqualem Patri secundum magnitudi-  
nem.

Probatur sequela : Perfectio naturæ  
est magnitudo Diuina : Sed Filius est  
æqualis Patri in perfectione naturæ :  
Ergo est æqualis Patri in magnitudine.  
Maior patet : quia in rebus immateria-  
libus non est alia magnitudo , quàm ip-  
sa perfectio ; & in Deo nulla perfectio  
est accidentalis , vt supra ostendimus.  
Minor iam probata est , quia in Diuinis  
Filius recipit eandem omnino naturam  
cum omni ipsius perfectione.

Sequitur 599. Patrem esse in Filio , *Ibidem*  
& Filium in Patre , & Spiritum sanctum *ars.*  
in utroque , & utrumq; in Spiritu sancto.



Probat<sup>ur</sup> sequela : Vbi vna & eadem est essentia in pluribus sola relatione originis inter se distinctis , vnus est in alio , & è contra : Sed in Diuinis personis est vna & eadem essentia in tribus sola relatione originis inter se distinctis , ex dictis : Ergo vna persona Diuina est in alia. Maior patet : quia vbi est vna essentia in pluribus sola relatione originis distinctis , oportet , quòd quilibet sit sua essentia , atque adeo , quòd quilibet sit , vbi est sua essentia : Sed essentia vnus est in alio : Ergo & ipse est etiam in alio. Similiter si sola relatione originis distinguantur , oportet quòd sint vnus in alio ; quia in conceptu vnus relationis includitur quodammodo conceptus alterius , v. g. in conceptu relationis Patris includitur conceptus Filij , & è contra. Denique origo , quæ est per actionem immanentem , exigit , vt terminus maneat in eo , qui est principium ; & sic Verbum manet in dicente ; & amor in amante. Hanc mutuam vnus personæ in alia existentiam Theologi vocant nomine circuminseccionis , quatenus vna persona est in alia & veluti residet in illa , & è contra.

*Ibid. ar 6.* Sequitur 600. Filium in Diuinis esse æqualem Patri secundum potentiam ; & idem dicendum de Spiritu sancto.

Probat<sup>ur</sup> sequela : Vbi eadem est

*D. Thomæ Principium.* 357

perfectio naturæ, est etiam eadem potentia, quia potentia vel est ipsa perfectio naturæ, vel consequitur perfectionem naturæ: Sed Filius est æqualis Patri secundum perfectionem naturæ, ex dictis: Ergo Filius est æqualis Patri secundum potentiam. Et eadem ratio concludit, quod etiam Spiritus Sanctus est æqualis Patri & Filio.

Sequitur 601. Eandem essentiam, *Ibidem.*  
quæ in Patre est Paternitas & potentia generandi actiue, in Filio est filiatio & potentia generandi, ut sic dicamus, passivè.

Probatür sequela: Eandem potentiam esse in Patre ac in Filio est eandem essentiam esse in Patre ut in dante, & in Filio, ut in accipiente: Atqui sic est; nam eadem essentia est in tribus personis, ut dictum est; sed in Patre essentia est, ut in communicante illam filio; in filio autem est eadem essentia ut communicata ipsi à Patre ut generante; & similiter eadem essentia ut voluntas est in Patre & Filio, ut in vno principio communicante illam Spiritui sancto; & est in Spiritu sancto, ut communicata à Patre & Filio ut vno principio spirante: Ergo, &c.

Sequitur 602. Hanc æqualitatem, *Ibid. ar.1.*

quæ reperitur in Diuinis , esse etiam similitudinem.

Probatur sequela : Æqualitas in magnitudine non molis sed virtutis , est similitudo ; quia eadem quantitas virtutis facit similitudinem : Sed æqualitas , quæ est inter Diuinas personas , est æqualitas in magnitudine virtutis & perfectionis , ex dictis : Ergo æqualitas , quæ est in Diuinis , est similitudo : quia tamen similitudo non excludit excessum ; possunt enim aliqua esse similia v. g. in albedine , licet vnum sit magis album , quàm aliud , idcirco melius explicatur Diuinarum personarum perfecta identitas in natura nomine æqualitatis , quæ omnem excessum excludit , quàm nomine similitudinis.

1. p. 943.  
ar. 1.

Sequitur 603. Alicui personæ Diuinæ posse conuenire missionem , siue mitti.

Probatur sequela : Mitti non importat nisi duo , videlicet , habere originem ab aliquo , & novam habitudinem respectu termini , respectu cuius fit missio : Sed vtrumque horum potest conuenire Diuinæ personæ : Ergo mitti potest conuenire alicui personæ Diuinæ. Major declaratur ; Mitti importat habitudinem missi ab eo , à quo mittitur , & habitudinem ad terminum , ad quem mittitur , vt patet ex terminis : Sed ha-

bitudo missi ad mittentem est habitudo processionis, vel ratione imperij; & sic Dominus dicitur mittere servum, quia imperat illi, ut eat; vel ratione consilij; & sic consulens quodammodo dicitur mittere illum, cui consulet, ut eat; vel denique ratione solius originis, & sic flos emittitur ab arbore, quia originem sumit ab arbore, Ergo dummodo salvetur vna habitudo ex istis, salvatur ratio missionis. Quantum verò ad habitudinem ad terminum ad quem, evidens est illam includi in missione. Hinc etiam probatur minor: quia habitudo originis convenit Filio & Spiritui Sancto; uterque enim est ab alio: Habitudo etiam ad terminum ad quem potest convenire Divinæ personæ, ut ostendemus; quia licet quælibet persona Divina sit semper ubique, potest tamen esse alicubi nouo modo; ad hoc enim non requiritur mutatio vlla in Divina persona, sed sufficit sola mutatio ex parte termini ad quem: Ergo, &c.

Sequitur 604. Missionem, quâ parte *ibidem.* importat originem, esse æternam; quâ *ar 2.* verò parte importat habitudinem ad terminum ad quem, esse temporalem.

Probatur sequela: Origo omnis est æterna in Divinis, ut patet ex dictis: Ergo missio ex parte originis est æterna.

na : habitudo autem ad terminum *ad quem* non potest esse nisi temporalis : quia est ratio , quâ persona Diuina fit speciali modo præsens respectu creaturæ : Ergo , &c.

*Ibidem.*  
ar. 3.

Sequitur 605. Diuinam personam inuisibiliter non mitti, nisi secundum gratiam sanctificantem.

Probatur sequela : Diuina persona non fit speciali modo præsens, nisi in anima iusti per gratiam sanctificantem : Sed Diuina persona mittitur inuisibiliter ; quatenus fit præsens speciali modo respectu creaturæ : Ergo Diuina persona non mittitur inuisibiliter , nisi quatenus in anima iusti fit præsens per gratiam sanctificantem. Minor patet ex dictis : Maior probatur : Vt Diuina persona fit speciali modo præsens , non debet esse tantum præsens per essentiam , præsentiā , potentiam ; hic enim modus non est specialis , sed communis , quo Deus semper est præsens in omnibus : Ergo vt fit speciali modo præsens debet esse præsens aliquo alio modo : Hic autem modus est , quando fit præsens in creatura rationali per gratiam sanctificantem ; in illa enim fit præsens vt cognitum in cognoscente , & amatum in amante.

*Ibidem.*

Sequitur 606. Hunc modum specialem , quo persona Diuina fit præsens in anima

anima iusti per gratiam sanctificantem, esse distinctum ab eo, quo Deus præsens est in omnibus rebus per operationem.

Probatur sequela: Præsentia Dei in omnibus rebus per essentiam, præsentiam, & potentiam, est eadem cum præsentia per operationem; ratione siquidem vtriusque est communiter in omnibus rebus: Sed præsentia Diuinæ personæ in anima iusti est distincta à modo, quo Deus est præsens omnibus rebus per præsentiam, essentiam & potentiam, ex dictis: Ergo præsentia illa personæ Diuinæ in anima iusti est distincta ab illa, quæ est præsens omnibus rebus per operationem.

Sequitur 607. Hanc præsentiam in anima iusti esse modo proportionato *Ibidem* ipsi animæ, quoad hoc, quòd licet sit supernaturalis, conuenit tamen animæ, quatenus est intellectualis.

Probatur sequela: Præsentia, quæ oritur in anima iusti ex aliquo effectu supernaturali, est quidem supernaturalis, sed cum sit propria creaturæ intellectuali, ita ut alijs nequeat competere, conuenit ipsi quatenus est intellectualis: Atqui præsentia Personæ Diuinæ in anima iusti est propria naturæ intellectuali: Ergo conuenit illi, quatenus est intellectualis.

*Ibidem.*

Sequitur 608. Hanc præsentiam in anima iusti esse per cognitionem & amorem.

Prob. seq. Quod conuenit naturæ intellectuali, quatenus intellectualis est, conuenit ei per cognitionē & amorem; quia, ut diximus, sola potentia cognoscitiua & voluntas conueniunt naturæ intellectuali ut sic: Sed præsentia hæc Diuinæ personæ conuenit animæ iusti, ut est naturæ intellectualis: Ergo conuenit ipsi per cognitionem & amorem.

*Ibidem.*

Sequitur 609. Hanc cognitionem & amorem, ratione cuius potest illa præsentia conuenire Diuinæ personæ respectu animæ iusti, debere esse cognitionem & amorem supernaturalem.

Probatur sequela: Quod est in anima iusti, ut iustus est, debet esse supernaturale; quia, ut aliàs ostendemus, non est iustus nisi per gratiam sanctificantem, quæ est supernaturalis: Sed præsentia illa Diuinæ personæ est in anima iusti, ut iustus est, ratione cognitionis & amoris, ex dictis: Ergo cognitio illa & amor, qui facit hanc præsentiam, est supernaturalis.

*Ibidem.*

Sequitur 610. Hanc cognitionem & amorem, quibus fit præsens persona Diuina, esse quodammodo connaturalem animæ iusti, ut iustus est.

*D. Thoma Principium.* 363

Probatur sequela : Per cognitionem & amorem non connaturalem iusto, ut iustus est, persona Diuina non fit præsens, quia nec iustus esse potest per huiusmodi cognitionem & amorem, ut patet ex dictis : Ergo debet esse connaturalis.

Sequitur 611. Hanc connaturalitatem cognitionis & amoris in eo sitam esse, quod non solum gratia tamquam participatio naturæ diuinæ est in anima iusti, sed etiam donâ Spiritus sancti, per quæ cognoscit & amat Deum tamquam intrinsecè inhabitantem; iudicat de rebus omnibus non secundum regulas prudentiæ etiam supernaturalis, sed per quamdam connaturalitatem ex præsentia ipsius Dei, & ex amore perfecto tum Dei erga animam, tum animæ erga Deum: & quia amor, ut aliàs diximus, facit vnionem non solum affectuum, sed etiam realem, quantum potest, hinc oritur, quod cum amor amicitiae Dei erga creaturam sit perfectissimus, & aliunde Deus possit illabi & fieri præsens ipsi animæ, Deus seipsum præsentem reddit animæ, cum qua contrahit amicitiam: & sic anima efficitur templum Dei, qui est in illa ut obiectum cognitum connaturaliter, & amatum amore amicitiae.

Hæc sequela non alio modo proba-



## 364 *Secundum Doctrinam*

tur, nisi quia omnes alij modi, quibus hæc præsentia posset explicari, sunt insufficientes, ut patet ex dictis.

*1. p. q. 43. a. 4.* Sequitur 612. Patri æterno non posse conuenire mitti.

Probatur sequela: Missio importat originem ab alio, ut ostendimus: Sed Patri æterno non conuenit origo ab alio: Ergo nec missio.

*Ib. art. 5.* Sequitur 613. Filio conuenire, quòd mittatur inuisibiliter.

Probatur sequela: Ad missionem inuisibilem requiritur origo ab alio, & inhabitatio in anima iusti, ex dictis: Sed utrumque competit filio, qui est ab alio, scilicet Patre, & inhabitat mentem; quia, ut diximus, Deus est specialiter præsens in anima iusti: Ergo filio conuenit inuisibilis missio. Et eadem est ratio de Spiritu sancto.

*Ib. art. 6.* Sequitur 614. Missionem Filij & Spiritus sancti inuisibilem fieri ad omnes, qui de nouo participant gratiam, vel augmentum eius.

Probatur sequela: Missio inuisibilis requirit originem, & quòd novo modo persona missa fiat præsens, quomodo prius non erat: Sed hoc utrumque reperitur, quando homo de nouo participat gratiam vel augmentum eius, ut patet ex dictis; quando enim gratia semel habita non augetur, non tam est

missio, quàm inhabitatio permanens.

Sequitur 615. Spiritui sancto conve- *Ib. art. 7.*  
nire ut visibiliter mittatur.

Probatur sequela: Ut missio Spiritus Sancti invisibilis innotesceret homini, debuit visibilis fieri, ad hoc ut homo per visibilia in invisibilium notitiam deveniret: Sed conveniens fuit, ut missio Spiritus sancti invisibilis innotesceret hominì: Ergo etiam conveniens fuit, ut Spiritus sanctus visibiliter mitteretur.

Sequitur 616. Etiam conveniens fuisse, ut Filius mitteretur ad designandam originem ipsius, & invisibilem eius missionem. *Ibidem.*

Sed adverte quasdam inter utramque hanc missionem differentias; prima est quòd sicut Filius in Diuinis est principium Spiritus sancti, & ipse Spiritus sanctus ex vi suæ processions est donum, & hoc ipso quod est sanctus, est donum sanctificans; ita missio visibilis Filij debuit esse ad hoc, ut esset auctor & causa agens, & producens ipsam sanctificationem; missio verò Spiritus sancti debuit esse tamquam indicium sanctificationis. Hinc oritur secunda differentia, quòd Filius, dum fuit missus visibiliter, debuit assumere in unitatem personæ naturam, secundum quam mitti dicebatur, quia mittebatur, ut

ageret; agere verò est subsistentium & personarum; sed Spiritus sanctus non debebat sibi vnire personaliter illas naturas secundum quas dicebatur mitti. Vide alias differentias in D. Thom, 1. p. q. 43. a. 7. per totum.

*2<sup>a</sup> 2<sup>a</sup> 8.*

Sequitur 607. Missionem strictè sumptam non competere, nisi personę diuinę in ordine ad illam personam, à qua habet originem; ita vt Filius à solo Patre; Spiritus sanctus à Patre, & Filio mittatur.

Probat sequela: Missio propriè & strictè importat formaliter originem, & non tantum materialiter, vt patet ex dictis: Sed adhuc necessarium est, vt illa origo sit respectu personę mittentis; aliàs enim origo materialiter se haberet: Ergo ad missionem propriè & strictè sumptam requiritur, quod persona missa sit per originem à mittente. Atque hinc constat quod ad missionem largè dictam non requiritur, quod persona missa dicat relationem originis ad personam mittentem, sed sufficit, quod sit per originem ab alia, vt mitti dicatur: Vnde Filius dicitur II. 48. missus à se & à Spiritu sancto, & in Concilio Toletano ij. in confessione fidei dicitur etiam Filius missus non solum à Patre, sed etiam à Spiritu sancto: Quod intelligi debet de missione largè dicta, vt constat.

*D. Thoma Principium.* 367

Sequitur 618. Deum esse causam efficientem omnium aliorum entium. 1. p. q. 4. 4<sup>te</sup>  
art. 1.

Probatur sequela : Primum ens per se subsistens est causa efficiens omnium aliorum entium : Sed Deus est primum ens per se subsistens , vt ostensum est : Ergo Deus est causa efficiens omnium entium. Maior probatur : quia quod est per participationem , vt sic, est ab eo , quod est per essentiam tale. Deinde quia id quod solum est ens actu , debet esse causa efficiens eius quod non est nisi in potentia ; oportet enim illud , quod est in potentia , reduci de potentia ad actum , per aliquid , quod sit in actu : Sed solus deus est ens actu secundum se , cum sit solus actus purus , vt dictum est : Ergo solus deus potest reducere de potentia ad actum reliqua omnia , quæ sunt entia in potentia.

Sequitur 619. Deum attingere effectiue omnia , quæ quocumque modo habent rationem entis. Ibidem.

Probatur sequela ; Quod est causa omnium aliorum entium , attingit omnia , quæ habent rationem entis , Sed Deus , ex dictis , est causa efficiens omnium aliorum entium , Ergo deus attingit effectiue quicquid habet rationem entis.

*Ibidem.*

Sequitur 620. Deum attingere effectiue omnia sub aliqua ratione formali proportionata.

Probatur sequela : Causa attingens effectiue omnia, quæ habent rationem entis, debet ea attingere sub vna aliqua ratione formali proportionata : Sed Deus est causa attingens effectiue omnia : Ergo illa attingit sub aliqua ratione formali proportionata, id est, quæ ita latè pateat, sicut & ipsa causalitas & ipsa ratio causata.

*Ibid.*

Sequitur 621. Deum attingere effectiue omnia sub yniversalissima ratione entis.

Probatur sequela : Qui attingit effectiue omnia sub ratione proportionata, id est, quæ æquè latè patet, ac ipsa causalitas & ratio causata, debet attingere sub ratione entis ; quia nulla alia ratio æquè latè patet ac omnia, nisi ratio entis : Sed Deus attingit effectiue omnia sub ratione proportionata, id est, quæ, æquè, latè patet ac ipsa omnia : Ergo, &c.

*Ibid a 2.*

Sequitur 622 Materiam primam esse productam à Deo.

Probatur sequela : Quicquid habet rationem entis à Deo distincti, est productum à Deo : Sed materia prima habet rationem entis distincti ab ipso Deo : Ergo illa est producta à Deo. Minor probatur ex dictis supra :

Quia materia prima non est omnino nihil, cum sit pars compositi; nec potest esse Deus, propter eandem rationem, quia, ex dictis supra, Deus non potest esse pars ullius compositi.

Sequitur 623. Deum esse causam *Ibidem.*  
æquivocam omnium rerum.

Probat. sequela: Causa omnium sub ratione entis est causa æquivoca, id est, quæ non producit sibi simile in specie, sed attingit rationem quamdam, quæ non est una perfectè: Sed Deus est causa omnium sub ratione entis, ex dictis: Ergo, &c.

Sequitur: 624. Deum esse causam  
vniuersalissimam. *Ibid.*

Probat. sequela, Quod est causa omnium est causa vniuersalissima: Sed Deus est causa omnium: Ergo est causa vniuersalissima. *Ibid. ar 3*

Sequitur: 25. Deum esse etiam causam exemplarem omnium.

Probat. sequela: Causa intelligens, & producens determinatam formam, debet habere aliquam rationem exemplarem, ad cuius imitationem illam formam determinatam producat, ut constat: Sed Deus est causa omnium, & est intelligens, ex dictis, & producit determinatam formam, ut constat experientia: Ergo debet habere aliquam

rationem exemplarem , ad cuius imitationem illam formam determinatam producat, ut constat: Illa verò forma determinata , vel est aliquid extra Deum, vel est aliquid intra Deum, si est aliquid extra, ergo est productum à Deo , atque adeo ad illud producendum requiritur exemplar; de quod iterum quæro, an sit extra Deum , necne , & sic in infinitum. Si verò illa ratio exemplaris dicatur esse aliquid intra Deum , ergo est ipse Deus ; quia quicquid est in Deo Deus est : Ergo Deus est ipsa causa exemplaris.

*Ibid. a. 4.*

Sequitur 62 6. Deum esse finem rerū omnium.

Probaturs sequela : Quod agens intendit, & ad quod passum siue effectus ordinatur, est finis : Sed Deus produciens omnia nihil aliud intendit, nisi seipsum; nam omnia ordinat in seipsum : Ergo ipse est finis omnium. Minor probatur : Actus purus nihil intendit ut à se acquirendum ; cum nihil possit illi de novo advenire , ut dictum est , sed intendit tantum communicare suam perfectionem , & ad hanc etiam communicationem ordinat omnia : Sed Deus est actus purus : Ergo Deus nihil aliud intendit , nisi communicare suam perfectionem. Hoc autem est ipsum esse finem omnium, ut constat : Ergo , &c.

Maiores patet : quia actus purus est etiam summum bonum.

Sequitur 627. Deum posse creare , imo & de facto creasse.

Probatur sequela : Quod potest pro-<sup>1 p. 9. 45.</sup>  
ducere ens ut ens , potest creare , imò  
si detur de facto aliquod ens productum  
debet illud creasse : sed Deus producit  
ens ut ens , ex dictis , & de facto constat  
multa produxisse : Ergo potest creare ,  
& de facto creavit. Maiores patet : Quia  
creare est ex nihilo producere , siue pro-  
ducere nullo supposito subiecto : sed  
qui producit ens ut ens , producit ex ni-  
hilo , siue ex non supposito subiecto :  
Ergo creat. Minor probatur ; quia , si il-  
le , qui producit ens ut ens , suppone-  
ret aliquod subiectum , illud subiectum  
vel esset ens , vel non ens : Si non esset  
ens ; ergo esset nihil , & sic ex nihilo res  
esset producta. Si illud subiectum esset  
ens , illud ens vel esset productum , vel  
non : Si non esset productum , esset  
Deus , ut ostensum est supra , atque  
adeo Deus ex seipso illud produxisset ,  
non tamquam ex materia , quia cum Deus  
sit actus purus , non potest esse potentia :  
materia autem est potentia : Ergo illud  
ens fuisset productum à Deo , siue Deus  
illud produxisset ex seipso non tamquam  
ex materia , sed tamquam ex causa ef-  
ficiēte : Si autem illud subiectum esset



productum ; ergo esset productum à Deo ex non subiecto , atque adeo ex nihilo , & consequenter esset creatum : Deus ergo illud creasset.

Sequitur 628. Creationem non esse motum vel mutationem propriè dictam.

*Ibid. ar. 21*

Probatur sequela : Omnis motus vel mutatio propriè dicta fit præsupposito subiecto ; vne terminus motus & mutationis propriè dictæ est ex præsupposito subiecto : Sed terminus creationis non fit ex præsupposito subiecto , ex dictis : Ergo creatio non est motus vel mutatio propriè dicta. Maior patet : quia motus & mutatio propriè dicta , cum sint accidentia , exigunt subiectum.

Sequitur 629. Creationem actiue sumptam importare actionem Dei , quâ vult vel imperat rem fieri ex nihilo.

Probatur sequela : Actio potentie executivæ in Deo est , quâ vult vel imperat rem aliquam fieri siue poni : Sed creatio actiue sumpta est actio potentie executivæ : Ergo est actio , quâ vult vel imperat rem fieri ex nihilo : Maior patet ex dictis supra : diximus enim potentiam executivam in Deo non distinguî ab intellectu & voluntate. Minor est etiam certa ex dictis.

*Ibid. in c.*

Sequitur 630. Creationem passivè sumptam nihil importare nisi rem ip-

ſam creatam, cum relatione reali ſed  
transcendentali ad Deum creantem, &  
dantem de nouo eſſe.

Probatur ſequela: Remoto motu &  
mutatione ab actione & paſſione nihil  
remanet in actione & paſſione niſi rela-  
tio: Sed à creatione paſſiuè ſumpta, debet  
remoueri motus & mutatio, ex dictis:  
Ergo creatio paſſiuè ſumpta non eſt niſi  
entitas creata cum relatione reali. quod  
autem illa ſit transcendentalis, patet,  
quia illa relatio imbibitur in omni ab-  
ſoluto.

Sequitur 631. Creationem non eſſe *Ibid. in 2.*  
quid medium inter Deum & ipſam rem  
creatam.

Probatur ſequela: Actio, quæ non  
eſt cum motu & mutatione, & quæ eſt  
ex parte termini ipſa res producta cum  
reſpectu ad agens, non eſt quid medium  
inter terminum productum & agens:  
Sed creatio eſt huiusmodi, ex dictis:  
Ergo non eſt quid medium.

Sequitur 632. Creationem, licet *1. p. q. 45.*  
non ſit mutatio quantum ad rem, *a. 2. ad 2.*  
eſſe tamen mutationem quoad mo-  
dum ſignificandi tantum.

Probatur ſequela: In omni mutatio-  
ne propriè dicta oportet, quòd idem ſe  
habeat aliter nunc ac priùs: Sed hoc  
non contingit in creatione quantum ad  
rem, licet quoad modum ſignificandi

### 374 *Secundum Doctrinam*

ita se habere quodammodo denotetur :  
 Ergo licet creatio non sit mutatio quoad rem , videtur tamen mutatio quoad modum significandi. Maior patet in mutatione secundum quantitatem & qualitatem , in qua idem realiter manet ; in mutatione autem substantiali manet etiam idem aliquo modo , quatenus eadem materia fit sub vna forma substantiali , quæ prius erat sub alia. Minor verò probatur quoad primam partem : quia in creatione , cum producatum totum ens , nihil potest esse idem ante creationem , ac post ipsam. Secunda verò pars minoris patet : quia licet nihil reip. a maneat idem ante & post creationem , intelligitur tamen quasi idem esset ante , eo ipso quod dicitur res creari : nam v. g. dum dico, Angelus creatur , prius intelligo Angelum , qui est subiectum huius propositionis, quam intelligam creationem , & post intellectam creationem intelligo Angelum habere esse de nouo , quod prius non habebat : unde concipio secundum modum significandi eundem Angelum manere post creationem , quem intelligebam prius ut subiectum in ea prædicatione.

*Ibid. as.*

Sequitur 633. Solum Deum creare principaliter.

Probatur sequela : Producere prin-

eipaliter ens vt ens est principaliter creare, ex dictis: Sed solus Deus producit ens vt ens principaliter, sicut probatum est, cum producat per se primo ens vt ens: Ergo solus Deus creat principaliter. Quod verò non possit dari instrumentum ad creationem, ostendemus in tertio principio.

Sequitur 634. Creare non esse proprium alicui personæ Diuinæ.

*Ibid. a. 6.*

Probatur sequela: Quod conuenit Deo, vt est ens per essentiam siue ipsum esse per se subsistens, est commune tribus personis Diuinis, & non proprium alicui personæ, vt est euident ex dictis supra: Sed creare siue producere ens vt ens conuenit Deo, vt est ens per essentiam, siue vt est ipsum esse per se subsistens; ex hoc enim fit, quòd ens per participationem debeat esse ab ipso: Ergo creare est commune omnibus personis Diuinis & non proprium alicui.

Sequitur 635. Deum per voluntatem suam creasse.

*1. p. q. 46.*

Probatur sequela: Perfectissimus modus agendi respectu effectuum, qui non adæquant totam perfectionem causæ, est agere per voluntatem: Sed Deo debet competere perfectissimus modus agendi, vt patet ex dictis; & aliunde nullum ens creatum adæquat totam perfectionem Dei, vt probatum est, cum

*47. 1o.*

### 376 *Secundum Doctrinam*

Deus sit causa æquiuvoca : Ergo Deo competit creare & agere ad extra per voluntatem.

*Ibidem.*

Sequitur 636. Deum liberè creasse.

Probatur sequela : Agens per voluntatem liberè agit , si perfectè cognoscat effectum , & effectus non adæquet totam perfectionem causæ : Atqui Deus est agens per voluntatem , perfectè cognoscit effectum , & effectus ipsius non adæquat perfectionem Dei , vt constat ex dictis : Ergo Deus ad extra liberè agit , & consequenter liberè creat. Maior patet ex his , quæ in primo principio diximus de libertate ; ostendimus enim quòd quotiescumque intellectus proponit voluntati obiectum indifferens , voluntas liberè fertur in illud : Sed in agente per voluntatem obiectum producendum proponitur vt indifferens si perfectè cognoscatur , & effectus non habeat omnimodam perfectionem siue omnimodam rationem boni , atque adeo non adæquet totam virtutem ipsius voluntatis : Ergo agens per voluntatem liberè agit , si perfectè cognoscat effectum , & effectus non adæquet totam perfectionem causæ.

Sequitur 637. Deum creasse quando , & quomodo voluit.

Probatur sequela : Qui liberè agit , agit quando & quomodo vult , vt patet :

*D. Thomæ Principium.* 377

Sed Deus liberè egit & creauit: Ergo creauit quando & quomodo voluit.

Sequitur 638 Mundum potuisse esse ab æterno. *Ibid ar 2.*

Probaturs sequela: Qui creat rem quando vult, & quomodo vult, potest illam producere, statim vt vult, præsertim si voluntas eius sit omnipotens: Sed Deus creat mundum, quando vult, & quomodo vult, & eius voluntas est omnipotens: Ergo potest illum creare statim vt vult: cum ergo velit ab æterno, potuit etiam creare ab æterno. Maior constat quia causa agens actione sine motu non debet necessariò præcedere tempore vel duratione suum effectum, sed sufficit quòd præcedat naturâ & causalitate: Sed creatio est sine motu, vt dictum est: cum ergo non sit necessarium, quòd causa creans duratione præcedat rem creatam, sed sufficiat & quòd præcedat illam naturâ & causalitate, poterit causa creans & omnipotens statim vbi voluerit creare.

Sequitur 639. Mundum potuisse esse ab æterno quoad omnia permanentia. *Ibid. ad 1. & opusc.*

Probaturs sequela: Mundus potuit esse ab æterno: Sed permanentia constituent mundum: Ergo quoad permanentia potuit esse ab æterno. *In 2 dist. 1. q. 1. a 5.*

Sequ. 640. Etiam successiua potuisse esse ab æterno, hoc sensu, quòd nullum *Opusc 27. q. 3. d. 8.*

### 378 *Secundum Doctrina*

pot. a. 17.  
ad 17.

est designabile tempus imaginarium, ante quod non potuerit esse aliud & aliud successuum in infinitum, & si sumeretur tota collectio successiuorum, illa tota infinita numero syncategorematicè esset ab æterno.

Probatur sequela: Permanentia potuerunt esse ab æterno: Sed statim ubi fuerunt permanentia, potuerunt moveri motu successiuo; hoc enim non repugnat: Ergo etiam successiua potuerunt esse ab æterno.

2 contr.  
gent. cap.  
38.

Sequ. 641. In casu, quo mundus fuisset ab æterno, non potuisse nihilominus dari multitudinem rerum actu infinitam.

Probatur sequela: In casu, qui non repugnat, non potest esse, quod implicat: Sed non repugnat, mundum fuisse ab æterno: Ergo in eo casu non potuisset dari multitudo actu infinita, quæ, ut aliàs probatum est in primo principio, implicat.

*Ibidem.*

Sequitur 642. In casu, quo mundus fuisset ab æterno, non potuisse dari generationes hominum vel creationes Angelorum in singulis partibus illius durationis coæternæ ipsi æternitati.

Probatur sequela: Quia aliàs daretur multitudo animarum & Angelorum infinita; quod repugnat, ut diximus.

*Opusc 17.*

Sequitur 643. Mundum posse dura-

re in æternum cum solo concursu ordinario Dei.

Probatur sequela: Virtus omnipotens, quæ conseruat, nec finitur nec lassatur tempore, potest in æternum præstare, quod præstat: Sed virtus Dei est omnipotens, quæ nec finitur nec lassatur tempore: Ergo potest in æternum præstare quod præstat, adeoque conseruare mundum cum solo concursu ordinario si voluerit, præsertim quia nulla est ex parte rerum repugnantia, vt patet ex dictis.

Sequitur 644. Casu, quo mundus fuisset ab æterno, præsertim quoad successiua, etiam tempus potuisse esse ab æterno.

*Ibidem.*

Probatur sequela: Statim vbi est motus successivus, est etiam tempus: Sed motus potuit esse ab æterno, ex dictis: Ergo & tempus.

Sequitur 645. Mundum incepisse, aut finiendum esse, sola fide teneri.

*1 p. 46.*

*a. 2.*

Probatur sequela, Quod ex sola Dei voluntate dependet, nec manifestatur clarè ipso effectu; sola revelatione voluntatis diuinæ, atque adeo sola fide cognoscitur: Sed quodd mundus incepit vel finiendus sit, pendet à sola Dei voluntate, cum, vt dictum est: potuerit esse ab æterno, & possit durare in æternum: Ergo hoc sola revelatione



& fide cognosci potest. Et ita de fide est, mundum non esse æternum, sed incœpisse, & finiendum esse.

*Ibidem*

Sequitur 646. Posse nihilominus adduci rationem probabilem incœptionis & desitionis mundi.

Probatur sequela : Quia manifestius mundus ducit in cognitionem Divinæ potentia creantis & Divinæ independentiæ, si mundus non semper fuit, & aliquando debet desinere saltem quoad aliqua, nimirum, quoad mixta omnia, excepto homine.

*Ibid. a. 3.*

Sequitur 647. Creationem rerum fuisse in principio temporis.

Probatum sequela : Mundum fuisse creatum in principio temporis, nihil est aliud, quàm tempus simul fuisse creatum cum mundo : Atqui hoc est verum : Ergo & illud. Adverte autem, quòd quando dicitur tempus fuisse creatum simul cum mundo, non est sensus, quòd in illo instanti creationis fuerit aliqua pars temporis, sed solùm, quòd in illo instanti incipit tempus per ultimum sui nō esse, quando verū fuit dicere, tempus nunc non est, & immediatè postea erit.

Sequitur 648. distinctionem rerum in mundo à sola Dei efficientia provenire.

Probatum sequela : Quando omnes effectus, ut sunt ens, pendent à sola aliqua causa, etiam distinctio, quæ est in-

ter effectus, pender ab illa eadem causa: Sed totus mundus vt est ens, pender à solo Deo creante, id est, producente totum ens sub ratione entis ad manifestandam suam bonitatem, ex dictis: Ergo distinctio effectuum vniuersi pender etiam à solo Deo, qui voluit per diuersas res manifestare bonitatem suam; quia per vnā creaturam non poterat sufficienter manifestari. Maior patet: Quia distinctio inter effectus non potest esse, nisi per aliquam rationem entis.

Sequitur 649. Inæqualitatem rerum esse à Deo.

*1 p. q. 47.  
a. 1.*

Probatur sequela: Quod est causa omnis distinctionis rerum, est causa inæqualitatis; quia ipsa inæqualitas est distinctio: Sed Deus est causa omnis distinctionis, ex dictis: Ergo est causa inæqualitatis.

Sequitur 650. Ordinem etiam rerum esse à Deo.

Probatur sequela: Ordo effectus est ab agente per intellectum; quia intellectus ordinat: Sed Deus est agens per intellectum: Ergo ordo vniuersi est à Deo.

Sequitur 651. Ordinem vniuersi esse vnum.

*Ibid. a. 2.*

Probatur sequela: Ordo ad vnum est nus: Sed ordo vniuersi est ad vnum, scilicet, ad ipsum Deum tamquam prin-

cipium & finem : Ergo ordo iste vniuersi est vnus.

*Ibid. 47. 3.*

Sequitur 652. Ordinem vniuersi manifestare mundi vnitatem.

Probatur sequela : Idcirco vniuersum est vnum vnitatem ordinis, vt manifestet ipsam vnitatem Dei tamquam principij & finis, vt patet ex dictis : Sed hæc manifestatio tolleretur, si plures essent mundi; quia non esset vnus ordo : Ergo hic ordo vniuersi manifestat vnitatem mundi. Aduerte tamen, quod hæc ratio est tantum congruentia, & non demonstratio.

*Ibidem.*

Sequitur 653. In vniuerso debuisse esse bonum & malum.

Probarur sequela : Vbi est inæqualitas, est bonum & malum; est enim aliquid, quod non potest deficere, & aliquid quod potest deficere : Sed in mundo est inæqualitas, vt ostensum est : Ergo in mundo est bonum & malum.

*Ibid. m.*

Sequitur 654. Deum esse causam mali naturalis & mali pœnæ.

Probatur sequela : Quod est causa totius entitatis & inæqualitatis, est causa mali naturalis, & mali pœnæ, sine quo malo non esset inæqualitas, sicut non esset iustitia : Sed Deus est causa totius entitatis & inæqualitatis, ex dictis : Ergo est causa mali naturalis & mali pœnæ : Quod autem non sit causa ma-

li culpæ, aliàs manifestè ostendemus.

Sequitur 655. dari in vniuerso creaturas spirituales & corporales.

1. p. q. 50.

4. 1.

Probatur sequela : Quod est causa prima entitatis & inæqualitatis in vniuerso ad manifestandam suam perfectionem, debet produxisse creaturas spirituales & corporales : Sed deus est causa prima entitatis & inæqualitatis in vniuerso ad manifestandam suam perfectionem : Ergo debet produxisse creaturas spirituales & corporales : Maior est evidens, quia creaturæ corporeæ; quas constat esse creatas, non ita clarè manifestant perfectionem causæ primæ, utpotè, quæ agit per intellectû & voluntatem ; vnde vt manifestaret se vt principium intellectuale necesse erat, quòd poneret in vniuerso creaturas, quæ agerent per intellectum & voluntatem atque adeo quæ essent immateriales & spirituales.

Sequitur 656. debere dari creaturas purè spirituales in vniuerso. *ibidem.*

Probatur sequela : Vt manifestetur perfectio & modus agendi causæ primæ, debent dari creaturæ puræ spirituales : Sed Deus mundum condens ad manifestandam suam perfectionem ; maximè debuit manifestare illam, quæ ipsi competit in modo agendi, quatenus est causa prima : Ergo Deus mundum cōdens,

### 384 *Secundum Doctrinam*

maximè debuit efficere, vt darentur creaturæ purè spirituales. Major patet ex dictis Minor est euident, quia creaturæ corporales, aut mixtæ ex corpore & anima non manifestant illam perfectionem, quam habet causa prima in modo agendi.

*Ibidem.*

Sequitur 647. Debere dari Angelos. Probatur sequela: Creaturæ purè spirituales sunt Angeli; has enim solas intelligimus nomine Angelorum: Sed debent dari creaturæ purè spirituales: Ergo debent dari Angeli.

*Ibid. a 3*

Sequitur 648. Angelos debere esse in magno numero.

Probatur sequela: Quò aliquid magis conducit ad perfectionem vniversi in ordine ad manifestandā perfectionē dei præsertim in ratione causæ, eò debet esse in maiori excessu & virtutis & multitudinis: Sed Angeli magis conducunt ad perfectionem vniuersi in ordine ad manifestandā perfectionem Dei præsertim in ratione causæ, vt dictum est: Ergo Angeli debent esse in maiori excessu; non quantitatis molis, quā carent, cum careant materiā, sed in virtute & multitudine. Maior patet in corporibus celestibus, quæ excedunt corpora inferiora in quātitate molis & virtutis, & magis manifestant perfectionem Dei in ratione causæ.

Sequitur

Sequitur: 649. Angelos non esse creatos ab æterno.

Probatur sequela: Nulla pars vniuersi fuit creata ab æterno, ex dictis supra: *1. p. q. 61. a. 2.*  
Sed Angeli sunt pars vniuersi; cum ad eius perfectionem spectent, vt ostendimus: Ergo Angeli non sunt creati ab æterno.

Sequitur: 650. Angelos esse perfectiores omnibus rebus aliis corporeis. *1. p. q. 61. a. 3.*

Probatur sequela: Quod est purè spirituale est perfectius corporeo, quia est magis immateriale, & magis in actu: Sed Angeli sunt purè spirituales: Ergo sunt perfectiores omnibus rebus corporeis.

Sequitur 651. Angelos habere aliquem ordinem ad res corporeas, quæ sunt in vniuerso. *Ibid.*

Probatur sequela; Quæ conficiunt & componunt vnum vnitatem ordinis, habent ordinem inter se: Sed Angeli, cum sint partes vniuersi, componunt vnum mundum, qui est vnus vnitatem ordinis, ex dictis: Ergo Angeli habent aliquem ordinem ad res corporeas, quæ sunt in vniuerso.

Sequitur 652. Angelos habere ordinem præsentis supra naturam corpoream. *Ibidem.*

Probatur sequela: Inter ea, quæ habent aliquem ordinem, si ordo sit rectus, perfectiora præsent inferioribus

& minus perfectis: Sed Angeli habent aliquem ordinem in universo, & sunt perfectiores, ex dictis, & ordo ille est rectissimus, cum sit à Deo: Ergo Angeli debent esse superiores, & præsidere rebus corporeis.

*Ibidem.*

*Ibid. a 4.*

Sequitur 653. Angelos esse creatos in cælo supremo, quod vocamus Empyreum.

Probatur sequela: Locus supremus convenit perfectioribus, & iis qui præsidet cæteris: Sed Deus in loco convenienti creavit Angelos, qui, ut diximus, sunt perfectiores, & cæteris præsidet: Ergo Deus eos creavit in supremo loco, qui est cælum supremum, quod vocant Empyreum.

*I. p. 9-65*

*a. 1.*

Sequitur 654. Creaturas corporales esse à Deo.

Probatur sequ. Quæcumque habent esse per participationem, sunt ab ipso esse per essenciam, ut supra ostensum est: Sed creaturæ corporales habent esse per participationem; non enim sunt ex se ipsis: Ergo creaturæ corporales sunt à Deo.

*Ibid. a 2.*

Sequitur 655. Creaturas corporales factas esse propter Dei bonitatem.

Probatur sequela: Quicquid est à Deo est factum propter eius bonitatem; quia Deus agendo nihil aliud intendit, neque ad aliud ordinat res à se factas. Sed

*D. Thoma Principium.* 387

creaturæ sunt factæ a Deo : Ergo sunt factæ propter eius bonitatem. Major explicatur: quia quælibet creatura est propter suum actum, & quælibet pars ignobilior propter nobiliorem, & omnes partes propter perfectionem totius; & totum propter finem ab agente intentum; finis autem intentus à Deo in creatione vniuersi est manifestatio perfectionis & bonitatis suæ, vt diximus Ergo &c.

Sequitur : 656. Creaturam corporalem non fuisse creatam à Deo *Ibidem!* <sup>ar 3:</sup> median-

tibus Angelis. Probatur sequela: Vt creatura corporalis esset creata mediantibus Angelis oporteret, quòd Angeli possent creare: Sed, vt supra dictum est, Angeli non possunt creare: Ergo, &c. Minor iterum probatur: quia creare est producere ipsum esse: Sed Angeli non possunt producere ipsum esse, cò quòd esse est id, quod substernitur ad omnem productionem limitatam; quantò autem aliquid magis substernitur debet à superiori causâ produci: Ergo ipsum esse, quod est primum substratum, debet à solo Deo produci.

Sequitur 657. Formas corporales in rerum creatione non fuisse creatas ab Angelis. *Ibidem!* <sup>a. 4.</sup>

Probatur sequela: Tum quia formæ non sunt, sed composita; Tum quia



non producant immediatè formas, sed alia agentia, ut patet experientiâ, Angeli verò movent alia agentia ad producendas formas.

I. p. q. 66.  
art. 1.

Sequitur 658. Imformitatem materiæ quæ intelligitur nomine terre in Senesi, non præcessisse tempore vel duratione, eius formationem, si nomine informitatis intelligatur carentia omnis formæ, substantialis; Si verò nomine informitatis intelligatur carentia formæ, id est, illius pulchritudinis & ornatus atque decoris, tunc non est inconueniens hanc imformitatem præcessisse tempore vel ducatione formationem.

Probaturs prima pars sequelæ, quia ex dictis in primo principio materia nō potest existere sine omni omninò forma substantiali: Sed per creationem materia existit: Ergo materia non fuit creata sine omni omnino forma substantiali: Si verò ponatur, quod fuerit creata cum forma aliqua substantiali communi cui deinde aliæ formæ substantiales supervenerunt, jam sequeretur, productionē aliarum formarum substantialium non esse nisi alterationem, quia quando toti actu existenti aliquid supervenit, forma superveniens est accidentalis. Vide dicta in primo principio de forma corporis.

Secundā verò pars sequelæ patet: quia non est inconueniens, quòd alicui toti

*D. Thoma Prīncipium.* 389

actu existenti superveniat etiā post aliquod tempus ab eius productione aliqua noua perfectio accidentalis.

Cætera, quæ de opere sex dierum dicuntur, magis ad positivam & interpretationē Scripturæ atque ad varias SS.PP. sententias conciliandas, quàm ad scholasticam spectant. Ea verò quæ de homine dici possent, vel jam in primo principio explicata sunt, vel postea subiicientur.

Sequitur 659. Dari gubernationem totius mundi. 1. q. 9. 103  
4. 1.

Probaturs sequela: Quando datur causa infallibiliter producens effectum, datur etiam effectus: Sed datur providentia Diuina, vt supra ostendimus, cuius effectus infallibilis est gubernatio mundi, vt etiam ostensum fuit: Ergo datur etiam gubernatio mundi.

Sequitur 660. Finem gubernationis mundi esse illum eundem, qui est finis prouidentia Diuinæ. *Ibidem.*

Probaturs sequela: Executio prouidentia infallibilis & immutabilis nō potest habere alium finem quam quem habet ipsa prouidentia: Sed gubernatio non est nisi executio prouidentia Diuinæ, quæ est infallibilis & immutabilis, vt dictum est: Ergo gubernatio mundi non habet alium finem, quam illum ipsum, quem habet prouidentia Diuina.

Sequitur 661. Finem gubernationis *Ibidem.*

etiam post primam productionē Angelī mundi esse ipsam bonitatem Divinam.

Probaturs sequela: Idem est finis prouidentię & gubernationis, ex dictis: Sed finis prouidentię Divinę est ipsa bonitas Divina, vt supra ostendimus: Ergo finis gubernationis Diuinę est ipsa bonitas Diuina: atque adeo est aliquid extra totam vniuersitatem creaturarum.

*Ibid a 3.*

• 4.

Sequitur 662. Effectum gubernationis Diuinę ex parte finis esse vnum.

Prob. seq. Quando finis gubernationis est vnus, effectus ejusdem gubernationis ex parte finis est etiam vnus: Sed, ex dictis, finis gubernationis est vnus: Ergo etiam effectus.

*Ibidem.*

ar. 4.

Sequitur 663. Participationem & assimilationem Diuinę bonitatis in rebus creatis esse effectum Diuinę gubernationis ex parte finis.

Probaturs sequela: Id, quo ad finem gubernationis pertingitur, est effectus gubernationis ex parte finis: Sed per participationem & assimilationem rerū creatarum cum Diuina bonitate, ipsa Divina bonitas, quę est finis, attingitur. Ergo participatio & assimilatio rerum creatarum cum Diuina bonitate est effectus Diuinę gubernationis: Maior est euident, quia per effectum gubernationis infallibilis debet attingi finis. Minor etiam patet: quia Diuina bonitas siue

manifestatio Diuinæ bonitatis non alio modo potest attingi, quàm per participationem & assimilationem ipsarum creaturarum cum Divina bonitate, ut ex dictis est evidens.

*Ibidem.*

Sequitur 664. Duos esse præcipuos effectus Diuinæ gubernationis in communi, scilicet conseruationem earum in esse & bono, & motionem earum ad bonum.

Probatur sequela: Assimilatio creaturarum cum Divina bonitate in duobus consistit, primò ut assimilentur Deo in eo, quod ipse bonus est; secundo ut assimilètur ei in eo, quòd ipse est causa mouens alia ad bonum: Sed effectus Diuinæ gubernationis est assimilatio creaturarum cum Diuina bonitate: Ergo effectus Diuinæ gubernationis est in eo, quòd creaturæ maneant bonæ, sicut Deus manet bonus, & quòd aliquæ creaturæ moueant alias ad bonum: nam prima productio bonitatis in creaturis non ad gubernationem, sed ad creationem spectat.

*Ibidem.*

Sequitur 665. Omnia omnino subdi Diuinæ gubernationi.

Probatur sequela: Quæ subduntur providentiæ & ordinatur ad finem eius, etiam subduntur gubernationi: Sed omnia omnino subduntur Diuinæ providentiæ, & ordinatur ad finem eius: Ergo omnia omnino subduntur Diuinæ

gubernationi. Maior constat ex dictis :  
 Quia tantum se extendit gubernatio ,  
 quantum se extendit providentia , præ-  
 fertim infallibilis & immutabilis : pro-  
 videntia verò cum sit ordinatio in finem  
 ad omnia se extendit , ad quas se exten-  
 dit ipse finis. Adde quòd qui dat esse ,  
 dat consequentia ad esse , & perfectio-  
 nem , quæ est finis ,

Sequit. 666. Deum omnia gubernare  
 immediatè quoad rationem providentiæ  
 & quodammodo quoad executionem.

Probatur sequela : Perfectissima pro-  
 videntia & gubernatio se extendit ad  
 omnia & singula quoad rationem pro-  
 videntie & gubernationis , hoc est ,  
 quòd ratio ; cur rebus sic & sic provi-  
 deatur , & cur hæc & illa executioni  
 mandentur , debet esse in eo , qui per-  
 fectissimè providet & gubernat : Sed  
 Diuina providentia & gubernatio est  
 perfectissima , utpote infinita , ex dictis :  
 Ergo Diuina providentia & gubernatio  
 ad omnia & singula se extendit.

*Ibidem*

Sequitur 667. Deum non omnia ita  
 immediatè gubernare , ut non aliquas  
 creaturas mediantibus alijs gubernet ,

Probatur sequela : Perfectissima pro-  
 videntia & gubernatio non solum facit  
 bona , sed etiam facit , ut aliqua sint  
 causa bonitatis in alijs : Sed hoc est gu-  
 bernare aliquas mediantibus alijs : Er-

go cum Diuina prouidentia & gubernatio sit perfectissima quædā gubernat mediantibus aliis: Mai. patet ex dictis, quia perfectissima gubernatio duos habet effectus, videlicet quòd creature assimilentur Deo in eo quod bonus est, & etiam in eo, quod aliis est causa bonitatis. Minor est evidens: quia vna res non est alteri causa bonitatis, nisi movendo illam ad bonum: Hoc autē est gubernare vnā mediante alia, ut patet.

Sequitur 668. Nihil omnino contingere præter ordinem Diuinæ gubernationis. *Ibid. a 7.*

Probatur sequela: Quod non contingit præter ordinem Diuinæ prouidentiae, non contingit præter ordinem Diuinæ gubernationis: Sed nihil omnino contingit præter ordinem Diuinæ prouidentiae, ut etiam diximus, quia ipsa est causa totius entis: Ergo nihil etiam contingit præter ordinem Diuinæ gubernationis.

Sequitur 669. Nihil omnino posse reniti contra ordinem Diuinæ gubernationis, ut est à Deo gubernante.

Probatur sequela: Quod renititur contra ordinem Diuinæ gubernationis, exit ab illo ordine, & fit præter illum ordinem; non enim ordo Diuinæ gubernationis statuit, ut aliquid suæ gubernationi renitatur: quòd si statueret,

hoc ipsum esset ex ordine Diuinæ gubernationis: Sed, ex dictis, nihil fit præter ordinem Diuinæ gubernationis: Ergo nihil renititur contra eundem ordinem. Adde, quòd ordo Diuinæ gubernationis est in bonum: quicquid autem fit, intenditur propter bonum: sequitur ergo ordinem Diuinæ gubernationis. Denique quicquid fit ex aliqua inclinatione vel naturali vel voluntaria non renititur contra ordinem Diuinæ gubernationis: Sed nihil est, quod non fiat ex aliqua inclinatione naturali vel voluntaria: Ergo nihil est, quod renitatur contra ordinem Diuinæ gubernationis. Minor est evidens. Maior probatur, *Omnis inclinatio naturalis vel voluntaria nihil est aliud, quàm quædam impressio à primo mouente & gubernante, sicut inclinatio sagitta nihil est aliud, quàm quædam impressio à sagittante.*

Sequitur 670. Creaturas omnes indigere, vt conferuentur à Deo.

1. p. 9. 104.

ar. 1.

Probatur sequela: Omne ens per participationem indiget, vt conferuetur ab ente per essentiam: Sed omnes creaturæ sunt entia per participationem, & Deus solus est ens per essentiam: Ergo omnes creaturæ indigent, vt conferuentur à Deo. Maior probatur: Omnis effectus, qui non recipit ab agente formam secundum eandem rationem, se-

cundum quam est in agente, indiget ut talis forma conseruetur in ipso effectu ab eodem agente : Sed ens per participationem non recipit ipsum esse ab ente per essentiam secundum eandem rationem, secundum quam est in ipso ente per essentiam : Ergo ens per participationem indiget ut conseruetur in esse ab ente per essentiam. Minor est evidens. Maior declaratur exemplo aeris illuminati, qui ex eo quod non recipiat à sole principium lucis secundum eandem rationem, sed tantum eius participationem, recedente sole amittit lucem : quia verò aqua recipit ab igne calorem secundum eandem rationem aliquo modo, non indiget ut continuo conseruetur, sed manet calor ad tempus : quod si calor recipiatur in aliquo subiecto secundum eandem omnino rationem, secundum quam est in igne, tunc nullo modo indiget igne ut conseruetur :

Explicatur breuius hæc ratio : Qui est causa entis ut ens est, est causa in fieri & conseruari ; quia hoc ipsum quod est permanere in esse, est quædam ratio entis, atque adeo est effectus illius agentis, quod est causa entis ut ens est : Sed, ex dictis supra, Deus est causa entis, ut ens est, in omnibus omnino rebus creatis : Ergo Deus est



causa entis in fieri & conseruari ; ita  
vt etiam ipsum permanere in esse, cum  
sit ens , sit effectus Dei.

*Ibid. ar. 2.* Sequitur 671. Deum principaliter  
omnia immediatè conseruare.

Probatur sequela : Qui est causa entis  
vt sic principaliter omnia immediatè  
conseruat : Sed Deus est causa entis vt  
sic : Ergo principaliter omnia immédia-  
tè conseruat : Sed aduerte quòd imme-  
diatè conseruare contingit dupliciter ;  
primò ita vt illa particula *immediatè* ex-  
cludat omnem omnino mediationem  
cuiuscumque alterius causæ concurren-  
tis ad conseruationem ; & hoc sensu non  
est verum , quòd Deus omnia immédia-  
tè conseruet ; certum est enim , quòd  
aliqua conseruat mediantibus alijs, tum  
indirectè per hoc, quòd remouet corrū-  
pcentia ab aliquibus mediantibus alijs; tū  
directè , quia Deus præstat aliquibus  
causis virtutem ad hoc , vt agant ad  
conseruationem aliorum , sicut præstat  
causis omnibus secundis virtutem , quā-  
dum operantur , concurrant ad ratio-  
nem entis , vt aliàs ostendimus : Sed  
quia illa virtus , quam recipiunt à Deo  
causæ concurrentes ad conseruationem,  
est virtus quædam creata , quæ & ipsa  
indiget conseruari à Deo intimè & im-  
mediatè præsentè , Deus etiam imme-  
diatè concurrat ad conseruationem il-

lius virtutis , & ad effectum eius , scilicet ad ipsam conseruationem , immediatè, inquam , & immediatione virtutis , quia non accipit virtutem ab alia causa superiori ; & immediatione suppositi , quia Deus debet esse intimè præsens ipsi supposito concurrenti ad conseruationem alterius , & ipsi virtuti , per quam concurrit ad illam conseruationem , & hic est secundus modus conseruandi immediatè omnia , secundum quem verum est , Deum omnia immediatè conseruare , qui non excludit alias causas medias , vt constat.

Sequitur 672. Deum posse aliqua, imò *Ibid. 3.*  
& omnia creata in nihilum redigere.

Probatur sequela: Qui potest totius rei esse destruere , ita vt nihil eius remaneat , potest in nihilum redigere , vt patet : Sed Deus potest totum omnium rerum esse destruere , ita vt nihil eius remaneat : Ergo potest omnia in nihilum redigere. Minor est euidentis ex dictis , quia totum esse cuiuslibet rei creatæ pendet à Deo ; qui si cesset à conseruatione , hoc ipso destruit totum esse rei , non quidem quasi agendo & veluti producendo non esse , cum non esse non sit producibile ; sed non agendo.

Sequitur 673. Deum nullam rem *Ibid. 4.*  
creatam de facto in nihilum redigere.

Probatur sequela : Quicquid Deus

facit vel non facit, totum præstat ad manifestationem suæ bonitatis, vt dictum est; ad hoc enim gubernat omnia: Sed annihilatio non conduceret ad manifestationem Diuinæ bonitatis; imò magis manifestatur Diuina potentia & bonitas in conseruatione rerum, vt diximus: Ergo annihilatio non fit à Deo.

*2. p. q. 105  
ar. 1.*

Sequitur 674. Deum posse mouere materiam ad quamcumque formam.

Probatur sequela: Agens potest mouere potentiam passiuam ad omnem formam, quando tam potentia passiuæ, quàm forma subduntur ipsius potentie actiuæ: Sed tam materia, quàm quæcumque forma subduntur potentie actiuæ Dei; cùm eius potentia attingat ens vt ens, ex dictis: Ergo Deus potest mouere materiam ad quamcumque formam.

*Ib. a. 2.*

Sequitur 675. Deum posse immediatè mouere quodcumque corpus.

Probatur sequela: Qui potest mouere materiam ad omnem formam, potest immediatè mouere omne corpus: Sed Deus potest mouere materiam ad quamcumque formam: Ergo potest immediatè mouere omne corpus. Maior probatur: Qui potest vnum aliquid, ad quod aliud consequitur, potest illud, quod ex eo consequitur; & qui potest terminum producere, potest & viam:

Sed omnis motus vel est quid consequens ad formam, sicut motus grauium & leuium, qui consequitur eorum formas, vel est via ad formam, sicut calefacere est via ad formam ignis: Ergo qui potest mouere materiam ad omnem formam, poterit etiam quemcumque motum immediatè producere, atque adeo immediatè mouere quodcumque corpus.

Sequitur 676. Deum posse mouere quemlibet intellectum creatum ad suam operationem. *Ibidem. art. 3.*

Probatur sequela: Qui potest dare virtutem intellectiuam, & ipsi imprimere species quibus actu intelligat, potest mouere intellectum ad suam operationem: Atqui Deus vtrumque potest: Ergo potest mouere intellectum ad suam operationem. Maior constat: quia ad operationem intellectus hæc duo necessaria sunt, & sufficiunt, scilicet virtus intellectiua & species: licet enim requiratur etiam concursus Dei, de illo tamen nulli dubium est, quin à Deo possit dari. Minor verò probatur: Primum intelligens est causa omnis virtutis intellectiuae, & cuiuscumque speciei intelligibilis; quia primum in quolibet genere est causa cæterorum illius generis: Sed Deus est primum intelligens, vt ex supra dictis est euidentis:

Ergo Deus est causa cuiuslibet virtutis intellectiuæ, & cuiuslibet speciei intelligibilis. Cum ergo causa possit producere suum effectum, Deus potest producere quamlibet virtutem intellectuā, & quamlibet speciē intelligibilē.

*Uideat. 4.*

Sequitur 677. Deum posse mouere quamlibet voluntatem creatam.

Præbatur sequela: Quod potest & per modum obiecti & ex parte potentiæ inclinare voluntatem ad aliquid volendum, potest mouere voluntatem; his enim duobus modis mouetur voluntas; scilicet ab obiecto, quatenus ei proponitur bonum, quod est eius obiectum; & ex parte potentiæ, quatenus ipsa potentia inclinatur efficienter ad aliquid volendum: Sed Deus utrumque potest: Ergo Deus potest mouere voluntatem. Minoris prima pars patet ex dictis: Qui enim potest mouere intellectum, potest mouere voluntatem ex parte obiecti; voluntas quippe mouetur ab intellectu proponente obiectum, scilicet bonum: Sed Deus potest mouere intellectum: Ergo potest Deus mouere voluntatem ex parte obiecti. Imò solus Deus hoc potest efficaciter: quia ut mobile efficaciter moueatur à mouente, oportet, quòd virtus mouentis excedat vel adæquet virtutem passiuam mobilis: Sed virtus passiuā voluntatis se exten-

dit ad bonum vniuersale: Ergo vt aliquod mouens ex parte obiecti moueat efficaciter voluntatem, oportet, quòd sit bonum vniuersale. Cum ergo solus Deus sit bonum vniuersale, solus Deus potest efficaciter ex parte obiecti mouere voluntatem. Secunda verò pars minoris probatur, quòd scilicet Deus possit inclinare voluntatem ex parte potentiae: Qui causat virtutem volendi, potest etiam inclinare voluntatem ex parte potentiae: Sed Deus causat virtutem volendi: Ergo Deus potest inclinare voluntatem ex parte potentiae: Maior probatur: Qui dat omnem omnino inclinationem voluntati, & dat etiam ipsum velle, quod nihil aliud est, quàm quædam inclinatio voluntatis, debet necessario mouere voluntatem ex parte potentiae; aliàs non posset causare ipsum velle, quod non potest causari nisi ipsa potentia moueatur & se moueat: Sed qui causat voluntatem dat omnem omnino inclinationem voluntati: Ergo qui causat omnem inclinationem voluntatis, dat ipsum etiam velle debet mouere voluntatem ex parte potentiae. Minor proba. Primum mouens dat omnem omnino inclinationem voluntati: Sed qui causat voluntatem est primum mouens: Ergo qui causat voluntatem dat omnem inclinationem voluntati:

Maiores probatur : Qui mouet ad vltimum finem , causat omnem omnino inclinationem voluntatis ; quia in omni inclinatione voluntatis est motus & tendentia ad vltimum finem : Sed primum mouens mouet ad vltimum finem siue in bonum vniuersale : Ergo primum mouens causat omnem inclinationem voluntatis. Minor est certa : quia agens & finis proportionantur : cum enim quodlibet agens agat propter finem , & quodlibet mouens sit agens , oportet quod quodlibet agens agat propter finem sibi proportionatum & correspondentem ; atque adeo , quod agens vniuersalius intendat finem vniuersaliorum ; & primum mouens moueat ad vltimum finem. Cum ergo in quolibet actu voluntatis inueniatur tendentia ad vltimum finem , necessarium est vt primum mouens moueat ad quemlibet actum voluntatis , & sic primum mouens ex parte potentie mouet voluntatem.

*Ibidem  
ad 1.*

Sequitur 678. Deum mouendo voluntatem illam non cogere.

Probatur sequela : Quod mouendo dat propriam inclinationem , non cogit : Sed Deus mouendo voluntatem dat ei propriam inclinationem , ex dictis : Ergo Deus mouendo voluntatem , illam non cogit.

Sequitur 679. Deum mouendo vo-

luntatem non imponere illi necessitatem naturalem.

Probatur sequela: Quod dat omnem inclinationem, etiam liberam, non imponit necessitatem naturalem: Sed deus mouendo voluntatem dat ei inclinationem etiam liberam: Ergo non imponit naturalem necessitatem. Maior patet: quia inclinatio libera & necessitas naturalis opponuntur. Minor probat. Quod dat omnem omnino inclinationem, dat etiam inclinationem liberam: Sed deus mouendo voluntatem dat ei omnem eius inclinationem, vt probatum est: Ergo dat ei etiam inclinationem liberam.

Sequitur 680. Deum mouendo voluntatem ex parte potentiae mouere illam physicè.

*Ibidem.*

Probatur sequela: Qui mouet voluntatem ex parte potentiae ad operandum, mouet illam physicè: Sed Deus mouet voluntatem ex parte potentiae ad operandum, ex dictis; quia dat voluntati actualem inclinationem: Ergo Deus mouet voluntatem physicè. Maior probatur: Qui mouet potentiam non tantum ex parte obiecti, sed insuper alio modo, mouet illam physicè: Sed qui mouet voluntatem ex parte potentiae mouet illam non tantum ex parte obiecti, sed alio insuper modo; cum hi duo



modi mouendi ex parte parte potentia & ex parte obiecti differant : Ergo qui mouet voluntatem ex parte potentia ad operandum mouet illam physicè & efficienter. Explicatur magis : Mouere ex parte obiecti, est mouere ostendendo & proponendo ipsum obiectum, siue quoad specificationem ; mouere autem ex parte potentia non est idem, aliàs frustra hi duo modi mouendi distinguerentur ; sed est alius modus mouendi. Vnde cum non detur alius modus mouendi nisi efficienter, physicè, ac realiter, & quoad exercitium, quisquis mouet ad agendum ex parte potentia, mouet efficienter, physicè, ac realiter, & quoad exercitium.

*Ibid. & 1. p. 9 111. a. 2. & 94. 115 ar. 4. 1. 2 q. 9 a. 6 & 9. 80. ar. 1. in 2. dist. 15. q. 1. a. 3. 2. contra gens. cap. 88. 89. 91 & 92. De verit. q. 22 ar. 9. & alibi saepe.*

Sequ. 681. Deum præmouere physicè voluntatem ad volendum.

Probatür sequela : Qui mouet physicè voluntatem ad volendum, præmouet illam physicè : Sed Deus mouet physicè voluntatem ad volendum : Ergo præmouet physicè. Maior probatur : Qui priùs mouet, præmouet : Sed qui mouet physicè voluntatem ad volendum, priùs mouet illam physicè, quàm ipsa velit : Ergo præmouet physicè. Maior est euidentis ex terminis. Minor probatur : Omnis via & causa est prior termino & effectu, saltem prioritate naturæ & causalitatis, vt certum est. Sed motio, quâ mo-

uet voluntatem , qui illam physicè mouet ad volendum , est via & causa ipsius velle : Ergo motio , quâ mouet voluntatem , qui illam mouet physicè ad volendum , est prior ipso velle ; atque adeo qui sic mouet , mouet priùs. Minor probatur : Omnis motio & motus ad aliquid est via & causa respectu illius , vt patet ex terminis ; atque adeo motio ad velle est causa ipsius velle. Præterea quod mouetur physicè ex parte potentiæ recipit physicè in ipsa potentia aliquid , quod antea non habebat : Sed quando Deus mouet physicè voluntatem ex parte potentiæ , voluntas mouetur physicè ex parte potentiæ , vt constat : Ergo voluntas in seipsa recipit aliquid , quod non habebat antequam moueretur : Sed illud quod recipit debet esse motio dicens ordinem ad agendum siue volendum , tamquam ad aliquid subsequens ; vbi enim est ordo est aliquid prius & aliquid posterius : Ergo illud quod voluntas recipit est motio prior ipso agere , atque adeo est præmotio.

Sequitur 682. Deum prædeterminare *ibidem.*  
physicè voluntatem ad volendum.

Prob. sequela : Qui præmouet physicè , prædeterminat physicè : Sed Deus præmouet physicè : Ergo prædeterminat physicè. Maior probatur : Præmouere physicè ad certam & determinatam actio-

# 406      *Secundum Doctrina*

nem est prædeterminare physicè : Sed qui præmouet physicè , præmouet realiter ab certam & determinatam actionem : Ergo qui præmouet physicè , prædeterminat physicè. Maior est manifesta : Nihil enim aliud intelligimus per prædeterminare physicè , nisi præmouere ad certam & determinatam actionem. Minor probatur : Qui præmouet ad exercitium , præmouet ad certam & determinatam actionem : Sed qui præmouet physicè , præmouet ad exercitium ex dictis : Ergo qui præmouet physicè , præmouet ad certam & determinatam actionem. Maior est certissima , quia exercitium non est , nisi sit certa & determinata actio.

*Ibidem.*

Sequitur 68 : Deum prædeterminando physicè voluntatem non tollere libertatem.

Probatur sequela : Qui mouendo voluntatem ex parte potentix non tollit libertatem , illam etiam non tollit præmovendo & prædeterminando physicè ; cum , ex dictis , hæc sint vnum & idem : Sed etiam ex dictis , Deus movendo voluntatem ex parte potentix non tollit libertatem : Ergo Deus præmovendo & prædeterminando physicè non tollit libertatem.

1 p. 9. 105.  
art. 5.

Sequitur 684. Deum in omni operante operari.

Probatur sequela : Principium omnis actionis in omni operante operatur: Sed Deus est principium omnis actionis: Ergo Deus in omni operante operatur. Minor probatur: Tria sunt principia actionis, scilicet finis, agens & forma: Sed Deus est principium omnium actionum his tribus modis: Ergo Deus est principium omnium actionum. Prima pars minoris probatur, quod scilicet Deus sit principium omnium actionum per modum finis: Quicquid est bonum & finis, hoc habet à Deo nedum ut causa efficiente, & exemplari, sed etiam ut fine, quia ordinatur ad Deum; imò ex hoc ordine habet, quod sit bonum, ut aliàs diximus: Sed omnis actio procedit ex aliquo bono tamquam ex fine; cum omne agens agat propter finem, ut ostensum est. Ergo omnis actio procedit aliquo modo à Deo, ut à fine, & quidem ut fine ultimo, quippe qui est finis omnium finium particularium, quos agentia particularia intendunt. Secunda vero pars minoris probatur, quod videlicet Deus sit principium cuiuslibet actionis per modum agentis siue causæ efficientis: Omne agens secundum agit in virtute sui, & applicatur efficienter à Deo, ut aliàs probatū est; quia cum producat rationem entis, debet agere in virtute illius agentis, ad quod pertinet

producere ens, ut ens; debet etiam applicari ad agendum, quia debet producere ipsam existentiam, quam nequit producere nisi actuetur & applicetur à Deo eò quòd existentia sit quid actualius, quàm vlla potentia aut virtus creata, quæ in ratione virtutis actiue est quid potentiale: Ergo omne agens secundum dependet à Deo ut à principio efficiente omnis actionis. Ultima denique pars minoris, quia, qui producit, conseruat & applicat formas & virtutes activas omnium agentium, est quodammodo per modum formæ principium actionis: Sed deus, ex dictis, producit conseruat, & applicat formas & virtutes omnium agentium: Ergo deus est quodammodo per modum formæ principium omnis actionis; non quod deus sit forma vel virtus actiua cuiuslibet agentis, sed quòd deus sit principium formæ.

*Ibid* & 1.  
*cont. gent.*  
*c. 66 & 67*  
*& lib. 4.*  
*cap. 44.*

Sequitur 685. Deum præmovere physicè omnem causam secundum ad ipsius operationem.

Probatur sequela: Principium, in cuius virtute agens operatur, & quod applicat ut agens aliam causam, præmouet physicè; Sed deus est principium in cuius virtute omne agens operatur, & quod ut causa efficiens applicat omne aliud agens: Ergo deus præmouet physicè omnem causam secundam. Maior est  
 , evidens,

evidens , quia, quod in virtute alterius operatur , prius recipit virtutem , quam operetur ; & agens, quod applicat efficienter aliud debet necessario illi imprimere motionem applicantem.

Sequ. 686. Deum posse facere contra ordinem causis secundis inditum.

*1. 2. q. 105.*

*a. 6.*

Probatur sequela : Qui habet omnem causam sibi subiectam , potest facere contra ordinem harum causarum : Sed Deus habet omnem omnino causam creatam sibi subiectam ; cum quælibet causa secunda dependeat ab ipso in operando , ex dictis : Ergo Deus potest facere contra ordinem causæ cuilibet secundæ inditum.

Sequitur 687. Casu, quo Deus faciat contra ordinem causis secundis inditum, non facere contra naturam earum.

*Ibidem.*

Probatur sequela : Is , à quo naturaliter dependet naturalis inclinatio causarum, non potest facere contra naturam earum ; quia earum inclinatio naturaliter subditur illi : Sed à Deo dependet naturaliter inclinatio naturalis causarum , eique subiecta est : Ergo non potest facere contra naturam earum , etiamsi agat contra ordinem causis inditum.

Sequitur 688. Casu, quo Deus faciat contra ordinem causis secundis inditum, fore miraculum.

*Ibid. a. 7.*

Probatnr sequela: Effectus manifestus habens causam simpliciter & omnibus occultam, est miraculum: Sed quando Deus agit contra ordinem causis secundis inditum, effectus manifestus habet causam omnino & omnibus occultam in Deo: Ergo tunc est miraculum. Maior est evidens, quia miraculum est res admiratione digna: quando autem effectus manifestus habet causam omnino & omnibus occultam est res admiratione digna: Ergo tunc est miraculum.

*Ibid. a. 8.*

Sequitur 689. Vnum miraculum respectu facultatis naturæ, quatenus magis eam excedit, posse esse maius alio.

Probatur sequela: Quod excedit facultatem naturæ, & est contra ordinem causis secundis inditum, tantò maius est, quantò magis excedit, & magis est contrarius ordini naturali: Sed aliqua magis excedunt facultatem naturæ, quàm alia, vt est evidens: Ergo aliqua miracula sunt maiora aliis,

*Ibidem.*

Sequitur 690. Tria esse genera miraculorum; primum est, quando effectus excedit facultatem naturæ quoad substantiam; secundum, quando excedit quoad subiectum; tertium quando excedit quoad modum.

Explicatur. Primum genus miraculorum est, quando effectus excedit facultatem naturæ quoad substantiam, vt

*D. Thoma Principium.* 411

quòd duo corpora sint simul , quòd Sol retrocedat, quòd corpus humanum glorificetur ; secundum genus , quando effectus , qui naturaliter possibilis est, sit in subiecto naturaliter incapaci , vt vita in mortuo , visus in cæco ; Tertium est , quando effectus in modo excedit facultatem naturæ, vt quod quis repente curetur à graui infirmitate , vel aër serenus subito in pluuias condensetur : Atque hinc patet sequela.

Sequ. 691. Deum gubernare creaturas inferiores mediantibus superioribus. 1 p. q. 10.  
art. 1.

Probatur sequela: Supposito, quòd Deus gubernet aliquas creaturas mediantibus aliis, congruus ordo postulat, vt inferiores regat mediis superioribus:

Sed, ex dictis, Deus gubernat aliquas creaturas mediantibus aliis : Ergo gubernat inferiores mediantibus superioribus. Hinc est quod illuminat inferiores Angelos per superiores : circa quod vide dicta in primo principio.

Sequitur 692. Inter Angelos debere dari superiores & inferiores. 1 p. q. 10.  
art. 1.

Probatur sequela: Vbi est ordo gubernationis alicuius multitudinis, debent esse superiores & inferiores : Sed inter Angelos est ordo gubernationis multitudinis ; diximus enim supra Angelos esse in magna multitudine , & etiam



## 412 *Secundum Doctrinā*

ostendimus , Deum gubernare inferiores per superiores : Ergo debent inter Angelos dari superiores & inferiores.

*Ibidem.*

Sequitur 693. In Angelis dari hierarchias,

Probatur sequela : Vbi est ordo superiorum & inferiorum in rebus sacris & Diuinis , sunt etiam Hierarchiæ ; est enim hierarchia sacer principatus : Sed in Angelis est ordo superiorum & inferiorum , idque in rebus sacris & Diuinis , nimirum in diuina gubernatione : Ergo in Angelis sunt hierarchiæ.

*Ibidem.*

Sequitur 694. Tres dari in Angelis hierarchias.

Probatur sequela : Ordo superiorum & inferiorum in gubernatione diuina respectu Angelorum tripliciter se habere potest : Nam primò aliqui possunt immediate à deo recipere ordinem & lumen ad gubernationem; secundò alij possunt recipere non à deo immediatè , sed ab his , qui immediatè recipiunt à deo , qui se habent vt causæ vniuersales , res in magna vniuersalitate comprehendentes , vt diximus in primo principio ; tertio denique alij recipiunt vt magis in particulari applicent rationes acceptas ab ijs , qui secundo loco numerati sunt : Atqui secundum hunc triplicem ordinem distinguntur tres hierarchiæ : Ergo dantur tres hierarchiæ.

Sequitur 695. In qualibet hierarchia  
convenienter distingui tres ordines. *Ibid. a. 2.*

Probaturs sequela: Vbi est multitudo ordinata diuersimodè sub vno principe, debent distingui ordines, aliàs esset confusa multitudo: Sed non possunt melius distingui, quàm in tres, quatenus videlicet alij sunt supremi, alij infimi, alij medij: Ergo convenienter distinguuntur tres ordines in qualibet hierarchia.

Sequitur 696. In quolibet ordine esse  
plures Angelos propriis officiis distinctos. *Ibid. a. 3.*

Probaturs sequela: Ordo non potest esse sine multitudine rerum ordinatarum: Sed in Angelis sunt diuersi ordines: Ergo in quolibet ordine sunt plures Angeli, quorum officia sine dubio debent esse distincta; præsertim, cum quilibet ab alio specie differat, vt probatum est in primo principio: Nos tamen sicut naturam ita & officium cuiuslibet Angeli ignoramus.

Sequitur 697. Ordines Angelorum  
distingui dispositiuè secundum naturam eorum, & completiuè secundum dona gratiæ, *Ibid. a. 4.*

Probaturs sequela: Finis Angelorum, id est, ad quem Angeli ordinantur est vel naturalis, ad quem ex facultate naturæ possunt pertingere, vel su-

#### 414 *Secundum Doctrinam*

pernaturalis, ad quem tantum ex gratia peruenire possunt, Sed distinctio ordinum debet sumi ex fine, vt habetur ex dictis: Ergo distinctio ordinum debet aliquo modo sumi ex fine naturali, scilicet initiatiuè & dispositiuè, & ex donis gratiæ completiuè; quia gratia perficit & complet naturam, maximè in Angelis, qui recipiunt gratiam iuxta capacitatem naturalium, vt aliàs dicemus.

*Ibid. a. 5*

¶ 6

Sequitur 698. Ordines Angelorum conuenienter nominari & ordinari.

Probatur sequela: Tres dantur hierarchiæ, ex dictis, per hoc distinctæ, quod in prima illi spiritus immediatè à Deo accipiunt lumen & ordinem ad gubernationem: In secunda spiritus recipiunt à primis dispositionem de agendis in vniuersali, in tertia determinant illas rationes vniuersales ad speciales effectus, applicando & annunciando Diuina: Sed in qualibet istarum hierarchiarum potest & debet triplex ordo inueniri; in prima quidem Seraphin Cherubin & Thronorum; in secunda Dominationum, Virtutum & Potestatum: in tertia Principatum, Archangelorum, Angelorum Ordo: Ergo, &c. Minor probatur & declaratur, Ordo diuinarum personarum completur in Spiritu sancto, qui, vt diximus, est amor:

In illis ergo sanctis spiribus , qui considerando ipsum finem gubernationis Diuinæ à Deo rationes rerum immediatè percipiunt , itavt & considerent finem , & perfectiùs agnoscant , & ei inhæreant , primi sunt qui excellenter amant , & hi vocantur Seraphin , id est , ardentes , vel incendentes , & se habent ad Deum sicut sponsa ad sponsum , comparanturque igni ob motum continuum sursum versùs Deum , ob virtutem penetratiuam & fervidam , & propter excellentem lucem.

In eadem hierarchia , qui non habent excellentiam illam & excessum amoris , sed immediatè à Deo rationes rerum gubernationis in ipso fine perfectiùs percipiunt , sunt in secundo ordine , & participant cognitionem ; & hi vocantur Cherubin , & se habent ad Deum sicut qui sunt à secretis Regi , & pleni sunt scientiâ ob visionem Dei clariorem visione omnium inferiorum , ob plenam susceptionem Diuini luminis reuelantis secreta , ob contemplationem vniuersi & gubernationis eius in ipso fine , Deo videlicet , & denique ob effusionem huius cognitionis in alios.

Denique in hac eadem Hierarchia sunt alij , qui immediatè quidem rationes rerum & gubernationis in ipso fine scilicet Deo percipiunt excellentiùs

416      *Secundum Doctrinam*

quàm illi, qui sunt in secunda hierarchia, sed non ita excellenter, sicut Cherubin: & sunt sicut illi, qui familiariter quidem ad Regem accedunt, sed secretiora non penetrant: Hinc est quòd vocantur Throni, quia sunt eleuati supra alios inferiores, sicut throni eleuantur à terra, & quia sunt firmi, Deo ipso, qui sedet in illis, eos firmante; & quia sicut throni Regem, ita illi Deum suscipiunt.

Et sic cum tria sint circa finem, illum vehementer intendere, illum perfectius cognoscere, illum actu considerare immediatè in seipso, & in eo rationes eorum, quæ sunt ad finem; primum conuenit Seraphin; secundum, ipsis Cherubin; tertium Thronis.

Secunda Hierarchia accipit rerum & gubernationis rationes à causis vniuersalibus nimirum à spiritibus primæ Hierarchiæ, disponendo de agendis, & ad hoc tria requiruntur; primum est, ordinare & disponere, ac præcipere agenda, quod pertinet ad Dominos; secundum est, subministrare facultatem ad agendum, quod spectat ad eos, qui excellentissima virtute pollent; tertium est, ordinare quomodo res executioni mandanda sit, quod pertinet ad potestatem, quia potestas executioni proxima debet esse ordinatiua de modo exe-

cutionis : & sic tres sunt in ista hierarchia ordines , Dominationes , Virtutes , & Potestates : Dominationes ordinant agenda , Virtutes dant vim agendi , Potestates ordinant modum exequendi.

Tertia Hierarchia determinat rationes vniuersales gubernationis rerum ad singulares effectus , exequendo & annuntiando Diuina : in qua executione tria sunt ; primum est incipere , ac , vt sic loquar , principiare , siue principari in executione ; secundum est magna aliqua annunciare & exequi ; tertium minora annunciare & exequi : & sic distinguuntur tres ordines Principatum , Archangelorum , & Angelorum.

Sciendum tamen , quòd hæc ordinatio Angelorum ex D. Dionysio desumpta paulò aliter à D. Gregorio explicatur quantum ad duas vltimas hierarchias , in quibus D. Gregorius sumit distinctionem ordinum ex ministerijs externis , cum D. Dionysiusumat à rationibus ad Diuinam gubernationem spectantibus , secundum quòd à superioribus inferiores eas accipiunt. Præterea D. Gregorius ponit Principatus quinto loco siue in secundo ordine secundæ hierarchiæ ; & Virtutes ponit septimo loco descendendo & in primo ordine infimæ hierarchiæ : & in explanatione quidem Dominationum ferè con-

418. *Secundum Doctrina*

uenit cum Dionysio : Principatus verò vult esse , qui bonis etiam spiritibus principantur & præfident ; Potestates , qui malis spiritibus præsunt ; Virtutes , qui miracula patrant.

Sed si rectè hæc considerentur parua est differentia: nam Angeli secundi ordinis in secunda hierarchia possunt dici & virtutes , quia dant virtutem alijs inferioribus ; & possunt dici principatus , quia dādo virtutem quodammodo principantur , & veluti initium faciunt operum. Sicut etiam Angeli primi ordinis in infima hierarchia possunt dici virtutes , quia nominè virtutum aliquando intelliguntur miracula ; & quia Angeli huius ordinis mittuntur ad patrandā miracula, rectè dici possunt virtutes: ita etiam possunt dici principatus , quia præcipua siue principalia Dei opera in rerum gubernatione sunt miracula.

1 p 9. 108.

Art. 7.

Sequitur 699. Ordines Angelorum mansuros quoad substantiam post diem iudicij.

Probatur sequela: Quæ sunt naturæ & gratiæ manebunt post diem iudicij : Sed , ex dictis , distinctio ordinum est naturæ inchoatiuè , & gratiæ completiuè quantum ad substantiam : Ergo hæc distinctio ordinum manebit post diem iudicij.

Sequ. 700. Executionem ordinum

& officiorum secundum aliquid mansuram, & secundum aliquid non mansuram.

Probatur sequela : Quia consecuto fine non manet perductio ad finem, sed potest manere conseruatio aliquarum cognitionum & illuminationum, vt patet : Sed post diem iudicij omnes, qui debent consequi beatitudinem & vltimum finem, illum consecuti erunt: Ergo cessabit tunc perductio in finem, & poterit remanere cognitio & illuminatio. Vtrumque autem est executio ordinum & officiorum Angelicorum : Ergo cessabit illa executio quoad aliquid, & quoad aliud remanebit.

Sequit. 701. Homines aliquos transferendos ad ordines Angelorum. *Ibid. ar. 8.*

Probatur sequela : Homines transferri ad ordines Angelorum, non est habere eandem naturam cum Angelis, sed habere æqualem gloriam, & præstare virtute Diuina, quod ex vi sui ordinis præstant Angeli, miracula faciendo, arcendo dæmones, vel aliquid simile faciendo : Sed aliqui homines æqualem habebunt gloriam, sicut æqualem imò & maiorem possunt habere gratiam, quàm habeant aliqui Angeli; & præterea potest fieri, vt aliqui sancti virtute Diuina faciant miracula, arceant dæmones, &c. Ergo, &c. Maior patet ex



dictis, quia ordines completiue distinguuntur ex gratia, ut dictum est.

1. p. q. 109  
a. 1.

Sequitur 702. In dæmonibus non manere ordines, quantum ad gloriam, vel quantum ad gratiam, quam actu habeant, sed solum quantum ad naturam, & quantum ad hoc, quod aliquando habuerunt gratiam.

Probatur sequela: Quia in dæmonibus non est gloria, nec remanet gratia, remanet tamen natura, & verum est, quod aliquando habuerunt gratiam: Sed de hac sequela infra constabit.

*Ibid.* a. 2.

Sequitur 703. In Dæmonibus esse prælationem.

Probatur sequela: Quia in Dæmonibus natura remanet, atque adeo in illis vna natura est perfectior aliâ, & consequenter actiones vnius naturaliter sunt sub actionibus alterius: cui rationi si adiungas rationem Diuinæ sapientiæ omnia ordinantis, ut supra dictum est, clarè videbis esse in illis prælationem.

1. p. q. 110.  
a. 1.

Sequitur 704. Deum gubernare corporalia per Angelos.

Probatur sequela: Deus gubernat aliqua mediantibus alijs: Sed ordo Diuinæ sapientiæ exigit, quod hoc ita fiat, ut mediantibus superioribus gubernet inferiora: Ergo cum Angeli sint superiores, ut dictum est, Diuina sapientia

exigit, ut mediantibus Angelis inferiora gubernentur.

Sequitur 705. Angelos posse causare motum localem in corporibus. *Ibid. a. 2. b. 3.*

Probatur sequela: Ad gubernationem necessarium est, quod subditum possit moueri aliquo modo à gubernante saltem quoad illud, quod magis proportionatur & immediatiùs se habet respectu gubernantis: Sed Angeli gubernant corporalia, ex dictis: Ergo cum motus localis immediatiùs se habeat ad Angelos, utpote conueniens substantijs incorruptibilibus, ut cælis, debent corpora posse moueri ab Angelis motu locali. Ex hac ratione videtur etiam inferendum, quod Angeli possint producere lucem.

Sequitur 706. Quæ per motum localem produci possunt, posse ab Angelis etiam produci. *Ibidem.*

Probatur sequela: Qui potest id, quod mediante aliud fit, potest & illud aliud saltem mediata: Sed Angeli possunt producere motum localem: Ergo possunt id, quod mediante motu locali potest fieri: & sic applicando actiua passiuis, possunt Angeli varia producere, ut applicando ignem possunt producere calorem, vel alium ignem, &c.

Sequitur 707. Non posse Angelos seipsis immediatè producere formas *Ibidem.*

## 422 *Secundum Doctrinam*

substantiales in materia sublunari.

Probatur sequela: Quia nec forma habet proprium fieri, nec materia potest disponi ab Angelis; ad hoc enim requiritur agens vniuocum, vel agens, quod eminenter formaliter contineat omnes formas; quod soli Deo competit, ut patet ex dictis supra.

*Vid. a. 4.*

Sequitur 708. Angelos non posse vera miracula facere, sicut nec vacuum causare, nec totam terram mouere, & alia huiusmodi.

Probatur sequela: Vera miracula sunt contra vim totius naturæ, & alia enumerata essent contra totum ordinem vniuersi: Sed Angeli non possunt contra vim totius naturæ, nec possunt inuertere ordinem vniuersi: Quia cum sint tantum ministri in gubernatione creaturarum, non possunt contra id, quod Deus statuit, nec necessaria est illis virtus ad hoc, imò est impossibilis, cum debeat esse virtus infinita propter modum faciendi: Ergo, &c.

*1. p. qu. 11.  
ar. 1.*

Sequitur 709. Angelos posse illuminare homines.

Prob. sequela: Ad hoc, ut vna creatura intellectualis regatur per aliam intellectualem, requiritur, quod gubernans illuminet gubernatam, ut patet ex dictis; quia intellectualis creatura non regitur nec dirigitur ad suas operatio-

nes nisi per cognitionem : Sed Deus gubernat inferiores , scilicet homines , per superiores , nimirum Angelos : Ergo Angeli illuminant homines.

Sequitur 710. Hanc illuminationem fieri eodem fere modo , quo fit illuminatio Angelorum inter se proportionatiter.

Probatur sequela ex dictis in primo principio : Vnus Angelus illuminat alium , diuidendo obiectum , vt sit proportionatum capacitati intellectus Angeli illuminati , & proponendo ei species sui intellectus , ita vt capi possint ab inferiori : Atqui eo modo se habet Angelus ad hominem , excepto quòd cum homo non intelligat nisi per conuersionem ad phantasmata , vt aliàs diximus , oportet , vt Angelus illuminans moueat phantasmata , quæ sunt in imaginatione hominis , & vt proponat veritates intelligibiles sub similitudine rerum sensibilium : Ergo , &c.

Sequitur 711. Angelum non posse immutare voluntatem hominis ex parte potentie. *Ibid. a. 2.*

Probatur sequela : Quod conuenit Deo ratione supremi dominij , & ob rationem primæ causæ creantis animam , & dantis homini voluntatem non potest conuenire Angelo : Atqui immutare voluntatem ex parte potentie conuenit

Deo ob rationem supremi dominij & primæ causæ , vt patet ex his , quæ supra diximus : Ergo hoc non potest competere Angelo.

*Ibid. ar. 3.* Sequitur 712. Angelum posse immutare imaginationem , & sensus hominis.

Probatur sequela : Qui potest mouere localiter corpora & humores , potest immutare imaginationem , imò & omnes potentias organis corporeis affixas : Atqui , ex dictis , Angelus potest mouere corpora localiter , atque adeo ipsos humores : Ergo potest immutare imaginationem , imò & omnes potentias organis corporeis affixas. Maior est evidens quia variatis & motis humoribus , spiritus & species etiam moventur , atque alio modo se habet imaginatio , & alio modo repræsentantur objecta.

*Ibid. ar. 2.* Sequitur 713. Angelos mitti in ministerium.

Probatur seq. Qui ab alio procedit & fit præsens illi loco in quo prius non erat , vt nomine ipsius & tamquam instrumentum intelligens eius à quo procedit aliquid præster , propriè mittitur in ministerium : Sed Angelus procedit à Deo , & cum prius non sit in vno loco , fit præsens illi , vt aliquid præster tamquam instrumentum intelligens ipsius Dei : Ergo Angelus mittitur in ministe-

rium. Maior est evidens ex dictis: nam in primis supra ostendimus, quòd ad missionem requiritur, ut is, qui mittitur, procedat à mittente, & quòd fiat saltem nouo modo præsens loco, ad què mittitur: Secundò certum est, quòd agens intelligens ab alio motum ad actionem, est minister eius, à quo movetur; est enim instrumentum intelligens, quod ministrum vocamus. Minor etiam constat; quia ex primo principio Angeli sunt in loco per operationem, mouentur localiter, nec sunt ubique: Hoc enim est proprium Dei. Denique ostendimus ita Deum regere aliqua mediantibus alijs, ut tamen Deus tamquam causa principalis immediatè gubernet omnia.

Sequitur 714. Omnes Angelos aliquo modo mitti, licet improprie. *Ibidem.*

Prob. sequi. Qui aliquo modo saltem improprie aliquid in alio operatur ut minister Dei, aliquo modo saltem improprie mittitur, ut est evidens ex dictis: Sed omnes Angeli aliquid in alijs saltem improprie operantur, ut ministri Dei; nam illuminant inferiores Angelos, ex dictis; quæ illuminatio, ut ostendimus, non fit per hoc, quòd aliquid realiter producat illuminans in illuminato: Ergo omnes Angeli aliquo modo mittuntur.

*Ibidem.*

Sequitur 715. Non omnes Angelos: mitti propriè in ministerium.

Probatur sequela: Mitti propriè, est propriè operari operationem virtualiter transeuntem, per quam missus verè sit in loco, ad quem est missus: Atqui hoc non conuenit omnibus Angelis: Ergo, &c. Maior patet ex dictis. Minor probatur: quia quamuis Deus absolutè possit mittere quemlibet Angelum, nihilominus hoc non facit, eò quòd esset superfluum & contra ordinem naturæ. Et quidem esset superfluum, quia nihil est, quòd Deus non possit operari vel per se ipsum, si velit, vel per inferiores Angelorum ordines. Quòd verò esset contra ordinem naturæ, patet, quia, vt diximus, ordo naturæ postulat, vt inferiora per ea, quæ sunt immediatè superiora gubernentur. Quod si ab hoc ordine quandoque recedatur, hoc fit, vt manifestetur ordo gratiæ, vt diximus fieri, quando fiunt miracula: Sed in missione superiorum Angelorum ad ministeria corporalia inuerteretur ordo naturæ & gratiæ, & nihil ordinis gratiæ manifestaretur: Ergo hoc & superfluum esset, & contra ordinem. Minor patet: quia ordines Angelorum distinguuntur, vt ostendimus, initiatiuè ex ipsorum natura, & completiuè ex gratia. Nec ex hoc, quòd Angeli superiores mitteren-

cur, posset manifestari aliquod mysteriū gratiæ, quia non potest à nobis percipi, an qui mittitur sit superior, nec ratio, cur mittitur.

Sequitur 716. Aliquos Angelos esse assistentes Deo, alios ministrantes. 1. p. 9. 112  
a. 3. 6. 4

Explicatur: Omnes Angeli beati sēper dici possunt assistentes Deo, quia illum semper vident præsentem, nec in hoc sensu loquimur modo de assistentibus: sed illi dicuntur assistentes, qui vel immediatē à eo percipiūt secreta ipsius, vel saltē ita percipiūt ab aliis immediatē percipētibz, ut ipsi nō exequantur, nec aliquam actionem circa creaturam corporealem exerceant: ministrantes verò dicuntur illi, qui circa creaturam corporeā aliquid operātūr. Hoc ergo sensu.

Probatur sequela: Non omnes Angeli aliquid operantur circa creaturam corpoream: Ergo non omnes sunt ministrantes. Similiter non omnes percipiunt immediatē à Deo secreta, sed tantū aliqui; & ex his, qui percipiunt non immediatē, aliqui non operantur circa creaturam corpoream: Ergo illi sunt assistentes. Consequentia est euidēs ex declaratione. Antecedens vtrumque patet ex dictis, quia Angeli primæ hierarchiæ, & Dominationes, quæ sunt primus ordo secundæ, nihil operantur circa creaturam corpoream, sed ad summū



428 *Secundum Doctrinā*

quinque alij ordines: Ergo quatuor sunt ordines assistentium: & quinque ministratum.

1. f. 9. 113  
a. 1. Sequitur 717. Congruum esse, ut homines à sanctis Angelis custodiantur.

Probatur sequela: Congruum est, ut mobilia & variabilia per immobilia & invariabilia moueantur, & regulentur: Sed homines sunt in bono mobiles & variabiles; Angeli verò sunt immobiles & inuariabiles in bono: Ergo congruū est, ut homines per Angelos moueantur & regulentur. Major patet ex dictis supra: diximus enim quod Deus inferiora per superiora gubernat. Minor est euidens, & constabit infra.

Ibid. ar. 2.  
c. 4. Sequitur 718. Omnes & singulos homines à singulis Angelis custodiri.

Probatur sequela: Hoc exigit Divinæ providentiæ ratio, ut partes vniuersi, quæ sunt principales & incorruptibiles, speciali modo subdantur Diuinæ providentiæ & gubernentur, ut supra ostensū est, cum de Dei providentia ageretur: Sed omnes & singuli homines sunt partes principales vniuersi, & incorruptibiles quantum ad animam: Ergo omnes & singuli homines speciali modo subduntur Diuinæ providentiæ & gubernantur. Atqui ex hoc debent ab Angelis custodiri, ut dictum est: Ergo, &c.

Ibid. a 3. Sequitur 719. Hos Angelos custodes

*D. Thoma Principium.* 429

esse ex infimo ordine Angelorum.

Probatur sequela: Nuntiare & procurare minora pertinet ad infimum ordinem Angelorum, ut diximus supra: Sed salus vnius hominis particularis est quid minus respectu aliorum, quæ ad totum vniuersum spectant, ut constat: Ergo procurare salutem vnius hominis, particularis pertinebit ad Angelum infimi ordinis.

Sequitur 720. Angelum custodem deputari ad custodiam à natiuitate. *ib. art. 5.*

Probat. sequela: Ex eo quòd homo est pars principalis vniuersi propter animæ immortalitatem, debet ei deputari Angelus ad custodiam, ex dictis: Sed homo à natiuitate fit pars principalis vniuersi; nam ante natiuitatem non censebatur pars distincta ab aliis, sed censebatur vnum & idem cum matre: Ergo, &c.

Sequitur 721. Angelum custodem numquam simpliciter deferere hominẽ sibi commissum, sed tantum secundum quid. *ib. art. 6.*

Probatur sequela: Diuina providentia numquam deserit simpliciter hominem, sed tantum secundum quid quatenus permittit aliquid mali culpæ vel pœnæ ei accidere: Atqui custodia Angelorum eo modo se habet, quo Diuina providentia, cuius est executio, ex dictis: Ergo custodia Angelica siue Ange-

lus custos numquam ex toro deserit hominem, sed tantum secundum quid, quatenus Angelus custos permittit aliquid homini accidere.

*Ibid. ar. 8.*

Sequitur 722. Inter Angelos non esse propriè pugnam, sed tantum impropriè.

Probat sequela: Inter exequentes ordinem Divinæ providentiæ non potest esse pugna propriè; cum omnes illam exequantur cū perfecta conformitate ad voluntatem Divinam: Sed Angeli custodes, siue hominum particulare, siue regnorum, provinciarum &c. sunt exequentes ordinem Divinæ providentiæ, ex dictis: Ergo &c.

Diximus supra Deum esse summum bonum, atque adeo ultimum omnium rerum finem.

*1. p. q. 3.*

*ar. 9.*

Hinc sequitur 723. Deum esse ultimum finem creaturarum intellectualium speciali quodam modo.

Probat sequela: Ultimus finis omnium debet esse speciali modo ultimus finis creaturarum intellectualium: Sed Deus est ultimus finis omnium: Ergo debet esse speciali modo ultimus finis cuiuslibet secundum modum eius: Sed modus creaturarum intellectualium est specialis, ut patet: Ergo, &c.

*1. 2. q. 1.*

*ar. 2.*

Sequitur 724. Modum illum specialem, quo Deus est ultimus finis creaturarum intellectualium, consistere in hoc.

**D. Thoma Principium.** 431

quòd sit ultimus finis cognitus & volitus.

Probatur sequela : Modus proprius creaturarum intellectualium est, quòd agant cognoscendo & volendo : Sed Deus est ultimus finis creaturarum intellectualium modo ipsis speciali & proprio: Ergo Deus est ultimus finis illarum ut cognitus & volitus.

Sequitur 725. Creaturas intellectuales tendere in Deum ut ultimum finem nedum ut in terminum sed etiam ut in præmium. In 3. d  
29. ar. 4.

Probatur sequela : Finis , in quem ut cognitum & volitum, siue intentum, quis tendit, habet rationem non solum termini, sed etiam præmij : Atqui Deus est finis, in quem creaturæ intellectuales tendunt, ut cognitum & volitum: Ergo Deus habet rationem etiam finis nedum per modum termini sed etiam præmij. Maior est evidens, quia, ut aliàs probabimus; eo ipso, quòd creaturæ intellectuales cognoscunt & volunt finem, volunt liberè media: Ex hac autem libera volitione mediorum consequitur bonitas operis & meritum, atque adeo quòd finis intentus habeat rationem præmij.

Sequitur 726. Deum nedum voluisse esse finem naturalem creaturarum intellectualium, sed etiam supernaturalem. 1. 2. q. 23.  
ars. 1.

## 432 *Secundum Doctrinam*

Probatur sequela : ex dictis supra, cum de Visione Dei actum est: Deus ut clarè visus est quid supernaturale : Sed Deus voluit esse finis creaturarum intellectualium nedum ut cognitus quomodocumque, sed etiam ut clarè visus, ita ut Deus voluerit Angelos & homines tendere ad claram ipsius visionem: Ergo Deus voluit esse finis nedum naturalis, sed etiam supernaturalis.

*1. 2. q. 1. 4.  
7. & 81* Sequitur 727. Creaturas intellectuales appetere consecutionem & possessionem dei.

Probatur sequela : Omnis res suo modo appetit consequi suum finem: Sed finis creaturarum intellectualium est Deus: Ergo creaturæ intellectuales etiā appetunt consecutionem & possessionem Dei, appetitu quidem naturali, quatenus est finis naturalis, & appetitu supernaturali, quatenus est finis supernaturalis.

*1. 2. q. 2.  
ar. 1. 1. 2. 3  
4. & 6.* Sequitur 728. Finem naturalem Angelorum & hominum non posse consistere in aliquo bono creato.

Probatur sequela : deus non est bonum creatum: Sed finis creaturarum intellectualium est Deus : Ergo non est aliquod bonum creatum. Præterea vllimus finis debet esse perfectè satiatus appetitus eius, cuius est finis : Sed nullum bonum creatum potest esse perfectè satiatiuum

satiativum appetitus intellectualis : Ergo nullum bonum creatum potest esse ultimus finis creaturæ intellectualis. Maior patet ; quia bonum, quod appetitur propter se , & propter quod appetuntur omnia alia , debet esse perfectè satiativum appetitus : Sed finis ultimus est bonum, quod appetitur propter se , & omnia appetuntur propter ipsum , ut diximus : Ergo finis ultimus debet esse perfectè satiativus appetitus. Minor verò probatur : Quod non habet omnem rationem boni , non potest perfectè satiari appetitum appetentem bonum uniuersale : Sed nullum bonum creatum habet omnimodam rationem boni , ut ex dictis constat : Ergo nullum bonum creatum potest esse perfectè satiativum appetitus intellectualis, qui, ut ostensum fuit in primo principio , appetit bonum uniuersale tamquam proprium obiectum.

Sequitur 729. Finem ultimum creaturæ intellectualis non posse consistere etiam in aggregatione omnium bonorū creatorum. *Ibidem.*

Probatur sequela : Nullum bonum finitum & limitatum potest esse ultimus finis : Sed aggregatum ex omnibus bonis creatis est bonum finitum & limitatum : Ergo &c. Maior patet ex dictis. Minor probatur : quia illud aggregatum non continet omnem rationem boni

1. 2. q. 3.  
a. 1.

Sequitur 730. Finem vltimum creaturæ intellectualis obiectivum esse solum Deum; formalem verò esse consecutionem Dei.

Probatur sequela: Quod continet omnem rationem boni est Deus, cuius consecutio perfectè satiat appetitum intellectualis creaturæ: Sed finis vltimus obiectivus est, quod continet omnem rationem boni; eius verò consecutio est finis formalis: Ergo finis vltimus obiectivus est Deus, & finis formalis est Dei consecutio.

*Ibidem.*

Seq. 731. Finem vltimum formalem debere esse quid creatum. Probatur sequela: Consecutio, quā creatura intellectualis consequitur Deum, debet esse quid creatum: Sed finis vltimus formalis est consecutio, quā creatura intellectualis consequitur Deum: Ergo finis vltimus formalis est quid creatum, Maior patet: quia creatura intellectualis non potest consequi Deum modo infinito.

1. 2. q. 3.  
a. 2.

Seq. 732. Beatitudinem formalem non posse consistere in illapsu dei in animam, quò videlicet Deus seipsum reddat intimè præsentem ipsi substantiæ intellectuali.

Probatur sequela: Hic illapsus dei in animam vel est ipsemet Deus, quatenus de nouo se reddit præsentem animæ, vel

est aliquid creatum : Neutrum dici potest : Ergo beatitudo formalis non consistit in illo illapsu. Maior patet : quia illapsus Dei in animam nihil aliud importat , quàm deum ipsum illabentem , & nouum effectum in anima , ratione cuius Deus fit de nouo præsens , qui effectus est quid creatum ; Enimuero non potest Deus fieri de nouo præsens alicui per sui mutationem , cum sit immutabilis , ex dictis , sed debet fieri de nouo præsens per mutationem creaturæ , quæ mutatio intelligi nequit sine nouo effectu producto in ipsa creatura. Minor verò probatur ; & primò quoad primam partem : Beatitudo formalis est aliquid creatum ex dictis : ergo si ille illapsus Dei non dicit aliquid creatum , sed est solus Deus , quatenus se reddit præsentem , illapsus ille non potest esse beatitudo formalis. Secunda autem pars minoris probatur : Ille nouus effectus , ratione cuius Deus fit præsens nouo modo in creatura intellectuali , vel est naturalis , vel supernaturalis ; Neutrum dici potest : Ergo &c. Probatur prima pars minoris , quòd ille effectus non sit naturalis , quia beatitudo formalis , atque adeo illapsus ille Dei est supernaturalis , vt dictum est : Secunda pars minoris probatur , quòd videlicet effectus ille non sit supernaturalis ; quia si esset aliquid supernaturale



vel esset habitus operatiuus, vel gratia, vel motio aliqua: nihil ex his dici potest; nam habitus operatiuus non est in essentia animæ; & præterea beatitudo formalis est actualis Dei possessio; habitus autem operatiuus non est actualis possessio, nisi ratione suæ operationis: Gratia verò est etiam in his, qui non habent beatitudinem formalem: motio denique formaliter non constituit nisi motum: quòd si constituat operantem, debet recipi in potentia, quæ est immediatè operatiua, non in substantia; & præterea illa motio non potest esse actualis possessio Dei: Ergo in illa non potest consistere formalis beatitudo, atque adeo nec in illo il-lapsu ut sic.

*Ibidem.*

Sequitur 733. Beatitudinem formalem consistere in aliqua operatione.

Probatur sequela: Perfectio vltima creaturæ intellectualis debet esse operatio: Sed beatitudo formalis est vltima perfectio creaturæ intellectualis, ut patet ex dictis: Ergo beatitudo formalis debet esse operatio. Maior patet: Vltimus actus est operatio; quilibet enim alius actus ante vltimum ordinatur ad operationem: Sed vltima perfectio est vltimus actus; cum vnumquodque instantum sit perfectum, inquantum est in actu: Ergo vltima perfectio est operatio.

*Ibid. 4. 3.*

Sequitur 737. Beatitudinem forma-

lem non consistere in aliqua operatione sensitiva.

Probatur sequela : Nulla operatio sensitiva potest esse immediata consecutio & possessio Dei : Sed beatitudo formalis est immediata consecutio & possessio Dei : Ergo beatitudo formalis non potest esse aliqua operatio sensitiva. Maior patet ex dictis in primo principio : Minor etiam ex modo dictis.

Sequitur 734. Beatitudinem formalem non esse actum voluntatis. *Ibid. a. 4.*

Probatur sequela : Nullus actus abstrahens à possessione vel non possessione, vel supponens non possessionem, aut possessionem, potest esse ipsa possessio, ut ex terminis constat : Atqui omnis actus voluntatis vel abstrahit à possessione & non possessione, ut amor ; vel supponit non possessionem, ut desiderium, vel supponit possessionem, ut delectatio in bono possesso : Ergo nullus actus voluntatis est ipsa possessio : cum ergo beatitudo formalis sit ipsa possessio Dei, ex dictis, nullus actus voluntatis est ipsa beatitudo formalis. Minor est evidens : quia omnis actus voluntatis vel est amor, qui abstrahit à præsentia & possessione, & non præsentia & non possessione ; vel est desiderium, quod est de re absente & non possessa ; vel est delectatio, quæ supponit bonum posses-

438 *Secundum Doctrina*

sum; est enim quies in bono possessio, ut diximus in primo principio.

*Idem.*

Sequitur 735. Beatitudinem formalem esse actum intellectus.

Probatur sequela: Omnis actus creaturæ intellectualis ut sic est actus intellectus vel voluntatis, ut constat ex dictis in primo principio: Sed beatitudo formalis non est actus voluntatis, ex jam probatis: Ergo est actus intellectus.

*Ibid. 4. 8.*

Sequitur 736. Beatitudinem formalem esse de facto visionem Dei.

Probatur sequela: Perfectissima operatio intellectus est visio Dei: Sed beatitudo formalis est perfectissima operatio intellectus: Ergo beatitudo formalis de facto est visio Dei.

*Idem.*

Sequitur 737. Beatitudinem formalem ordinis naturalis, si creatura intellectualis non fuisset eleuata ad ordinem supernaturalem, fore eminentissimam contemplationem Dei, quanta poterat haberi in ordine naturali.

Probatur sequela: Perfectissima operatio intellectus intra ordinem naturalem est eminentissima contemplatio Dei, quanta haberi potest per naturam: Sed beatitudo formalis est perfectissima operatio intellectus possibilis intra ordinem naturalem: Ergo beatitudo formalis naturalis est eminentissima contemplatio Dei intra ordinem naturæ.

Sequitur 738. Beatitudinem formalem, in visione Dei sitam, esse eminenter formaliter speculatiuam & practicum. *Ibid. ar. 5*

Pobatur sequela: Operatio intellectus perfectissima circa primam causam, primam veritatem, & vltimum finem, est eminenter formaliter speculatiua & practica: Sed beatitudo formalis in visione Dei sita, est perfectissima operatio intellectus circa primam causam, primam veritatem, & vltimum finem: Ergo beatitudo formalis est eminenter formaliter speculatiua & practica. Major patet ex dictis in primo principio. Minor est euidens ex iam probatis.

Sequitur 739. Beatitudinem formalem esse aliqua ratione magis speculatiuam quàm practicam; quatenus per se primò terminatur ad primam veritatem. *Ibidem.*

Prob. sequela: Operatio intellectus per se primò terminata ad primam veritatem, est magis speculatiua, quàm practica: Sed beatitudo formalis est operatio intellectus per se primò terminata ad primam veritatem; quia, vt patet ex dictis, per se primò est actio intellectus quâ deus possidetur, qui est veluti per se primò ipsa veritas, cum sit primum intelligere & primum intelligibile absque ulla distinctione virtuali: Ergo beatitu-

do formalis hac ratione est magis speculatiua quàm practica.

Atque hinc habes neque in cognitione scientiarum speculatiuarum, neque in cognitione substantiarum separatarum posse consistere habitudinem formalem creaturæ cuiuscumque intellectualis.

*Idem.*

Sequitur 740. Beatitudinem formalem non esse tantum practicam per modum dirigentis, sed per modum iudicii ultimò practici.

Probat sequela: Cognitio quidditatiua & intuitiua summi boni non solum est practica per modum dirigentis, sed etiam per modum iudicii ultimò practici: Sed beatitudo formalis, cum sit visio Dei, est cognitio quidditatiua & intuitiua summi boni: Ergo est practica nedum per modum dirigentis, sed etiam per modum iudicii practici & ultimò practici.

*1.2.9 41  
271.*

Sequitur 741. Ad beatitudinem formalem ita consequi amorem Dei, ut non possit non sequi.

Probat sequela: Ad iudicium ultimò practicum non potest non sequi actus in voluntate conformis illi iudicio, ut patet ex dictis in primo principio: Sed beatitudo formalis est practica per modum iudicii ultimò practici: Ergo ad beatitudinem formalem non potest non sequi actus in voluntate cōformis illi iudi-

*D. Thoma Principium. 441*

cio distanti, amandum esse Deum, atque adeo non potest non sequi amor Dei.

Sequitur 742. Visionem in beatitudine esse potiore delectatione. *ib. 4. 3.*

Probatur sequela: Possessio obiecti beatifici potior est in beatitudine, quam quies in bono possesso: Sed visio, ex dictis, est possessio dei obiecti beatifici: & delectatio est tantum quies in bono possesso: Ergo visio est in beatitudine potior delectatione.

Sequitur 743. Ad beatitudinem requiri comprehensionem. *ib. 4. 3.*

Explicatur. Comprehensio aliquando sumitur pro cognitione rei quantum cognoscibilis est; & hoc sensu non sumitur, cum dicimus, comprehensionem esse necessariam ad beatitudinem: aliàs verò comprehensio sumitur, prout opponitur spei tendenti in aliquid, & desiderio, & prout idē est comprehendere, ac rem diu speratam, & prosecutione longa questam tandem tenere. Ex hoc.

Probatur sequela: Habere in potestate sua obiectum ad fruitionem eius cum securitate omnimoda, est necessarium ad beatitudinem: Atqui comprehendere nihil aliud est, quam voluntatem habere in potestate sua obiectum ad fruitionem eius cum omnimoda securitate: Ergo comprehendere necessariū est ad beatitudinē.

Sequitur 744. Hanc comprehensionē *In 4. 3.*

T 5

49. q 4. a. sic explicatam non esse ipsam visionem  
2. etiam ut reddit ipsum Deum præsentem.

Probaturs equela: Potestas fruendi  
obiecto præsentis per visionem non est  
ipsa visio etiam ut reddit Deum præ-  
sentem: Atqui comprehensio est ipsa po-  
testas fruendi Deo ut præsentis ex dictis:  
Ergo ipsa comprehensio non est ipsa visio.

Sequitur 745. Hanc comprehensionem  
*Ibid. a 3.* non esse ipsam fruitionem, prout est  
actus, quidam consequens ad visionem.

Probaturs equela: Potestas fruendi  
obiecto præsentis non est ipsa fruitio:  
Atqui comprehensio est potestas fruendi  
obiecto præsentis: Ergo comprehensio  
non est ipsa fruitio.

*Ibidem* Sequitur 746. Hanc comprehensio-  
nem esse habitudinem voluntatis, ut in-  
formata est charitate, ad ipsum Deum  
ut præsentem per visionem, quatenus  
ipsa voluntas habet potestatem & velu-  
ti dominium cum securitate omnimoda  
fruendi ipso.

Probaturs equela: Dominum, siue  
facultas nihil aliud est, quam habitudo  
ipsius potentie ad rem, cuius quodam-  
modo dicitur habere dominium: Sed  
comprehensio, de qua nunc agimus, est  
potestas siue dominium voluntatis res-  
pectu Dei præsentis cum securitate om-  
nimoda in ordine ad fruendum Deo:  
Ergo, comprehensio est habitudo volun-

ratis ad Deum ut præsentem; quàm habitudinem cum non habeat voluntas ex natura sua, sed quatenus est informata charitate, comprehensio est habitudo voluntatis ut est informata charitate.

Sequitur 747. Hanc habitudinem nõ esse formaliter eamdem cum habitudine eiusdem voluntatis ad fruendũ deo. *Ibidem*

Probatür sequela: Dominium siue facultas, quã obiectũ redditur veluti proprium cum securitate omnimoda in ordine ad fruendum, non est eadem habitudo formaliter ac ipsa habitudo fruendi: Sed comprehensio est dominium siue facultas, quã deus redditur ipsi beato proprius cũ securitate omnimoda, ut ex dictis patet: Ergo comprehensio nõ est eadem habitudo cum habitudine voluntatis ad fruendum. Major constat; quia dominium illud & facultas, quã obiectum redditur proprium cum securitate omnimoda, est quid prius actione immediata fruendi; ex eo enim, quòd aliquid meum est, oritur facultas fruendi aut utendi illo. Quare sicut iurisperiti duas veluti partes dominij assignant; proprietatem & usumfructum; ita nos in charitate patriæ duas veluti habitudines debemus distinguere in ordine ad Deum præsentem; primã est retentionis, quatenus ipse Deus ut bonum propriũ Beati tenetur ab ipsa voluntate beati;



Secunda est fruitionis, quatenus ex eo; quòd Deus ut bonū propriū sic tenetur resultat facultas fruendi ipso : prima est comprehensio; secunda est fruitio.

*Ibidem.*

Sequitur 748. Tres esse beatorum doctes, Visionēs, comprehensionē, fruitionē

Explicatur : In matrimonio tria considerantur; primò ipsa essentia matrimonij; secundò ipsa dos; tertio actus matrimonij. Essentia matrimonij consistit in traditione & acceptione iuris in corpora contrahentium; Dos est id, quòd datur sponso simul cum sponsa ad sublevanda onera matrimonij, & reddendum ipsum matrimonium non onerosum, sed suaue ac iucundum; vnde non debet conferri usque ad nuptias solemnes, quando sponsa in domum sponsi traducitur : Actus matrimonij sunt, qui ad matrimonium consequuntur. Quia ergo spirituale matrimonium contrahitur inter Deum & creaturam intellectualem per beatitudinem, ut concipitur completa, Deus tradit se ipsam eidem creaturæ, per ipsam actualem visionem; & creatura se ipsam tradit per amorem amicitie consummatum, & in hac mutua traditione consistit essentia huius matrimonij. Doctes autem debent esse aliquid datum, nõ quidem sponso, cui nihil necessarium est, sed ipsi sponsæ ut iucundum sit matrimonium : vnde definitur dos, ornatus ani-

æ, vitæ sufficiens, in æterna beatitudine perseverans. Actus vero huius matrimonij sunt ipsa visio, & delectatio siue fruitio.

*D Th. in  
4. dist. 49.  
q. 4. W.*

Observandum autem, non requiri in istis metaphoricis locutionibus, ut ipsa res, quibus metaphoræ applicantur, sint omnino similes: visio ergo, quatenus Deus per illam se tradit creaturæ, est ipsa essentia matrimonij spiritualis: amor amicitiae ipsius creaturæ ad Deum, quo ipsa creatura se totam tradit Deo, est ex parte creaturæ essentia matrimonij; lumen gloriæ quatenus ex ipso potest oriri visio, est dos: & similiter charitas non solum quatenus per illam creatura se tradit Deo, sed quatenus & ipsa habet quoddam dominium ad fruendum Deo ut præsentem, atque, ut sic loquar, quatenus Deum iam præsentem per visionem complectitur cum securitate tenendi ipsum in æternum, est dos, quæ vocatur comprehensio, & eadem charitas est etiam dos, quatenus dat inclinationem immediatam ad fruendum Deo.

Ex hac explicatione habes tres essedotes, non quidem omnino realiter distinctas, sed saltem formaliter, visionem videlicet, id est lumen gloriæ, & charitatem sub duplici diuersa formalitate facultatis tenendi, & fruendi, vnde

446. *Secundum Doctrinam*

etiā habes has tres dotes esse habitus, & nō actus ipsos. Cetera satis patēt ex istis.

Y. 2. q. 4.

4. 4.

Sequitur 749. Peccatum mortale esse omnino impossibile cum beatitudine formali.

Probatur sequela: Auerſio ab ultimo fine est impossibilis cum conuersione perfecta ad ultimum finem; sicut impossibilis est priuatio cum forma: Sed peccatum mortale ut sic est auerſio à Deo ut ultimo fine, ut postea ostendemus; beatitudo verò formalis est perfecta conuersione ad ultimum finem; cum sit eius possessio, ex dictis, nec possit dari perfectior conuersione ad finem, quàm eius possessio, ut est euidentius: Ergo peccatum mortale est impossibile cum beatitudine formali.

*Ibid.*

Sequitur 750. Etiam peccatum veniale esse impossibile cum beatitudine formali.

Prob. seq. Inordinatio in medijs ad ultimum finem est impossibilis cum possessione actuali ultimi finis: Sed peccatum veniale, ut infra ostendemus, est inordinatio in medijs ad ultimum finem; Beatitudo autem formalis est actualis possessio ultimi finis, ex dictis: Ergo peccatum veniale est omnino impossibile cum beatitudine formali. Maior est euidentius, quia qui semper actu tendit in ultimum finem,

& habet circa quodlibet obiectum iudicium ultimum practicum ordinans omnia ad ultimum finem, nequit appetere aliquid inordinatum vel præter ordinem ad illum finem; cum voluntas non possit ferri in incognitum, nec nisi secundum iudicium intellectus ordinantis.

Sequitur 751. Beatum non posse velle cessare à beatitudine formali.

Probatur sequela: Actus perfectè satiatus appetitus, siue qui est possessio obiecti perfectè satiati appetitus, est beatitudo formalis, ut ostensum est: Sed nullus potest velle cessare ab actu perfectè satiati appetitus: Ergo nullus potest velle cessare à beatitudine formali. Minor probatur: Qui vult cessare ab aliquo actu, ex aliquo iudicio præcedenti vult cessare, quo videlicet iudicat, in tali actu esse aliquid nocivum, vel indifferens; ut enim supra diximus omnis libertas voluntatis provenit ex iudicio indifferenti obiectivè: Sed nullum iudicium potest esse in beato, quo iudicet actum, qui est beatitudo, vel obiectum eius, habere aliquid nocivum, vel indifferens; cum per ipsam formalem beatitudinem continuò iudicet esse ibi omnimodam rationem boni, siue bonum perfectè satiativum: Ergo nullus beatus potest velle cessare ab actu beatifico.

1. p. q. 62.

a. 8. 1. p.

q. 63. a. 1.

q. 12. de

verit. a. 6.

q. 24.

a. 8.

3. con. gen.

cap. 62. &

4 cap. 92.

*Ibidem.*

Sequitur 752. In nullo beato esse potentiam proximam peccandi.

Probatur sequela: In eo, in quo non est potentia proxima cessandi ab aliquo, quod est impossibile cum omni peccato, non est potentia proxima peccandi, ut est evidens: Sed in nullo beato est potentia proxima cessandi à beatitudine formali, quæ impossibilis est cum quocumque peccato, ex dictis: Ergo in nullo beato est potentia proxima peccandi.

Explicatur: Potentia proxima cessandi à beatitudine, siue volendi cessare à beatitudine formali, consistit in potentia proxima iudicandi actum vel obiectum beatificum non habere rationem boni perfecte satiatiui: implicat autem, quod in beato sit talis potentia proxima ad huiusmodi iudicium; quandoquidem intellectus cuiuslibet beati ipsa evidentiâ obiecti & experienciâ convincitur obiectum habere omnimodam rationem boni, & possessionem talis obiecti esse perfecte satiatiuam appetitus.

*Ibidem.*

Sequitur 753. Nullam esse libertatem in beato respectu obiecti vel actus beatifici.

Probatur sequela: Vbi nullum est aut esse potest iudicium indifferens circa obiectum & actum, nulla est etiam libertas circa eadem: Sed in beato nul-

Ium est aut esse potest iudicium indifferens circa obiectum & actum beatificum: Ergo in beato nulla est libertas respectu obiecti vel actus beatifici. Explicatur: Libertas omnis oritur ex iudicio indifferenti circa obiectum, vel circa proprium actum; si enim obiectum iudicetur indifferens est libertas etiam quoad specificationem; si actus ille ob virtutalem reflexionem iudicetur indifferens, est libertas quoad exercitium, ut aliàs ostensum fuit in primo principio. Vbi autem obiectum habet & cognoscitur euidenter, habere omnimodam rationem boni, non potest iudicari obiectum indifferens: & vbi actus, quo obiectum habens omnem rationem boni attingitur, concipitur elarè, euidenter, & experientiâ ipsâ, esse perfectè satisfactorius, non potest iudicari actus ille ut indifferens: nulla ergo potest tunc esse libertas vel quoad specificationem, vel quoad exercitium.

Sequitur 754. Non posse fieri, ut amor Dei separetur ab actu visionis Dei. *ibidem.*

Probatur sequela: Amor non potest separari ab actu iudicij vltimò practicè practici, quo aliquod obiectum iudicatur amandum hic & nunc in exercitio: Sed, ex dictis supra, visio Dei est iudicium vltimò practicè practicum, quo

Deus ut ultimus finis iudicatur hic & nunc in exercitio supra omnia diligendus: Ergo non potest fieri, quod amor Dei separetur à visione Dei. Nec dicas Deum posse supposito tali iudicio velle denegare concursum ad amorem: hoc enim implicat; quia hoc ipso, quod Deus vult dare concursum ad iudicium ultimum practicum, vult etiam dare ad actum voluntatis, qui hoc iudicium concomitatur; sicut eo ipso, quod Deus vult dare concursum ad assensum præmissarum, vult etiam dare concursum ad assensum conclusionis; aliàs sibi ipsi esset contrarius: quando enim actus ita sunt connexi, ut unus trahat, atque, ut sic loquar, inuoluat necessario & veluti essentialiter alterum, Deus volendo unum vult alterum: Quare Deus non potest velle, ut homo velit, & quod non præcedat cognitio; nec potest velle, quod homo iudicet hic & nunc obiectum esse amandum, & quod illud non amet: superflua siquidem esset prior voluntas.

1. 2. 9. 5.

4. 4.

Sequitur 755. Beatitudinem semel habitam non posse amitti.

Probatur sequela: Bonum, quod excludit omne malum, & satiat totaliter appetitum, semel habitum non potest amitti; aliàs non excluderet malum illud, quod est periculum amittendi.

di, nec satiaret appetitum continuò possidendi bonum illud : Sed beatitudo est bonum excludens omne malum , & perfectè satians appetitum , ex dictis : Ergo beatitudo semel habita non potest amitti. Intellige semel habita per modum beatitudinis ; si enim non sit per modum beatitudinis , sed tantum per modum transeuntis , in quo non habet rationem beatitudinis , tunc potest amitti , aut saltem non continuari , ut patet in D. Paulo.

Sequitur : 756. Ad perfectam beatitudinem in homine requiri etiam corpus. 1.2. q. 4  
ar. 5.

Probatur sequela : Appetitu naturali anima cupit corpus sibi vniri ; cum anima sit essentialiter forma : Sed ad perfectam beatitudinem requiritur , quicquid anima cupit appetitu naturali ; Ergo ad perfectam beatitudinem requiritur corpus vniri animæ. Minor est evidens : quia perfecta beatitudo debet esse satiatiua appetitus.

Sequitur : 757. Ad perfectam beatitudinem requiri , quòd corpus participet de ipsa beatitudine. Ibid. ar. 6.

Probatur sequela : Appetitu naturali anima appetit corpus sibi vnitum se habere quàm optimè fieri potest iuxta statum , in quo est ; vnde dixit D. Paulus , quòd *nemo carnem suam odio habuit* : Sed ad perfectam beatitudinem 6. Al Eph.



requiritur quicquid anima cupit appetitu naturali, imo & appetitu elicitō rationali: Ergo ad perfectam beatitudinem requiritur in homine, quod corpus optimè se habeat iuxta statum beatitudinis, atque adeo quod corpus aliquid participet de ipsa beatitudine.

*In 4. dist.*

*44. qu. 2.*

*In 4. dist.*

*49 q 4 a.*

*5. q. 2.*

Sequitur 758. Corpus in beatitudine fore totaliter subditum animæ.

Probatur sequela: Anima rationaliter cupit corpus sibi esse totaliter subditum, ut constat; quia anima est perfectiua corporis; oportet autem perfectibile totaliter subiici perfectiuo: Sed ad perfectam beatitudinem requiritur, quod habeat quicquid rationabiliter cupit: Ergo ad perfectam beatitudinem requiritur, ut corpus sit totaliter subditum animæ.

*In 4. dist.*

*44. qu. 2.*

*ar. 1.*

Sequitur 759. Corpus in beatitudine fore impassibile.

Probatur sequela: Corpus totaliter subditum animæ beatæ est impassibile: Sed in beatitudine corpus debet esse totaliter subditum animæ beatæ: Ergo corpus debet esse impassibile: Maior constat; quia corpus non est passibile passione, quæ sit contra naturam, nisi quia corpus subijcitur alicui agenti contra inclinationem & dominium, quod habet anima in corpus.

*Ibidem.*

Sequitur 760. Hanc impassibilitatem

*D. Thoma Principium.* 453

Corporum in beatis consistere in hoc quod anima perfectissimè dominans supra corpus , ita temperet humores & qualitates in corpore existentes , ut nec ipsæ agant in se mutuò nisi iuxta præscriptum animæ , nec recipiant ab aliquo agente qualitates extraneas, ponentes extra debitam temperiem humores & qualitates corporis.

Probatur sequela : Tum quia hæc omnia requirit vera impassibilitas , ut per se patet ; Tum etiam quia hæc exigit perfectum dominium animæ supra corpus , ut humores ac qualitates contineat ad nutum , & externa nociua sua virtute impediat.

Sequitur 761. Hanc impassibilitatem *Ibidem* excludere omnem omnino alterationem partis vegetatiuæ , & actionem eius.

Probatur sequela : Alteratio partis vegetatiuæ non potest fieri sine passione contra naturam ; oportet enim quod calor naturalis alterando cibum, repariatur ut supponimus: Sed impassibilitas excludit omnem omnino passionem contra naturam , ex dictis : Ergo impassibilitas excludit omnem alterationem partis vegetatiuæ , atque adeo omnem actionem vegetatiuam.

Sequitur 762. Hanc impassibilitatem non excludere actionem partis sensitiuæ. *Ibidem*

Probatur sequela : Immutatio purē intentionalis non est immutatio contra naturam , atque adeo impassibilitas illam non excludit : Sed actio partis sensitivæ exigit tantūm immutationem purē intentionalem : Ergo actio partis sensitivæ ut sic non est immutatio contra naturam , atque adeo impassibilitas illam non excludit. Maior patet : quia immutatio purē intentionalis potius perficit sensum , neque necessariō habet annexam immutationem physicam, ut ostendimus in primo principio : unde constat etiam minor.

*In 4. dist.*

*44. q. 2. a.*

*2<sup>a</sup> qu. 3.*

Sequitur 763. In beatis omnes sensus posse esse in actu secundo , siue posse in illis esse sensationes omnium sensuum non obstante impassibilitate.

Probatur sequela : Quæ possunt esse sine passione contra naturam cum sola immutatione intentionali , possunt esse in beatis : Sed sensationes omnium sensuum possunt esse sine passione contra naturam cum sola immutatione intentionali : Ergo , &c. Maior & minor parent ex dictis.

Sequitur 764. De facto futuros omnes sensus in actu , & omnes sensationes , ita ut beati videant corporaliter , audiant, percipiant odorem , gustent, & turgent.

Probatur sequela : Quia istæ actiones

possunt ibi esse , vt probatum est , & naturaliter anima in corpore existens cupit delectationes harum actionum. Quare visus erit ibi subtilissimus , nec abundantia luminis siue claritas corporis impedit , quin percipiat per species in esse intentionali , imo valde iuuabit ; sicut videmus , quòd quò aër est magis illuminatus , eò perfectius potest recipere species : Auditus etiam ibi erit perfectissimus absque immutatione physica , cum ex aëre intra corpus innato possit formari vox , imò possit etiam dici , quòd poterit formari ex ipso cælo empyreo propter suam raritatem , vt docet D. Thom. quare sancti etiam voce corpora laudabunt deum. Odoratus ibi etiam erit sine fumosa exhalatione , quæ , vt aliàs diximus , non est necessaria. Tactus similiter ibi erit sine vlla alteratione physica. De gustu magis dubitat D. Thom. sed dici potest , vt ipse ait , fore intra corpora Sanctorum humorem sapidissimum , qui faciat sensum gustus in actu. Caue tamen ne hæc omnia ad illam impietatem deriuas , vt velis ibi esse paradysum Mahomeri.

*D. Thom. in 2. dist. 2 q. 2. a 2. ad 5.*

Sequitur 765. Corpus in beatitudine fore subtile.

*In 4. dist. 4. q. 2. a. 1.*

Probatur sequela : Corpus totaliter subditum animæ , debet esse subtile : Sed corpus in beatitudine erit perfectè ac

*2. q. 2.*

totaliter subditum animæ : Ergo erit subtile. Maior statim declarabitur ostendendo quid sit subtilitas.

*Ibid.* 4.3. 9.2. Sequitur 766. Hanc subtilitatem non esse virtutem actiuam, quâ corpus gloriosum possit esse penetratiuè cum alio corpore vel glorioso, vel non glorioso.

Probatur sequela : Nulla virtus actiua permanens potest esse in aliquo ad miracula patranda : Sed hoc, quod est duo corpora se se mutuò penetrare, est miraculum : Ergo nulla virtus actiua permanens potest esse in corpore glorioso ad penetrandum aliud corpus. Vel ergo subtilitas non est aliqua virtus actiua permanens in corpore glorioso, vel subtilitas non competit permanenter corporibus gloriosis: Atqui iam probatū est, quòd eis comperat: Ergo dicendum est, subtilitatem non esse virtutem actiuam ad penetrationem. Maior probatur : quia virtus ad patranda miracula, si esset permanens, esset omnipotentia, vt aliàs ostendimus. Minor probata fuit in primò principio.

*Ibid.* & 4. cont. gent. cap. 86. Sequitur 767. Hanc virtutem subtilitatis consistere in hoc, quòd corpus ad nutum animæ exhibebit se palpabile, vel impediet ne palpari possit.

Explicatur : Ad hoc quod corpus aliquod sit palpabile, non sufficit, quòd tangi possit ; nam aërem ipsum tangimus.

mus, & per tactum sentimus, & tamen non palpamus: quare ut aliquid sit palpabile debet resistere tangenti. Corpus ergo gloriosum habet quidem qualitates tangibiles, cum sit mixtum; sed habet illas tales, ut anima possit ad nutum impedire, ne huiusmodi qualitates immittant speciem in tactum, & similiter ne corpus resistat tangenti; ac per hoc subtilitas est etiam ex parte corporis dispositio, ut corpus possit esse in eodem loco cum alio corpore.

Probatur sequela: Corpus perfectè ac totaliter subiectum animæ, debet ei primò subijci ut materia formæ: Atqui subtilitas oritur ex eo, quòd corpus est perfectè ac totaliter subiectum animæ: Ergo oritur ex eo quòd est ei subiectum ut materia formæ. Materia verò subijcitur formæ ratione qualitaturn tangibilium, & ratione quantitatis; non quasi forma possit efficere, ut huiusmodi qualitates non sint in composito, cum sint necessariae dispositiones; sed quatenus forma perfectè subijciens sibi materiam impedit, vel impedire potest, ne huiusmodi qualitates & quantitas immittant sui speciem sensibilem. Sed quia anima non potest impedire ne materia affecta quantitate immitteret speciem qualitatis illius, quam vocamus densitatem, ratione cuius impeditur

aliud corpus ne subintret, hinc est, quod illa eadem subtilitas, quâ potest anima impedire qualitates tangibiles ne sentiantur, etiam disponit ipsum corpus ad hoc, ut ex miraculo, quod Deus est paratus semper præstare ad nutum animæ, possit penetratiuè esse in eodem loco cum alio corpore.

*In 4. dist.* . Sequitur 768. Corpus in beatitudine debere esse agile.

44. a. 3

92. c. 3.

Probatur sequela : Corpus perfectè subiectum animæ ut mobile motori, debet esse agile, hoc est, perfectè dispositum ad motum : Sed corpus in beatitudine erit perfectè subiectum animæ, etiam ut mobile motori : Ergo corpus in beatitudine erit agile, hoc est, perfectè dispositum ad motum. Maior patet : quia anima non vnitur corpori tantum ut forma, sed etiam ut motor : atque adeo anima perfectè sibi subiiciens corpus ac totaliter, debet habere corpus sibi subiectum ut mobile motori.

*Ibidem.*

Sequitur 769. Hanc agilitatem esse qualitatem supernaturalem, quam anima beata imprimet corpori, ad hoc ut ad nutum obediat non solum ad motum localem ; sed ad omnes omnino operationes partis sensitivæ, & alias, quas medio corpore anima voluerit exercere.

Probatur sequela : Anima vnitur ut motor corpori tamquam mobili non

*D. Thoma Principium. 459*

tantum in ordine ad motum localem, sed etiam ad alias operationes sensuum, ut patet: Atque in beatitudine ratione agilitatis corpus erit perfecte ac totaliter subiectum animæ ut motum motori: Ergo corpus ratione agilitatis erit subiectum animæ beatæ etiam in ordine ad alias operationes, & non solum ad motum localem.

Sequitur 770. Hanc agilitatem reducendam esse in actum tum per motum localem corporum beatorum, tum per alias operationes.

*Ibidem.*

Probatur sequela: quia aliàs esset frustra. Cave tamen, ne hinc inferas motum localem posse fieri in instanti: hoc enim ex natura motus repugnat, ut diximus in primo principio.

Sequitur 771. Corpus informatum animâ beatâ fore clarum & lucidum

*In 4. dist.*

*44. a. 4.*

*q. 3.*

Probatur sequela: Quod suo modo participat claritatem & lucem, est clarum & lucidum: Sed corpus informatum anima beata participat suo modo ab ipsa claritatem & lucem: Ergo erit clarum & lucidum. Maior est evidens ex terminis. Minor probatur: quia anima clara & illuminata lumine spirituali & supernaturali etiam ut forma, sicut ipsa est spiritualis *ut quod*, & sic recipit lumen illud spirituale tamquam subiectum *quod*; & tamen est corporalis *ut*



460 *Secundum Doctrinā*

*quo*, & sic ipsi corpori communicat esse corpus; illud informando; ita ubi recepit tamquam subiectum *quod* illud lumen spirituale ac supernaturale, ipsa quatenus corporalis *ut quo* fit potens ad communicandum & producendum in corpore sibi unito claritatem & lumen etiam corporeum.

*Abidem.* Sequitur 772. Lucem illam & claritatem corpoream esse supernaturalem ex causa, licet sit eiusdem rationis cum luce solis, & aliorum corporum.

Probatur sequela: Effectus, qui habet causam supernaturalem, est supernaturalis ex causa, licet in se sit eiusdem rationis cum simili effectu producto per causam naturalem, ut patet in visu restituto alicui cæco, sicut explicatum est supra, cum de miraculis actum est: Sed claritas ista & lumen est effectus ex causa supernaturali, scilicet ex beatitudine animæ: Ergo est supernaturalis ex causa, licet sit eiusdem speciei cum luce solis, &c.

*Abidem.* Sequitur 77. Lucem illam & claritatem eò esse maiorem, quò gloria animæ erit maior.

Probatur sequela: Causa lucis & claritatis in corporibus beatorum est lumen & gloria animæ, ex dictis: Sed eò maior est effectus, quò est maior & efficacior causa: Ergo eò erit maior hæc

claritas, quò gloria animæ maior erit.

Sequitur 774. Lucem hanc, & claritatem posse videri ab oculo non glorioso. *Ibidem.*

Probatur sequela : Lux eiusdem speciei cum luce solis potest videri à quolibet potentia visiva ; est enim lux per seipsam visibilis , ex primo principio : Sed lux corporum beatorum est eiusdem speciei cum luce Solis, &c. ex dictis : Ergo hæc lux poterit videri à quolibet potentia visiva , atque adeo ab oculo non glorioso.

Sequitur 775. Lucem hanc corporis gloriosi posse videri vel non videri, prout anima gloriosa voluerit. *Ibidem.*

Probatur sequela : Sicut enim diximus, quòd ratione subtilitatis anima poterit exhibere corpus suum palpabile , impediendo, vel non impediendo, quòd corpus immittat species tangibiles , eò quòd corpus , & omnia corporalia perfectè ac totaliter subdentur animæ ; ita etiam ob eandem rationem dicendum est de luce , utpote deriuata ab ipsa anima.

Sequitur 776. Lucem hanc & claritatem , quamvis futura sit multò maior claritate solis , non offendere visum, sed potiùs demulcere. *Ibidem.*

Probatur sequela : Quia agit actione animæ , hoc est, dependet ab anima ,

quæ illam applicare potest ut vult.

Ex his habes explicatas quatuor, quas vocant dotes corporis gloriosi. Ratio verò huius nominis patet ex dictis de dotibus animæ.

Habes etiam has dotes esse qualitates positivas, ut docet D. Thom. 1. p. qu. 97. ar. 1. & locis supra citatis.

*In 4. dist.* Sequitur 777. Animabus beatis esse  
*49. qu. 5.* gaudium speciale de insigni victoria  
*ar. 1.* quam reportarunt, iuxta maiorem vel minorem difficultatē in illa.

Probatur sequela: Ex inclinatione naturali est, quod homo gaudeat de operibus virtutum, præsertim heroicis & difficilibus; & hoc etiam spectat ad iustitiam Dei, ut det præmium speciale illis operibus: Ergo, &c. Hic agendum esset de aureolis: Sed quia hæc materia supponit quædam alia infra dicenda, supersedendum tantisper.

*1.2. qu. 4.* Sequitur 778. Ad beatitudinem illam  
*ar. 7.* perfectam non requiri bona externa, cuiusmodi sunt diuitiæ, cibi, vestes, &c.

Probatur sequela: Media & instrumenta non sunt necessaria ad propter finem; quia sunt tantum bona utilia in ordine ad acquirendum finem; unde illo adpropter cessat eorum utilitas, atque adeo bonitas, ut constat ex dictis in primo principio: Sed omnia huiusmodi bona externa sunt tantum media & instru-

*D. Thoma Principium* 463

menta ad vitam animale[m] necessaria, & ad acquirendum vltimum finem vtilia, vt est euident : Ergo, &c.

Sequitur 779. Societatem amicorum, famam, honorem, gloriam, &c. non esse de necessitate beatitudinis perfectæ, quamuis etiam non desit. *Ibid. ar. 3.*

Probatur sequela : Quia ista omnia bona non possunt esse necessaria fruendi Deo Patre, & Filio, & Spiritu sancto, tamquam amico, & summa apud ipsum gloria, existimatione, & honore : Deus tamen ex superabundanti dabit etiam societatem Angelorum, summam vnus apud alios existimationem, &c.

Sequitur 780. Possit creaturam intellectualem assequi beatitudinem. *1. 2. qu. 1.*

Probatur sequela : Creatura capax cognoscendi bonum perfectum & vniuersale, & appetendi illud, est capax beatitudinis ; quia ex dictis beatitudo est bonum perfectum & vniuersale : Sed creatura intellectualis est capax cognoscendi & appetendi bonum perfectum & vniuersale, vt constat ex dictis in primo principio : Ergo, &c. Adde quod diximus supra, possibile[m] esse visionem Dei, in qua ostendimus consistere beatitudinem.

Sequitur 781. Vnam creaturam intellectualem posse aliam esse beatio[re]m. *N. ar. 2.*

Probatur sequela : Visio clara Dei

# 464 *Secundum Doctrinā*

potest esse maior & perfectior in vna creatura intellectuali, quàm in alia, vt diximus supra : Sed beatitudo est ipsa clara Dei visio, vt etiam ostendimus : Ergo beatitudo potest esse maior in vna creatura intellectuali, quàm in alia.

15.4.3.

Sequitur 782. Nullum posse esse perfectè beatum in hac vita, iuxta viam ordinariam.

Probatur sequela : Visio clara Dei expellens omne malum, & satians totaliter appetitum, est beatitudo, ex dictis : Sed in hac vita non potest haberi visio clara Dei expellens omne malum, & satians totaliter appetitum, vt patet etiam ex alijs probatis : Ergo in hac vita non potest haberi beatitudo.

1 p. 9.62.

4.4.5.

Sequitur 783. Debere dari aliquam durationem antequam creatura intellectualis perueniat ad beatitudinem vt præmium.

Probatur sequela : Meritum non potest esse simul cum præmio ; quia meritum habet rationem viæ & tendentiæ ad præmium : Sed, ex dictis supra, creatura intellectualis debet per meritum acquirere beatitudinem vt præmium, saltem ordinariè : Ergo debet dari aliqua duratio, quæ sit veluti via ad beatitudinem vt præmium.

1.2. qn.5.

4.5.

Sequitur 784. Creaturam intellectualem non posse viribus naturalibus

*D. Thomæ Principium. 465*

assequi beatitudinem supernaturalem.

Probatur sequela : Beatitudo perfecta est visio clara Dei , vt ostensum est : Sed per vires naturales nulla creatura potest assequi visionem claram Dei , vt diximus supra : Ergo per vires naturales nulla creatura intellectualis potest assequi beatitudinem.

*Ibid. a. 6*

Sequitur 785. Beatitudinem perfectam nullius alterius creaturæ viribus ab vlla creatura acquiri posse.

Probatur sequela : Quod est simpliciter supernaturale , nullius omnino creaturæ viribus haberi potest , vt patet ex ijs , quæ diximus supra de supernaturalitate : Atqui Beatitudo perfecta siue visio clara Dei est simpliciter supernaturalis , vt ibidem ostendimus : Ergo beatitudo perfecta nullius creaturæ viribus haberi potest.

*Ibidem?*

Sequitur 786. Beatitudinem perfectam haberi non posse sine aliquo dono Dei gratuito & supernaturali.

Probatur sequela : Quod potest haberi , nec tamen haberi potest viribus naturæ , debet haberi ex aliquo dono Dei gratuito & supernaturali : Sed , ex dictis , beatitudo potest haberi , & non ex viribus naturæ : Ergo debet haberi ex aliquo dono Dei gratuito & supernaturali.

*1. 2. q.*

Sequitur 787. Hoc donum gratui-

*110. a. 13*

tum & supernaturale rectè vocari gratiam.

Probatur sequela : Quod gratis datur, & gratum facit & acceptum in ordine ad perfectam beatitudinem, rectè vocatur gratia : Sed hoc donum gratuitum, quò potest haberi perfecta beatitudo, gratis à Deo datur ; & gratum facit atque acceptum ad hanc beatitudinem : Ergo rectè vocatur gratia. Maior patet : quia & ex eo, quòd gratis datur, & ex eo, quòd gratum faciat, rectè gratia dicitur. Minor patet ex dictis : quia donum illud, cum sit gratuitum, & indebitum naturæ, utpote supernaturale, debet gratis dari, & cum ratione illius ad beatitudinem quis peruenire possit, debet etiam gratum facere coram Deo auctore beatitudinis.

Sequitur 788. Hoc donum debere esse participationem formalem alicuius propriè ac formaliter existentis in Deo, quod sit proprium ipsi Deo.

Probatur sequela : Omne supernaturale simpliciter debet esse participatio formalis alicuius propriè & formaliter existentis in Deo, quod sit proprium ipsi, ut supra probatum est : Sed hoc donum est simpliciter supernaturale, ut constat ex dictis : Ergo hoc donum, quod vocamus gratiam, debet esse par-

icipatio formalis alicuius &c.

Sequitur 789. Hanc gratiam debere esse participationem formalem naturæ Diuinæ.

1. 2. q.  
100 4. 2.  
praesertim  
ad 2.

Probatur sequela : Primum donum supernaturale , quo fit, vt creatura intellectualis connaturaliter operetur varias operationes supernaturales & diuersæ quodammodo speciei , debet esse participatio formalis naturæ Diuinæ : Atqui gratia ista gratum faciens est primum donum supernaturale , quo fit vt creatura intellectualis connaturaliter operetur operationes supernaturales , quibus tamquam meritis perueniat ad beatitudinem , & quæ sunt diuersæ quodammodo speciei : Ergo gratia ista debet esse participatio formalis naturæ Diuinæ. Maior patet : quia vt aliquod agens connaturaliter operetur, debet operari conformiter ad naturam aliquam in eo existentem , aliàs reuera non connaturaliter operaretur : natura autem supernaturalis non potest esse in vlla creatura intellectuali substantialiter , vt supra ostensum est ; sed tantum accidentaliter & per participationem : Ergo quod dat esse principium connaturale operationum supernaturalium, debet esse participatio naturæ supernaturalis substantialis , quæ est sola Diuina natura. Ex quo fit , quòd sicut ope-



468 *Secundum Doctrinam*

rari sequitur ad esse; ita operari, supernaturaliter per participationem, sequitur ad esse supernaturale, siue ad naturam supernaturalem per participationem, hoc est, ad participationem naturæ Diuinæ. Minor etiam est euidentius ex dictis

Hinc habes gratiam esse perfectissimum ens quantum ad rationem formalem, non quoad modum, quia non est substantia, nec subsistit, sed est accidens. Visio tamen beatifica est perfectior, quia magis actualis, quia est finis.

1. 2. 9. Sequitur 790. Hanc gratiam distinguere à virtute operatiua.  
110. 4. 3.

Probat sequela: Participatio formalis naturæ Diuinæ distinguitur à participatione formali virtutis operatiuæ; quamuis enim in Deo natura & virtus sint idem, non tamen potest fieri, quod creatura participet vtramque rationem per vnā & eandem rem creatam: tum quia quæ sunt vnita in superioribus, sunt dispersa in inferioribus, tum & maximè, quia quæ habentur per participationem, finito & limitato modo habentur; quando verò natura & virtus immediate operatiua idem sunt, non modo limitato, sed illimitato perfectio habetur, ut aliàs demonstratum est.

*Vide* Sequitur 791. Hanc gratiam distinguere à charitate.

*D. Thoma Principium.* 469

Probatur sequela : Quod distinguitur à virtute immediatè operatiua, etiam distinguitur à charitate; quia charitas est virtus : Sed gratia, ex dictis, distinguitur à virtute operatiua : Ergo distinguitur à charitate.

Sequitur 792. Hanc gratiam subiectari in ipsa essentia creaturæ intellectualis. *Ibid. n. 4.*

Probatur sequela : Qualitas spiritalis distincta à virtute debet subiectari in essentia creaturæ intellectualis : Sed gratia est qualitas spiritalis distincta à virtute : Ergo subiectatur in essentia animæ. Maior patet : quia in creatura intellectuali non sunt nisi essentia & potentia, vt patet ex dictis supra in primo principio. Minor verò constat ex iam dictis.

Ex dictis hucusque habes, gratiam ita esse vnā specie, vt non possint dari duæ gratiæ habituales specie distinctæ : quia est participatio naturæ Diuinæ secundum vnā & indiuisibilem rationem, vt satis constat ex dictis.

Sequitur 793. Primum effectum formalem huius gratiæ, de qua loquimur, esse constituere creaturam intellectualem gratam Deo. *1. 2. q. 110. a. 1.*

Probatur sequela : Primus effectus formalis cuiuslibet formæ est ille, qui ipsi per se primò correspondet, nec po-

rest separari ab ipsa ; quia ut sapius diximus , primus effectus formalis est ipsa forma ut communicata subiecto : Atqui constituere subiectum gratum per se primò correspondet gratiæ , nec potest ab illa separari ; est enim ipsa gratia ut communicata subiecto : Sicut ergo constituere album est primus effectus formalis albedinis , ita constituere gratum est primus effectus formalis gratiæ.

*Ibid.*

Sequitur 794. Secundum effectum formalem gratiæ esse constituere subiectum filium adoptivum Dei.

Probat sequela : Participatio naturæ Divinæ constituit filium adoptivum Dei ; sicut enim communicatio naturæ substantialis constituit filium naturalem ; ita communicatio participationis accidentalis naturæ constituit filium per participationem siue adoptivum : Atqui gratia est participatio formalis naturæ Divinæ , ex dictis : Ergo gratia constituit filium adoptivum.

Aduerte autem , quòd licet nos explicemus & deffiniamus gratiam per hoc , quòd sit participatio naturæ Divinæ , quia per hoc innotescit meliùs ipsa quidditas gratiæ , nihilominus hæc non est per se primò & formalissimè ratio gratiæ , sed gratum facere . Verumtamen , quia nihil gratum potest esse

*D. Thoma Principium.* 471

Deo & connaturaliter acceptum ad fruendum ipso Deo, nisi Deus vel per essentiam vel per participationem, inde est, quod forma faciens eo modo gratum, etiam debet tribuere participationem naturæ, & ex consequenti relationem & denominationem filiationis adoptivæ, nisi illa supposito repugnet, ut aliàs dicemus.

Sequitur 795. Gratiā constituere etiam amicum Dei. *Ibidem.*

Probatur sequela: Gratia constituens gratum, constituit etiam amatum à Deo; adiuncta verò charitate, constituit etiam amantem ipsius Dei; charitas siquidem est amor Dei: Sed ex his duobus resultat esse amicum Dei; amicitia siquidem, ut aliàs diximus, est mutuus amor cognitus: Ergo gratia unā cum charitate constituit amicum Dei.

Sequitur 796. Hanc Dei amicitiam cum creatura intellectuāli non posse esse sine aliqua positiva qualitate permanente ab ipso Deo productam in illa creatura. *Ibidem.*

Probatur sequela ex dictis supra cum de voluntate Dei ageretur: diximus enim quod voluntas Divina est causa totius bonitatis, atque adeo amor, quo Deus diligit, non supponit bonum in re amata, sed facit: Ergo dum Deus diligit creaturam intellectuālem, produ-

472 *Secundum Doctrinā*

cit in ea bonum, quo creatura fiat diligibilis & grata Deo. Sed dum Deus diligit creaturam in ordine supernaturali, non producit in ea dumtaxat bonum aliquod naturale; per hoc enim bonum non redderetur grata & accepta supernaturaliter, ut est evidens: Ergo producit in ea bonum aliquod supernaturale: Sed non substantiale; quia, ut ostendimus, non potest dari substantia supernaturalis: Ergo producit in ea bonum supernaturale accidentale, siue quod est accidens. Sed accidens illud non est quantitas, cum sit quid spirituale; non potest etiam esse relatio, quippe quæ non per se producitur; nec actio aut passio, quia non est cum motu, & quia Deus non agit actione formaliter transeunte, ut aliàs probatum est; & multò minus potest esse aliquod aliud accidens ex quatuor ultimis prædicamentis, quia quodlibet ex illis est quid materiale, ut constat: Ergo debet esse qualitas. Non est autem potentia, quæ dimanet naturaliter ab essentia; nec passio, vel patibilis qualitas, vel figura, quia ista materialia sunt: Ergo est positiua qualitas, scilicet habitus, atque adeo aliquid permanens. Confirmari potest: quia quando pueri baptizantur, hæc qualitas infunditur; aliàs non possent esse amici Dei, neque

hæredes regni cælestis : Dicere autem, ut quidam hæretici somniant , quòd vsus rationis acceleretur in paruulis , quò possint actu diligere Deum , & sic saluari , est quid omnino fictitium , & fabulosum ; cum ad tuendam doctrinam de aliqua re ordinaria recurrant ad miracula. Dicendum ergo est gratiam esse qualitatem permanentem in creatura intellectuâli, eique inhærentem, & à Deo productam , per quam , ut diximus, sit grata Deo , & particeps naturæ Diuinæ : hoc enim exigit ratio amicitie , ut scilicet amicus communicet de bonis proprijs ipsi amico , atque adeo cum bona propria Dei sint supernaturalia , ut ostendimus , amicitia Dei erga creaturas intellectuâles, exigit quòd eis communicet bona supernaturalia. Hoc verò ut fiat connaturaliter , primum debet communicare participationem naturæ , ut dictum est. Hæc omnia voluimus vno discursu exhibere , ut melius intelligerentur.

Sequitur 797. Hanc gratiam sanctificare creaturam intellectualem. *Ibidem*

Probatur sequela : Participatio formalis naturæ Diuinæ formaliter sanctificat subiectum , in quo est : Sed hæc gratia est participatio formalis naturæ Diuinæ : Ergo formaliter sanctificat creaturam intellectualem , quando in

## 474 *Secundum Doctrinā*

ea est. Maior est evidens : quia natura Diuina est ipsa sanctitas per essentiam.

1.2.9.113. Sequitur 798. Hanc gratiam formaliter expellere peccatum, si reperiatur in subiecto, in quo ponitur.

4.1.

Probatur sequela : Quod formaliter sanctificat, formaliter expellit peccatum : Atqui hæc gratia formaliter sanctificat : Ergo formaliter expellit peccatum. Maior patebit infra, cum explicabimus quid sit peccatum. Minor est certa ex dictis : quia participatio naturæ Diuinæ, quæ gratum facit formaliter etiam sanctificat.

1.2.9.110. Sequitur 799. Hanc gratiam habere secum annexas plures virtutes eiusdem ordinis supernaturalis, tamquam radicem earum.

4.3. & 4.

Probatur sequela : Participatio formalis naturæ Diuinæ debet habere secum annexas plures perfectiones & virtutes ordinis supernaturalis tamquam radix earum : Sed gratia est participatio formalis naturæ Diuinæ, ut diximus : Ergo debet habere secum annexas plures perfectiones & virtutes, &c. Maior constat, quia in hoc vel maximè qualitas aliqua potest esse participatio naturæ Diuinæ, quod sicut natura Diuina est radix attributorum & perfectionum Diuinarum; ita qualitas illa sit radix per-

icipationis earumdem perfectionum, quæ participatio importat virtutes: præcipuè verò gratia debet esse radix charitatis, ut contrahatur vera amicitia inter creaturam intellectualem & Deum, sicut iam explicatum est.

Sequitur 800. Hanc gratiam, debere *12. q. 110.*  
secum trahere aliquam cognitionem su- *4.4.*  
pernaturalem, siue aliquem habitum,  
quo cognoscatur Deus ut auctor & finis  
supernaturalis.

Probatur sequela: Quod trahit virtutem dilectiuam, debet simul trahere vel supponere virtutem cognoscitiuam; quia nihil volitum, quin præcognitum, ut in primo principio probatum est: Sed gratia trahit charitatem, quæ est virtus dilectiua Dei ut auctoris & finis supernaturalis: Ergo gratia debet trahere vel supponere virtutem aliquam cognoscitiuam Dei ut auctoris & finis supernaturalis.

Sequitur 801. Hanc gratiam debere *Ibid.*  
habere secum vel fidem vel lumen gloriæ.

Probatur sequela: Omnis virtus cognoscitiua Dei, ut auctoris & finis supernaturalis vel est fides, aut lumen gloriæ, vel supponit fidem aut lumen gloriæ: Sed hæc gratia debet secum habere virtutem aliquam cognoscitiuam Dei ut auctoris & finis superna-



## 476      *Secundum Doctrinam*

turalis : Ergo vel fidem vel lumen gloriæ. Maior patet : quia omnis virtus cognoscitiva dei ut finis supernaturalis, vel facit claram cognitionem, vel non claram : si facit claram, est lumen gloriæ ; si non claram, est fides. Ut autem ista melius percipiantur, ex altiori principio repetenda sunt. Verum, ne volumen istud nimium excrescat, in secundam partem ista, quæ consequuntur, remittimus.

# FINIS.





